

曾国藩作品集

曾国藩文集
三

中华古典精华文库

曾国藩文集

三

目录

军事篇

242、即令鲍军进攻孝陵卫.....	001
243、古人用兵最贵变化不测.....	002
244、派程尚斋至江西设局督销.....	003
245、欲保“棋”姑且先丢一“子”.....	004
246、青阳大捷解围洵属天幸.....	006
247、用劈山洋枪足以制敌.....	007
248、杉条大炮等二日内准可起行.....	008
249、苏州克复投城者十余万人.....	009
250、专意守营亦制胜之一法.....	010
251、少荃克苏州后迄未来信.....	011
252、溧水失守乃谣传.....	012
253、议大炮之利弊.....	013
254、不必合围太平与神策.....	014
255、已将苗党诛戮殆尽.....	015
256、连日大雪调军未成.....	016
257、只求败贼不至江西则大局日稳.....	017
258、金陵合围望加倍小心.....	018
259、战事了结再办流寇.....	019
260、常州克复广德州之贼已退遁.....	021

261、湖北发捻交集甚为震恐.....	022
262、克复金陵须稳固图之.....	023
263、湖州广德未克日内必有大变.....	024
264、务望安闲泰定竟此全功.....	025
265、抚州十八早解围.....	026
266、闻江西省城人心惊惶.....	027
267、金陵敌军外援已断粮未断.....	028
268、弟勤劳报国其后必大.....	029
269、十六日午刻克复金陵.....	030
270、金陵克后不知如何情形系念之至.....	031
271、始知金陵内城未破.....	032
272、雒河集营盘被发捻围困.....	033
273、淮勇诸将刘铭传为首选.....	034
274、捻军有劲骑万余飘忽难制.....	035
275、贼窜山东后蹂躏曹州各县.....	036
276、徐州只可守不可战.....	037
277、鄂事日坏粤事已好.....	038
278、知弟间鄂履任至以为慰.....	039
279、潘琴轩在郢城获胜.....	040
280、捻军偶尔交锋便凶狠异常.....	041
281、捻匪张总愚一股思渡运河.....	042
282、胜后不宜猛追.....	043
283、间弟近日辛苦示养生五诀.....	045
284、济宁至临淮一带大水.....	046
285、捻贼复犯山东.....	047
286、捻军西路犯宜阳东路攻运河.....	048
287、打捻要能走得快打得稳.....	049

288、切不可藐视客军.....	050
289、百战之寇竟屡衰屡盛.....	051
290、已派刘松山自洛阳援秦.....	052
291、析捻军长技与短处.....	053
292、两军相对衰者必胜.....	054
293、拟于初十外移驻金陵.....	055
294、沅弟治军甚不得手.....	056
295、太平军水陆进犯.....	057
296、持家守身之道.....	059
297、青山之战大捷.....	061
298、得绅倾诚输助军饷可充裕.....	063
299、让敌自创则反攻更易.....	065
300、总宜平心静气稳稳办去.....	066
301、急增兵勇重振孤军.....	067
302、答景德镇遣兵之法.....	069
303、屡败屡战各处军事皆不甚得手.....	071
304、欲援军太湖助声威.....	073
305、官军三万似尚不足制贼.....	075
306、战事胜败交叠波澜四起.....	076
307、克复浙江人心大定将进围安庆.....	078
308、苏州危如累卵杭州亦恐复失.....	079
309、未援宁国遭谤议.....	080
310、骄奢淫佚四字惟首尾二字尤宜切戒.....	081
311、目下不可言战但能勉守.....	082
312、太平军已退离太湖.....	083
313、寿州失陷.....	084
314、望沅弟正月到皖则余不甚失信.....	085

315、粮运既通当无他虑.....	087
316、饷项之绌足令英雄短气.....	088
317、兼顾淮北余力不从心.....	089
318、速送军饷稍济眉急.....	090
319、死于金陵不失为志士.....	091
320、克城迟早有天定不关人谋.....	092
321、莫贪功求速成.....	093
322、雪深四尺军士极苦.....	094
323、金陵之胜势在必得.....	095
324、合围金陵由弟出马.....	096
325、攻城专在稳慎二字上用心.....	097
326、我军不必出壕仅稳稳为自守计.....	098
327、为兄已裁兵勇五万.....	099
328、安知大堞之后无大伸之日那？.....	100
329、余堪忧军中士卒染病.....	101
330、洪秀全之尸已挖出亲验.....	102
331、看伪天王府等处.....	103
332、李秀成已于初六正法.....	104
333、李臣典初二日亡故.....	105
334、令人带回李秀成之供词.....	106
335、近日将返金陵.....	107
336、改驻临淮以解皖北之危.....	108
337、欲于七月往徐州.....	109
338、敌凶焰日长余安之若素.....	110
339、余核改水师章程将完竣.....	111
340、颇虑捻军过运河.....	113
341、今观天津兵勇操练.....	114

342、内湖水师久未开仗.....	115
343、吉安敌军死守孤城无路逃.....	117
344、为兄力不从心望弟助仗.....	119
345、浙中敌军溃败.....	120
346、调军入闽肃敌.....	121
347、新城之战杀敌万余.....	122
348、飞速截剿“南安之贼”.....	123
349、叔父致疾实增焦灼.....	125
350、江浙军事大变.....	126
351、拨营南渡力保江西两湖.....	128
352、将出兵祁门.....	129
353、士卒顶暑备战.....	130
354、近军事颇顺.....	131
355、安庆军事甚为顺手.....	132
356、南事似有转机.....	133
357、徽州日内危急极以为念.....	134
358、安庆旱后遭涝.....	135
359、巡视盐河建新城.....	136
360、敌已派大兵攻城.....	137
361、闻忠王传令救苏州.....	138
362、沅弟攻克雨花台石垒.....	139
363、寿州久未解围.....	140
364、江西一律肃清惟兵勇病痛尚多.....	141
365、发逆稍衰苗逆方盛良可虑也.....	142
366、探称洪秀全自誓城破自焚.....	143
367、陈玉成党数酋坚请投诚.....	144
368、余偶有忿怒之事沅反作书来劝.....	145

369、撤勇极多欠饷难清.....	146
370、欲与弟共筹引退之法.....	147
371、恐前后受敌望速援湘勇.....	148
372、霜降水涸运黄均可虑.....	149
373、余深可忧灼军事连败.....	150
374、论打仗之道.....	151
375、贼围宁国余兵未齐不能往救.....	153
376、浙事危险之至屡求救援力不能及.....	154
377、欲二月赴金陵.....	156
378、青阳危在旦夕殊难保全.....	157
379、焦虑久旱不雨及筹饷之事.....	158
380、淮军入鄂请弟殷勤款接.....	159
381、长江水师外间啧有烦言.....	160
382、龙阳之败不为大挫.....	162
383、凤山之勇可爱可敬.....	164
384、罗山出兵四战四捷.....	166
385、可用小划子眩惑贼兵眼目.....	167
386、内湖水师船炮俱精少得力营官.....	168
387、扎营不可离城太近.....	169
388、可令投营者试打两仗.....	170
389、根株不稳一枝折而众叶随之.....	171
390、带勇之法以体察人才为第一.....	173
391、李次青实不可及.....	175
392、卿云适宜任总查等杂职.....	177
393、次青乃非常之才.....	178
394、余前有信求润公保次青.....	180
395、此次之出脚踏实地求精不求阔.....	181

396、稽查名员颇难公明之选.....	183
397、与温弟约在巴河相会.....	185
398、次青得展久屈之志.....	186
399、老湘军痛失刘帮办.....	187
400、盼弟至建昌一会.....	189
401、闻弟已到宜黄.....	190
402、中营兵勇听弟自为酌裁.....	191
403、望弟中途与兄晤.....	192
404、吉字中营余意欲酌留.....	193
405、和气致祥乖所致戾果有明征.....	194
406、派太守在营看操为沅弟分劳.....	196
407、望澄弟尽心操办团练.....	197
408、温弟之子将得恩典.....	199
409、派人在衡州坐探.....	200
410、江楚扎营之地绘一全图寄来.....	201
411、派兵四千回援宝庆.....	202
412、因故未能入蜀.....	203
413、细察湘勇柔脆实难北征.....	204
414、保举一单武职全准.....	205
415、若失浙江则大局难挽.....	206
416、余欲带万人渡江.....	207
417、在湖南募新勇二万人.....	209
418、弟应密察军中新手之心.....	210
419、不惜重本办马队志在办成一事.....	211
420、苦无可调之军.....	212
421、欣闻长壕已掘成.....	213
422、宁国被围紧急如故.....	214

423、嘉兴一军全数溃败.....	215
424、余新接皖南军务.....	216
425、知宁国府失守之信.....	217
426、围安庆恐有意外之虞.....	218
427、速请希庵来援徽州.....	219
428、最怕敌军断祁门后路.....	220
429、次青已大败出城.....	221
430、安庆不宜撤围.....	222
431、可采坚守静待法攻敌.....	223
432、虑赣南之敌窜来.....	225
433、贼若来扑当坚守不出.....	226
434、新军当大敌不知足以自立否.....	227
435、欲弃建德而不守.....	228
436、婺源之贼窜往德兴.....	229
437、安危变化三日内可决.....	230
438、天下虽乱但法不可废.....	231
439、新勇五百退悍贼三千.....	232
440、合议安庆守壕之法.....	233
441、闻鲍军大获全胜.....	234
442、攻克安庆须以坚静二字持之.....	235
443、鲍军追贼至牯牛岭.....	236
444、余欲拨军援祁门等处.....	237
445、江省全局散漫思之喟然.....	238
446、余调鲍军赴江西会垣.....	239
447、现应以严断文报为第一义.....	240
448、弟第一军关系天地剥复之机 无以武汉有疏而遽为震摇.....	241

449、	榉根岭之贼破卡而入.....	243
450、	安庆不怕柴狗子只怕洋鬼子.....	244
451、	诸军欲攻打徽州.....	246
452、	未经大战者不能守.....	247
453、	伪侍王股匪虽悍当足御之.....	248
454、	景镇克复难民来者纷纷.....	249
455、	伪侍王鼠窜而去.....	250
456、	人少无益危迫之际 多来一人军心一壮.....	251
457、	安庆得失关系天下之安危.....	252
458、	欣闻安庆稳守无虞.....	253
459、	吾命千人守九江.....	254
460、	余送鲍公渡江缓急听其主之.....	255
461、	千人留驻石牌足矣.....	256
462、	置万人于累卵之危无不思援之理.....	257
463、	已飞函催鲍进军.....	258
464、	凡察敌势只宜一人独往.....	259
465、	诸酋不和官军之利.....	260
466、	解围与否事关重大.....	261
467、	弟命进扎大桥头似不妥.....	263
468、	大雨乃助王师之时雨.....	264
469、	书义堂千人果拨至西北否.....	265
470、	气象大殊不利军事.....	266
471、	敌之凶悍倍于往年.....	267
472、	议撤兵设兵之事.....	268
473、	定节后剿敌.....	269
474、	望察伪英王所为.....	270

475、嘱霆营坚筑工事.....	271
476、四垒既破安庆有望克复.....	272
477、忧新营为敌所克.....	273
478、论兵事宜从大处分清界限.....	274
479、不调鲍军回头有因.....	276
480、左军分剿建德穷寇异常.....	277
481、任贼诱战搦战不与交战.....	278
482、应以静待敌伺机而动.....	279
483、调鲍军回南余问心无愧.....	281
484、南岸兴国克复鄂境已无一贼.....	282
485、命鲍军折回九江速救江西.....	283
486、闻东征局已送饷与弟.....	284
487、已命成军蹙剿太湖之贼.....	285
488、敌洋枪较多而本领无增.....	286
489、若未及时援兵乃为吾责.....	287
490、安徽切望鲍军相援.....	288
491、卯刻克复安庆以为非常祥瑞.....	289
492、战后以防守江面为宜.....	290
493、攻无为州当所向披靡.....	291
494、水师小胜后一派骄躁.....	292
495、克复运漕镇乃贼之脏腑.....	293
496、布署各营之归属.....	294
497、望谋保上海之法.....	295
498、石达开又窜出广西.....	296
499、实忧运漕前线无人率.....	297
500、近日徽州被围.....	298
501、马队营制太宽而近于滥.....	299

502、以坚守为主不必遽图进剿.....	300
503、望细细审量全军粮路.....	301

从 政 篇

1、蒙皇上破格天恩从四品骤升二品.....	302
2、超升内阁学士顾影扪心实深渐悚.....	304
3、蒙皇恩得派武会试正总裁.....	306
4、日内忙冗几于刻无暇晷.....	308
5、今年大京察余得补缺.....	309
6、颇望得江西主考私愿不遂.....	311
7、皇太后大丧余乃礼部之臣职应专管.....	312
8、皇恩浩大益当尽忠报国.....	313
9、余兼署刑部右侍郎.....	316
10、户部日见支绌内库仅余六百万.....	318
11、造清册不宜太草率.....	320
12、袁漱六特旨放苏州知府.....	321
13、皖南百姓皆食人肉.....	322
14、言盐务之利弊.....	323
15、西北劫数方兴未艾.....	325
16、欲征重税于私盐.....	326
17、日内拟定盐务新章.....	328
18、余之主意重在商运.....	329
19、关联盐务须全盘商议.....	330
20、小军机无应酬馈赠真一步不可行也.....	331
21、谕祭文到日遣官致祭.....	332
22、江西绅民怨我.....	334

23、劝弟不可干预公事.....	335
24、平顺之际应作衰时设想.....	337
25、疏浚秦淮河已过半.....	338
26、僧格林沁在郾城阵亡.....	339
27、盐法不便民者仍多.....	340
28、为官不可以不正道求名.....	341
29、顺斋一案请弟暂办.....	343
30、讼案胜后定留后患.....	344
31、余以将退之人不愿与人争竞.....	345
32、荒年虽有仁心惠政无可施处.....	346
33、徐兄欲与吾共商进退之法.....	347
34、仕途巨细皆关时运.....	349
35、近来每日习中冗不多看书.....	351
36、庶几持盈保泰得免速致颠危.....	352
37、吾家皆封正四品.....	354
38、今年不得差家中气运不致太泄.....	356
39、今年气象昌泰为国家之福.....	357
40、督改长郡馆众拍案称奇.....	359
41、为宗室顺天举人复试阅卷.....	360
42、畏宦途风波之险思及早抽身.....	362
43、闻余蒙恩赏加宫保.....	363
44、居官则为溺职之员不仕又无善退之法.....	364
45、余封为侯沅叔封为伯.....	365
46、回程中改定江西讼案奏折.....	366
47、江西讼案奏折已脱稿.....	367
48、望免征广东厘金.....	368
49、门第鼎盛须重礼节.....	369

50、余欲上疏请辞各职.....	370
51、须时时作罢官衰替之想.....	372
52、平日吾毁誉参半未必获辞.....	373
53、尔沅叔构怨颇多仕途易逢荆棘.....	374
54、朝廷恩重念请开缺难于下笔.....	375
55、创办机械局为中国自强之本.....	376
56、京中向系虚文应酬全无真意.....	377
57、余生平最怕以势利相接.....	378
58、永定河工程已合.....	380
59、闻南三府饥民思乱.....	381
60、定于次日回署衙.....	382
61、久旱不雨官民惶惶.....	383
62、赴津查殴毙洋人案兼附遗嘱.....	384
63、天津土民与洋人两不相下.....	387
64、不得不勉从以全大局.....	388
65、力求和局必见机于清议 果能遏兵即招谤亦听之.....	389
66、死生置之度外徐俟其至而已.....	390
67、天津洋人案竟无善策.....	392
68、前为崇公所误失之太软后当自主.....	393
69、英国公使来京.....	394
70、与外国人交涉别有一副机智肺肠.....	395
71、余坚执不允处死府县官.....	396
72、余寸心负疚卧病不起.....	397
73、正法人犯仍难了结天津案.....	398
74、名已裂矣不复深问耳.....	399
75、总署催余缉凶提解府县.....	400

76、保定和局即失民心所全犹大.....	401
77、近缉犯人八十期速讯毕奏结.....	402
78、恭辞两江新任.....	403
79、天津案未了余难抽身.....	404
80、天津教案定九月结案.....	405
81、府县今日起解余具疏痛切救之.....	406
82、不知何日方可荡平英夷.....	407
83、黄河决口百九十余丈.....	408
8 英夷在江南抚局已定.....	409
85、奕山奕经拟处罪.....	411
86、余大考后升官.....	412
87、黄河决口未塞乃国之大忧.....	414
88、余得转补翰林院侍读.....	416
89、蒙恩任会试同考官.....	418
90、余始阅卷荐卷中者最多.....	419
91、今湘人中状元可谓极盛.....	421
92、儿居无事之官仍以读书为业.....	422
93、癖疾若愈则谋官职.....	424
9 颇厌官场求退不能.....	425
95、黄河决口数十万生灵遭灾.....	427
96、出任两江总督.....	429
97、余蒙封侯爵太子太保.....	430
98、余决计不回江督之任.....	431
99、恩准交卸钦差大臣关防.....	432
100、乱世处大位为军民司命者 人生之不幸耳.....	433
101、居官不过偶然之事	

居家乃是长久之计	434
102、宦途之险可窥一斑	435
103、为官卅载自认无德	436
104、兹开名条付吉望弟附案一保	438
105、余恐不堪胜任朝廷之命	439
106、余深痛恨官不为民	440
107、报国总求实浮于名劳浮于赏才浮于事	441
108、身为高官宜稳妥处世	442
109、不救破贼先求自立不败	443
110、一波未平一波复起宦海真可畏耳	444
111、王政不能有恩而无威	445
112、楼高易倒树高易折	446

冰鉴

冰鉴	448
----------	-----

处世金针

处世金针	470
------------	-----

242、即令鲍军进攻孝陵卫

沅弟左右：

二十八日接二十三日来信，具悉一切。

为则所扎营盘既不相宜，弟宜指示迅速移扎。希部前此并无被贼围营苦守之事，故余今年二月至石涧埠，令其移动一营。厥后所移之王载驿一营果大占便宜，且有余力派一哨助人。与其临时受敌，不如早为移动。渠军归弟节制调度，今日已咨行矣。春霆在北路开挖地道，殊可不必。城中之人太多，其气尚强。城如轰陷，彼用先锋包力堵，我军必大伤精锐，断无克城之理。弟处南路地道亦宜停工。余即给牒给鲍，令其由南路进孝陵卫(咨文令其北渡剿苗)。大炮俟到皖酌解，礮炮则非不所能铸矣。顺问近好。

国藩手草 七月二十九日

243、古人用兵最贵变化不测

沅弟左右：

数日未寄信与弟，亦未接弟来信，想平安也。

青阳米粮太少，援兵不得至城下，万难久支。青邑若失，则南陵、泾县、宁国殆将瓦解，不得不调霆军救援皖南。昨日已牒咨行，请弟速催春霆启行，无贪城北地道万不可成之功，而忘上游数城万不可失之地。弟兵暂扎小河以西，只要背后无援贼，但御前面之城贼，力自有余。待至秋末冬初，春霆击退黄、李、古、赖各股，或可进攻东坝。弟之新勇募到，亦可扎过小河以东，暂达教陵卫矣。

古人用兵，最贵变化不测。吾生平用兵，失之太呆，弟亦好从呆处着想。霆军五月从燕子矶南渡，本是呆着，挖地道则更呆，此际皖南危急，不能不调之使活耳。

临淮三日内无信，闻米粮可支一月。上海解七月份银四万至弟处，已接到否？霆营开差，望略多拨些。即问近好。

国藩手草 八月初九日

244、派程尚斋至江西设局督销

沅弟左右：

久不得弟信，想十一二三等日至浦口一晤筠仙，未暇作书耶？

两岸认运一案大致已定，公牒亦均批发。此间派程尚斋至江西设局督销。如楚岸办动，即派杜小舫至汉口设局督销。青阳日内无信，云岩十二日寄申夫一信抄阅。申夫所部陈、郑二营十二夜打一败仗，江、席尚无进兵之信，深为可虑。接毛寄帅信，内录驳固本京饷一疏，极为明快透辟。又密片一件一并寄览，仍望密封寄还。纪泽等二十一日可雇船回皖，将令至上游一行也。顺问近好。

国藩手草 八月十九日

245、欲保“棋”姑且先丢一“子”

沅弟左右：

初一日得弟八月二十七日信，具悉一切。

通江关、石埠桥济贼之事，弟意不宜再事姑息，已咨李军门速撤矣。李之考语过优，弟所见良是。然余之兵力有限，业已因苗逆而占住许多官兵，若再使李不自安，又兴一重兵端，则断非都、富所能了，所扯动者，非弟兵即鲍兵也。故余于李则专主安慰，于苗则专主坚守，腾出兵力以专谋金陵专谋皖南。譬弈家之腾出先手，专保一块，不得不姑丢一块也。

筠仙详请罚何锐钱十万串，并无二十万两之说。其来缄告余不必遽出奏，而其当面告弟却谓急宜出奏，不知何以自相矛盾？兹将筠信寄弟一阅。此等罚款，近年极多。大约一参之后，反不肯多缴。如杨坊已缴五万余，经左帅严参后，停顿不缴。盖一经破面，渠更悍然不顾，即再参，亦不过军台而止，法有所穷也。袁帅严参许惇诗，勒法十万，许缴款寥寥。南坡此来，又锐意欲用许君。庄生所谓彼一是非，此一是非，吾辈不可不参观而熟计耳。

惠甫薪水，此间可于渠到家之日截停。眉生已离弟营，甚好甚好！渠之长处在于识广而才多，其短处在于不畏人言。十月十日万寿贺折，余已代弟缮发。颁发御制诗文集谢折，当代弟拟折稿寄金陵缮发。纪泽与袁婿以初一日回皖，岱三、金三则二十六日先到矣。顺问近好。

国藩手草 九月初二日

246、青阳大捷解围洵属天幸

澄弟左右：

接弟八月初五、初八日两缄，具悉一切。

寅、牧二公，余恐其不能远行，不能久离，并非不欲其来此也。现在果已成行否？如果到皖，决不轻慢，弟可放心。

此间近事具详日记中。青阳已绝粮三天，煮菜为粥，又无袖盐，危急极矣，竟于二十七日大捷解围，洵属天幸。沅弟一军甚为平稳。惟新调鲍军上援皖南，金陵仅有沅军，难遽断其接济耳。

余身体平安。纪泽儿初一日自金陵归来，小有不适，怕冷发热，略似疟疾。榆笙、页亭及上下均吉。黄南坡尚未到皖。筠仙已由上海赴粤。

弟好劝人早婚。好处固多，然亦微有差处。谚云“床上添双足，诗书高挂搁”，亦至言也。顺问近好。

国藩手草 九月初四日

247、用劈山洋枪足以制敌

沅弟左右：

二十四日接第二十夜一函。风虽顺而过大，仙屏尚未到也。杉木条当于十月解去。大炮守垒，余不甚以为然。费药太多，又不灵动，余当解劈山短炮数十尊应之。子路较长劈山则稍逊，较大炮则相等。且贼果强乎？以数万新兵合围，其中必有隙地软营为贼所乘。贼果弱乎？劈山、洋枪二者自足制之。余不愿再解大炮也。

古隆贤有投诚之说，愿献石、太、旌德、广德四城。朱云岩定于二十五日进石埭城，不知靠得住否。黄南翁定于四五日内赴弟处，金眉生则搭洋船回泰。顺问近好。

国藩手草 九月二十六日

248、杉条大炮等二日内准可起行

沅弟左右：

二十八夜接第二十四日信并附仙屏二页，具悉一切。当即札饬梁美材、介正等三营归弟调遣，除留一营守西梁外，以二营移驻江浦。弟可调为则一营过江，即再调一营南渡，江浦仅留一营可也。今日易良豹带新勇四营到此，约计近三千人，特专船飞告弟处。略发钱二千串，明日即可起行。杉条、大炮、劈山等事，二日内准可起行。黄南翁亦明日成行。弟处近日气机颇好，所虑后壕空虚，黄老虎大股自湖州往援，不可不防耳。纪鸿母子昨日到华阳镇，今明日可到并告。即问近好。

兄国藩手草 九月二十九日

正封缄间，又接二十四夜三更来信，知七桥瓮“瓮桥”三石垒已破。弟于军事确有把握，快慰之至。水师添募之说，余于意城业经写信，于彭、杨尚未写信。盖未接弟之回信，恐弟别有深意，故斟酌未发，不比意城之知弟较深也。又及。

249、苏州克复投城者十余万人

澄弟左右：

初三日接弟十月十九日信，具悉一切。

九月初四日所派之人，系萧开二之兄开一也，至今杳无音信，其被人劫杀无疑。本日派开二沿江去查。有一禀一批，抄寄弟阅。开二于七月间曾打二百板，系在袁家接信索钱甚多。袁家给钱六百，渠犹嫌少，竟不将回信带来，榆笙接其弟家信，言之甚详，故责打之，不与史、王相干。八月之日记，候再抄一份寄回。

此间自克东坝后，苏州于十月二十五日克复，投诚至十余万人之多，此王杀彼王以降者不可胜数。大约金陵亦不久可复。寅皆师已于十月二十一日旋湘，牧云亦于今年可归。余详日记中。即问近好。

国藩手草 十一月初四日

250、专意守营亦制胜之一法

沅弟左右：

十五、十六日连接初十、十二日来缄，具悉一切。

忠酋此次来援，自必拼命苦战。我军反客为主，专意守营，不必出队与之开仗，或亦制胜之一法。英逆之救安庆，三月一次，七月一次。忠逆之救金陵，去秋已一次矣。若此次再行击退，则克复真有把握矣。火药缺乏，此间今日起解一批三万斤，过三日再解一批三万斤。但北风连日不息，不知十日内可解到否？饷银亦于今日起解三万，炮船应可先到耳。

牧云定于十七日南归，少荃克复苏州后至今无一字书函，颇不可解。两岸头批之盐，今日始到安庆。甚矣！盐务之不能应急也。顺问近好。

国藩手草 十一月十六日

251、少荃克苏州后迄未来信

沅弟左右：

二十三日得十九日已刻来信，具悉一切。

丹阳、句容大股贼已动，日内必有大战猛扑。余所虑者在七瓮桥、孝陵卫一带，亦犹去秋之外八营也。趋犯金柱关者，当仍是侍逆一股。弟派芳浦回防，从此等处着眼，极是极是，弟不知孝陵卫、七瓮桥果稳否耳？

米粮明日起解三千石，腊月再解二千石。银之在途者颇多，今冬可解弟营十二万两，但不知本月能解若干。上海应解弟处两批六万，当必不误。

少荃克苏州后亦无一字与我，闻因杀降王郅云官等八人之故，与戈登大相忤。各洋酋亦咸抱不平。少荃业经入奏，谕旨谓其并无错处，而英法借此生波，则少荃之无暇写信，或由于此。

与吾事，余复厚唐之咨已咨弟处，兹又将回信寄弟一阅。弟元旦贺折已代发矣。即问近好。

兄国藩手草 十一月二十三日

252、溧水失守乃谣传

澄弟左右：

初一日接第二缄，一系蒋官一等十一月初三日研发，一系王继清系十一日研发，具悉一切。

此间近事平安。二十九日忽接鲍春霆信，言溧水失守。次日始知为谣言。该城实坚守无恙。伪忠王到金陵已二十日，尚未猛扑沅弟营盘。大约扑沅营数次不得逞，即以全力上犯江西耳。

丧嫖读书之事抛荒太久，又心之所向不在此途，故不令其拜师上学。金二外甥悟性日开，发奋异常，文赋诗字均有长进，不特进学补廪可以操券而获，即乡会试亦不可望，可为蕙妹庆，可为诸舅庆。望弟详告蕙妹、王太宜人，尽可安心养病，不患无显荣之日也。

衡州都司唐翠，稍迟再行咨调。彭寿七爹钱挥，弟可涂销交彭九峰手。王辅臣已派至金柱关坐厘卡，距沅营仅百余里，当可常往请示。李家之挽联挽幛甚为妥协。迪庵早年入款，尚有万金分存成、萧、蒋、毛、张正处。余拟提回寄李家，为姻伯养贍之资。此外奠仪之类，或尚可凑万金，为希帅丧事及迪、希二家将来日用之资。不知妥否？现尚未定局，亦未函告李家也。

安庆寓中内外大小平安，足慰远念。共办棉花车七架，每日纺声甚热闹。顺问近好。余详日记中。

兄国藩手草 十二月初四日

253、议大炮之利弊

沅弟左右：

二十日接十六日来信并抄寄、筠两帅来信，具悉一切。

大炮守垒，只可偶一用之，多用则实可不必。吾在水营多年，深知大炮之长短。

凡炮火之利有二：日及远，日命中。大炮之大子可以及远而难以命中，谓其愈远则行愈迟慢，且有声可以回避；又往往自上落下，不能横穿也。其群子可以命中而难以及远。包得合膛，筑得极紧，可及二三箭之远，否则仅及一箭而已。群子所能及之处，先锋包亦几能及之。

军兴日久，各弁勇事事外行，徒慕大炮之名。见贼在二三里外，纷纷开大炮子击之。喜其响之震、烟之浓而已。见贼不畏炮而排进如敌，则以为凶悍无匹，而不知大子实不伤人也。吾在水营时，教将弁专用群子包得圆、筑得紧、开得近三语者，内湖各营军能做到，外江间有做到者，便是无敌之将。陆营善用大炮者，吾尚无所闻。弟营善用大炮者共若干人？然大约不满三百人，而营中之炮，却不止三百尊。弟去年请黄南翁解炮四尊，今年请丁道铸炮数尊，皆外行之举动也。

余恐火药接济不上，故于地洞、大炮二事详悉言之。

火药腊月已解八万，正月不过三四万耳。饷银今日起解六万，竟不能践十万之约，亦因弟处腊月有沪上之三万、运司之七万八千、无为之二万，而此间亦已先解九万，在近日已有贫

儿骤富之象矣。余近于饷银粮药等物，稍缺则有决裂之患，稍足又俱满盈之灾。

义渠并无实缺，所带之勇殊难交卸。李世忠事，余有复奏密疏，抄寄弟阅。南翁尚未到此，颇不可解。程学启将到常州。余函商少荃，令程来共图金陵。顺问近好。

国藩手草 十二月二十一日

254、不必合围太平与神策

沅弟左右：

接十八日专足一缄，二十日排递一缄，具悉一切。

余日内所忧弟营之事，专在米粮一宗。赈米二千石，日内必解赴金陵。江西之米，官固认真稽查，民间尤阻遏甚紧。余顷已札行各卡，正二三月一律免厘。此风一播，应可松活也。

太平、神策二门，余意不遽合围，实因另无统领之故。如东头初一日开仗，西头之兵初二日驰援，尚只能走路，不能接仗，必须初三日乃能交手。而东头存亡呼吸之顷，固不能靠西兵以救危急，又岂能向西帅以问计策哉？欲求东头另立统领，近则调鲍春霆，远则调程学后，或竟请少荃亲来，乃可当此一面。余顷有信寄少荃，商调程学启还弟麾下。如少荃之弁，余于正二月必设法调一统领大员围扎神策、太平二门，并拟于灯节后坐轮船与弟一会。

弟宜以保身体为主，不必焦灼也。弟此次两信，胸怀颇宽舒，心志颇敬慎。以后须常存此意，总觉得人力量尽到十分，而成功纯是天意，不可丝毫代天主张。至嘱至嘱。

萧为则八营保举尚未接到部文，今岁不能办和知也。许、丁两处均当以厚道待之。南坡到此已二月，兴趣尚不甚减，可慰可慰。筠仙续弦之事竟尔大不适意，殊骇听闻。吃食诸物略付少许照收。顺问近好，兼贺年禧。

国藩手草 十二月二十六日

255、已将苗党诛戮殆尽

沅弟左右：

接第二十三日、二十六日两缄，具悉一切。

秣陵关虽扎营，而贼盛时仍可至金柱关、三汊河等处。此理余深知之。弟之不守秣陵关，自必实有所见，外间则纷纷疑其应守，余概不遥制也。留朱惟堂二管与志字五营同守金柱关，自可万无一失。明年以劳浦、张、梁同扎神策门一边，本属稳着。吾犹嫌号令概归弟处，缓急不能一一请示，不甚放心。

李与吾一案，吾兄弟处置均为妥善，将来尽可缓奏。继芳将苗党诛戮殆尽，捻首亦次第芟夷，深可佩服。淮上永无复患矣。皖藩一席，须待谷山到此，箴轩乃能交卸赴泰州也。顺贺新禧。

国藩手草 十二月除日巳刻

256、连日大雪调军未成

沅弟左右：

初八日接弟两缄：一则戈什哈赍回，一则田择递到，内有霞仙奏稿两本。具悉一切。

连日大雪弥漫，平地几至四尺。弟军临前敌，士卒困苦异常，而弟素有畏寒之象，深以为念。探报侍逆上犯，已至绩溪。余调毛军赴徽，沈中丞调江、席赴婺，日内俱不能成行。不知贼行迟速果何如也。

金眉生与箴轩信言里下河之米实小过二两五六钱一石，此间拟即发银二万购办弟营之米。继芳可让而不可佩，弟论允当之至。霞仙所处之境，其艰难似倍于皖。吴奏疏委曲畅达，则近日好手也。余有复李良臣信一件，抄寄弟阅。即间近好。

国藩手草 阿冻 正月十三日

257、只求败贼不至江西则大局日稳

澄弟左右：

日内未接弟信，想五宅平安。此间合家俱吉，沅弟在金陵亦甚顺遂。克城之事，十牙即竟有影子。侍逆之党上窜江皖，徽军已屡获胜仗，驱贼回窜。惟另股窜遂安者，未知浙军能否得手。大约杭州、金陵春间皆可望捷音。只求败贼不至江西，则大局日稳矣。

李家两昆仲先后徂谢，以名贤而兼高位，一旦长逝，其家冷落之状可想而知。余为筹画名处奠仪并公项共得三万余金。本日复李克轩信寄阅。又刘坦衢帅家祭障一件，奠仪一百，亦于今日专人送去。

新正人客甚多，不拟往年军营光景。余虽力求节俭，总不免失之奢靡，日日以俭字诰戒妻子。现略知遵守，亦望吾弟常告内外周知也。顺问近好。

国藩手草 正月二十四日

258、金陵合围望加倍小心

沅弟左右：

初一日接二十五申刻信，知金陵业经合围，只空后湖一段，大致不能以全股冲出，贻患他处，且喜且惧。喜则喜弟之苦心经营，渐有蒇事望；惧者俱窃寇拼命决战，如黄河将合龙之际，恐大溜冲决走扫也。望弟加倍小心，竟此大功。

天保城山下修二新营垒，湘后二营恐不足当此要路。其营官由水师出身，不知陆路事宜。周围九十余里，围数十万悍贼于其中，吾弟布置之劳，责任之重，恩之不觉惴栗。

谕旨前令都与河南渡至句容一带助剿，本日改调都赴山西，派富将军南渡，饬余区画调度。余因富公无本领而有脾气，拟复奏不必南渡。徽州之贼虽退，已从浙境上窜玉山、广信，势将蹂躏江西腹地。金陵若克，请弟拨二万人回顾江西、湖南，即为遣散地步。顺问近好。

国藩手草 二月初二日

259、战事了结再办流寇

沅弟左右：

初九及初十夜来信先后接到，具悉一切。

历讯各供，皆言米粮无多，三四月当有可望。宜、溧既克，余遂檄春霆进攻丹、句，以接郭、戈之气，亦少荃与弟函中意也。江西之贼，沈公咨言已至金溪各处，稟有言由铅山人闽者。总之，窥伺抚、建，以图上犯。抚州有守兵千余，建昌不满千人，殊深焦虑。然此时不能遽令鲍军援江。一则索性将金陵、常、湖了结再办流贼。一则春霆母故，请假允许，业已两次订限，此时不能再失信。将来上窜之贼能否不成大患，全仗国家之福祚矣。

泽儿病已愈，内人咳嗽已久，近又感冒。澄弟顷到一信寄阅。密寄一件抄阅。顺问近好。

国藩手草 二月十五日

260、常州克复广德州之贼已退遁

沅弟左右：

十九日接第十六夜信，二十二日又接十九日信，具悉一切。

此间得洋船信，知常州于十二日克复，广德州之贼亦因无米全数退遁。看来苏皖两省可于端市前一律肃清。江西之贼，研香在金溪大捷，韩字祥字各军云集，计必逃入闽中。后股为徽浙名军所扼，不能续至，当无大碍。

弟营米粮，六安曾处万石已有着落，里下河金处万石，弟当自行谆催。少荃处新借二万石，渠力绰然有余，弟须屡函催之。将来四川万石亦尽弟营。其安庆新磬之米则分给各营，未知能度此四个荒月否？

乔中丞到此七日，明日可往临淮。义渠明日可回省垣。泽儿体弱，已照弟意，谕令服余之参茸丸茸，即弟送内人者也。顺问近好。

兄国藩手草 二月二十三日

261、湖北发捻交集甚为震恐

沅弟左右：

接二十六日信，具悉一切。

张仙舫稟食盐事并未与弟说及，殊为大谬，当严饬。此后凡事当先稟弟处。其人似尚胆小，或不至敢违吾与弟之训。

抚恤一后，万难裁撤，听弟斟酌。吾因安庆、池州饥民纷纷赴江南大营就食，吾恐此名一播，万难应付，故劝停也。

上海拨五十万至金陵之旨，二十八日续奉廷寄一道，重言以申明之。余笑告人曰，官司虽输，和得一注现钱。大约可实得二十四万。湖北发、捻交集，甚为震恐。天气阴寒，余深虑别有祸变。但求每月除米以外，凑得十余万金，俾弟军、鲍军不至决裂，竟此一策之功。然后兄弟熟商引退之法，则大幸矣。顺问近好。

兄国藩手草 三月三十日酉刻

兰泉信附去。欧阳氏家传墨刻付去。

262、克复金陵须稳固图之

沅弟左右：

前寄弟信，言湖州业于三月初九日克复。系二十五日接准左季帅十一日之咨而云然，并于二十五日奏片中亦言之。顷接蒋芑泉三月二十五日之禀，则湖州并未克复，余不特于奏片中错报三处（正可升报丹阳克复，亦已入奏，常州有克复之说），且调度亦因之而谬。湖州、丹阳既皆未克，则鲍军未可轻动，而浙江群逆亦必由东坝、丹阳等处援救金陵。特此飞函商吾弟，细告彭、刘、萧、张诸将蓄养锐气，专为前打城贼后御援贼之用，断不可因地道将成，竭力猛攻，致多损锐，反不能破援贼也。千嘱千嘱！好事多磨，自古而然。即东坝疏失，鲍军小挫，亦未始非意中或有之事，虽有其事，而弟军仍安如泰山，乃为铁汉。

自苏杭克复，人人皆望金陵之速克。吾独不期其速，而期其稳，故发信数十次，总戒弟之欲速。盖深知洪逆非诸贼可比，金陵非他城可比也。此等处吾兄弟须有定识定力，望老弟巍然不动，井然不紊。将克未克之际，必有一番大风波。吾弟若破地道，且待大风波经过之后再行动手，实不为晚。吾所虑者，一恐弟求速效而焦灼生病，一恐各营猛攻地道，多损精锐而无以御援贼耳。弟其体我此意，稳慎图之。至于弟军银米，九月以前必可敷衍。顺问近好。

四月初六日

263、湖州广德未克日内必有大变

沅弟左右：

昨日书一片寄蓝泉封内，想已得达。今日天雨如注，气象阴森，寒似深秋，实增焦灼，想老弟亦同此愁闷。然事至今日，惟有小心安命、埋头任事二语兄弟互相勸勉，舍此更无立脚之处。据窦蓝泉云，大丹将成，众魔环伺，必思所以败之。雪琴上赴九江过此则云金陵贼粮尚足，夏秋难望克复。二说虽微不同，总之事局艰难，吾兄弟适当其任。湖州、广德未克，日内必有人变。

弟所挖地道，如于四月告成，不宜于四月装药轰发。吾观天时人事，似非于月内遽获大捷者。危心苦口，弟其亮之。弟派沈鹤鸣赴沪提银二十六万两零，而余已先拨九万与霆军，弟心不免郁郁。余实四周纲常之信，恐生他变，故待霆军独厚，亦望吾弟亮之。李世忠之三十万串尚无来文，余昨日复一信，抄搞寄阅。应道、沈丞劝捐，即日加札。顺问近好。

四月初九日

264、务望安闲泰定竟此全功

沅弟左右：

二十夜接弟四月十七夜信，当复一缄。二十一日派曾恒德赴弟处看视，又复一缄。近三日未接弟信，深为廛系。克复常州之寄谕已到，无饬少奎会剿金陵之文。少荃亦于十一日奏明回苏，攻围老巢之重任，始终弟一人肩之。务望安闲泰定，竟此全功，不可躁急忧郁，或致疾痛。昨日接少荃公文，又解九万金，专指鲍营。余已飞咨上之，令其专解弟营，并咨弟与春霆及札竹庄、少山等处。弟得此项，如贫儿暴富，可过好节矣。人江之贼于十六日扑抚州府，尚未过文昌桥，郡城当无可虑。

写至此，接弟二十一日信，欣悉弟病已愈，所言销假事亦有理。澄弟信寄阅，问之送信者，云七十侄女尚平安也。顺问近好。

四月二十四日

265、抚州十八早解围

沅弟左右：

二十四五日接二十一日两信，二十六日接二十三夜来信，具悉一切。余已于二十七日具片销假矣。弟信既恳至，雪琴又由湖口特来此间一行，遂不复续假，亦恐人疑我此举专为沈中丞也。片稿先抄弟阅。

抚州于十八早解围，外间言围攻极猛，不知实尚隔一大河，炮船排列，断难飞渡也。富公数千人预备助剿金陵，谕旨令其以江北为重，富来函亦谓即将调回扬防。大约除少荃亲来外，别无一支来弟处帮忙者。事权之一，可喜；担荷之重，亦可惧。究竟尹光六须借稿荐否？中关之接济已断否？望示及。

弟病在水不能生木，余亦夙有此疾，非药物以能为力。每日无论如何忙迫，总须略有抽闲之时，或静坐，或渴睡，或散步，火不动，则水得所养矣。弟若续接沪饷九万，可分二三万运湘中官盐否？顺问近好。

四月二十八日

266、闻江西省城人心惊惶

沅弟左右：

自二十六夜接弟二十三夜一信，近日未接续报，殊深疑虑，不知弟之病恙何如？

此间日内无他信息，惟闻江西省城人心惊惶，纷纷搬徙。雪琴已带船晋省，借助声威。抚州解围后，贼于二十日攻扑建郡，亦不得逞。谕旨派厚庵督办江西、皖南军务，大约系左帅奏请，亦因余屡奏责董事烦，分此仔肩也。官帅参严把持兵柄，奉旨以道员降补。吴昌寿补授鄂抚，唐义渠暂署，即日咨达弟处。

日内又凑得银四万，听弟处信息。若续得沪饷九万，需银不甚迫切，则余拟以此四万作运湘盐本。昨已解四万作盐本矣。即问近好。

五月初一日申刻

267、金陵敌军外援已断粮未断

澄弟左右：

前次发信后，旋接弟四月初一夜之信并茶叶十篓，又二篓系寄金陵沅弟者，具悉一切。

此间近状平安。金陵之贼，援虽绝而粮实未断，沅弟焦灼之至而无如之何。幸身体平安。余派盛四去看，归云面色甚好也。江西之贼攻扑抚、建，两府俱得保全。鲍军于二十六、七等日自东坝起程，初六日自芜湖拔行，五月必可到江。又奉旨派扬厚庵督办江西、皖南军务，应可渐有起色。惟湖北之贼蹂躏过久，二十一日副都统舒保阵亡，系一马队名将，殊有关系。严中丞以道员降补，义渠暂署鄂抚，不知能平此风波否。

安徽麦收甚丰，惟天气太寒，五月初尚着棉衣二件，不知湖南亦如此否？余详日记中。顺问近好。

五月初三日

268、弟勤劳报国其后必大

沅弟左右：

十三日接弟初十日信，具悉一切。沪饷不特不宜奏，而且不宜减，深佩弟之深识。初九日秘诀之说，弟亦必不以为然矣。

湖北之贼已入英山境内，距县城二十余里，而又回窜北去，已入鄂之麻城、豫之商城，似无意于皖者，不但不能遽至浦口，亦且不至宿、太、桐、舒，弟可放心。王可升调无为，大约无事可办。申夫调桐城，不知高淳有接防之兵否？请弟就近与申夫通一信。如长兴虽克，而苏军仍无人可接高淳之防，恐广德贼窜东坝，则钧营暂且不动可也。

昨日接家信，科四之文、科六之字均有可观，兹付去一览。弟勤劳报国，其后必大。炮子近日解去。顺问近好。

六月十三日

269、十六日午刻克复金陵

沅弟左右：

十八夜子正接弟十六日申刻咨文，知午刻克复金陵。弟功在社稷，岂仅一家之光哉！虽有志者事竟成，然弟苦矣，将士苦矣。未得弟详信，不知弟平安否？将士伤亡不甚多否？进城巷战不甚久否？洪、李二酋未逃出否？俟得详函发详折后，再赴金陵与弟相会也。顺问近好，并贺并谢。

六月十九日辰正

270、金陵克后不知如何情形系念之至

沅弟左右：

自十八夜三更接弟克复金陵之咨，十九日未得弟信。想因进城巷战，搜诛余匪，遣散降人，千头万绪，皆须弟一手经理，十六七八等日弟之劳苦想更甚于肉搏环攻之日。十九夜有自泰州来者，据云十八日戌刻坐轮舟过金陵，见城内火光二十余处，但知城已克，而不知如何情形。兄尤系念之至，恐巷战三日未休也。兄俟接弟详报后，乃能赴金陵与弟会晤。酌带赏号，大约不过三万，不知三日内别有进款否(大通或可添凑)。

澄弟信寄阅，其与兄信语皆相同，不复寄。顺问近好。

六月二十日辰刻

271、始知金陵内城未破

沅弟左右：

连日发信，不得飞至金陵与弟畅谈。二十日接弟十七早信并咨文折稿，知洪酋之内城未破，而克复之大势已定，弟身体平安，至为欢慰。不知十七八日内城已攻破否？洪、李未幸逃否？南风极大，下水极易，上水甚难，吾得弟详细情形咨出奏后，想到金陵亦速耳。

厚庵于十三日到江西，尚无信来。纪鸿定于二十日回湘乡试，墨卷工夫极浅，聊副弟期望殷殷之意耳。顺问近好。

六月二十一日巳正

272、雒河集营盘被发捻围困

澄、沅弟左右：

罗茂堂与张朱等六营、刘松山六营先后赴临淮。临淮距清江四百二十里，距金陵四百六十里，距安庆六百六十里，以后仍可专人由安庆送信到家。

雒河集营盘被发捻围困，英方伯冲出后，诸将尚坚守无恙，然亦岌岌难久保矣。易开俊扎西洋集，距雒河五十里，及以目疾出营，轻赴徐州，不能不予以严参。徽、休、青阳三军闹饷，情同叛逆，不知近日安戢否，实深忧系。沅弟屡念金陵各军悉宜早撤，良有卓见。今金陵之管，仅存刘、朱、朱三军尚在瑞、临，每月由江西盐局发给满饷，不知有它变否？望就近体察，商之少荃中丞办理。

兄身体平安，惟不能耐劳苦。捻贼已成流寇，断难收拾，余亦做一日算一日而已。

闰五月二十四日洪泽湖东口

273、淮勇诸将刘铭传为首选

澄、沅弟左右：

日来淮水涨发，罗、朱、张六营、刘松山六管及陈自明之四营皆在水可淹入之处。营之周围筑堤御水，若不幸而堤穿，则垒中有入水二三尺者，有入水四五尺者。不得已，今日用船渡至南岸，大约五六日乃可渡毕。然使再涨水一丈，则百里内几无一可驻之处，又无草柴可觅，然后知临淮之苦，为他处所未有也。

雒河集已于初三日解围，贼踪西窜，尚无确信，大约河南之南、汝、光，湖北之德、黄、襄皆当其冲。此贼已成流寇行径，殊难收拾。吾所用淮勇诸将，自以刘铭传为首选，然其心志是否翕服，尚未深知。又有一骁将陈国瑞，桀骜难驯。昨发去一批，抄寄弟阅。

六月十五日临淮

274、捻军有劲骑万余飘忽难制

澄、沅两弟左右：

朱金权来徐，言我五家昆弟之和协，后辈子侄之贤良，闻之令人心抬神旺。

兄自出金陵后，公事较简，气体较健，惟捻匪劲骑万余，飘忽难制。昨任柱、牛洪等股，十三、十五等日在周家口附近为刘铭传一军所败。不过五日，即已窜至山东之曹、单等县，每日行百四五十里。余所接僧邸马队，皆大疲马乏，屡挫之后心惊胆寒，何能破此悍贼！殊为焦灼。

接纪泽信，家眷不愿仍住黄金堂，拟即在长沙小住。余以长沙繁华，不如暂留金陵数月。令纪泽先回湘乡稟商两弟，觅一妥屋，修葺就绪，再缄告金陵，全眷回籍，庶几有条不紊。请两弟先为筹度一处，以不须新造者为妙。纪泽今冬先归，全眷须明年也。

沅弟请开缺一疏，此间尚未奉到谕旨。霞仙得降调处分。其辨诬一疏，不愧名作，不料竟以获咎，可慨耳。

八月二十五日

275、贼窜山东后蹂躏曹州各县

澄、沅弟左右：

阅邸抄，弟仍未开晋抚之缺，赏假六个月，在籍调理。明年二三月间体气复元，或可赴山西。如精神尚难任事，届时再行疏陈，目下则须具折谢恩。不开缺而在籍养疴，亦旷典也。

贼窜山东后，蹂躏于曹州各属。徐州派去之兵六千人，日内当可接仗。顷奉寄谕，欲以李少荃视师河、洛，而吴仲仙署理两江。垂询当否，复奏颇难措辞。李不在两江，则余之饷无着矣。

九月十六日

276、徐州只可守不可战

澄、沅弟左右：

十日内未接两弟信。徐州去湘太远，营勇送信者均难如期往返。风闻沅弟近已留须，多而且养，不特不似病人，并加丰腴。果否？

贼在徐郡百里内外沛县等处。徐州仅有吉中八营，系今夏新招者，忠扑四营，系豫胜营旧部，只堪坚守，不能出战。调山东之兵回援，三日内必可赶到。江南另调八千人来徐，五日内亦可续到。兵到则贼又他窜，恐未必能一痛剿也。少荃入洛一案，已于十九日复奏。金、唐闹饷一案，已在徽正法二十余人，并解营官数人来徐，当可了结，不致决裂。惟与朱云岩三军同时遣撤，须欠饷七八十万，恐难应手耳。接云仙信，婚事改期明年。纪泽今冬尚可不回，明岁再送全眷回湘。移屋之事，即求两弟代为料理。纪泽虽先归，渠亦不善经理，须全禀叔父命也。

九月二十五日

277、鄂事日坏粤事已好

澄、沅弟左右：

日来未接专勇回营之信，惟谢藻鉴来，接澄弟去年五月二十一日之函。

此间近状平安。李幼泉已于一十九日起程赴豫。余定于二月初九日拔管，由山东、归、陈绕至周家口，另有札稿抄阅。纪泽定初一日回金陵，三月初送眷回湘，到家当在端市前。沅弟半年假期，二月已满，三月起程，抵周家口相会当在四月初耳。

鄂事日坏，幸粤事已好，长毛业经结局，吾湘当可安居。顺问近好。

正月二十五日

278、知弟间鄂履任至以为慰

沅弟左右：

三月初二日接弟正月二十五日之信，初四日接二月十三排递之信，知弟将以三月初间鄂履任，至以为慰。

兄到济宁数日，惟值张总愚大股来齐，不惟不能遽赴周家口，并不敢出阅视黄河、运河。盖恐州县将领但顾接差，反不御贼。本日有陈奏军情一折、鲍军饷项一折，另牒咨达弟阅。

弟请何以办奏稿？能强意臣一行相助数月否？寄云在此，眷眷于弟，与意臣津津不置。渠并无恨云仙之意，而云仙寄兄数信，怨寄甚深，未免太过。弟欲小宋到任，但发一公牒与李、乔，立即履鄂矣。

纪泽等送全眷回湘，定于三月十七、二十六日起程。乡间若无良师，拟在皖吴择师，留纪鸿在弟署读书。不知纪瑞等随母来鄂否？余在济宁小驻。若贼不渡运，张逆一股又将回豫，余稍徘徊旬日。任、赖等股若不东窜，则余仍赴周家口，再谋兄弟相见之法也，顺问近好，并请寄至澄弟一阅。

三月初五日

279、潘琴轩在郾城获胜

澄、沅弟左右：

昨日寄沅弟一信，排递湖北，信末请付澄弟一阅，计可速到。发信后接得稟报，知潘琴轩初四日在郾城之潘溪渡大获胜仗，杀贼千余，夺牛马军械甚多，贼或可不渡远东。如其回窜河南，则余亦不久住济宁，月半或可赴豫。军情变幻，亦难预计耳。

山东去湘太远，前已约定不专人送信。惟每月日记一次似不可少，俾两弟知我踪迹。兹派星字营剪先送沅署，后送澄家。澄寄腊肉收到，多谢多谢。顺问近好。

三月初六日

280、捻军偶尔交锋便凶狠异常

沅弟左右：

四月十二日接弟三月二十四信，二十一日又接四月初三来缄，与我订五日一信之约。此次余以四月七日出营查阅黄、运两河，并察看泰安形势，登岱礼神，致十四日未发家信，有愆夙约。将来不知果能践五日之约否。

山东军情，半月前事已具于初七折片之中，半月内事有调正镇、刘学士两牍咨达弟处，本日与少荃一信抄阅。捻匪长处在专好避兵，不肯轻战，偶尔接战，亦复凶悍异常。好用马队四面包围，而正兵则马步夹进，马队冲突时，多用大刀长棒。步队冒烟冲突时，专用长锚猛刺。我军若能搪此数者，则枪炮伤人较多，究非捻匪所可及，劈山炮尤为捻所畏。弟可详告刘、朱、彭、郭、熊、陈诸人也。调四将之折，甚为条畅妥谐。谢绝陋习，慎重公事，严密以防门内，推诚以待制府，数者皆与余见相合，声誉亦必隆隆日起矣。惟风水之说，余平日不信，于鄂抚一署却为惴惴，将来仍以改驻襄阳等处为是。

湿毒未愈，殊为悬系。余自腰以下，无寸肤不癢，然较之道光二十六七年之大颗隆起者，已觉减轻。弟若不能全好，则变成癖疾，犹为彼善于此，总不可服克伐药耳。复问近好。

四月二十一日

281、捻匪张总愚一股思渡运河

澄、沅弟左右：

前接澄弟三月五日书后，于排递沅弟信中略复数语，未及专勇回湘并言纪泽母子回湘当先借住大夫第。顷接沅弟四月二十一日信，知眷口即住鄂署过夏，纪瑞母子亦于端市前可到。计富塿收拾房屋秋凉华工。恰好全眷抵家矣。余早欲赴周家口，因张总愚一股尚在清江浦附近宿迁一带，任柱一股尚在归德一带，恋恋于东路，思渡运河。余自不能舍此而西行，只得在济宁过夏。兹专丁送四月日记，特书数行以慰远廑，琐事均详日记中。顺问近好。

五月初五日

282、胜后不宜猛追

沅弟左右：

十五日接弟五月初四日函。十八日曹福云来，接四月二十八日函，并有二郭信在内。二十一日接初七夜函。具悉一切。又得澄弟信，知朱氏侄婿得取县考批首，贺贺。

此间贼情，自五月初四五日张逆猛扑宿迁运河，为水师击退，自是不复窥犯远东，回窜徐州、归德。其任柱一股，则已窜至寿州、下蔡，即日当赴光、固。余状另有一折咨牒奉达。贼至光、固，鄂即戒严，弟之新军不久当有战事。此次贼来山东，官军固疲于奔命，贼亦困乏之至。闻其并无枪炮，所长者马队包围，扬尘迷目，善占上风，及长锚冒烟冲进二端。若队伍站得稳，连环枪打得密，渠亦不能冲入。特官军初二三次与之交手，胜后不宜猛追耳。请弟告之郭、熊、李诸将，并告春霆为要。春霆雇小车费银太多，且宜于鄂而不宜于齐豫，宜于晴而不宜于雨，吾前已详细复去一咨，兹当于复弟咨中妥晰筹之，总当在每月十一万五千之内，此外无处可求添也。

云、意与左以至交而化豺虎，诚不能无介介。然法条已满歇响之说，乃三代以上之天理，近日则殊不尽然。豹岑在鄂不理于口，颇不可解。吾观其达心而懦不过与昀荻、芝生之流，惟其好讥大有官气，而自托于清高，略为有识所嫌。然言亦婉，气亦弱，不令人难受也。雨亭已函商弟处，想豹岑尚未起程。弟或辞或请，想复信必妥为处置矣。

司道初次稟见，总予一见为要。闻在新堤刘馨室未经传见，渠必引为大耻。寄云丹药，余曾用过，亦无大效，日内当专人前往索之。渠亦急思出山，常有信来，爱莫能助。纪泽儿兄弟稟信，缓数日再有复示。顺问近好。

五月二十一日

283、间弟近日辛苦示养生五诀

沅弟左右：

六月寄弟三信、纪泽二信，不知均到鄂否？其澄弟一信，则舢板送彭芳四至镇江搭轮船以达武汉，想早到矣。二十八日接弟六月十三日函，并附澄弟五月二十八及黄麓西之信。吾湘哥老会公然有谋反之意，可恶可畏，若一连惩创几次，当可戢其凶志。目下犹耿耿思逞也。

兄于二十五日至宿迁，衰年怕热，登岸小住。闻任、赖又窜睢州，将回山东，檄调铭、鼎、盛三军追剿，不知何日乃能见贼接仗。军务毫无起色，加以大水成灾，酷热迥异寻常，心绪实为恶劣。然亦只要安命，耐烦做去。拟日内由杨庄换船溯淮西上，八月可达周口耳。闻弟近甚辛苦，前示养生五诀、一眠食有恒，一饭后散步，一惩忿，一节欲，一洗脚。曾行之否？老年兄弟，相勉惟此而已。余详日记中。即问近好。

七月初三日

284、济宁至临淮一带大水

沅弟左右：

七月九日连接弟六月初一、四、六三日信，并五月二十八日抄件，具悉一切。此时计折弁已归，如何揭晓，殊深悬系。

兄以七夕至清江，初十渡洪泽湖，十六日至临淮。十五酉刻在临淮之下十里遇大风暴，危险之至，幸免于难。今年大水，自济宁至临淮千三百里，民无栖息之所，业已伤心惨目，而又值非常之酷热，受非常之大惊，殊觉行役劳苦，老境不能堪此。惟闻刘松山、张诗日等在上蔡、鄆城一带剿张总愚一股屡获大胜，差堪一慰。尚未接禀，不知其详。春霆迭奉严旨诘催，弟须嘱其迅入豫境，不可再缓。渠制车二千辆之多，不知做法何如，恐未必适于用。闻捻逆用长矛者，进身极矮，湘、淮洋枪均失之高而不中。此次刘、张系以劈山炮取胜，近亦习跪装洋枪，请弟告之鲍、郭、彭、熊也。英、法因天主教事即日进兵高丽，此即与中华寻衅之由，实为可虑。兄身体尚好，惟出汗太多，目光愈蒙，老境日逼。惟望弟与澄弟讲求前信养生之五条，日臻康胜耳。顺问近好。

王瑞徵写日记，十二三四等日船尚未赶到，故此次迟四日，记则写半月矣。

七月十六日

285、捻贼复犯山东

澄弟左右：

八月二十八接弟七月三十日信，具悉一切。旋闻弟于八月初一、初四得生二孙，而兄亦于初十日得生一孙。祖宗之泽，家庭之幸。兄年来衰态日增，他无所图，专盼家中添丁，闻此喜慰无量。昔星冈公于四十七岁得见王孙，二男三女。今弟四十七岁，做第五届公公，亦系二男三女。将来弟之福泽，可继星冈公而起，贺贺，祝祝。

此间军事，自贼于八月十六窜过沙河之防复犯山东，二十七八尚在运河两岸，未能抢渡。如运河防守坚固，不久又将回窜皖豫。

富塿承弟修整完好，谢谢。大器三百金，弟之语气似乎不要，兄即不另寄矣。六月十五与沅弟信，问与各绅曾否见面通信，非谓皆好朋友也，不过为鄂中露面之人而已。譬如官长沙者，曾否会见南坡、荫云？官衡州音，问曾否会见题五、春浦？岂即为举贤而始问乎？

余身体将次复元，惟衰年不能用心，不愿再肩艰巨，急切不得脱卸之法。云仙已归，霭、厚亦先后告病开缺，殊为可羨。季高有陕甘之行，则较我尤难，渠精力过人，或足了之。家中妇女渐多，外则讲究种蔬，内则讲究晒小菜、腌菜之类，乃是兴家气象，请弟倡之。顺贺大喜。

九月初六日

286、捻军西路犯宜阳东路攻运河

沅弟左右：

二十九日接第二十三日排递之函，十月一日接十九日专兵之丞并抄示密件，具悉一切。焦虑弥月，得阅正文，稳惬详明，足以放心矣。于阿兄引退之局，亦无妨碍，十三日仍决计吁请开缺。

此间军务，竟无确耗。西路张逆一股，据报二十一日犯宜阳，二十二日犯永宁，已在洛阳之西。其势可由陕州入秦，然折回南甯，亦仍可由南阳入鄂。东路任、赖一股，二十二日已至山东之袁口攻扑运河。幸山东防守甚严，未能抢渡，不久恐又将回甯。弟以黄、麻东路为虑，若任、赖由凤、颍以达光、固，则差可虑耳。

兹派李鼎荣与二兵同赴弟辕，即以迎接纪鸿。起程之迟速，听弟斟酌。绵、谭所带司员开单付阅(原参之折既无批回，又无军机处知会留中之片子，密云必系皇太后密交绵、谭，并未令军机阅看，事或然与？九月下旬日记附去。)顺问近好。

十月初二日

287、打捻要能走得快打得稳

沅弟左右：

自二十二以后，旬日之内连接初四、初十使差之信，二十、二十三、二十六七八排递之信，具悉一切。二十七日报郭军小挫，二十八日言尚无妨碍，至以为慰。

春霆向无起行之期，此间咨令在南阳数十里会剿任、赖，起行则不必回顾太远，亦未令探剿，盖恐对不住陕西也。省三、仲良两军，二十八日由周口拔行，不知可在唐县、新野等处遇贼否？周、张两军可在鄂打一二仗否？

二十三日寄谕仍令回江督本任，拟再具折固辞，明日拜发后咨行弟必。十三日谕旨一道抄付弟阅。本日接二十七日寄谕，谭暂署楚督，不知官相系暂革乎？抑解任乎？李少帅信来，似京师于此事甚为骇怪。刘韞翁信来，又似不甚骇异者。兹将两信抄付弟阅。

打捻与打长毛迥不相同。弟教诸将平日要走得快，临阵要打得稳。小挫一次则贼焰立长，要以不挫为好。贼所以屡衰屡振，总由官兵常有挫时也。余详日记中。顺问近好。

国藩顿首 十二月初二日

288、切不可藐视客军

沅弟左右：

初二日寄去一缄，专言贼将由安陆回窜豫境，两日未接续报，不知贼果径趋西北？抑尚流连鄂境、回窜东南黄海一带？周、张二刘四军，余皆令其径赴鄂中会剿，弟宜多与通信，或一日一函，将军情详细告知。犒勇则无此巨款，或酌买马匹参支馈送统领，以聊其情。切不自恃曾立大功，兵力足敷防剿，遂存藐视客军之意。至嘱至嘱。

余昨日一疏(坚辞回江督之任)抄阅，弟视前后各疏措词俱稳妥否？顺问近好。

十二月初四日

289、百战之寇竟屡衰屡盛

沅弟左右：

初六日接初二、初三日两次来信，初九日接初四、初六之信，十二日又接初七、初八及初九夜之信，具悉一切。

郭子美皂吊挫后又有臼口之挫，殊为忧灼。人皆言捻子善避兵，只怕打不着。余则谓不怕打不着，只怕打不胜。即鲍、刘等与之相遇，胜负亦在不可知之数。如鲍、刘不败，群捻幸出鄂境，弟当将各军大加整顿，无以曾克安庆、金陵，遂信麾下多统将之才。杏岳亦非可当一面者，祈慎使之。即与鲍、刘、周、张等通信，亦勿以灭贼劝之，姑以不败期之。百战之寇，屡衰屡盛，即仅存数十人尚是巨患，况有数万乎？

光一处家轻轻议处，虽有后患，然弟不大赢，究不大犯众怒。渠虽巧于出脱，究为人所窃笑。少泉劝我密疏保全顺斋，不知邪火正旺，弟用芒硝大黄且攻之不下，吾岂可更进参茸乎？人心日伪，大乱方长，吾兄弟惟勤劳谦谨以邀神佑、选将练兵以济时艰而已。湖北水师诸将中与弟颇相联络否？恐其放贼渡汉渡江，不可不防。年终密考暂不必办。新年另专一差亦无不可。余同治二年二月十五始在金陵拜发，弟所见也。伟勇号之案，亦俟腊底查出送去。顺问近好。余详日记中。

十二月十二日

290、已派刘松山自洛阳援秦

沅弟左右：

二十日接弟十三日酉刻、十四戌刻两信，知慎、严等营有在沙港被围之说，焦灼之至。此间接春霆初十日信。渠初十日住平林岩，因闻贼已遁去，又拟于十一日拔回枣阳，是弟处所探贼情固不确。霆处所探尤不确也。捻匪忽来忽往，瞬息百里，探报最难的确。余于不确之信，向不转行各处，反不如听各统领自探自主，自进自上，犹为活着。陕西之贼猖獗日甚，余派刘松山自洛阳入关援秦。顷接渠后禀，定于十六日拔行赴秦。黄万友所带老湘之因营，请弟催令赴洛，一同援秦。以后即令霆军在鄂豫一带专剿任、赖一股。郭松林之败，不知失去洋枪洋药若干。捻匪向少火器，将来亦恐其日多矣。闻绵星使已将北还，岂鄂案已结耶？何其速也。鄂豫择递全靠不住，弟若有要信与鲍、刘，总以专送为妥。顺问近好。

正封缄间，又接十六日酉刻及夜间两信，知十一日熊军获胜，大慰大慰。不知彭军同战否？至该匪惯于避兵，不肯浪战，偶战又极精悍，余三月已奏明矣。各军仅截尾子打过马，并未拦头大战，余亦知之。无良将挽回风气，奈何！

十二月二十日

291、析捻军长技与短处

沅弟左右：

二十日接弟十三四及十六日两信，比即复信，想可先到。

日本贼窜何处？由孝感而东南，则黄陂、新洲及黄州各属处处可虑。此贼故智，有时疾驰狂奔，日行百余里，连数日不少停歇；有时盘于百余里之内，如蚁旋磨，忽左忽右。贼中相传秘诀曰：“多打几个圈圈，官兵之追者自疲矣。”僧王曹县之败，系贼以打圈圈之法疲之也。吾观捻之长技约有四端：一曰百步贼长竿，于枪子如雨之中冒烟冲进；二曰马贼周围包裹速而且匀；三曰善战而不轻试其锋，必待官兵找他，他不先找官兵，得粤匪初起之诀；四曰行走剽疾，时而数日千里，时而旋磨打圈。捻之短处亦有三端：一曰全无火器，不善攻坚，只要官吏能守城池，乡民能守堡寨，贼即无粮可掳；二曰夜不扎营，散住村庄，若得善偷营者乘夜劫之，协从者最易逃溃；三曰辎重妇女骡驴极多，若善战者与之相持而别出奇兵袭其辎重，必大受创。此吾所阅历而得之者。弟素有知兵之名，此次于星使在鄂之际，军事甚不得手，名望必为减损，仍当在选将练兵切实用功。一以维持大局，扫净中原之氛；一以挽回令名，间执谗慝之口。

吾复奏折昨日拜发。新正赴徐，暂接督篆，三月必切实恳辞。辛苦半生，不肯于老年博一取巧之名，被人窃笑也。余详日记中。顺问近好。

十二月二十二日

292、两军相对哀者必胜

沅弟左右：

今日至蒙城之太阳集，接弟两信并抄与春霆来往信，具悉一切。余与少荃皆坐视贼太轻，以致日久无功，弟则视贼尤轻。庄子云，两军相对哀者胜矣。咸丰三年以前，粤匪为哀者；咸丰十年以后，官军为哀者。今捻匪屡胜，而其谨畏如故；官军屡败，而其骄蹇如故。是哀者尚在捻也，可虑孰甚。

正月十二日

293、拟于初十外移驻金陵

沅弟左右：

省三挫败，春霆大胜，所得似多于所失。惟窜回河南者，究未知尚有若干耳。

余接即已十余日，公牒尚可了办。惟见客太多，甚以为苦，说话稍多，舌端蹇滞如故。两奉寄谕饬回金陵，拟于初十外移驻金陵。四月十九满三个月后，再行陈请开缺。少荃屡言疏语不可太坚，徒觉痕迹太重，而未必能即退休，即使退休一二年，而他处或有兵事，仍不免诏旨促行，尤为进退两难等语，皆属切中事理。余是以反复筹思，洎无善策。申夫自京回，亦言都下公论皆以求退为非。云仙新授两淮运使，霞仙与鹤侪互相纠参，计两君皆不能无郁郁。

《船山集》尚在舟次未来，余至江宁，计已近三月矣。请弟寄书筱岑，令其迅速开刷，不必等余信修改也。

二月初三日

294、沅弟治军甚不得手

澄弟左右：

沅弟治军甚不得手。二月十八之败，杏南、葆吾而外，营官殉难者王人，哨勇死者更多；而春霆又与沅弟龃龉。运气一坏，万弩齐发，沅弟急欲引退。余意此时名望大损，断无遽退之理，必须忍辱负重，咬牙做去。待军务稍转，人言稍息，再谋奉身而退。作函劝沅，不知弟肯听否？

处兹乱世，凡高位、大名、重权三者皆在忧危之中。余已于三月六日入金凌城，寸心惕息，恒惧罹于大戾。弟来信劝我总宜遵旨办理，万不可自出主意。余必依弟策而行，尽可放心。祸咎之采，本难逆料，然惟不贪财、不取巧、不沽名、不骄盈四者，究可弥缝一二。

三月初七日

295、太平军水陆进犯

澄侯、温甫、子植、季洪四弟足下：

久未遣人回家，家中自唐二、维五等到后亦无信来，想平安也。

余于二十九日自新堤移营，八月初一日至嘉鱼县。初五日自坐小舟至牌洲看阅地势，初七日即将大营移驻牌洲。水师前营、左营、中营自闰七月二十三日驻扎金口。二十七日贼匪水陆上犯，我陆军未到，水军两路堵之。抢贼船二只，杀贼数十人，得一胜仗。罗山于十八、二十三、二十四、二十六等日得四胜仗。初四发折俱详叙之，兹付回。

初三日接上谕廷寄，余得赏三品顶戴，现具折谢恩。寄谕并折寄回。余居母丧，并未在家守制，清夜自思，局促不安。若仗皇上天威，江面渐次肃清，即当奏明回籍，事父祭母，稍尽人子之心。诸弟及儿侄辈务宜体我寸心，于父亲饮食起居十分检点，无稍疏忽，于母亲祭品礼仪必洁必诚，于叔父处敬爱兼至，无稍隔阂。兄弟姒娣总不可有半点不和之气。凡一家之中，勤敬二字能守得几分，未有不兴；若全无一分，未有不败。和字能守几分，未有不兴；不和未有不败者。诸弟试在乡间将此三字于族戚人家历历验之，必以吾言为不谬也。诸弟不好收拾洁净，此我尤甚，此是败家气象。嗣后务宜细心收拾，即一纸一缕、竹头木屑，皆宜捡拾伶俐，以为儿侄之榜样。一代疏懒，二代淫佚，则必有昼睡夜坐、吸食鸦片之渐矣。四弟、九

弟较勤，六弟、季弟较懒。以后勤者愈勤，懒者痛改，莫使子侄学得怠惰样子。至要至要。子侄除读书外，教子扫屋、抹桌凳、收粪、锄草，是极好之事，切不可以为有损架子而不为也。

前寄来泡笋殊不佳，大约以盐菜蒸几次，又咸又苦，将泡笋味全夺去矣。往年寄京有泡竹，今年寄营有泡盐菜。此虽小事，亦足见我家妇职之不如老辈也，因便付及，一笑，烦禀堂上大人。余不一一。

坐小舟至京口看营，船太动摇，故不成字。

兄国藩手草 八月十一日

296、持家守身之道

澄侯、温甫、子植、季洪四位老弟足下：

二十五日遣春二、维五归家，曾寄一函并谕旨奏折二册。

二十六日，水师在九江开仗获胜。陆路塔、罗之军在江北蕪州之莲花桥大获胜仗，杀贼千余人。二十八日克复广济县城。初一日在大河埔大获胜仗。初四日在黄梅城外大获胜仗。初五日克复黄梅县城。该匪数万现屯踞江岸之小池口，与九江府城相对。塔、罗之军即日追至江岸，即可水陆夹击。能将北岸扫除，然后可渡江以剿九江府城之贼。自至九江后，即可专夫由武宁以达平江、长沙。

兹因魏荫亭亲家还乡之便，付去银一百两，为家中卒岁之资。以三份计之。新屋人多，取其二以供用；老屋大少，取其一以供用。外五十两一封，以送亲族各家，即往年在京寄回之旧例也。以后我家光景略好，此项断不可缺。家中却不可过于宽裕。处此乱世，愈穷愈好。我现在军中，声名极好。所过之处，百姓爆竹焚香跪迎，送钱米猪羊来犒军者络绎不绝。以祖宗累世之厚德，使我一人食此隆报，享此荣名，寸心兢兢，且愧且慎。现在但愿官阶不再进，虚名不再张，常葆此以无咎，即是持身守家之道。至军事之成败利钝，此关乎国家之福，吾惟力尽人事，不敢存丝毫侥幸之心。诸弟禀告堂上大人，不必悬念。

冯树堂前有信来，要功牌一百张，兹亦交荫亭带归。望澄

弟专差送至宝庆，妥交树堂为要。衡州所捐之部照，已交朱峻明带去。外带照千张，交郭云仙，从原奏之所指也。朱于初二日起行，江隆三亦同归。给渠钱已四十千，今年送亲族者，不必送隆三可也。余不一一。

兄国藩 十一月初七日书于于武穴舟中

297、青山之战大捷

澄、温、沅、季四位老弟足下：

二十五日春二、维五到营，接奉父亲大人手谕并澄沅来信、纪泽儿禀函，俱悉一切。

此间自四月十九小挫以后，五月十三各营在青山与该逆大战一次，幸获全胜。该逆水战之法尽仿我军之所为，船之大小长短，桨之疏密，炮之远近，皆与我军相等。其不知我军处，在群子不能及远，故我军仅伤数人，而该逆伤亡三百余人。其更胜于我处，在每桨以两人推送，故船行更快。

罗山克复广信后，本可即由饶州、都昌来湖口会剿，因浙江抚台札令赴徽州会剿，故停驻景德镇，未能来湖口。顷又因义宁州失守，江西抚台调之回省城，更不能来南康、湖口等处。事机未顺，处处牵掣，非尽由人力作主也。

永丰十六里练团新集之众，以之壮声威则可，以之打仗则恐不可，澄弟宜认真审察一番。小划子营，如有营官、哨官之才，望即告知荫亭，招之以出。沅弟荐曾和六，其人本有才，但兵凶战危，渠身家丰厚，未必愿冒险从戎。若慷慨投笔则可，余以札调则不宜也。朱楚成之才，不过能带一舢板。闻父亲所办单眼镜甚为合用，但引眼宜略大，用引线两三根更为可靠。

沅弟买得方、姚集，近已阅否？体气多病，得名人文集静心读之，亦自足以养病。凡读书有难解者，不必遽求甚解。有一字不能记者，不必苦求强记，只须从容涵泳。今日看几篇，

明日看几篇，久久自然有益。但于已阅过者，自作暗号，略批几字，否则历久忘其为已阅未阅矣。筠仙来江西时，余作会合诗一首，一时和者数十人，兹命书办抄一本寄家一阅。

癖疾近已大愈，惟今年酷暑异常，将士甚苦，余不一一，即问近好。

父亲大人前，即此跪禀万福金安。叔父大人前，诸弟送阅禀安。

兄国藩手草 五月二十六日

298、得绅倾诚输助军饷可充裕

沅浦九弟左右：

初六日俊四等至，接二十八夜来缄，俱悉二十五日业经接管，军容整肃，至以为慰。

吉安殷富，甲于江西，又得诸绅倾诚输助，军饷自可充裕。周吾冈一军同行，如有银线，宜分多润寡，无令己肥而大独瘠。梧冈黯于大局，不能受风浪，若扎营放哨、巡更发探、打仗分枝，究系宿将，不可多得。主事匡汝谐在吉安招勇起团，冀图袭攻郡城，闻湖南援吉之师将别出一支，起而相应。若与弟军会合，宜善待之。

袁州既克，刘、萧军当可进攻临江，六弟与普、刘在瑞声威亦可日振。弟与夏、黄诸兄到吉安时，或宜速行抽动，或宜久顿不移，亦当相机办理。若周军与桂、茶诸军足以自立，弟率湘人助剿来江，兄弟年内相见，则余之所欣慰者也。军事变幻无常，每当危疑震撼之际，愈当澄心定虑，不可发之太骤。至要至嘱。

十一月初七日

299、让敌自创则反攻更易

沅浦九弟左右：

五月二日接四月二十三寄信，借悉一切。

城贼于十七早、二十日、二十二夜均来扑我濠，如飞蛾之扑烛，多扑几次，受创愈甚，成功愈易。惟日夜巡守，刻不可解。若攻围日久，而仍令其逃窜，则咎责匪轻。弟既有统领之名，自应认真查察，比他人尤为辛苦，乃足以资董率。九江克复，闻抚州亦已收复，建昌想亦于日内可复。吉贼无路可走，收功当在秋间。较各处独为迟滞，弟不必慌忙，但当稳围稳守，虽迟至冬间克复亦无可碍，只求不使一名漏网耳。若以瑞、临之有贼外窜，或似武昌之半夜潜窜，则虽速亦为人所垢病。如似九江之斩刈殆尽，则虽迟亦无后患。愿弟忍耐谨慎，勉卒此功。至要至要。

余病体渐好，尚未痊愈，夜间总不能酣睡。心中纠缠，时忆往事，梅愧憧扰，不能摆脱。四月底作先大夫祭费记一首，兹送交贤弟一阅，不知尚可用否？此事温弟极为认真，望弟另誊一本寄温弟阅看。此本仍便中寄回，盖家中抄手太少，别无副本也。四宅大小眷口平安。邓师初一日散学归去，葛师初四日归去。今年家中学生，科一进功最多，科四、科六次之，甲三又次之。甲五病目，科三在紫甸，皆未得勤课也。

弟在营所寄银回，先后均照数收到。其随处留心，数目多寡，其斟酌妥善。余在外未付银至家，实因初出之时，默立此

誓；又于发州县信中以“不要钱不怕死”六字自明。不欲自欺其志，而令老父在家受尽窘迫，百计经营，至今以为深痛。弟之取与，与塔、罗、杨、彭、二李诸公相仿，有其不及，无或过也；尽可如此办理，不必多疑。顷与叔父各捐银五十两，积为星冈公，余又捐二十两与辅臣公，三十两与竟希公矣。若弟能与竟公、星公竹公三世各捐少许，使修立三代祠堂，即于三年内可以兴工，是弟有功于先人，可以盖阿兄之衍矣。修祠或即用腰里新宅，或于利见斋另修，或另买田地，弟意如何，便中复示。公费则各立经管，祠堂则三代共之。此余之意也。

罗罗山夫人仙逝，余令纪泽于二十八日往吊。初一早发引，主系纪泽写，未另点朱。办理甚为热闹。初三日辅臣公生日，在吉公祠祭。黎明行礼，科一、科三、四皆往，科六未去。初二日接温弟信，系在湖北抚署研发。

九江一案，杨、李皆赏黄马褂，官、胡皆加太子少保，想弟处亦已闻之。温弟至黄安与迪庵相会后，或留营，或进京，尚未可知。

弟素体弱，比来天热，尚耐劳否？至念至念。羞饵滋补较善于药。如滋阴则海参炖鸭而加以益智仁，补阳则丽参蒸乌鸡或精肉之类。良方甚多，胜于专服水药也。不一一。

兄国藩手具 五月初五日

300、总宜平心静气稳稳办去

沅弟左右：

昨信书就未发，初五夜玉六等归，又接弟信，报抚州之复，他郡易而吉州难，余固恐弟之焦灼也。一经焦躁，则心绪少佳，办事不能妥善。余前年所以废弛，亦以焦躁故尔。总宜平心静气，稳稳办去。

余前言弟之职以能战为第一义，爱民第二，联络各营将士、各省官绅为第三。今此天暑困人，弟体素弱，如不能兼顾，则将联络一层少为放松，即第二层亦可不必认真，惟能战一层，则刻不可懈。目下濠沟究有几道？其不甚可靠者尚有几段？下次详细见告。九江修濠六道，宽深各二丈，吉安可仿为之否？

弟保同知花翎，甚好甚好，将来克复府城，自可保升太守。吾不以弟得升阶为喜，喜弟之吏才更优于将才，将来或可勉作循吏，切实做几件施泽于民之事，门户之光也。阿兄之幸也。

龙翰臣方伯与弟信，内批胡中丞奏折，言有副本，勿与他人看。是何奏也？并问，余续具。

兄国藩 五月初六日

301、急增兵勇重振孤军

澄侯、沅浦、季洪老弟左右：

正月十三日发第三号信并折稿及温弟优恤之旨，十八日王林三等来，接澄信二件、沅信一件、纪泽一件，得知家中四宅平安，甚慰。纪泽在省所寄之禀尚未接到。

此间军事，去腊十九日吴翔冈之挫，亡百六十人，二十日凯章之胜，亦亡九十人，正月十一日凯章又小挫一次。其第五旗扎牛角岭，距凯章老营十八里之远，十二早被贼攻陷。余因五旗去凯太远，除夕曾有信上之。凯复韦言旗长可恃，未移也。五旗被陷之后，又换三旗扎该处。余甚为悬念，又函上之矣。凯军现处孤危之际，不得不思所以济之振之。已派彭山岷回湘调兵六百名，派余星焕回湘招勇千名，与喻吉三同带之。又令朱品隆添勇二百名，函告王人树添勇三百名，又令张岳龄招平江勇千二百名。共添三千余人。向耆中丞索取饷项，能得与否，尚未可知，然不能不放手一办也。待兵勇到时，先派在建老营，赴凯章处助剿，将来须另派统领，另打一支，与萧、张分为三路，庶足以张犄角之势。此间各营望沅弟如望岁，吉字中营尤如婴儿之望慈母。吾前欲派吉中营偕朱、唐去攻景镇，莘由及各帮带皆以沅弟未来，不敢作主。

余近日心绪郁郁，望沅弟来此叙手足之情，并商定大局。先考妣改葬之事，本属刻不可缓，然如此春雨淋淋，何能登山觅地？余意托萧可卿、冯至善在家再寻三四个月。九弟于二月

间来营，一面为我画定全局，一面将吉字中营安个实在着落，住数月后再行回家。温弟遗蜕若竟寻不得，则沅弟于江北宿松等处招魂而归，具衣冠而葬。将来改葬先考妣时，即将温弟衣冠附葬于二亲之旁。若鬼神呵护，温弟忠骸一旦寻得，则九弟即迎温弟灵柩以归，是亦不幸中之一大幸。先考妣改葬时，附寻古地以葬温弟，亦可少慰叔父及温弟妇之心。若九弟久不来营，吉中营全无着落，家中不能寻地，温弟招魂葬衣冠等事早也不好，迟也不好，沅弟心悬数处，均不妥善。是否应于二月来营，数月再归，望沅弟与叔父、澄、季熟商妥办。余此次缄催郭意城、王人树、王枚村来营。皆言沅弟于二月来营。沅弟若有信与意、树诸公，可邀其同行也。正月十三日接奉御赏福字，兹专人送归。又枣果面饼等物，送一半归查收。顺问近好（在建昌军中）。

再，吾近写手卷一大卷。首篆字五个，次大楷四十八个，后小行书二千余，中间空一节，命纪泽觅此三十二人之遗像绘之于篆字之后、大楷之前。查武梁词画像内有文、周、孔、孟诸像，外间间有藏本。翁覃溪《两汉金石记》曾刻之，王兰泉《金石萃编》亦刻之。此外如名臣像亦间有之。纪泽觅得像底，则双钩摹于卷内，不必着色也。或嫌此卷太大，则另办一卷画像。此卷即先付长沙装潢，楠木匣藏之，将来求沅弟精钩刻石。其像有不可尽得者，略刻数像可也。吾生平读书百无一成，而于古人为学之津梁，实已窥见其大，故以此略示端绪。手此再告澄、沅、季三弟，并谕纪泽儿知之。

国藩又行 正月二十三日

302、答景德镇遣兵之法

澄、沅、季三位老弟左右：

初十日接澄弟及纪泽儿二十八信，沅弟二十九日自县城发信，俱悉一切。温弟忠棣初三自黄州开行，尚未到省，殊深系念。日内想已到矣。纪寿侄既奉恩旨交吏部带领引见，其叔父大人诰封，仍当咨部恭领语轴。盖第二次谕旨中有“着再加恩”字样，再字即承前次诰封之旨言之也。请谥一节，不敢再读矣。

澄弟信中变格讖语之说，兄早虑及之。七年闰五月十七初得谕旨时，正在白玉堂拆阅，叔父欲将此四字悬匾槽门，余不甚愿，亦未免中有所忌。然此等大事，宴宴中有主之者，皆已安排早定。若兄则久已自命为癞头牙子，与其偷生而丛疑谤，又不如得所而泯悔憾耳。

沅弟问克复景德镇作何调遣？目下镇贼狡悍，似难遽克。既克之后，如湖南渐安，萧军复来，则当全力以规皖南，如湖南尚后，萧军留湘，则且休兵以驻湖、彭。是否有当，俟沅弟来营面商尚不为迟。

纪泽儿问地图六分，可否送一分与文辅卿？此图刻板在新化，尚属易购，可分一与文也。所论怀祖先生父子解经，什九着意于假借字。本朝诸儒，其秘要多在此，不独王氏为然。所问各书：《易林》长沙蒋氏曾刻过；《汉魏丛书》亦有之；“逸周书”，杭州卢抱经丛书有之；唐石经，陕西碑洞有之，唐开

成元年刻字，类欧帖，可托人刷买，邓南侨现官陕西，亦可托也；《北堂书抄》不多见，抄本尤为难得。泽稟中“讹”、“譌”误作两字，“啄”误“喙”，附告之。并问诸弟近好。

兄国藩手草 三月十三日

再，纪寿侄蒙恩交吏部带领引见，俟下次发折，再行具折谢恩。二月十五日所发折，初八日奉到批谕，比付回矣。初九日研发折，三月初九奉到批谕，今付归也。兄又行。

303、屡败屡战各处军事皆不甚得手

澄侯、沅浦、季洪三位老弟左右：

四月十四日王上国来，接澄、沅信各一件。日来上游信息如何？闻东安之贼窜至新宁，江、刘两家被害，并有贼踞江忠烈之屋。信否？沅弟初六日果起行否？

此间诸事如常。景德镇久未开仗，凯章与铃峰泊难和协。所派屈见田带平江老中营于初八日到湖口，与雪琴至交。水陆得渠二人，湖口应可保全矣。下游张国梁在江北浦口小挫一次，胜帅保定远大营亦屡次挫败。各处军事皆不甚得手。幸雨泽沾足，天心尚顺，当有转机。

家中一切，自沅弟去冬归去，规模大备。惟书、蔬、鱼、猪及扫屋、种竹等事，系祖父以来相传家法，无论世界之兴衰，此数事不可不尽心。朱见四先生向来能早起，又好洁有恒，此数事应可认真经理也。九弟所谓过厚之处，此后余更当留心。顺问近好。

兄国藩手草 四月二十三日

再，余此次再出，已满十个月。论寸心之沉毅愤发志在平贼，尚不如前次之坚。至于应酬周到，有信必复，公牍必于本日办毕，则远胜于前次。惟精神日衰，虽服参茸丸亦无大效。昨胡中丞又专使赠送丸药，服之亦无起色。目光昏花作疼，难

于久视。因念我兄弟体气皆弱，澄弟、季弟二人近年劳苦尤甚，趁此年力未衰，不可不早用补药扶持。季弟过于劳苦，尤须节之。兹付回高丽参一斤，为两弟配药之用，查收。沅弟想已启行矣。

藩又行

正封緘间，接沅浦弟十五日自省发信。萧浚川亦有信。知魏喻义等败挫，衡城危迫。不知吾乡近状若何？余意吾家居万山之中，贼踪难到，似可不必迁移。盖乱世保全身家本非易事，若在本乡本土，纵然贼到，东山避一个，西屋寄一个，犹有可幸全之理。若徙至别处，反恐生意外之变，均听两弟临时斟酌。沅浦信言五月初一二可到抚州，届日再有专信。再问澄、季两弟近好。

国藩又行 四月二十二夜

304、欲援军太湖助声威

澄侯、沅浦两弟左右：

十八日曾天二到，接初五日家信。二十三日贺赏四到，接初一日家信，内澄弟二缄、纪泽一缄。并《通鉴》、《五代史》及豆姜等件。二十二日接沅弟岳阳楼下一缄。借悉一切。叔父大人肝火甚旺，不知沅弟归后劝之少解否？至以为念。

此间军务平安。新马队已立二营，营官马德顺、伍华瀚也。下游四眼狗闻将以本月之杪来援太湖，多、鲍各军颇形惊慌。此间亦须派五六千人往太湖助之。但系打行仗，老营仍扎宿松不动耳。

兹付去银五十两，送霞仙家贖仪，又银十两，送兰姊之次子贺仪，望即日专送。以后应致情之处，请澄侯斟酌一数目更好，即问近佳。

兄国藩手草 十一月二十四日

澄侯、沅浦两弟再览并谕纪泽儿：

前缄未封，陈明德等至，接澄弟十一日一缄并纪泽在欧阳家所写一禀。科三之字大有长进，甚慰甚慰。第不知甲五近尚读书否？问这刘一、金二，皆云目疾痊愈，纵不能多读书，应小试，亦须略听史鉴，能动笔写信为妙。不然，甲五后日必悔也。澄弟于此等若太松，则有愧父道矣。

泽儿问横笔磔法，如右手掷石以投入，若问左边平掷则不得势，若向右边往上掷，则与捺末之磔相似，横末之磔亦犹是也。《化度寺碑》磔法最明，家中无之。《张猛龙碑》、《同州圣教》磔法亦明，可细阅再禀。沅弟于字用功最深，曾留心磔法否？又行

305、官军三万似尚不足制贼

澄侯、沅浦两弟左右：

二十一日接两弟手书并纪泽一禀。沅弟信中有分关田单，一一读悉。我于家中毫无补益而得此厚产，亦惟学早三爹频称“多多谢”而已。余敬澄弟八杯酒，曰：劳苦最多，好心好报。又敬沅弟八杯酒，曰：才大心细，家之功臣。都要吃个满斟硬刮。祖考妣改葬事竟能于去冬办到，何其神速也！余贺澄弟迁居，亦系御赐福字一个、红缎对一副、挂屏二副、桌椅全堂（内稠木桌二十张，太师椅三十张，平头椅三十张，凳六十条。仍用嫁装之法：女家出钱，请男家自行代做代漆）。自营中带回之件，且俟二月与送沅弟之件一并专人送回。叔父大人病已渐愈否？正月四日寄回之辽东参曾试服否？

此间军事如常。十三日自宿松派张胜禄、张光明、朱宽义，十五日自太湖派朱、唐等四营赴前敌助战，至今十日，尚未开仗。山内金、余二军十九日开仗。金因雨雪先收，余军小挫。目下贼以全力上趋，官军三万余人似尚不足制贼，实深焦灼。季弟于二十二日太湖城下开仗，尚属平安，来信寄阅。余已屡信属弟不轻出队矣。余俟续布，顺问近好。

兄国藩手草 正月二十四日

306、战事胜败交叠波澜四起

澄侯、沅浦两弟左右：

二十日接初二日信：澄弟一件、沅弟一件并文稿地图等件、纪泽一件。二十二日又接沅弟初九之信。俱悉一切。

此间日内尚未进兵，已札饬各军拔营，札稿抄阅。季弟之恒字二营。吾与润公皆不欲其来太湖。弟于正月六日勉强自来，幸遇机缘，太湖克复，同奏肤功。兹湘恒营同围安庆，余亦不甚放心，而季弟自觉甚有把握，故撤令之同行。既已立营，则不能不望其稍立功绩也。

自此间克复潜、太二邑，袁午帅克复凤阳，翁中丞大破炉桥，皖北军大有起色。不料皖南徽、宁二府连陷六州县，浙江亦失去三县，杭省及湖州府危急之至。罗中丞奏请余率楚军往援，即使奉旨允准，亦缓不济急矣。金陵大营正在十分得手之际，而南则有浙江之变，北则清江浦失守，一波未平，一波复起，殊深焦灼。

陈作梅与牧云以十八日起行旋湘，盛四亦归。余前思办红缎对为两弟贺仪，后访查红缎极不上墨，乃改为冷金笺对。赠澄弟云：“俭以养廉，誉洽乡党；直而能忍，应流子孙。”赠沅弟云：“入孝出忠，光大门第；亲师取友，教育后昆。”各件均交盛四带归。对在长沙裱，想三月下旬乃可到也。余在公馆设灵穿孝十四日，于二十日撤位脱素服，仍回营盘。外间来祭幛四十余幛，少迟再专入送归。其金字已尽行拆去，一则恐

路远难搬，二则恐已出殡也。

起先大夫祠堂，如牌坊，如诰封亭，皆须就地势为之。余意诰封亭系乡间俗样，尽可不必；牌坊则系官样。余前日所画槽门样子，即与牌坊相近，京城凡大庙中间有照壁，两头皆有木牌坊。南中文庙及贡院之“天开女运”，亦用木牌坊。先大夫庙之槽门，即用木牌坊式可也。但各处木牌坊上不盖瓦，下不装板。此既作庙头门，则上当盖瓦，下当装板。总而言之，一正(扛屋五开间)两横(各三间)一牌坊槽门而已。至各处起屋之法，皆先立柱起架子，待上屋瓦盖毕之后，乃砌砖墙。各柱嵌于墙砖之中。屋之稳不稳，全在架子，不与砖墙相涉。先大夫庙若用此法，则须大柱子十八根(前墙内六根，后墙内六根，中间承枋者四根，两头墙内顶屋脊者各一根)，而庙外四面落檐之廊柱尚不此十八根之内(又须十四根)。如此，则须料甚多，吾乡恐办不出，且恐木匠不能做。若用吾乡旧法，概以砖墙为主，不用架子，则省料极多而木匠亦易于交卷，望两弟悉心裁酌。修昭忠祠及东皋书院祠之正栋，亦不外先大夫庙式，五杠间而四面落檐，即极大方矣。所争者，亦在全用架子与否耳。应否由余下札，俟弟到营后再行面商。

白玉堂之事与季弟日日熟商，实难组一受人认真照料。沅弟祭文情文极挚，亦苦无人专管事耳。即问近佳。

兄国藩手草 二月二十四日

307、克复浙江人心大定将进围安庆

澄侯、沅浦两弟左右：

闰月一日彭芳四来，接两弟信并纪泽一禀，俱悉一切。澄弟移寓新居，闻光彩焕发，有王相气象，至慰至慰。沅弟新屋前闻不甚光明。近日长未来者皆云极好。吾两对所祝者，将来必如愿矣。祭叔父文亦裴可诵，四字句本不易作，沅弟深于情者，故句法虽弱而韵尚长也。余办木器送澄弟，即请澄自为妥办，女家之钱已交盛四带归。即仿七年之例，由县城办就，至家中再漆可也。

此间自浙江克复，人心大定。太湖各营于二十四五日拔营，宿松吉中、吉左四营于二十六日拔营，均至石牌取齐，初五日将进围安庆。朱惟堂一营初二日到江边，距宿松仅七十里矣。管中一切平安，余身体亦好。惟饷项暂亏，若四川不速平，日亏一日，必穷窘耳。

澄弟之病日好，大慰大慰。此后总以戒酒为第一义。起早亦养身之法，且系保家之道，从来起早之人，无不寿高者。吾近有二事效法祖父，一曰起早，二曰勤洗脚，似于身体大有裨益。望澄弟于戒酒之外，添此二事，至嘱至嘱。顺问近好。

兄国藩手草 闰三月初四日

308、苏州危如累卵杭州亦恐复失

澄侯四弟左右：

接弟闰月二十四夜手缄，得悉五宅平安。魏承祉之事，吾家尽可不管，别人家信本不应拆阅也。孙大人昌国号栋臣，系衡州协兵丁，吾调出保至副将向导营之官。上年雪琴将伊营官革去，派管船厅。曹级珊名禹门，广西知县，船厅委员也。吾将回信已焚化，以后弟不必提及。

金陵大营于闰月十六日溃退镇江，旋复退守丹阳。二十九日丹阳失守，和春、何桂清均由常州退至苏城外之浒关。张国梁不知下落。苏州危如累卵，杭州亦恐再失，大局决裂，殊不可问。

余此次出外两年，于往年未了之事概无甚愧悔，可东可西，可生可死，襟怀甚觉坦然。吾弟尽可放心。前述祖父之德，以书、蔬、鱼、猪、早、扫、考、宝八字教弟，若不能尽行，但能行一早字，则家中子弟有所取法，是厚望也，顺问近好。

国藩手草 四月十四日

309、未援宁国遭谤议

澄侯四弟左右：

初二日由安庆沅弟处寄到弟信一件，得知弟体微有不适。不吃不喝，头上出汗，贪睡而不能酣眠。此三者皆系阳虚之症，于参茸桂附相宜。往年内子在京曾害阳虚之病，其时力不能买参茸，惟每日用大锅煮黄耆党参，熬成极浓之汁，惟不令成膏，恐其粘锅而有烧气也。每剂桂附姜术之类，份量皆重。又以为参茸片蒸而兑之，又以大锅中煮耆党浓汁和而服之，十余日而大愈。今弟之病亦系阳虚，可照此法办理。以耆党两味各熬极浓之汁，和于诸药之中，必有奇效。但须好好经理，恐粘锅耳。

余到祁门已二十三日，身体平安。近处惟宁国被围紧急，日日告求救援。余因鲍超、张远兰等未到，不能往救，未免望极生怨，谤议日滋。浙江之事尚属平稳。弟现在不管闲事，省费许多精神，将来大愈之后，亦可将闲事招牌收起，专意萌蔬养鱼，生趣盎然也。

七月初四日

310、骄奢淫佚四字惟首尾二字尤宜切戒

澄侯四弟左右：

日内皖南局势大变。初一日德兴失守，初三日婺源失守，均经左季翁一军克复。初四日建德失守，而余兴安庆通信之路断矣。十二日浮梁失守，而祁门粮米必经之路断矣。现调鲍填六千人进攻浮梁，朱、唐三千人进攻建德。若不得手，则饷道一断，万事瓦裂，殊可危虑。

余恭窃高位，又窃虚名，生死之际，坦然怡然。惟部下兵勇四五万人，若因饷断而败，亦殊不忍坐视而不为之所。家中万事，余俱放心，惟子侄须教一勤字一谦字。谦者骄之反也，勤者佚之反也。骄奢淫佚四字，惟首尾二字尤宜切戒。至诸弟中外家居之法，则以考、宝、早、扫、书、蔬、鱼、猪八字为本，千万忽忘。

顺问近好。

兄国藩手草 十一月十四日午刻

311、目下不可言战但能勉守

沅、季弟左右：

十四日接十一日来信，俱悉一切。

此间十二日再攻徽州，过于持重。以八千余众之实在队伍，不能遵札直攻东门，列队竟日，不一交锋。是夜贼匪焚村劫营，我军惊溃者八营，完全无恙者十四营。此次伤亡虽不满百人，而士气日减，贼氛大长，目下不可言战，但能勉守，专盼左、鲍二军攻克景德镇，或两弟攻克安庆，移师东、建，庶有转危为安之一日。

家信一件，与初四信相仿，弟阅后封好派人同送。自去冬以来，实无生人之趣。季弟劝我之言，外人亦有言之者，而不知局中度日之难也。看书久荒，下棋则毫无间断。甚至一日八九局之多。九弟劝我月攘一鸡，我今乃日攘九鸡矣。左公日内无信来，不知足以自立否？顺问近好。

三月十四日巳刻

312、太平军已退离太湖

沅弟左右：

接初三日已刻信并小菜糗菜等，苦株可谓多矣。古文二本，当于三日圈毕，以待锅盖之启也。《箴言书院记》实不称意，久疏于文，无怪其然。复陈军情一疏，中段三百余字系余所添。贼在太湖，初一已退，计三日内必抵集贤。如贼踞关内关外半月不退，则余调鲍军回援，一面檄丁义方，蔡芥舟办船以待。计信去三日，鲍军折回。陆行六日，九江至大桥舟行五日，不过半月，援师可到。前有弟之长濠，后有鲍之援师，贼虽百万，亦难逞志。若至集贤不待半月而退，不须呼鲍回援，尤为大幸。方公品行，却是第一流人，容俟图之。即问近好。

七月初四日

313、寿州失陷

季弟左右：

接十二日信，俱悉一切，写字一纸有秀劲之气，若常写不间断，必有猛进之时。余自八年起，每日用油纸摹帖，不甚间断，近日常常长进。弟亦可用油纸试摹也。

寿州于二十六日失守，苗练进城，不杀翁中丞，求翁奏明渠是报仇，并非叛逆云云，想翁公必不允许矣。

龙三表弟来数日，思至弟处一行。十一日余未见一客。《劝诫浅语》再发五本查收。即候近好。

十月十四日

314、望沅弟正月到皖则余不甚失信

澄、沅弟左右：

王采六等来营，接澄弟十月二十三日信并纪泽一禀，知家中五宅平安。又得赵玉班寄季弟信，知沅弟于十月二十八自长沙还家，竟可赶上初三祭期。至慰至慰。

此间军事平安。三河之贼于初六日无故自退，或与庐州贼目不和，或别有诡谋，均未可知。余令振字、开字两营移守三河伪城，而派竹庄之千三百人接守庐江，均札归多都统就近调度。竹庄十三日自安庆开差，十七可至庐邑，不知振、开两营果能守三河要隘否？如守得坚定，则庐郡，巢县亦或易于得手。

浙江自绍兴失守后别无确信，闻宁波继陷，杭城被围，可危之至！余奏请左寺堂由广信、衢州援浙，又调鲍春霆进攻宁国。宁国距杭仅三百里，亦可掣浙贼之势，坚杭人之心。第目下均尚未拔行，不知赶得及否？

江苏、上海来此请兵之钱调甫，即前任湘抚钱伯瑜中丞之少君也，久住不去，每次涕泣哀求，大约不得大兵同行即不还乡，可感可敬。余前许令沅弟带八千人往救，正月由湘至皖，二月由皖至沪，实属万不得已之举。务望沅弟于年内将新兵六千招齐，正月交盛南带来，沅则扁舟先来，共商大计。吾家一门受国厚恩，不能不力保上海重地。上海为苏、杭及外国财货所聚，每月可得厘捐六十万金，实为天下膏腴。吾今冬派员去提二十万金，当可得也。陈舫仙丁内艰，家无兄弟，本应给假

回籍治丧，吾因运漕吃紧之地，批令待沅弟来再行给假。兹将原批暨信抄阅。望沅弟正月到皖，则余不甚失信。至要至要。

东皋书院请山长，让邓寅兄去，万万不能。余自成丰八年即与寅兄订定，请其教科一五年。科一甫十四岁，岂可遽至书院，习为浮荡？明年决请寅兄再教之，并请带之出考，与邓世兄同寓。科四、科六未请得有恒之师，耽误光阴，余甚不放心。沅弟回家，余嘱其以此事为重，不知现已延请何人？或明年即令科四、科六从邓师读书？或癸亥年延邓师于大夫第连教数折？总之，师之有恒者极为难得。邓师在兄弟处，无论何家，皆大有益于子侄。公之书院，则为益反小，可不必也。邓师脩金，应行酌增之处，望两弟与纪泽母子商定，余必付回。梁侄生女，贺贺。

余身体平安，惟疮癣之痒迄不能愈，娶妾之后亦无增减。陈氏妾入室已二十日，尚属安静大方，但不能有裨于吾之病耳。纪泽所呈寿叙及诗亦尚稳适，惟藻采太少，又欠风韵。试取庾子山《哀江南赋》熟读百遍，当引出情韵，有情则文自生矣。顺问近好。

兄国藩手草

正封缄间，接奉廷寄谕旨，兹先行抄寄一阅。涤翁道理未免太多矣。即日当专折辞谢，不敢当此重权。昔太无权，今太有权，天下事难得恰如其分也。兄又草。

十一月十四日

315、粮运既通当无他虑

澄、沅弟左右：

日来未接家信，颇为悬念。沅弟腹泄，何以至今不愈？若云脾虚发泻，则八九月在此办事，宏毅周到，断非元气亏损之象。即到家后，寄来各信家迹精光圆湛，亦殊非积弱者所能为。弟平日服药太多，余心以为非。此次久泻，不知所服者系属何方？恐一味偏补，而于所以致淀之原未能清其根。万篴轩病症五年，多服补剂。现在娇养太惯，动辄生疾，亦由当日致症之原本清其根也。望弟少服药饵，迅速来营，忘身报国。凡外间谤言无因而至者，余必能解之；凡险远之处，弟不愿往者，余亦不强之。但望弟早早来营。一则受恩太重，不宜久住家中；一则舫仙思归甚切，前敌今春必有战事，余甚不放心也。

徽州危急，二十六日获一大胜，已将岩寺街打开。粮运既通，当无他虑。

正月初四日

316、饷项之绌足令英雄短气

沅弟左右：

东梁、芜湖已克，由金柱关进兵，二险已化险为夷，四妙已验其三。至幸至幸。

各处败贼俱萃宁国，杨七麻以著名枭悍之渠，当拼命力争之际，鲍军屡胜之后，杂收降卒，颇有骄矜散漫之象，余深以为虑。目下弟与雪军、季军且坚守芜、太、金柱、南陵、黄池等处，休养锐气，不遽进兵。待鲍军札围宁国，十分稳固，多军进至九袱洲，弟与雪、季再议前进。其秣陵关、淳化镇两处，为进兵之路，须派人先去看明。弟信言从太平至金陵百四十里，中不隔水。以古书证之，则尚隔一秦淮河。余处无好图可看，弟亦须先行查明。

弟以金柱关之破，水师出力量多，厘卡当雪二季二，甚善甚善。兹定为沅五、雪三、季二，尤为愜当。

袁午帅之办事，本属浮而不实，然饷项之绌，亦足令英雄短气，且胜公欺之太甚，余当少为护持。

四月二十八日

317、兼顾淮北余力不从心

澄弟左右：

近日诸事平安。沅、季在金陵并未开仗，鲍春霆克宁国后尚未进兵。希庵于初八日简授钦差大臣，咨请余代奏谢恩，并请辞谢重任，回籍守制，已于二十一日代为陈奏。渠以二十二日自六安起行来安庆，俟奉到赏假谕旨，即行归里。袁午桥开缺以后，病势甚重，不审能再驻临淮办事否。若午、希皆去，余须兼顾淮北，精力万照管不到。

近日身体颇好，疮癣皆愈，但畏热殊甚，汗出如雨，殆亦老年必有之象。弟近日体气何如？常服药否？余今年未服补药，盖见胡润帅晚年病象，未必非补药太过之咎耳。

七月二十四日

318、速送军饷稍济眉急

沅、季弟左右：

日内未接弟信，想季症痊愈为祝。余日日至希庵处看视，其林瘦多咳，略似内伤，而神气尚凝聚，静心调养，当可痊愈。即日自行具折陈情，恳请回籍一行，计二十八九可奉批旨。如再不蒙谕允，则续行陈情，拜疏即行。渠于送奠仪者，一概辞谢，虽余兄弟与雪琴者不受，此外则并祭幛而辞之。

袁帅病热颇重，断难久留，余之负任太重，深为焦虑。东局五万，上海四万，至今未到。昨日江西解到四万，今日飞解弟处，稍济眉急。金陵援贼，近日何如？各营病痛，比来少愈否？

澄弟寄到家信，嘱专人送金陵，兹专足送去。弟处送家信者，常失之太慢，余定限自皖至家十八天。以后弟逢八日写信，排递余处，余逢四送家，则弟缄达湘，不满一月矣。

八月初七日

319、死于金陵不失为志士

沅弟左右：

兹请峰山至金陵一行，劝慰老弟宽怀，专以国事为重。不带勇则已，带勇则死于金陵，犹不失为志士。弟以季之歿于金陵为悔为憾，则不可也。袁简斋诗云“男儿欲报君恩重，死到沙场是善终”，当时以为名句。季棣到安庆，余必加漆五次，大约停住两旬，峰山至金陵小住十日可也。

十一月二十四日

320、克城迟早有天定不关人谋

沅弟左右：

接十七、二十一日两次来信。上海解银三万，至弟营之轮船在无为境内炸裂沉坏，伤毙数十人，钱万串及军装全失，故弟函到此亦迟。

弟将续募八大营停止，甚善甚善。惟刘连捷之数营、辰沅一带之数营俱未停止，犹嫌人数太多，粮米不继。闻贼中米足者可支年余，不足者难支一月，克城之迟早，仍有天定，不关人谋也。

厚庵请归养亲养病，缄牍俱到，拟仍作书坚留之。弟心中欲做之文章，余亦久怀此意。将来或兄先发，或弟先发，须熟商明白，再行举动。曼彤翁处，余于十五日专差送一幛、一联、如意、燕菜，不知赶上否？黄中瓚来，当优待之。江军门来此五日，病势极重，殆不可支，惻虑之至！顺问近好。

国藩手草 十月二十八日

十二日保折，二十七日接到。刘、张赏黄马褂。

321、莫贪功求速成

沅弟左右：

接十月二十五日来信，俱悉一切。

御赏诗文集谢折久已专差拜发，竟忘寄稿与弟，兹由公牒寄去。

湘后左右营应即由金陵粮台发饷，以归划一。王远和、黎定志既不明白，弟应速放管带或帮带官，切勿瞻徇迟疑。余在此与王柱堂说明，王、黎只暂带至金陵，即由弟另派人带。并无王、黎长带之说，公牒亦斟酌详明也。莘田叔带两营，日内亦将到营，望弟无贪功之速成，但求事之稳适。厚庵告假，闻与雪琴微有不协，弟知其详否？即问近好。

国藩手草 十一月初二

正封緘间，闻苏州二十五克复，虽未得少荃信，而上海来人甚多，事甚确也。余保少荃，弟让程镇，大有益于东南全局，可慰可慰。第二十八日夜信，顷亦接到。皖票昨夜始由簾轩送弟处，立意早定，而办事太慢，余之咎也。

国藩又行 初二申正

322、雪深四尺军士极苦

澄弟左右：

正月四日接弟十二月二十日排递之函，初七日接弟二十日函，由谢绍武等带来者。些微寄件，何足云谢。

吾不欲多寄银物至家，总恐长辈失之奢，后辈失之骄。未有钱多而子弟不骄者也。吾兄弟欲为先人留遗泽，为后人惜余福，除却勤俭二字，别无做法。弟与沅弟皆能勤而不能俭，余微俭而不甚俭，子侄看大眼吃大口，后来恐难挽回。弟须时时留心。

大雪五日，平地四尺，此间军士极苦。沅弟初二日以后尚无信来。安庆合家平安，足慰远念。顺问近好。

国藩手草 正月十四日

323、金陵之胜势在必得

澄弟左右：

接弟信，知临三生子，兰姊可慰于九泉矣。兹付去银十两为贺。五十侄女生子，亦寄十两为贺。请弟妥交。

此间近状平安。上海李军于十二日克复常州。金陵之贼外援已绝，计瓜熟蒂落之期当亦不远，惟米粮昂贵，且无处可买，颇以为虑。江西之贼自席军在金溪获胜，大局不致糜烂。然窃寇觅食纷窜，闽广两湖均属可虑，不可以其为残败之匪而忽之。如省城、衡州有与弟商及贼情者，宜互相诫慎也。

俭之一字，弟言时时用功，极慰极慰，然此事殊不易易。由既奢之后而返之于俭，若登天然。即如雇夫赴县，昔年仅轿夫二名，挑夫一名，今已增至十余名。欲挽回仅用七八名且不可得，况挽至三四名乎？随处留心，牢记有减无增四字，便极好耳。顺问近好。

国藩手草 二月二十四日

324、合围金陵由弟出马

沅弟左右：

接初七夜一缄，欣悉句容克复，从此城贼冲出益无停足之地，当不至貽患他方，至以为慰。弟增十六小垒，开数处地道，自因急求奏功，多方谋之。闻杭城克复之信，想弟亦增焦灼，求效之心尤迫于星火。惟此等大事，实有天意与国运为之主，特非吾辈所能为力、所能自主者。虑心实力勤苦谨慎八字，尽其在我者而已。

春霆既克句容，宜亲驻句容，专打金陵破时冲出之贼。簾轩办捐之札，专人坐轮船送去。刘方伯札亦发。惟少荃近日与余兄弟音信极稀，其名声亦少减。有自沪来者，言其署中藏珍珠灯、八宝床、翡翠菜碗之类，值数十万金，其弟季荃好货尤甚等语，亦非所宜。将来沪局劝捐，恐又得与余处齟齬。幼丹截分厘金之事，今日具疏争之，竟决裂矣。

奉初六日寄谕，恐金陵军心不一，余欲亲往督办，盖亦深知城大合围之难。余拟复奏仍由弟一手经营。惟常常怕弟患病，弟千万保养，竟此大功。顺问近好。

国藩手草 三月十二日

325、攻城专在稳慎二字上用心

沅弟左右：

今日接徽、祁信，唐、毛于十七日大败，桂生不知下落。徽、休、祁三城俱恐难保，而江西之患弥大，即湖南亦极可虑。余忧灼之怀，与十一年二月、元年九月相似。本不欲告弟知，但恐弟处稍涉大意，一味攻坚，只求克敌，不求稳慎，故特飞告弟知。望弟不必挖地道，不必攻坚，专在稳慎二字上用心。且待此番大风波过了，再讲金陵克城之法。春霆若不派劲旅住守东坝，则芜、金两防均极可危。兹再寄春霆一缄，请弟专丁飞送。

叶亨甥今日开船归去。米船到此者颇多，弟处不患无食，特银钱太少。弟宜专催上海四万以作小菜钱，其放赈之局，似以停止为是。顺问近好。

兄国藩手草 六月二十日酉刻

十五夜信收到，火药即日起解。

326、我军不必出壕仅稳稳为自守计

沅弟左右：

初四日连接初一日已刻及夜间二缄，知弟近日肝疾已愈，湿毒亦十去七八，大慰。

初一以后，贼果出城猛扑否？若非有绝大便宜，我军并不出壕，仅稳稳为自守计，应可无碍。元年七月二十二日出壕之战，吾至今尚觉心悸，盖吾胆气素薄故也。日内阴雨寒森，气象不住，务望老弟不求奇功，但求稳着。至嘱至嘱。

吾虽亦有肝气，然善眠善食。兰泉诊我脉，言六脉平和，养生家所求之不得，断无疾恙云云。但每日懒于作事，不免积搁文件耳。弟可放心。

上海银二十一万零，已专员去取。寄李、刘手函抄阅。淮北盐务，每年余可得课盐钱八十余万串，刊章寄阅。顺问近好。

中关水面接济，即日当悬重赏防之。

四月初五日

327、为兄已裁兵勇五万

沅弟左右：

连接初七、八、十日三信，又专寄李少荃一信，俱悉一切。弟肝病太久，元气已亏，何可轻服大黄？无论湿毒如何溃烂，切不可服大黄以伐根本。余于道光二十五六七八等年遍身癣毒，其痛楚实为难受，澄、温诸弟曾见之。亦曾服攻伐之品，疑为杨梅疮而医之，终无寸效。后乃置之不理，头面渐渐去净，身上渐稀薄，痛愈而痒亦减。今已十有九年，竟得十痊其八。此等皮肤之疾，万无送命之理，断不可因此而妄伐本根。请弟全禁吃药，并禁敷药，不久必自痊愈。弟病比兄十年之病轻得多半也。至于弟之肝郁，此时尽可自化自解。谓立功非弟今世所能希冀，尤为可怪！古今立大功者，有凡人过于弟耶？

南云病重，即在金陵调养，不必上来。王、戴二人之米银，即在此间给发期票期札，系与毛竹丹营中商定，众心愿从者。湖南人发湖南钱店之票，每张概系十两，当无不乐从者。否则，兄共裁了五万人（第二万五，此外裁希部一万，别部一万五，希部与湖北共之），今年何能了耶？昨日发一密片抄阅。即问近好。

八月十四日

328、安知大堞之后无大伸之日那？

沅弟左右：春霆之郁抑不

平，大约屡奉谕旨严责，虽上元之捷，亦无奖许之辞，用是快快者十之四；弟奏与渠奏报不符，用是快快者十之二；而少荃奏者三败挫，由于霆军爽约，其不服者亦十之二焉。余日内诸事忙冗，尚未作信劝驾。向来于诸将有挟而骄者，从不肯十分低首恳求，亦硬字诀之一端。

余到金陵已六日，应酬纷繁，尚能勉强支持，惟畏祸之心刻刻不忘。弟信以咸丰三年六月为余穷困之时。余生平吃数大堞，而癸丑六月不与焉。第一次壬辰年发僧生，学台悬牌，责其文理之浅。第二庚戌年上日讲疏内，画一图甚陋，九卿中无人不冷笑而薄之。第三甲寅年岳州、靖港败后栖于高峰寺，为通者官绅所鄙夷。第四乙卯年九江败后赦颜走入江西，又参抚、臬；丙辰被困南昌，官绅人人目笑存之。吃此四堞，无地自容。故近虽恭窃大名，而不敢自诩为有本领，不敢自以为是。俯畏人言，仰畏天命，皆从磨炼后得来。

弟今所吃之堞，与余甲寅岳州、靖港败后相等，虽难处各有不同，被人指摘称快则一也。弟力守悔字硬字两诀，以求挽回。弟自任鄂抚，不名一钱，整顿吏治，外间知者甚多，并非全无公道。彼此反求诸己，切实做去，安知大堞之后无大伸之日耶？

三月十二日

329、余堪忧军中士卒染病

字谕纪泽儿：

日内未接家信，想五宅平安为慰。

此间近状如常。各军士卒多病，迄未少愈。甘子大至宁国一行，归即一病不起。许吉斋座师之世兄名敬身号藻卿者，远来访我，亦数日物故。幸杨、鲍两军门皆有转机，张凯章闻亦少瘥。三公无他故，则大局尚可为也。沅叔管中病者亦多。沅意欲奏调多公一军回援金陵。多公在秦，正当紧急之际，焉能东旋？且沅、季共带二万余人，仅保营盘，亦无请援之理。惟祝病卒渐愈，禁得此次风浪，则此后普成坦途矣。李希庵于闰八月二十三日安庆开行，奔丧回里。唐义渠即于是日到皖。两公于余处皆以长者之礼见待，公事毫无制肘。余亦推诚相与，毫与猜疑。皖省吏治，或可渐有起色。

余近日癖疾复发，不似去秋之甚。眼蒙则逐日增剧，夜间几不复能看字。老态相催，固其理也。余不一一。此信可送澄叔一阅。

涤生手示 八月二十四日

330、洪秀全之尸已挖出亲验

字谕纪泽儿：

二十九日接尔二十七日申刻禀。余以是日巡览各营，夜宿萧信卿处，距沅叔大营三十里，故接包封稍晚也。天气虽然，然此间屡得大雨，早晚尚凉，比之沅叔与诸将终年在矮屋破棚之中，战争于烈日骤雨之下，苦乐相去远矣。尔等勿以为念。余拟将城内城外周览一边，七月中旬即可返棹回皖。洪秀全之逆尸昨已挖出亲验，李秀成之亲供亦将取毕。沅叔湿毒尚未愈也。

涤生手示 六月二十九夜

督科一请示禀批数字附还。

331、看伪天王府等处

字谕纪泽儿：

七月初一日接六月二十八稟并廷寄及恭王信件包封，各件均已收到。余今日看孝陵卫、天保城地道缺口及伪天王府等处，午正回沅叔营次，一切平安。惟李少山作土物故，失一善人。沅叔伤感殊甚耳。柯小泉病状何如？便中稟及。此嘱。

涤生手示 七月初一日酉初

332、李秀成已于初六正法

字谕纪泽儿：

日内北风甚劲，未接包封及尔禀信，余亦未发信也。

伪忠王自写亲供，多至五万余字。两日内看该酋亲供，如校对房本误书，殊费目力。顷始具奏江、李二酋处治之法。李酋已于初六正法，供词亦抄进军机处矣。

沅叔拟于十一二等日演戏请客，余亦于十五前后起程回皖。日内因天热事多，尚未将江西一案出奏，计非五日不能核定此稿。老年畏热，亦畏案牒之繁难。余将来到金陵，即在英王府寓居，顷已派人修理矣。此谕。

涤生手示 七月初七日

333、李臣典初二日亡故

字谕纪泽儿：

初八早接尔初四日某，具悉一切。营中疾病尚多，李臣典初二日死矣。榆生封房之事，沅淑以为无之，仅借住一所，将米起入仓中。日来北风甚大，向之包封日余辄到，此次三日余也。此谕。

涤生手示 七月初八日

334、令人带回李秀成之供词

字谕纪泽儿：

今早接奉二十九日谕旨。余蒙恩封一等侯、太子太保、双眼花翎，沅叔蒙恩封一等伯、太子少保、双眼花翎，李臣典封子爵，萧孚泗男爵。其余黄马褂九人，世职十人，双眼花翎四人(余兄弟及李、萧)。恩旨本日包封抄回。兹先将初七之折寄回发刻，李秀成供明日付回也。

涤生手示 七月初十日辰刻

335、近日将返金陵

字谕纪泽儿：

二十九日接第一次包封。余二十七日夜住瓜洲，二十八日在焦山游览竟日，二十九至镇江等处。初一当至扬州，初二即可返棹。一切平安。孙宅贻仪俟余归再送。付回上谕一件、题目一纸。

涤生手示 三月二十九夜

336、改驻临淮以解皖北之危

字谕纪泽、纪鸿儿：

专人来，接鸿儿初六夜信，具悉署内平安。罗氏外孙有病，比来已就痊否？又闻刘松山一军在龙潭闹饷，不肯渡江，不知近状何如？深为系念。

余于初八日至清江浦，发、捻二逆群萃皖北蒙、亳一带。英方伯雉河集营被围甚紧。英带二十八骑于初六日自营冲出，其诸将尚在该集守营求救。余拟改驻临淮，先救皖北之急。二十内外自袁浦启行。身体尚好。临淮至金陵官封二日可到也。日记一本可寄湘乡否？两叔信另寄矣。

涤生手示 清江浦又五月十四日

337、欲于七月往徐州

字谕纪泽儿：

接尔闰五月二十一、六、九日暨六月初一日信，具悉一切。罗家外孙近日更愈否？尔母服王子蕃药得愈，想仍系温补之品。尔祖母江太夫人昔年无论何病皆须服温补之剂，尔母似亦相类，总不可用克伐药也。高丽参、鹿胶二者，日内折弁进京必如数购买。

余出师已四十六天，未遇酷暑，尚能禁受。惟淮水盛涨，营垒恐将淹没。雒河解围，皖事已松，余七月当赴徐州。

毛年伯所送“二十四史”，余思一看，或将“后汉书”专人送阅亦可。此间无鱼翅可买。宜在金陵买十余斤寄来。乔中丞顷来相访，即无以燕之也。鸿儿有禀来否？并问。

涤生手示 六月初八日

338、敌凶焰日长余安之若素

字谕纪泽儿：

十七日接尔初十日禀，知尔病三次翻复，近已痊愈否？舢板尚未到徐。而此间群贼萃于铜、沛二县，攻破民圩颇多，与微山湖相近，湖中水浅，近郡处又窄，舢板或畏贼不欲进耶？马步贼约六七万，火器虽少而剽悍异常，看来凶焰尚将日长。吾已定与贼相终始，故亦安之若素。

文辅卿自京来此，言近事颇详，九叔浮言渐息。霞仙虽降调，而物望尚好。云仙众望较减，天眷亦甚平平。顷接云信，婚期已改明年，然则尔今冬亦可不回湘矣。原信抄去一阅。尔母健饭，大慰大慰。

涤生手示 九月二十二日

339、余核改水师章程将完竣

字谕纪泽、纪鸿儿：

十一日接泽儿初六日排单一函，十七日午刻接专兵杨锦荣送到尔二人信函。泽儿信面注十一日，则杨弁七日即到，已照格赏钱千八百文矣。“广雅”、邵铭收到。郭家韩文既缺四卷，即不必带来。尔母之信欲令泽儿夫妇先归，而自带鸿儿留金陵，以便去余稍近，声息易通。余明年正月即移驻周家口。该处距汉口八百四十里，距长沙一千六百余里，距金陵亦一千三百余里。两边皆系陆路，通信于金陵，与通信于长沙，其难一也。泽儿来此省觐，送余移营起程后即回金陵。全眷仍以三月回湘为妥。吴育泉正月上学，教满两月，如果师弟相得，或请之赴湖南，或令纪鸿、陈媚随吴师来余营读书亦无不可。家中人少，不宜分作两处住也。

余日来核改水师章程。将次完竣。惟提镇以下至千把，每年各领养廉若干，此间无书可查，泽儿可翻《会典》，查出寄来(难抄许多，将书数本折角寄)。凡经制之现行者查典，凡因革之有由者查事例。武职养廉，记始于乾隆四十七年补足名粮案内。文职养廉，记始于雍正五年耗羨归公案内。尔细查武养廉数目，即日先寄。又提督之官，见《明史·职官志》都察院条内，本与总督、巡抚等官皆系文职而带兵者，不知何时改为武职。尔试翻寻《会典》，或询之凌晓岚、张啸山等，速行禀复。

向伯常十一日得病，十八日午时去世。笃行好学，极可悯也。余不悉。

涤生手示 十一月十八日

340、颇虑捻军过运河

字谕纪泽、纪鸿儿：

日内未接来禀，不知十七日业已成行否？十日发信一次，使余放心，自不可少。自金陵起借用善后局封，过安庆后借竹庄封，至两湖则用沅叔暨李筱泉封可也。尔前禀问“二十四史”“五礼通考”之外更须何书？“大学衍义”“衍义补”及“皇朝职官表”六套亦可交竹庄觅便寄来。

此间军事惟运河之沈口一带最为吃紧，余则守局尚稳。昨有复吴仲仙一函抄寄尔阅。沅叔将富塿兑与我住，又多出田一百余亩。兹将各信寄尔等看。道途太远，可不必带回大营矣。余身体平善。所最虑者，恐贼窜过运河，则济宁省城与曲阜孔林皆可危耳。沅叔拟住襄阳，大约俟尔母子过后再出省也。

袁秉桢在徐州粮台扯空银六百两，行事日益荒唐。顷令巡捕传谕，以后不许渠见我之面，入我之公馆。渠未婚而先娶妾，在金陵不住内署，不入拜年，既不认妻子，不认岳家矣。吾亦永远绝之可也。大女送至湘潭袁宅，不可再带至富塿，教之尽妇道。二女究留金陵否，前信尚未确告，想有禀续陈矣。

涤生手示 三月十九日

341、今观天津兵勇操练

字谕纪泽、纪鸿儿：

接尔十八日禀并竹龄方，具悉一切。余今日上半日看津防兵勇操，下半日应酬。定于明日起程，若无雨雪，四日必可到省。折差已回省否？买鹿茸否？津郡十四夜得雨后，民气尚为安恬。余不悉。

涤生手示 十月十九日

342、内湖水师久未开仗

澄侯、温甫、子植、季洪四位老弟足下：

二十六日王如一、朱梁七至营，接九月初二日家书，二十九日刘一、彭四至营，又接十六日家书，具悉一切。

沅弟优贡喜信，此间二十三日彭山杞接家信，即已闻之。二十七日得左季高书，始知其实。二十九日得家书乃详也。沅弟在省，寄书来江西大营甚便，何以未以一字报平安耶(宽十米，有一信)？在省城刊刻朱卷，应酬亲友，计非一月不能了办，十月初当可回家，为父亲叩祝大寿。各省优贡朝考，向例在明年五月，沅弟可于明年春间进京。若由浙江一途，可便道由江西至大营，兄弟聚会。吾有书数十箱在京，无人照管，沅弟此去可经理一番也。

自七月以来，吾得闻家中事有数件可为欣慰者：温弟妻妾皆有梦熊之兆，足慰祖父母于九原，一也；家中妇女大小皆纺纱织布，闻已成六七机，诸子侄读书尚不懒惰，内外各有职业，二也；阖境丰收，远近无警，此间兵事平顺，足安堂上老人之心，三也。今又闻沅弟喜音，意吾家高曾以来，积泽甚长，后人食报，更当绵绵不尽。吾兄弟年富力强，尤宜时时内省，处处反躬自责。勤俭忠厚，以承先而启后，互相勉励可也。

内湖水师久未开仗，日日操练，夜夜防守，颇为认真。周凤山统领九江陆军亦尚平安。李次青带平江勇三千在苏官渡，去湖口县十里，颇得该处士民之欢心。茶陵州土匪，间窜扰江

西之莲花厅永新县境内，吉安人心震动。顷已调平江勇六百五十人前往剿办，又派水师千人往吉防堵河道，或可保全。

余癖疾迄未大愈，幸精神尚可支持。王如一等来，二十四日始到。余怒其太迟，令其即归，发途费九百六十文，家中不必加补，以为懒漫者戒。宽十在营住一个月，打发银六两，途费四千。

罗山于十四日克复崇阳后，尚无信来。罗研生兄于今日到营。纪泽、纪梁登九峰山诗，文气俱顺，且无猥琐之气，将来或皆可冀有成立也。余不一一。

兄国藩手草 九月三十日书于屏风水营

343、吉安敌军死守孤城无路逃

沅浦九弟左右：

春二等归，接弟手函，敬悉一切。

吉安贼势虽蹙，而水东无路可窜，自不能不死守穷城，即迟至五六月始行克复，亦属意中之事。弟当坚意忍耐，不可欲速烦闷。濠沟既成，总宜细心巡守，使之无粒米勺水之接济，无蚍蜉蝼蚁之文报，则十日内外即已迫不可忍。欲得巡逻严密，须自弟营为始。弟既有总理名目，又夙为人望所属，弟行则众营随之以行，止则众营随之以止，勤则皆勤，怠则皆怠，观瞻之所在也。僧王每夜于五更自出巡濠，天明方归。此近人所传颂者。

家中日内小大平安。九弟妇前于初五病势颇重，汗出粘手，兼以脾虚发泄，服大补剂薏、党各四两，配以鹿茸、丽参，日就痊可。而初一伤风，略有寒邪在内。初十日葛甸四先生稍投表剂，立即霍然。十一二三又进大补剂，刻已满月复元矣。十三日鼎三侄订庚，余兄弟及甲三、甲五、科一、四、六皆至自玉堂。易芝生自长沙归家做媒，渠今年馆左季高家故也。共四席，仅请本房。先与李家订定，除庚帐之外，一概礼物不用。十一日，六弟除降服共二席。十三日，王壬秋、罗伯宜来，而李秉苑及营中各弁亦来数人。尧阶于初三日来，十四始归。李雨苍至霞仙处，顷亦归矣。应接不暇，是以春二等多住二日。胡二前以龙愿假归，此次亦同赴营，弟可收用。厚一弟亦求赴

营，渠以厚三、厚五旨在厘局当差，故涎羨而有此行。或收与
否，在弟斟酌。同在宗盟，恐弟亦难处置耳。史士良同年所送
赙仪二百金，兹璧去百五十金，金眉生观察送百金，兹璧去七
十金，望弟于近日寄去。余身体平安，夜不成寐，近亦略好。
四弟于初五六至本市开蝗蝻局，初八即归。六弟起行大约在二
十一二也。余不一一，统俟续布。

兄国藩手草 二月十四日

344、为兄力不从心望弟助仗

沅浦九弟左右：

十七日接弟一缄，系五福所书，知弟小有不适，比已全愈否？至念至念。

余十九日自长沙启行，夜宿青油望，二十夜宿土星港，二十一宿岳州，二十二宿新堤。阻风半日，南风太久，恐北风亦难遽止也。

弟封还余寄耆公一书，而另以一书附去，所论皆正大之至。弟能如是见理真确，兄复何患哉？惟吴某曾以一缄分诉于余，余许为之关白，复书去仅二日，而自背其说，亦有未安，当更详之耳。弟前后两信所言皆极当，特余精力甚倦，不克力行，日日望弟来助我也。奏折、咨札请周荇农，书启请仙屏，又请帮写者二三人，从弟所陈也。余不一一，即问近好。

兄国藩顿首 六月二十三日于新堤舟中

345、浙中敌军溃败

沅浦九弟左右：

在岳州曾寄一缄，不知到否？余于二十二日到新堤。二十四至武昌，寓胡中丞署内，商议一切。酒食应酬数日，初一日可赴下游。李迪庵十九日自武昌赴麻城，二十五日拔营，自蕲水前进，已约其在巴河等候会晤。巴河在黄州下四十里，去鄂垣二百二十里也。浙中之贼，次青六月初八寄胡中丞缄言衢州解围，江山、常山并已收复，不知其尽窜闽中？抑系分扰浙东？看来浙事亦易了耳。

余身体平安。到湖口时大约在七月初八九。自家起行至岳，皆值酷暑，近数日稍凉，服鹿茸数帖，略觉健爽。从此新秋益凉，或可日就安泰。弟七月上旬有信，可专人送至吴城、饶州等处。余不一一。

兄国藩手具 六月二十七日于武昌抚署

346、调军入闽肃敌

澄侯、季洪两弟左右：

在弋阳曾发一缄，谅达矣。余于二十七日拨营入闽，是日仅行五里。二十八日行四十五里至双港。因闻闽中之贼又有一股二万人窜扰新城，窥伺抚、建，恐其与吉无辜贼前破宜、崇者合而为一，管中诸将及友人皆愿回援建昌，即从新城入闽，定于三十日改道入建，较之由云际交入者迂道三百余里。此时闽中将次肃清，亦不须大军急去也。

余身体平安。惟癖疾大发，为近年所仅见。目光与去年相似。夜间常不成寐，并非心有郁抑，家中不必挂念。子侄辈读书总宜时加约束，不可松懈。顺问近好。

兄国藩草 八月三十日双港行营

347、新城之战杀敌万余

澄侯、季洪二弟左右：

八月三十日在双港发一信并日记，交九弟转寄。初一日起行，每日行四十里，因无长夫，又值天雨。军行甚滞。初三四在上清宫耽搁二日，即张天师之官府也。初七至金溪，闻刘印渠在新城大获胜仗，杀贼万余。初九日至建昌府。

十一日刘星槎到，接澄弟信。十二日九弟专人来，接澄弟二十三夜信、洪弟初三夜信、夫人二十四信，具悉一切。家事如馆内之书、园里之蔬、塘中之鱼，栏内之猪，四者皆一家生趣，余时时挂心。至于下首之竹，虽不押韵，亦宜加意培植。今冬明春又须于思云馆外屋后山上多栽新竹。纪泽付来闾中文三首，虽字句多生而气势尚畅。从此猛加工夫，将生字生句除去，将来可望有成。惟书法大退，远不如去年春夏，宜日日学习，以复旧观。余三次以缄约九弟来建昌一会，想不日可到，到后即专丁来回省家。日记俟下次带回。兹因老湘营专人回湘之便，顺寄此缄。刘星槎在营当有以位置之，不必挂心。下次家信将本家亲戚略述一二、以慰拳拳。即问近好。

兄国藩手草 九月十二日

348、飞速截剿“南安之贼”

澄侯、沅浦、季洪老弟左右：

二月十五日，曾恒五等来，接家信：澄弟一件、沅弟一件、纪泽一件。二十二日，宋顺理等到，接家信，仅沅弟一件。应复之事分列于后：一、夏家之地既经买得，可否即于三月改葬？贼氛方盛，人事之变不可知，早改一日，即早放一日之心。沅弟来营一次，能否如期告归，尚未可必；且周璧冲之有凶煞，众议金同。自温弟遭难后，余常以七年择地不慎为悔，故此时求改葬之意尤形迫切。

一、沅弟晋省迎接温弟忠榱，计日内已在省接到矣。温弟读书颇有识，而生前于科名之途太蹇，死后又有阙憾。余拟作哀辞、墓志、家传等文，沅弟亦宜作文以摅其意。将来汇刻一本，俾纪寿长大有所考核。文成后寄来营中，一为订定。

一、南安之贼窜入湖南，连陷桂阳、宜章、兴宁三县，吾乡必大震动。现派萧浚川速赴吉安，如贼犯茶陵、安仁等处，即由吉安横出截剿。浚川稳而且悍，或者足资防御。

一、起祠宇之事，本系要务不可缓者，刻下湖南贼氛正盛，我家为众人所瞻仰，举动不可不慎，目下不宜兴工。

一、纪泽稟中问看书之法。《经义述闻》博洽精深，非初学所能所，目下不必看也。看注疏时有不能解者，偶一繙查则可耳。做赋亦可不必。李次青劝多做八股，渠极善教八股，不过讲批数篇，即能启发无限天机。沅弟亦常催泽儿多做时艺，

与次青意同。趁此时光，即认真讲求八股，免得将来吃亏。余不一一，顺问诸弟近好。

二月二十三夜

349、叔父致疾实增焦灼

澄侯、沅浦两弟左右：

三十日接元夕家信：澄、沅各一件，纪泽一件，得知一切。

叔父病势沉重，不知服辽东参得少减否？往年岱云、温甫均以服辽参而愈，皆余经手事也。叔父以忧郁致疾，远游在外，实增焦灼。

此间军事，自二十六捷后，太湖、潜山相继克复，现在多公请假一月，鲍以请假四月，唐公请假一月，皆以疲劳太甚之故；鲍则求回蜀省亲也，诸军皆须休息，余亦不敢令朱、李独进。

余昨寄家庙图不另起前进，盖取其气疏宕之故。陈作梅极善看地，余请其二月至家。过路常先茔拨字向时，或请作梅一定来。嘉湾家庙及新大夫第皆求作梅看。作梅有道之士，深于《易经》，医理亦精。若叔父病势缠绵，作梅或可为力。沅弟不遽来营，尽可放心料理家事，即问近好。

兄国藩手草 二月初四日

350、江浙军事大变

澄侯四弟左右：

前寄一缄，想已入览。近日江浙军事大变，自闰月十六日金陵大营溃败退守镇江，旋退保丹阳。二十九日丹阳失守，张国梁阵亡。四月初五日和雨亭将军、何根云制军退至苏州。初十日无锡失守。十三日苏州失守。目下浙江危急之至。孤城新复，无兵无饷，又无军火器械，贼若再至，亦难固守。东南大局一旦瓦裂，皖北各军必有分援江浙之命，非胡润帅移督两江，即余往视师苏州。二者苟有其一，则目下此间三路进兵之局不能不变。抽兵以援江浙，又恐顾此而失彼；贼若得志于江浙，则江西之患亦近在眉睫。吾意劝湖南将能办之兵力出至江西，助防江西之北界，免致江西糜烂后湖南专防东界，则劳费多而无及矣。不知湖南以吾言为然否？左季高在余营住二十余日，昨已归去。渠尚肯顾大局，但与江西积怨颇深，恐不愿帮助耳。沅弟、季弟新围安庆，王得机得势之际，不肯舍此而它适。余则听天由命，或皖北，或江南，无所不可，死生早已置之度外，但求临死之际，寸心无可悔恨，斯为大幸。

家中之事，望贤弟力为主持，切不可日趋于奢华。子弟不可学大家口吻，动辄笑人之鄙陋，笑人之寒怙，日习于骄纵而不自知。至戒至嘱。余本思将书、蔬、鱼、猪、早、扫、考、宝八字作一寿屏为贤弟夫妇贺生，日内匆匆，尚未作就。兹先寄燕菜一匣、秋罗一匹，为弟中外称庆。其寿屏亦准于五月续

寄也。又寄去银五十两、袍褂料一套，为甲五侄新婚贺仪。嗣后诸侄皆照此样，余去年寄内人信已详之矣。弟身体全好否？两足流星落地否？余目疾近日略好。有言早洗面水泡洗二刻即效，比试行之。诸请放心。即问近好，并祝中外大寿。

四月二十四日

351、拨营南渡力保江西两湖

澄弟左右：

五月四日接第二十一日县城一缄，得悉一切。书、蔬、鱼、猪、早、扫、考、宝，横写八字，下用小字注出。此法最好，余必遵办。其次叙则改为考、宝、早、扫、书、蔬、鱼、猪。凤台先生夫妇寿对，亦必写寄，目下因拨营南渡，诸务丛集，实有未能。

苏州之贼已破嘉兴，淳安之贼已至绩溪，杭州、徽州十分危急，江西亦可危之至。余于十五日赴江南，先驻徽郡之祁门，内顾江西之饶州，催张凯章速来饶州会合。又札王梅村募三千人进驻抚州，保江西即所以保湖南也。札王人树仍来办营务处。不知七月均可赶到否？若此次能保全江西、两湖，则将来仍可克复苏、常，大局安危，所争只在六、七、八、九月。

纪泽儿不知已起行来营否？弟为余照料家事，总以俭字为主。情意宜厚，用度宜俭，此居家居乡之要诀也。余寄回片纸只字，俱请建四兄妥收。即问近好。

国藩手草 五月十四日

352、将出兵祁门

澄侯四弟左右：

二十八日接弟衡州发信及纪泽十四日发信，得悉家中五宅平安，至以为慰。

余以二十一日至黄石矶与沅、季两弟相会。二十六日沅弟回安庆。二十七日余至东流。二十八日至建德小住四日，奇热异常。初四日将赴祁门，闻中间大山颇多。余于八年九年皆六月出兵，今年又如此。幸身体尚好，吃得劳苦，家中尽可放心。余详日记中，不赘陈。纪泽若已来营，以后家信可命纪鸿写几行。顺问近好。

六月初三日于建德县。

353、士卒顶暑备战

澄侯四弟左右：

十七日接弟六月初一日信，借悉五宅平安。二十日纪泽与阳牧云、陈岱三到，又得备闻家事之详，至以为慰。纪泽言温弟妇近渐开畅，经理百事，大小无遗。而弟信则谓其记前不记后，不甚符合，殊深悬系，望再详告。

余至祁门已十三天，一切平安。惟酷热异常，士卒住棚帐，实为可怜。即余住公馆，亦甚难过也。霆字营六千人业于十六七日到齐，惟鲍镇超在四川尚未还营。此间万山险峻，百无一失，惟宁国初贼围困，不能拨兵救援，颇为焦虑耳。

纪泽既已外出，兄家无人照料，烦弟代为料理。书、蔬、鱼、猪、早、扫六字或不必劳弟费心。若考、宝二字，必须弟斟酌而详告也。余在外平安，沅季两弟、泽儿等均好，请毋系念。即问近好。

兄国藩手草 六月二十四日

354、近军事颇顺

澄侯四弟左右

二月初十日接正月二十四日弟信并泽儿信，具悉五宅平安，至以为慰。骄字之戒，余前两信已言其略矣。大约祖训考、宝、早、扫、书、蔬、鱼、猪八字及三不信，吾辈断不可一日忘之，忘则家或败矣。

此间于初九日攻破上溪口，十一日夜攻克休宁县城，尚属得手。惟左军被大股贼四面环扰，现令老湘营驰往援助。

余定于十七日由祁门移驻东流、建德一带，有公牒一件抄送弟阅。余身体平安，齿痛是老态，非偶躁也。顺问近好。

国藩手草 二月十四日

355、安庆军事甚为顺手

澄弟左右：

六月初一日接韩升带来家信：弟一件、纪泽一件。初三夜唐长三等带来家信：弟一件、纪泽母子各一件。具悉一切。其熊善庆等尚未到也。家中因雨多，到外坍塌，土木之工需费不少。弟前信言之甚详，韩升亦备言家中窘况。兹寄回银壹百两，为家中修整屋宇之资。其袁宅代出之二百金，去年袁婿在家索去者，亦于近日付回，家中仍宜节省用之。此外，嫁女之资，第一分奁银贰百两，余多年在京议定，今不能增也。

安庆军事甚为顺手。菱湖贼垒十八座，三十日、初一日一律踏平，杀贼八千人，徽州克复，祁门等处平安。余疮尚未愈，手上擦药，不能多作字。顺问近好。

国藩手草 六月初四日巳刻

356、南事似有转机

季弟左右：

得初一早信，知弟病已痊，欣慰无已。屋不甚好，可另修数间。弟在枞阳恐为日较久，与其办大帐房，不如起屋之可御风雪也。弟无零钱，可由兄处送二百千，助起屋之用，便中令张吟来取为嘱。

黄州克复，湖北指日肃清，江西亦全境肃清，南事似有转机，惜口粮日绌，难以设法耳。顺问近好。

九月初二日

357、徽州日内危急极以为念

季弟左右：

得手函，承送肥羊，欢喜谢谢。“江南通志”，余在京曾买一部，弟又得佳本，或明年均饮马秦淮乎？新年弟来省，总以大晴天为定，断不可冒风寒也。徽州日内危急，极以为念。即颂岁祉。

十二月二十七日巳刻

358、安庆旱后遭涝

澄弟左右：

鸿儿印卷之费，余意三分各百千，尚是道光初年样子。弟意学书一分宜少，自是正办，请弟斟酌。其两位老师，则百千断不可少，盖学署清苦，则罗老师又贤而好学也。

沅、季在金陵，援贼尚无信息。春霆在宁国两获胜仗，闻宁城少粮，八月可望克复。少荃在上海获一大胜仗，此后可稳扎矣。安庆前苦亢旱，自十九至今，大雨不止，十分沾足。

兹寄回高丽参五斤，参不甚佳，而价则贵，宜以新石灰养之。

六月初四日

359、巡视盐河建新城

沅弟左右：

昨寄缄后，睪山恰到，道弟虽忧劳过甚，而精神完足，为之少慰。

余在季公馆三宿，今日仍回本署。至盐河一看，新城已修十分之八，十五六可竣工矣。九洲图迄无善本，余请人画一幅，以应恭邸之求。兹将副本寄弟一阅，果不甚差谬否？春霆久无来信，悬系之至。

昨夕拟为季弟作墓志，竟夜未成一字，却又得挽联一副云：大地干戈十二年，举室效愚忠，自称家国报恩子；诸兄离散三千里，音书寄涕泪，同哭天涯急难人。或用弟名写之，或不写，未定也。

十二月十二日

360、敌已派大兵攻城

沅弟左右：

二日未接弟信，想军中诸事平安。东征局保案，昨日奉到朱批谕旨，一概照准。恽次山已超擢湖南藩司，而南坡翁仅以道缺提奏，想尚有后命也。李筱泉调广东粮道，圣意亦为广东厘务而设。王文瑞擢赣南道，则因克复祁门新得记名故耳。季弟追赠按察使，昨日具折谢恩，抄稿寄阅。

少荃调浦东各营潘鼎新、刘铭传等救援常熟，盖因常熟贼目周兴隆等投诚后，伪忠王以大股贼前往围攻。少荃欲力争常熟一城、福山一隘，为克复苏州张本，专函来调树字五营。余不得已，调书部五营守无为州，而腾出树字正营赴沪。兹将少荃信抄阅。少荃麾下之将，仅程学启一人能当大敌，余不足深恃。余屡劝其约旨卑思，不宜多拓疆土，而少荃不甚相信，颇为虑之。顺问近好。

国藩手草 正月十三日

361、闻忠王传令救苏州

沅弟左右：

初五日夜接弟初二日信，具悉一切。

辞谢之说，余亦孰思之。谓才不胜任，则现在并不履浙江任；谓请改武职，则廩生优贡出身，岂有改武之理？且过谦则近于伪，过让则近于矫。谓请改京卿，则以巡抚而兼头品顶戴，必改为侍郎，断无改三品卿之理。三者均难着笔，只得于谢折之中，极自明其惴栗之意，其改武一层，弟以后不宜形诸笔墨，恐人疑为矫伪不情也。谢折应专弁赍京。季弟立祠予谥谢折，拟兄弟会衔具奏。

六安于初二日解围，闻忠酋未上英、霍，已回庐郡一路，大约仍由巢、含下窜。所虑者有三层：一则由九袱洲南渡，再行猛扑雨花台大营，如十年春得杭不守，速回攻扑和、张之故智；一则不得志于上游，将力攻扬州、里下河，以图一逞；一则因太仓州已破，回救苏州(六安州探报忠逆传令救苏)。余拟檄蒋、成、毛攻苗以援寿州，檄鲍由拓皋进巢北，檄彭、刘、萧由东关以进巢左。俟六安确信到，再行分别咨札。弟处防忠酋，已妥为堤备否？尚须调营回金陵否？顺问近好。

国藩手草 四月初六日

362、沅弟攻克雨花台石垒

澄弟左右：

初一日发去一缄，报陈氏妾之丧，由意城处转递，想可速到。旋于初三日出殡，暂停庙内。此女性情尚属平和，惟其母贪而且狠。因女病常住此间，若渐染母教太久，亦必变成狠住，殆非吾家之福。今文既物故，母之技亦无所施矣。

余身体平安，惟眼蒙日甚。沅弟于二十八日攻克雨花台石垒并南门外各垒，军事甚顺。惟饷项极绌，米粮颇足可支至八月中旬，全仗东征局之功。余详日记中。顺问近好。

国藩手草 五月初四日

363、寿州久未解围

澄弟左右：

六月初一接弟五月二十日信，勇夫送信者迅捷如飞，弟所云由意城处排递之信，则至今未到也。纪泽等初二亦到，一切平安。

下游自攻克九洑洲后，续无战事。寿州久未解围，二十六日毛、蒋、周军猛战一次，未破贼垒，而我军受伤千余人，看来该城恐难保矣。

余近日胸胃间微有不适，饮食少减，尚未服药。今年天气奇热，幸此间岁事可望八九分收成，差足喜慰。家中下手台上竹与柞树太密，闻不甚肯长，请弟雇人大为删减。柞树可全行删去，或酌留二三株，仿白玉堂下手之例，亦系先年树多，后陆续芟去也。竹则存其大者，芟其小者，两竹之间总须留空隙一二尺，以为生笋之地，望弟斟酌行之。纪鸿儿二十日稟，将以秋凉侍母与全家来安庆省视。现在各路军事平顺，尽可前来。待鸿儿过科考后即可送全眷东下，此间派盛四回家迎接。纪泽尚须至金陵一行，不宜再回长沙，将来在九江一带迎接可也。顺问近好。

国藩手草 六月初四日

364、江西一律肃清惟兵勇病痛尚多

澄弟左右：

前接弟信，已将寅皆、牧云两兄不宜送眷之故，致函排递至家，不知到否？途次有曾恒德、张德富照料，又系自己之座船，又有水师炮船护送，千稳万慎。寅皆、牧云二公如已成行，请于中途婉辞谢之。吾家富贵气不可太重也。

纪瑞侄完姻，吾实嫌其太早。不知系沅弟之信与？抑沅弟妇谋之于弟而成与？兹寄银五十两暨正品顶戴、补褂、朝珠以为贺礼。吾恐家中日习于奢，故诸事从俭薄也。

此间军事平安。江西已一律肃清，惟兵勇病痛尚多。苗逆猖獗，唐中丞十分危急，袁午帅业已仙逝，淮事殆无了日耳。即问近好。

国藩手草 七月二十四日

365、发逆稍衰苗逆方盛良可虑也

澄弟左右：

九月二十九日纪鸿母子及全家到营，一路平安，足慰家中悬念。寅皆先生意欲速行旋里，订二十外即可启程，牧云当度岁乃归也。袁婿在此，尚无为非之事，惟不肯读书作字，难期有成。内人以下，历述老弟数年以来照料黄金堂诸事，心思之细，仪节之恭，送情之厚，均为近世兄弟中所未见。吾家敬宗收族、承先启后诸大端，毕发于沅弟之手(萧先生好手)。沅弟费财(八老爷好财)，老弟费心，均可为祖父累代之功臣，余愧未能悉心经营，幸两弟有以补余之过也。

此间近事平安。沅军连克上方桥、七桥瓮(瓮桥)等贼垒，城外接济将断。朱云岩招降吉隆贤一股，收复石埭、太平二城。春霆进攻水阳、金宝圩一带，尚无开仗之信。临淮唐中丞处近亦平安，惟蒙城粮尽援绝，断难保全。发逆稍衰，而苗逆方盛，良可虑也。闻蕙姑娘病未痊愈，兹寄去高丽参半斤，望弟专人送交昆八外甥为要。余事详日记中。顺问近好。

国藩手草 十月初四日

366、探称洪秀全自誓城破自焚

澄弟左右：

二月十三日接弟正月二十五日衡州一函，其萧开二等所带腊肉亦于十二始到。弟所寄食物多而且好，谢谢。

正月下冻冰雪太久，恐非佳兆，而弟决谷米之必贱，何也？此间亦苦风雪严寒，气象黯惨，几与庚申春间苏杭大变时景象相似，余深以为忧。幸二日内已放晴矣。

沅军平安如故。自正月底合围，贼至今未出城猛扑。探称洪逆积柴绕屋，自誓城破则放火自焚。上窜江西之贼近日未闻的报，不知已至抚、建否？寓中大小平安。

纪泽之病已愈，但尚禁风。后辈体气远不如吾兄弟之强壮也。吾所以屡教家人崇俭习劳，盖艰苦则筋骨渐强，娇养则精力愈弱也。老弟以为然否？顺问近好。

国藩手草 二月十四日

367、陈玉成党数酋坚请投诚

沅弟左右：

初一日午刻接到二十七日一函，知二十六日苦攻无益，弟又以皖北空虚之故，心急如焚。我弟忧劳如此，何可再因上游之事，添出一番焦灼！上游之事，千妥万妥。僧邸即日可至三河尖，陈国瑞已至正阳关，其力足制此贼。而狗党数酋坚请投诚，已派刘维楨前往收降。刘亦狗部大酋，十一年在德安降蒋之纯。狗党陈、马等有信，约刘往黄州说事者也。若非真有降意，岂有徘徊黄、麻月余不下皖境之理？江西侍、康各股亦纷纷逃散，不出宜、崇城外一步。两岸之事，皆易收拾。弟积劳太久，用心太苦，不可再虑及外事。

弟以“博文约礼”奖泽儿，语太重大，然此儿纯是弟奖借而日进。记咸丰七年冬，胡帅寄余信，极赞三庵一琴之贤，时温弟在坐，告余曰：“沅弟实胜迪、希、厚、雪。”余比尚不深信。近见弟之围攻百数十里而毫无罅隙，欠饷数百万而毫无怨言，乃信温弟之誉有所试。然则弟之誉泽儿者，或亦有所试乎？余于家庭有一欣慰之端。闻妯娌及子侄辈和睦异常，科一、三、四有姜被同眠之风，甲三、五等亦爱敬兼至。此足卜家道之兴。然亦全赖老弟分家时布置妥善，乃克（王泰）此，大女儿病已大愈，殊出望外。余俟江西案办妥乃赴金陵，弟千万莫过忧灼。至祷至瞩。即问近好。文辅卿今日到。

六月初一日未刻

368、余偶有忿怒之事沅反作书来劝

澄弟左右：

连接五月二十一二日信，具悉一切。科四之文，一种清气浮溢纸上，科六之字秀润绝伦，两侄今年长进如此之大，可喜可慰。

此间近状平安。沅弟病已大愈，日来骑马周历各营，辛勤不辍，意气亦极平和。余偶有忿怒之事。沅反作书来劝。无论金陵克复之迟速，但求沅弟病痊而气平，则万事皆顺矣。科一本定于六月二十二日起程回湘乡试，因近日天气太热，而鸿儿作文太慢，迟疑未决。湖南正主考放庞宝生侍郎，盖皇上重视湖南如江浙大省矣。

鲍春霆于初四日抵江西，厚庵计亦赶到。周厚斋为江西官绅所留，未回皖北。湖北之贼至今未入皖境，未免太迟。余身体平安，惟怕热异常。合室大小均吉。嵩龄十二日到此，袁榆生尚在下游未归。顺问近好。

六月十四日

369、撤勇极多欠饷难清

澄弟左右：

九月二十六日接弟初十夜在长沙所发一信，具悉一切。

此间诸事平安。沅弟之肝疾日见轻减，而温毒并未痊愈，大约如吾二十五六年请南宫张氏医治情形。其疮之颗较吾更大，而吾之患处较沅更多。吾力劝沅不吃药不敷药，沅近亦深以吾言为然。十月初一日，沅弟起程旋湘，吾送百里至采石矶。初四早，兄弟分手，吾于本日即还金陵，令纪泽送沅至芜湖以上矣。初五日巳刻，纪鸿与叶亭甥到金陵署内，不知初四日何以与沅船相左，不得一谒见也？

常仪庵所带“罗忠节集”，今尚未到。王载轩请封之事，去年已托京友赶办，至今尚未寄出。兹将寄来之执照付京，再一催取。余身体平安，惟诸事丛集，撤勇极多，欠饷难清，尚费周章耳。顺问近好。

十月初五日

370、欲与弟共筹引退之法

沅弟左右：

十六日寄去一缄到否？余在临淮，本不欲久住，定二十四日成行，已咨明弟处矣。乃二十一以后，病体日深，二十二夜殊觉支持不住。余力守不药之戒，竟不能坚持到底。二十三夜服张敬堂所开桂支汤，外感之寒已觉轻松，而积受之暑湿未能清理，腹痛作胀，屡思大便，而登厕辄不爽快。现定二十六日起行，不知届时能勉强登舟否。今年出汗太多，身体遽瘦，自问精力大减，断不能久当大任，到周口后与弟谋一会晤，共筹引退之法，但不以卤莽出之耳。

弟处五月二十八日一案分晓如何？殊切悬系。顺问近好。

临淮 七月二十四日

371、恐前后受敌望速援湘勇

沅弟左右：

七月二十五日接弟六月二十三、七月初三日两缄，具悉一切，兄以二十二日抱病，至八月初二而痊愈。现惟不能用心，稍用心则辄出汗如沈，此外似已复旧。溯涡河而西上，初四正可抵亳州，初十内外必达周家口。闻刘、潘等修理沙河、贾鲁河业已兴工，八月当可办竣。惟仅刘、张湘军追贼，恐其前后受敌。余至周家口后即当添设一二军跟追，请弟速嘱春霆进南、汝一路(弟所指定三五百里者，即南、汝、光三属可也，但不可再不动耳)。任、赖闻二十三、四尚在舞阳，不知近日何如？余详日记中。顺问近好。

八月初三日 亳州之下八十里舟次

372、霜降水涸运黄均可虑

沅弟左右：

十九日寄去一信，言将奏请左、李办捻。发信后即接弟十二之信，知科一得生一子，于万分忧郁之中得一届公公之喜，老怀稍纾，病亦日痊。维思左若北来、则少泉部下、弟之部下、春霖部下无一人不畏而恶之，大局必且破坏。因改作一片，请少泉偶驻徐州、弟偶住南阳帮我调度，定于二十三日拜发，抄寄一览。想弟亦深以请左为非也。孙儿排行，拟用浚、哲、文、明四字，再多则添温、恭、允、塞，派名果应用广字辈否？庚子年修族谱，不应将轴臣公一辈之兴字改为（什/尖）字，星冈公之为字改为兴字，为孙曾者（叔/心）焉不安。一二年内必须续修定谱，将兴、儒、为三辈仍用旧派，上、国、楨三辈始改新派毓、传、纪字样。弟意若用广字，接复信再取派名可也。

捻匪北窜后毫无消息，想已达山东矣。若不过黄河，兄尚不至为天下所唾骂。霜降水涸，运、黄均可虑也。弟趁此无事之际，望奏请来周口一看兄病，兼商军情。

皖抚换西林。霞仙开缺，不久当至鄂矣。顺问近好。

八月二十三日

373、余深可忧灼军事连败

澄弟左右：

军事愈办愈坏。郭松林十二月初六日大败，淮军在德安附近挫败，统领张树珊阵亡。北京股任、赖一股也。其西路张逆一股，十二月十八日，秦军在灞桥大败，几于全军覆没。捻匪凶悍如此，深可忧灼。

余二十一日奏明正初暂回徐州，仍接督篆。正月初三接奉寄谕。现定于正月初六日自周家口起行，节前后可到徐州。身体尚好。但在徐治军，实不能兼顾总督地方事件，三月再恳切奏辞耳。

沅弟劾官相，星使业已回京，而处分尚未见明文；胡公则已出军机矣。吾家位高名重，不宜作此发挥殆尽之事。米已成饭，木已成舟，只好听之而已。

余作书架样子，兹亦送回，家中可照样多做数十个。取其花钱不多，又结实又精致。寒士之家，亦可勉做一二个。吾家现虽鼎盛，不可忘寒士家风味，子弟为戒傲情。戒傲以不发声骂仆从为首，戒情以不晏起为首。吾则不忘蒋市街卖菜篮信景，弟则不忘竹山拗拖碑车风景。昔日苦况，安知异日不再尝之？自知谨慎矣。

正月初四日

374、论打仗之道

沅浦九弟左右：

二十四日王得一归，接十六日信，具悉一切。前两次信皆告假还乡而不遽回营者，故未写回信，亦别无便可寄也。以后有信仍以专人送归为妥。只须一人，不必两人，择捷足如曾正七之类更可迅速。

汪先生(即邓汪琮，号瀛皆)于初七日专人来订今冬上学，因迎其十五入馆。甲三于十八开课，二十三第二课，改文甚细心。甲五眼睛近日已好十分之七八，右目能认寸大字，左目则能读小注。每日静坐二次，以助药力之不及。邓先生向来亦多病，得力于静坐者深也。科一每日仍读三百字，辍出十六日回家住六天，恰易芝生来此代馆。科四“离娄”将读毕。科六读至“卫灵公”。日内因萧组田刻字，同在一间屋内，心气未免稍浮。而科四仁厚，科六警敏，将来均可望有成，弟可放心。

二十九日祖母大人九十晋一冥寿，内外眷口皆去拜寿，惟九弟妇、季弟妇不能去。前二十日大伯母九十一冥寿，本房亦均赴木兜冲助祭，上下七席，二十九日当倍之也。今年本境买田者多，居然太平景象。

余在家亦略读书。下手七宝庙下挑一土山，将下砂接长，以培坟山而遮洞风。邻近如训三、贤五、代三、金玉、诗人，陈俊九、上兰叔家，均请吃便饭。猫面脑之地，余又请庚一、宽十(近亦好看地，据德六叔祖谓其颇好)去看一次。据称大局

与皮公托相似，而当前一案系背面。质之东阳，则谓当日雨中忙看，或未审实云云。若果买之，余明正须自往一看耳。

弟所寄各件：代普将请饷，代黄太守上禀，均系顾全大局。即使上官未必批准，亦不失缓急相顾之道。请奖一禀，尚欠妥洽。湘后营一军，不知从何处筹饷？即宝营亦自难支持。弟辞总理之任，极是极是。带勇本系难事，弟但当约旨卑思，无好大，无欲速。管辖现有之二千人，宁可减少，不可加多。口粮业得一半，此外有可设法更好，即涓滴难求，亦自不至于脱巾溃散，但宜极力整顿，不必常以欠饷为虑也。

打仗之道，在围城之外，节太短，势太促，无埋伏，无变化，只有队伍整齐，站得坚稳而已。欲灵机应变出奇制胜，必须离城甚远，乃可随时制宜。凡平原旷野开仗与深山穷谷开仗，其道迥别。去吉城四十里，凡援贼可来之路，须令哨长、队长轮流前往该处看明地势，小径小溪、一丘一洼细细看明，各令详述于弟之前，或令绘图呈上。万一有出队迎战之时，则各哨队皆已了然于心。古人忧学之不讲，又白明辨之，余以为训练兵勇，亦须常讲常辨也。家中四宅平安，不必挂念。顺问近好。

兄国藩手草 十一月二十五日

375、贼围宁国余兵未齐不能往救

澄侯四弟左右：

六月初八日接弟五月二十二日手书，得知五宅平安为慰。

余于初四日自建德县启行，十一日至祁门县，末二日遇雨，一路平安。此地去景德镇百八十里。去徽州亦百八十里，去宁国三百余里。目下贼围宁国，十分危急，余以兵将未齐，不能往救。闻鲍超五月十二自四川起行，大约六月可到，张凯章七月或亦可到。季高则须八月乃到，到后再行分途进剿。

余身体平安，惟热极多汗，迥不似昔年光景，或因去年洗澡太多之咎，今年竟不敢洗澡一次矣。纪泽尚无到鄂消息。纪鸿送陈作梅诗甚好，不知系先生所改否？作梅于六月七日到英山，大约七月可来此作归省计。

兹付去“拟岘台”墨刻十套，请弟分寄霞仙二分，邓、易、邓、谢、葛王师各一分，临、昆、震三甥各一分。如前此已送者，则不必再送，留存弟处可也。顺问近好。

兄国藩手草 六月十四日于祁门县

376、浙事危险之至屡求救援力不能及

澄弟左右：

初十日接弟在衡州所发信，具悉一切。

此间近日平安。九弟初二日自安庆进兵，初九日至庐江。日内将出大江，会合水师打泥汊也。四眼狗初七已到三河，即温弟殉节之处。此次余与九弟定坚守庐江，决不轻进。

胡润帅继先皇而逝，于大局关系至重。闻官帅奏请以希庵实授鄂抚，并力保雪琴为皖抚，想朝廷亦必俯从所请。其办事合手可喜；其党类太盛，为众所指目，亦殊可惧。浙事危险之至，屡求救援，此间力不能及。现拟以多军进攻庐州，以鲍军进攻宁国。宁国去浙甚近，或亦可少分浙之贼势也。

余身体平安，惟疮疾未愈，夜难成寐。幸每日办事写字如常，家中尽可放心。季弟病已全愈，今日由枞阳来余公馆，暂未写信。九弟有信二件查收。即问近好。

兄国藩手草 九月十四日

再，柳瑞堂、葛四十来营，抄录渠与元嘉湾讼事全案，求余作主。余阅其卷，柳瑞堂之进葬油杉岭，未与元嘉湾说明，本甚孟浪。其先行控官，亦伤和气。元嘉湾之状，言原有议约夫妇合家及拟改胡氏祖母回葬两层，亦属强为之辞。是各有不是之处。余前年在家尚不理闲事，况今在二千里外，岂能管乡

里之事？惟渠求之甚切，兼福九爹与星冈公至好，不能恣然置之。望弟从中善为调处，以不插为妙。纵系私地，让葬胞伯，亦不失为孝友之家风耳。此事别有情节否？下次望详告我为要。

涤生再行 九月十四日午刻

纪泽八月二十一日之信，十四日接到矣。

377、欲二月赴金陵

沅弟左右：

十三日接弟初八日专人来信，具悉一切。

金宝圩尚有四坝未陷，可谓铁汉。陈栋之勇夫究竟精壮否？李、滕谓好者不满三分之二，云岩却又言其可用。郑奠所招之勇夫，此间未经点名，想又不如陈矣。黄鹤汀信寄去，其吊季奠仪百金即在此间璧还。

余赴金陵计在二月上半月。弟今年专以操练为主，不宜出外打行仗。余近牙疼略愈，惟公事积搁极多，不知何日始能清厘。顺问近好。

国藩手草 正月十四日

378、青阳危在旦夕殊难保全

沅弟左右：

二十日接十五夜专丁来函，知张诗日统四营拨赴城北以保下关六营，舫仙攻克江东桥，甚以为慰。惟愿别处不生奇变，金陵终有可望耳。筠仙拟片，二十七日当可出奏。若候南坡来一商，则下次乃奏。江西开局，已派程尚斋。湖北拟派杜小舫。泰州一局即派张富年。张之委札、王子鉴之谕帖，今日可办发也。至严札提运司饷银，此后当常常行之。

金眉生曾随筠入粤否？中秋天气不佳，二十日天气却好。弟当强健，精神百倍，家国之幸。青阳危在旦夕，殊难保全。霆军病后亦恐不能了皖南之难，忧灼曷已！顺问近好。

国藩手草 八月二十一日

379、焦虑久旱不雨及筹饷之事

澄、沅弟左右：

接沅弟十四日在华阳镇研发之信，知病体并未痊愈，日内亢旱异常，舟中风不甚顺，不知已过汉口否？

此间近状如常。少荃于十七日至金陵，朱学使十八到此，宜学使二十三日到此。余拟于十一月三日将督篆交与汪荃。待三场完毕后，再行带兵西上，自行驻扎安庆，派兵进剿鄂贼。兹将折稿片稿抄寄一阅。余身体平安，合家大小清吉。日内所虑者：一则久旱不雨，虔诚步祷，亦尚罔应；二则余亲赴安庆，吉中等二十余营留金陵则甚不放心，带至安庆则难筹行粮；三则即卸督篆，虽少荃谊同一家，而筹饷究不应手，遣撤各营之欠饷，将无所出，用是焦虑。然余必能从容料理，沅弟不必远虑也，顺问近好。

十月二十四日

380、淮军入鄂请弟殷勤款接

沅弟左右：

十五日接第十一之函，十八九连接十五六日两函，具悉一切。

任、赖将由信阳入鄂，旋复由罗山折窜光、固，顷据报将至麻城。不知姜部果有他变否？此间现仅调周、张两军赴鄂会剿，五日内铭军又可继进。淮军入鄂，请弟殷勤款接，视之如一家眷属。盖年余以来，诸军虽未立大功，而其听我之话，与听少泉之话实无以异。弟若隔膜视之，则将领或疑我平日之不诚。郭军车骡未备，自难越境剿贼，在鄂皖山多田多之处，则车不如骡。幼泉因车多骡少，不能即赴六安，拟令驻于扶沟等处，专留为贼再回山东之用。西路张逆一股，前闻已至灞桥，距省仅四十里，近日未得续信。

霞仙有一信来，峻辞诃责，至比我为杨嗣昌，以后不复愿与通信矣。原函抄寄弟阅。余昨复春霆一信，亦抄去一阅。少泉十三日谢恩一疏，与余十七日辞江督之疏互相发明，另咨弟案备查。

弟之履历，凡奉谕旨行营皆有抄案，日内当抄去矣。部文则案在金陵，不能远查。明年大京察，吏部有文来索取履历否？若无咨，则不送亦可。余详日记中。顺问近好。

十一月二十一夜

381、长江水师外间啧有烦言

澄、沅弟左右：

十五日发出一缄到否？后于十八日寅刻，纪泽生一子，小大平安，深以为慰。纪泽今年三十三岁，正在望子极殷之际，如愿得之，满门欣喜。惟八字于五行缺水、缺火，不知易于养成否？二十九日堂弟厚九至此。署中内外清吉。余眩晕之疾近日未发，目病则日益昏蒙，恐左目变不能久保。闻堂叔母彭孺人变盲一目，其脚本不能行动，又增目疾，老景亦苦矣。

郑小山尚书自除夕到此，初二日即督同司员审马制军之案，至今熬审将近一月。张汶祥毫无确供，即再熬亦属无益，只好仍照魁将军等上年原定之案具奏。

长江水师，外间啧有烦言。或谓遇民间有骨牌者字牌者，则以拿赌讹索，得数千或千余文乃肯释放。或以查拿私盐、查拿小钱、搜索民舟及附近人家，讹钱释放。夜索打更之灯油钱。民船拉纤，不许在炮船桅上盖过。干预词讼，至有哨官棍责举人者。甚且包庇私盐、袒护劫盗种种弊端。余设立水师，不能为长江除害，乃反为长江生害。两弟在省时，亦常闻此等闲话否？如有所闻，望详细告我。

兄精神衰惫，加以目病，每日治事甚少，任内应尽之职，不克一一办妥。而昔年所办之事，又有大不妥如水师者，贻人讥议。用是寸心焦灼，了无乐趣。境颇顺而心不适，对老弟而滋愧矣。

沅弟若果居省城，澄弟又常不在家，则吾乡王家日益寂寞，深以为念。而苻、剑两侄欲求学问文章之日进，又似宜在省会，多求良友，以扩充其识而激发其志。二者利害参半，若不得良友而亲损失，则居省之利少矣。

意臣信来，欲余专疏为黄南翁申雪表章。余以昔年曾两次疏陈南翁之才而表其功俱遭谴诘，其时余当物望尚隆之际，已不能有益于南翁，近则余望大减，恐拜疏反为南老之累，故慎重而不敢轻出。

“东皋书院记”余尚未作，而澄弟写来之节略又失去矣。顾问近好。

兄国藩手草 正月二十五日

382、龙阳之败不为大挫

澄、温、沅、季老弟足下：

昨寄一信，言周凤山、李相堂龙阳之败。后接来禀，知周营千一百人中实伤毙四十人，李营千人中实毙十九人，尚不为大挫。胡咏芝初四由安化至桃源，一路剿贼，周、李即可同去。广西水勇，李太守带来；今日到省。若配齐船只，尚须十馀日乃可行也。馀不一一。

兄国藩手草 六月初六夜

383、凤山之勇可爱可敬

澄、温、沅、季四位老弟左右：

刘一至，接到父大人手谕并诸弟各信，欣悉乡里人和年丰，犹是盛世景象。

周凤山初一早在沅江城外打败仗，次日退至益阳。初三停住一天。初四仍出征，由安化、桃源一路至常德剿贼。凤山之勇，打仗并未多伤，仅伤十余人，水淹死者又近二十人，其余陆续回营，隔日即能整队出征，真可爱！真可敬！

常德、澧州并于十六日失守，现在均已贼退。初三、四、五贼船由西湖回至东边，约以千余计。不知系占据岳州，抑系径赴下游湖北，现未探确。

初十日奏折奉批回。谢恩折批云“知道了”，请专折奏事片批云“着准汝单衔奏事”，请塔军门出境剿贼片批云“另有旨”。其寄谕抄回。圣上此次并不十分催促。尤深感激。

省城新铸大钱，甚为可观。兹付当一百者五十文，当五十者五十文，乞查收。并寄七千五百文收据为凭。余不一一。

兄国藩手草 六月十二日

384、罗山出兵四战四捷

澄侯、温甫、子植、季洪四位老弟左右：

日来北风甚劲，省城各船不能来营。吾自十六挫失之后，陆续添募水勇。募小划子共百三十号，每号多者六七人，少者三四人，通共小划子载水师千余人，已到七十余号。此外添募之勇仍用快蟹、长龙、杉板等船，但恨无好炮配之。

水师前营(李孟群)、左营、中营(秦国禄)、清江营(俞晟)各战船皆已驻扎金口，去武昌仅六十里。右营尚在嘉鱼，去金口百五十里。后营、定湘营尚随余在新堤，去嘉鱼九十里。通共水师大营八营、小营五营。若在广西借得洋炮急至，则振兴气象，较自省起程时尚远胜之，但恐炮难遽至耳。

陆兵大队驻扎羊楼峒，罗山于十八日在长安驛打一胜仗。二十三日在羊楼峒打胜仗，破一贼卡。二十四日在佛岭打胜仗，破一贼卡。二十六日在羊楼峒打大胜仗。四次共杀贼七八百人，而我军仅一人受伤。湘勇之善战超出各营之上，而罗山以书生而善用兵若此。良可敬也！智亭剿灭崇、通股匪后，即直下收复武汉。水师亦待陆军同进，而水勇皆踊跃欲战，暗笑主将之不进为极怯也。

二十一至二十九四次胜仗折已批回，兹抄回呈堂上大人一阅，求诸弟禀明。余不一一。

兄国藩草 七月二十七日

385、可用小划子眩惑贼兵眼目

澄、温、沅、季四位贤弟左右：

十六日在南康府接父亲手谕及澄、沅两弟、纪泽儿之信，系刘一送来，二十日接澄弟一信，系林福秀由县送来，具悉一切。

余于十三日自吴城进扎南康，水师右营、后营、向导营于十三日进扎青山。十九日，贼带炮船五六十号、小划船五六十号前来扑营，鏖战二时，未分胜负。该匪以小划二十余号又自山后攒出，袭我老营。老营战船业已全数出队，仅坐船水手数人及所雇民船水手，皆逃上岸。各战船哨官见坐船已失，遂尔慌乱，以致败挫。幸战舟炮位毫无损伤，犹为不幸中之大幸。且左营、定湘营尚在南康，中营尚在吴城，是日未与其事，士气依然振作。现在六营三千人同泊南康，与陆勇平江营三千人相依护，或可速振军威。

现在余所统之陆军：塔公带五千人在九江，罗山带三千五百人在广信一带，次青带平江三千人在南康，业已成为三枝，人数亦极不少。赵玉班带五百湘勇来此，若独成一枝，则不足以自立，若依附塔军、依附罗军，则去我仍隔数百里之远；若依附平江营，则气类不合，且近日口粮实难接济。玉班之勇可不必来。玉班一人独来，则管中需才孔亟，必有以位置之也。

蒋益澧之事，唐公如此办理甚好。密传其家人，详明开导，勒令缴出银两，足以允服人心，面面俱圆，请萃翁即行速办。

但使探骊得珠，即轻轻着笔，亦可以办到矣。

此间自水师小挫后，急须多办小划以胜之，但乏能管带小划之人。若有实能带小划者，打仗时并不靠他冲陈，只要开仗之时，在江边攒出攒入，眩贼之眼，助我之势，即属大有裨益。吾弟若见有此等人，或赵玉班能荐此等人，即可招募善驾小划之水手一百余人来营。

冯玉珂所缴水勇之抢银及各银应缴营者，可酌用为途费也。余在营平安，惟癖疾未愈，精神不足，诸事未能一一照管，小心谨慎，冀尽人事以听天命。诸不详尽，统俟续布。父亲、叔父大人前恭请福安。

顷与魏荫亭谈及招小划水勇一事，渠可回家与萧可卿商办。大约每划五人，五划立一哨官，每百人四哨官，十余哨即立一营官。此不难于招勇，而难于选求哨官、营官。澄弟若见有可当哨官者，或令其来营，或荐于荫亭。勇则不必招，听萧、魏办理可也。

兄国藩手草 四月二十日南康城外水营

386、内湖水师船炮俱精少得力营官

澄侯、温甫、子植、季洪四位老弟左右：

刘朝相来营，得植弟手书，具审一切。

内湖水师自六月十五日开仗后，至今平安。本拟令李次青带平江勇渡鄱湖之东，与水师会攻湖口，奈自六月底至今，十日大风，不克东渡。初四日风力稍息，平勇登舟。甫经解缆，狂飚大作，旋即折回。弁勇衣被帐棚，寸缕皆湿。天意茫茫，正未可知。不知湖口之贼运数不宜遽灭乎？抑此勇渡湖宜致败挫，故特阻其行以保全此军乎？现拟俟月半后请塔军渡湖会剿。

罗山进攻义宁，闻初四日可至界上，初五六日当可开仗。湖南三面用兵，骆中丞请罗山带兵回湘，业经入奏。如义宁能攻破，恐罗山须回湖南保全桑梓，则此间又少一支劲旅矣。内湖水师船炮俱精，特少得力营官，现调彭雪琴来江，当有起色。

盐务弃饷是一大好事，惟浙中官商多思专其利。邵位西来江会议，已有头绪，不知渠回浙后，彼中在事人能允行否？舍此一筹，则饷源已竭，实在坐困之势。

东安土匪，不知近日何如？若不犯邵阳界，则吾邑尚可不至震惊。带兵之事，千难万难。澄弟带勇至衡阳，温弟带勇至新桥，幸托平安，事后总以不带勇为妙。吾阅历二年，知此中构怨之事、造孽之端不一而足，恨不得与诸弟当面一一缕述也。诸弟在家侍奉父亲，和睦族党，尽其力之所能为，至于练团带

勇，却不宜。澄弟在外已久，谅知吾言之具有苦衷也。

宽二弟去年下世，未寄奠分，至今歉然于心。兹付回银二十两，为宽二奠金，望送交任尊叔夫妇手收。

植弟前信言身体不健。吾谓读书不求强记，此亦养身之道。凡求强记者，尚有好名之心横亘于方寸，故愈不能记；若全无名心，记亦可，不记亦可，此心宽然无累，反觉安舒，或反能记一二处，亦未可知。此余阅历语也，植弟试一体验行之。余不一一。即问近好。并求稟呈父亲大人万福金安，叔父大人福安。

国藩手具 七月初八日

387、扎营不可离城太近

沅浦九弟左右：

昨信寄去实收二百张，想即收到。军行何日抵吉？至以为念。此间有游击马占魁，曾任龙泉营都司，兹回吉安府寻其眷属。其人朴诚可悯，又新有足疾，贫不能自存，弟可优视而扶植之。

吉安膏腴之区，即不遽克复，若扎一老营，除供给本军外，尚可兼解银以润省城。此间众论以为弟军到吉安，宜驻扎不动，不宜遽作抽掣他往之计，恐失民心而涸利源也。望弟熟思而审度之。扎营不可离城太近，宁先运而渐移向近，不可先近而后退向远。至嘱至嘱。如弟果扎驻吉安，余可赴吉安犒师一次，与弟会合，且与黄、夏、周一叙也。

十一月十四日

388、可令投营者试打两仗

沅浦九弟左右：

十七夜发第四号信，交俊臣等带至吉营。兹有曾纪仁求投弟营。渠自成丰三年在衡州起，至本年夏在湘后营，久历戎行，曾经保举把总，屡经战阵，或可备什长之选。特给一缄，令其带投吉营。弟可令其试打两仗，以渐拔用。渠履历禀附寄一阅。此问近好，统俟续布，不一一。

兄国藩手草 十月十六日

389、根株不稳一枝折而众叶随之

沅浦九弟左右：

二十三夜彭一归，接弟十五书，具悉一切。

吉安此时兵势颇盛。军营虽以人多为贵，而有时亦以人多为累。凡军气宜聚不宜散，宜忧危不宜悦豫。人多则悦豫，而气渐散矣。营虽多而可恃者惟在一二营，人虽多而可恃者惟在一二人。如木然，根好株好而后枝叶有所托；如屋然，柱好梁好而后椽瓦有所丽。今吉安各营，以余意揆之，自应以吉中营及老湘胡、朱等营为根株，为柱梁。此外，如长和，如湘后，如三宝，虽素称劲旅，不能不侔之于枝叶椽瓦之列。遇小敌时，则枝叶之茂椽瓦之美尽可了事；遇大敌时，全靠根株培得稳柱梁立得固，断不可徒靠人数之多、气势之盛。倘使根株不稳，柱梁不固，则一枝折而众叶随之，一瓦落而众椽随之，败如山崩，溃如河决，人多而反以为累矣。史册所载战事，以人多而有害不可胜数。近日如抚州万余人卒致败溃，次青本营不足以为根株为梁柱也；瑞州万余人卒收成功，峙衡一营足以为根株为梁柱也。弟对众营立论虽不必过于轩轻。而心中不可无一定之权衡。

来书言弁目太少，此系极要关键。吾二十二日荐曾纪仁赴吉充什长，已收用否？兹冯十五往吉，若收置厨下，亦能耐辛苦。凡将才有四大端：一曰知人善任，二曰善规敌情，三曰临阵胆识（峙有胆，迪厚有胆有识），四曰营务整齐。吾所见诸将

于三者略得梗概，至于善觇敌情，则绝无其人。古之规敌者，不特知贼首之性情伎俩，并知某贼与某贼不和，其贼与伪主不协。今则不见此等好手矣。贤弟当于此四大端下工夫，而即以此四大端察同僚及麾下之人才。第一、第二端不可求之于弁目散勇中，第三、第四端则未必弁中亦未始无材也。

家中小大平安。葛亦山先生回家六日未来，闻其弟喉痛，或未愈耳。科一、科四、科六皆在馆。甲五课之点读尚居安静。弟可放心。尧阶于二十二来，二十八可归。洪、夏所争之地，余意欲买之。以东阳叔祖极称其好，不知可得否。胡润之中水奏请余率水师东下，二十七日送寄谕来家。兹抄寄弟营一阅。余俟续布。弟初九日所发之信由省城转达者，亦二十七始到也。顺问近好。

亦山不在此，命科四等写一稟安帖。

兄国藩手草 十月二十七日

390、带勇之法以体察人才为第一

沅浦九弟左右：

十二日正七、有十归，接弟信，备悉一切。

定湘营既至三曲滩，其营官成章鉴亦武弁中之不可多得者，弟可与之款接。

来书谓意趣不在此，则兴会索然。此却大不可。凡人作一事，便须全副精神注在此一事。首尾不懈。不可见异思迁，做这样想那样，坐这山望那山。人而无恒，终身一无所成。我生平坐犯无恒的弊病，实在受害不小。当翰林时，应留心诗字，则好涉猎它书，以纷其志。读性理书时，则杂以诗文各集，以歧其趋。在六部时，又不甚实力讲求公事。在外带兵，又不能竭力专治军事，或读书写字以乱其志意。坐是垂老而百无一成。即水军一事，亦掘井九仞而不及泉，弟当以为鉴戒。现在带勇，即埋头尽力以求带勇之法，早夜孳孳，日所思，夜所梦，舍带勇以外则一概不管。不可又想读书，又想中举，又想作州县，纷纷扰扰，千头万绪，将来又蹈我之覆辙，百无一成，悔之晚矣。

带勇之法，以体察人才为第一，整顿营规、讲求战守次之。“得胜歌”中各条，一一皆宜详求。至于口粮一事，不宜过于忧虑，不可时常发禀。弟营既得楚局每月六千，又得江局月二三千，便是极好境遇。李希庵十二来家，言迪庵意欲帮弟饷万金。又余有浙盐赢余万五千两在江省，昨盐局专丁前来禀询，

余嘱其解交藩库充饷。将来此款或可酌解弟营，但弟不宜指请耳。饷项既不劳心，全副精神讲求前者数事，行有余力则联络各营，款接绅士。身体虽弱，却不宜过于爱惜，精神愈用则愈出，阳气愈提则愈盛。每日作事愈多，则夜间临睡愈快活。若存一爱惜精神的意思，将前将却，奄奄无气，决难成事。凡此皆因弟兴会索然之言而切戒之者也。弟宜以李迪庵为法，不慌不忙，盈科后进，到八九个月后，必有一番甘滋味出来。余生平坐无恒流弊极大，今老矣，不能不教诫吾弟吾子。

邓先生品学极好，甲三八股文有长进，亦山先生亦请邓改文。亦山教书严肃，学生甚为畏惮。吾家戏言戏动积习，明年吾在家当与两先生尽改之。

下游镇江、瓜洲同日克复，金陵指日可克。厚庵放闽中提督，已赴金陵会剿，准其专折奏事。九江亦即日可复。大约军事在吉安、抚、建等府结局，贤弟勉之。吾为其始，弟善其终，实有厚望。若稍参以客气，将以戮志，则不能为我增气也。管中哨队诸人气尚完固否？下次祈书及。家中四宅平安。澄弟十四日赴县吊丧。余无它事，顺问近好。

兄国藩草 十二月十四夜

391、李次青实不可及

沅浦九弟左右：

初七、初八连接弟由便足寄回及由胡二、安七送回两信，具悉一切。亮一去时，信中记封有报销折稿，来信未经提及，或未得见耶？二十六早地孔轰倒城垣数丈，而未克成功，此亦如人之生死早迟，此刻自有一定，不可强也。

总理既已接札，则凡承上起下之公文自不得不照申照行，切不可似我疏懒，置之不理也。余生平之失在志大而才疏，有实心而乏实力，坐是百无一成。李云麟之长短亦颇与我相似，如将赴湖北，可先至余家一叙再往。润公近颇综核名实，恐亦未必投洽无间也。

初八日祖父大人八十四冥诞，共二十席。彭寿七、曹题五等皆来，留萧丕八之龙午饭。初九日温弟妇来曾家坳住，二妹子亦同在彼。七十侄女则回老屋。纪泽随易芝生至罗、李、峙衡三家拜年，即至沅堂先生家，吊其师母之丧。温弟十一日至永丰等处拜年。澄弟拟节后至城一次。五福、韩升均不在此；余甚不方便。

近日身体略好。惟回思历年在外办事，衍咎甚多，内省增疚。饮食起居，一切如常，无劳廛虑。今年若能为母亲大人另觅一善地，教子侄略有长进，则此中豁然畅适矣。弟年纪较轻，精力略胜于我，此际正宜提起全力，早夜整刷。昔贤谓宜用猛火煮、漫火温，弟今正用猛火之时也。

李次青之才实不可及，吾在外数年，独觉惭对此人。弟可与之常通书信，一则少表余之歉忱，一则凡事可以请益。

玉班兄送弟“二十二史”甚好。余京中书籍承漱六专人取出，带至江苏松江府署中，此后或易搬回。书虽不可不看，弟此时以营务为重，则不宜常看书。凡人为一事，以专而精，以纷而散。荀子称耳不两听而聪，目不两视而明，庄子称用志不纷，乃凝于神，皆至言也。

家中四宅大小平安。甲五目疾，右目尚未好，略有光，能辨对联字耳，左目已将全好。因谷四胡子仙逝，今日自往一吊，余亦未出门也。诸不详尽，顺问近好。

兄国藩手具 正月十一日

392、卿云适宜任总查等杂职

沅浦九弟左右：

十二、十四日连发第二、三号信，想次第收到。

兹有旧戈什哈李卿云千里来投，特命其驰赴吉安，交弟差遣，尚属有用之才。渠系李竹屋之族侄，曾在次青平江营充当哨官两年，受伤假归。战阵之事，自所惯见。据次青屡称其善于打仗。余观其平日语言过多，恐其稍涉于浮，临阵或未必稳实。然其抚绥士卒颇有恩意，又大小经百余战，甘苦备尝，究为难得。在湘营充哨长则或不宜，充队长则已有余；若派总查等杂职则必胜任。弟可酌处之。

九弟妇产后三日平安，尚服补剂以扶养之。厚二十五日来，下午归去，代雇乳母。四宅小大均吉。葛先生今日可到，郑先生今日始去接也。韩升、五福尚无一人来家，殊不方便。弟处得彭椿年便可了办一切否？诸不一一，顺问近好。

兄国藩手草 正月十六日

393、次青乃非常之才

沅浦九弟左右：

十四日发第八号信，交春二等带往，并带璧还金、史两处银二百二十两，想将收到。是夕接弟初七夜信，得知一切。

贵溪紧急之说确否？近日消息何如？次青非常之才，带勇虽非所长，然亦有百折不回之气。其在兄处，尤为肝胆照人，始终可感。兄在外数年，犹惭无以对渠。去腊遣韩升至李家省视，其家略送仪物。又与次青约成婚姻，以申永好。目下两家儿女无相当者，将来渠或三索得男，弟之次女、三女可与之订婚。兄信已许之矣。在吉安，望常常与之通信。专人往返，想十余日可归也。但得次青生还与兄相见，则同甘苦患难诸人中，尚不至留莫大之愧歉耳。

昔耿恭简公谓居官以耐烦为第一要义，带勇亦然。兄之短处在此，屡次谆谆教弟亦在此。二十七来书，有云“仰鼻息于傀儡羶腥之辈，又岂吾心之所乐”，此已露出不耐烦之端倪，将来恐不免于龃龉。去岁握别时，曾以惩余之短相箴，乞无忘也。

甲三《史》、《汉》、韩文二月中可看毕，三月即看《近思录》《周易折中》《四书汇参》等书。一则使略知立身行己之大要，一则有益于制艺也。

李雨苍于十七日起行赴鄂。渠长处在于精力坚强，聪明过人，短处在于举止轻佻，言语伤易，恐咏公亦未能十分垂青。澄侯弟

于十五日上永丰。十九可归。温甫弟于二十一起程，大约三月半可至吉安也。

九弟妇日内全愈，业在地下照料一切。辗转床褥已历弥月，亦由体气素弱之故。以后再服补剂，必有大裨，弟尽可放心。余不一一。

兄国藩手草 二月十七日

394、余前有信求润公保次青

沅浦九弟左右：

初十日接初三日来书，具悉一切。

余在白玉堂住五日，初七日仍回新宅。身体总未全好。回思往事，处处感怀，而于湖口一关未得攻破，心以为恨。虽经杨、彭、二李攻破而未得目见，亦常觉梦魂萦绕于其间。此外错误之事，触端悔悟，恒少泰宇，每憾不得与弟同聚，畅叙衷曲也。尧阶初九日来，霞仙与其叔镜翁至今未来。服药亦不甚得法，心血耗亏，骤难奏效。

九弟妇全好，十二日带五妹子至新宅出行。甲三十一日晋省，备寿屏一架、寿幛一悬，送贺太太五十生日。澄侯在县，初二归来后未多出门。科一、四、六读书如常。科九亦读至“经既明”等句。四宅小大眷口平安，无劳廛念。

姚秋浦索讨贼檄文，家中竟无稿本全。在外数年，一事无成。每念昔年鸿爪，便若赧然无以自安者。有始无终，内省多疚。湖口水师刘副将(斌国)来乡，道旧叙故，略开怀抱。闻雪琴时时系念，尤为笃挚。次青眷口至章门寻视，余闻之尤用愧切。使次青去乡从军者，皆因不才而出也。若得东路大定，次青归来，握手痛谈，此心庶几少释耳。弟在吉，宜以书常致次青。余前有信求润公保之。闻润公近解万金至贵溪，奏派次青防浙一路，张皇而提挈之，次青于是乎增辉光矣。

兄国藩手草 三月十三日

395、此次之出脚踏实地求精不求阔

沅浦九弟左右：

初一日专人至吉营送信。初二夜接弟来信，论敬字义甚详，兼及省中奏请援浙事，劝余起复。是日未刻，郭意城来家述此事，骆中丞业出奏矣。初三日接奉廷寄，饬即赴浙办理军务，与骆奏适相符合。骆奏二十五日发，寄谕二十日自京发也。

圣恩高厚，令臣下得守年余之丧，又令起复，以免避事之责。感激之忱，匪言可喻。兹定于初七日起程，至县停一日，至省停二三日。恐择路迂远，拟由平江、义宁以至吴城。其张远兰、萧启江诸军，约至河口会齐。将来克复吉安以后，弟所带吉字营即由吉东行至常山等处相会。先大夫少时在南岳烧香，抽得一签云：“双珠齐入手，光采耀杭州。”先大夫尝语余云：“吾诸子当有二人官浙。”今吾与弟赴浙剿贼，或已兆于五十年以前乎？

此次之出，约旨卑思，脚踏实地，但求精而不求阔。目前张、萧二军及弟与次青四军已不下万人，又拟抬船过常、玉二山，略带水师千余人，足敷剿办矣。此外在江各军，有饷则再添，无饷则不添，望弟为我斟酌商办。办文案者，彭椿年最为好手，现请意城送我至吴城，或至玉山，公牒私函意城均可料理。请仙屏即日回奉新，至吴城与我相会。其彭椿年、王福二人，弟随留一人，酌派一人来兄处当差，亦至吴城相会。余若出大道，则由武昌下湖口以至河口；若出捷径，则由义宁、吴

城以至河口。许、彭等至吴城，声息自易通也。应办事宜及往年不合之处应行改弦者，弟一一熟思，详书告我。顺问近好。

兄国藩再肃 六月初四日

396、稽查名员颇难公明之选

沅浦九弟左右：

六月十四日接弟初二日信，十六日又接初八日信，借悉一切。所有应复事件，分布如左：

一、余十二日到省，十三四拜客二天，十四日赴中丞宴。十五早赴李宅宴，系丁、陈、孙(芝房)、周(荇农)、二黄(恕皆、南坡)、李(仲云)、唐(树森)公请。十五日赴贺宅宴，十六早赴左宅宴。余皆会客，几天暇晷。定于十九日起行，坐船至湖北，停住三五日，至湖口住三五日，然后至河口会齐诸军，始行入浙。

一、定调之军张凯章、朱南桂、胡兼善、萧浚川，此谕旨所派、骆奏所指者也。浚川久劳于外，疲病日甚，有亲未葬。兹已奏明，准假两月，令其回籍。其军派人暂行摄领，带至河口，俟余至河口。或先带入浙，或待萧假旋再行带赴入浙中，均无不可。自此二军之外，又调吴翔冈之千二百人，又至李迪庵处拨调一千人、马队百人。浚川现统四千人，拟令汰选；仅留二千人，合之张、朱、胡、吴、李已八千矣(皆精兵)。再加次青一军，则逾万矣。吉安克后，再加弟军及刘腾鹤军，则万四五千矣。嫌其太多，尚须选汰。水师但调舢板六十号过玉山，至多不满千人。水陆合计，与弟条陈之数相符。

一、吉安不能遽克，弟与兄不能即日相会，未得面叙一切，深为怅怅。若六月克复，则请弟坐船来吴城，先与兄相会一次，

然后回家一行。在家小住月余，再至浙中提调一切。若不速克，则常常通信，总以雪琴水师为枢纽。

一、起程日期一折于十七日自省拜发，折稿附寄一阅。骆中丞前奏请起复赴浙之折，于十五日奉到朱批，嘉其符合圣意，不分畛域，谕旨褒赞。兹亦抄阅。

营务处已派王人瑞太守，左公及霞老意也。凡属湘勇，人瑞均可联络。侦探所名目，则照弟之条陈，不复立矣。提调亦难其人，俟弟到营时任之。其稽查名员，颇难得此公明之选，弟可于吉安留心访之。

派来之人，朱、萧、李、杨尚未到省，余五戈什哈皆于十六日到长沙。此后弟有信，可派人径送湖口。兄至湖口，大约在七月中也。诸惟心照，顺问近好。

兄国藩手草 六月十六夜

397、与温弟约在巴河相会

澄侯、季洪两弟左右：

在长沙寄一缄，谅早接到。十九在省开船，夜宿油望。二十日已刻至湘阴，因等候郭意城，小为停泊。二更开船，行七十里至土星港宿。二十一日过湖，申刻至岳州。二十二日午刻开行，夜宿新堤。二十三日至嘉鱼县。前此皆顺风，是日申刻后转北风，逆风也。二十四日仍逆风，幸江水流驶，二更尽至武昌。住胡宫保署内。拜客应酬及各署赴宴，计须四五日，至二十九或初一日即可买舟东下。

闻李迪庵兄弟与温弟尚在黄州，已约其在巴河(黄州下三十里)相会。大约七月初八九可至湖口。

自家起程，酷热异常，至新堤后渐有凉意。余身体平安。前因太热不能耐，近服黄恕皆兄之方吃鹿茸数帖，稍觉振奋。霞仙、意城皆好。霞公过黄州即归，意城过玉山亦当归。两湖年岁丰稔，民气和乐，居然太平气象。余不一一。

国藩手具 六月二十七日书于武昌抚署

398、次青得展久屈之志

澄侯、季洪两弟左右：

二十二日在江西寄去一缄，由长沙左公处封达，不知何日得到？余于二十四日出江西(省)城，八月初四至贵溪县，初六七可至河口。闽中浦城之贼窜至江西，围攻广丰、玉山两县。次青以一军守两处之城，均得保全，勋名大著。前日浙抚以救浙之功，保次青以道员归于江西，请旨简放。此次守玉山，余亦当优保之。次青久屈得伸矣。

余在外身体平安。半月行踪，抄日记奉览。顺问近好。

兄国藩手草 八月初四日

399、老湘军痛失刘帮办

沅浦九弟左右：

二十三日发一信，交送喜报之采营带往，想收到矣。吴翔冈万年之挫，查明实亡二十八人。帮办刘隐霞之死，老湘勇人人痛之。余挽以联句云：“五载共兵戈，地下知心王壮武；万年歆俎豆，沙场归骨马文渊。”此外军械失者甚少。翔冈二十五日收队，二十六日来弋阳一见。余即于二十七日拔管，张、吴二十七日自贵溪拔管，约二十九、三十日至陈坊取齐，由云际关入闽也。

闻吉安初十、十五日夜两次窜贼攻陷宜、崇二邑，余军行至陈坊时再行察看。如建昌危急，或分兵往剿亦未可知。然余职办闽省军务，未敢再迟也。功牌刷就，兹送去五百张，交杨喜贵、蒋魁南、曾象六送往，又鹿茸一架，为弟病后调养之资，均即查收。吉安有好长夫，望代雇一百名送至余营。善抬四轿者，挑十余人为余与次青、意城之用。价钱如须略加，弟为酌之。李廷楷事，听弟自办，兄即不归入捐案另奏也。

张、萧各军病者甚多，半系疟疫。许仙屏亦病，现留弋阳不能从行。次青、意城均有假归之意，余强留之。实则意城本约至玉山归去，不愿入浙闽，乃其初议。次青五年未归，思母极切，亦至情耳。弟若可速归速出，则望于十一月中旬到营，以便放次青归去过岁。若目下不克速归，至家后不克速出，则请即日弟来营一次，小住二十日，俾次青得于九月归省亦好。

两者在弟酌之。弟与次、意三人者有两个在余营，则余案无留牍矣。若仅一人在余营(仙屏长于书后，公牒少逊)，则必以彭椿年辅之，尚至不可废事。诸不详尽。即问近好。

兄国藩手草 八月二十七日弋阳将拔营

时发

400、盼弟至建昌一会

沅浦九弟左右：

二十七日在弋阳发一信，送鹿茸一架，功牌五百张，差蒋魁南、杨喜贵等至吉安，不知何日可到？

是日拔营仅行五里，二十八日行四十五里，双港驻扎。因弋阳所雇长夫中途逃失，又等候张凯章，二十九日停住一日。凯章自贵溪来会，语及闽中股匪复有二万余窜至新城，怨其与宜、崇贼合，窥伺抚、建，急欲赴援建昌、新城。营中如次青、人瑞、意城，皆力主此议。吴翔冈尚在贵溪，亦主此说。朱品隆等从而和之。余以初奏入分水关，次奏入云际关、不愿累迂其说，因众意所趋，勉强从之。惟可与弟会晤，是极幸事。望弟即日驰至建昌一会，细商一切。诸不详尽，统俟面叙。

兄国藩手草 八月二十九日双港行营

再，昨日派蒋魁南送去之功牌，刻手本不住，而纸又太薄，刷印太草率，不知可用否？如不可用，则另请江抚、楚抚之牌，而此五百张暂存，待至建昌相见后再说。手此，复候刻佳。

兄国藩又行 八月三十夜

401、闻弟已到宜黄

沅浦九弟左右：

十八日在弋阳专勇送信，言学额事。二十三日喜信人归，寄一复信。二十八日专勇送鹿茸、功牌。初一日专人送信，约弟来建昌一会。次第皆接到否？余于初七日至金溪，初十可至建昌，闻弟亦到宜黄，旦夕可会，欣慰之至！兹派李承典往迎。顺问近好。

兄国藩手草 九月初七日

402、中营兵勇听弟自为酌裁

沅浦九弟左右：

初一日派戈什哈张定魁至弟处，约弟来建昌一会。初六日闻弟已至宜黄，喜慰之至，又派李承典往慰。初九日兄入建昌府城，闻弟踪迹，尚无知者，乃知昨传弟到宜黄者误也。兹再专勇送信，望弟飞速来建昌一晤。

弟复不能办学额事一信，已于初八日接到矣。吉字中营之勇，或全撤或酌留，听弟自为酌裁，余初无成见也。余容面罄。许仙屏病住弋阳，尚未来营。顺问近好。

兄国藩手草 九月初九日建昌城外营次

403、望弟中途与兄晤

沅浦九弟左右：

初十日接初二夜一缄并稟复稿，得悉一切。余于初一派张定魁，初七派李承典，初十派老湘营勇三次至弟处，约来建昌一会。均接到否？弟若由水路晋省，可中途登陆先来建昌，至嘱至嘱。顺问近好。

兄国藩手草 九月初十夜

404、吉字中营余意欲酌留

沅浦九弟左右：

十一日接初一日专丁来信，并澄季二弟、纪泽等信，得悉家中四宅平安。余于二十八日专蒋魁南送功牌、鹿茸，初一日专张定魁至吉安，约弟来建昌一会。初七日派李承典往迎，初十日派老湘营二勇催迎。十一日弟营二人回吉（初三所专来者），令其由樟树水路迎候，恐弟先由水路晋省也。

吉字中营，弟意欲全裁，温弟意欲全留为我军根本，余意欲酌留，必须面商。又余欲于弟营抽雇长夫三百，派营官一人、哨长三人管之。及家中各事，均须面商。故各缄均不详也。伫候速来。不一一。

兄国藩手草 九月十三日

405、和气致祥乖所致戾果有明征

澄侯、沅浦、季洪老弟左右：

二十五日闻三河挫败之信，专安七、五四送信回家。三十日，就县局回勇之便又寄一信。初五日，又专吉字营勇送九弟湖口所发之信。其时尚幸温弟当无志也。兹又阅八日，而竟无确信，吾温弟其果殉节矣。呜呼恻哉！

温弟少时性情高傲，未就温和，故吾以温甫字之。六年，在瑞州相见，则喜其性格之大变，相亲相友，欢欣和畅。去年在家，因小事而生嫌衅，实吾度量不阔，辞气不平，有以致之，实有愧于为长兄之道。千愧万悔，夫复何言！自去冬今春以来，吾喜温弟之言论风旨洞达时势，综括机要。出门以后，至兰溪相见，相亲相友，和畅如在江西端州之时。八九月后，屡次来信，亦皆和平稳惬，无躁无矜。方意渠与迪庵相处，所依得人，必得名位俱进，不料遽祸如是之惨！迪庵一军，所向无前，立于不败之地。不特余以为然，即数省官绅军民，人人皆以为然。此次大变，迪庵与温弟皆不得收葬遗骨，伤心曷极！

现在官制军、骆中丞皆奏请余军驰赴江北，计十五六及月杪可先后奉旨。如命余赴皖楚之交，余留萧浚川一军防剿江闽，自率张、吴、朱唐及吉字中营赴皖，必求攻破三河贼垒，收寻温弟遗骸，然后有以对吾亲于地下。若谕旨令余留办闽贼，则三河地方不知何年方有兵去，尤为痛悼。

九弟久无信来，想竟回家矣。想过蕲、黄等处，闻温弟确

耗，不审如何哀痛！何无一字寄我？自九江至长沙，水路二千余里，溜急而风亦难顺，不知途次如何愁闷！如能迅速到家，亦是快慰之一端。

去年我兄弟意见不和，今遭温弟之大变。和气致祥，乖所致戾，果有明征。嗣后我兄弟当以去年为戒，力求和睦。第一要安慰叔父暨六弟妇嫡、庶二人之心。命纪泽、纪梁、纪鸿、纪渠、纪瑞等轮流到老屋久住，五十、大妹、二妹等亦轮流常去。并请亦山先生常住白玉堂，安慰渠姊之心。二要改葬二亲之坟。如温弟之变果与二坟相关，则改葬可以禳凶而迪吉；若温弟事不与二坟相关，亦宜改葬，以符温弟生平之议论，以慰渠九泉之孝思。三要勤俭。吾家后辈子女皆趋于逸欲奢华，享福太早，将来恐难到老。嗣后诸男在家勤洒扫，出门莫坐轿；诸文学洗衣，学煮菜烧茶。少劳而老逸犹可，少甘而老苦则难矣。至于家中用度，断不可不分。凡吃药、染布及在省在县托买货物，若不分开，则彼此以多为贵，以奢为尚，漫无节制。此败家之气象也。千万求澄弟分别用度，力求节省。吾断不于分开后私寄银钱，凡寄一钱，皆由澄弟手经过耳。

温弟殉难事，吾当另奏一折。九弟在湖北若得悉温弟初十日详细情形，望飞速告我，以便入奏。希庵有详信来。吾即先奏亦可。纪寿侄目清眉耸，忠义之后，当有出息，全家皆宜另目看之。至嘱至嘱。

十一月十二日

406、派太守在营看操为沅弟分劳

澄侯、沅浦、季洪三弟左右：

正月初七日接沅弟腊月二十日信，敬悉叔父大人病体大愈，远怀少慰。除夕、元旦两日不知温弟妇伤痛奚似！此间派杨名声、杨镇南等至舒城一带访寻，日内尚无确耗。接胡中丞三、四信，似于温弟事极关切，可感可感！杨弁等去，吾亦告之；苟有可图，费二三千金不惜也。

屋样、祠堂样、罗洪信及各事皆已寄归。吉中营事，吾未细查，派四川曾佑卿太守（省三，壬子庶常改主事，捐知府）在营看操，意在为沅弟分劳。然合营望沅甚切，正不能不早来。来此从容调停，再谋蝉蜕可耳。顺问近好。

兄国藩顿首 正月初八日

再，凯章于二十七日大获胜仗，杀贼近千，景德镇一军当可站得住。惟贼多而狡，垒密而坚，恐刻下难遽克复。吴翔冈败后，稟告病请撤，吾已批准撤之，派凌荫庭前往接统矣。翔不服凯章，钐峰亦与凯龃龉，并讥其不应用统领老湘营。全军关防，凯已换刻矣。吾爱惜凯章，不得不撤翔也。又行。

407、望澄弟尽心操办团练

澄侯、沅浦、季洪三弟左右：

初二日接澄弟二月二十日一缄，具悉一切。自接沅弟十七日在省一信，至今七日未接长沙嗣音，不知来阳、常宁、安仁、衡州近状何如？至为悬系！团练之法，余向不甚以为然，而我邑此次却须有团练以壮声威。望澄弟尽心为之，无以我言为典要也。

此间新招之三千余人，余星焕等之长宁勇千人于初一日到营，张子衡之平江勇千三百人已到千零，将齐矣。凌荫庭之接带义勇营千人俱扎贵溪，俟练妥后，即日亦当来老营矣。惟彭山岷之兵未到，到齐时，老营共七千余人。将卒皆跃跃欲试，气象颇好，似堪一战，惜无好统领临阵指麾之耳。

湘勇之在江者，多有回援湖南之意。吾令浚川由吉安回茶陵，已去二札一批，至今尚未回信，又派吴翔冈回援，翔冈之营虽交凌荫庭，尚留四百人，合新招之三百人，亦差足成军。王钤峰、张凯章稟请回援。此时景镇未克，碍难撤退。二十四日，镇贼扑凯章所辖之样字营，一击即退。凯军近日已稳，但难期克复耳。

我日记中郁闷之怀虽不能免，然癖疾已愈十分之八九，想系服鹿茸丸之效。办事精神亦较六年略好，往年心中槐悔之事，与官场不和之事，近亦次第消融而弥缝之矣。惟七年在家度量太小，说话太鄙，至今悔之。此外，方寸尚泰然也。澄弟劝我

“得日过日”四字，以后当谨记之。目光近更花，或因写字太多之故。此后当少写，诸弟不必挂念。家中或徙避或否，诸弟自有斟酌，余亦不复挂念。沅弟事，谢恩折宜早发，因湖南并未咨到，又因今年三次奏温弟事，故未同发，昨始奏谢。即问近好，不一一。

三月初三日

408、温弟之子将得恩典

澄侯、沅浦、季洪老弟左右：

初四日发第十号信后，接沅弟二十四日在县所发之信。贼不直趋衡州，俾我得以从容设备。若谢泰平水师至耒河口，王人树陆军入衡城，要郡固守，则各处皆易布置。甚慰甚慰！

今日接奉谕旨，温弟之子纪寿交吏部带领引见，将来无论何项恩典，皆系至荣，温弟九泉之下亦可少慰。兹专人送回，以安叔父与温弟妇之心。

此间诸事平善，刘杰人腾鹤于二十八日在建德之云风岭阵亡。渠奉札守彭泽，而自请进剿建德，亦属不自量力。其麾下阵亡者至五百余人，此后不能成军矣。普钦堂独当湖口、彭泽，恐难胜任。如有疏虞，则养素在饶州可危，雪琴在湖口亦可危也。

今年军事，沅弟缄言“稳扎稳打，机动则发”，良为至论。然机字殊不易审，稳字尤不易到。余当一一奉为箴言，与澄弟之箴常常省玩耳。即问近好。

兄国藩手草 三月初八日

409、派人在衡州坐探

澄侯、季洪两弟左右：

四月二十七日沅弟到营，家中一切，多所慰喜。

日内未得南中军报，不知宝庆等处近状何似？此间诸事如恒。吉字中营、朱唐两管与新添之三营操演颇勤，队伍颇整，端节后即令其全赴景德镇会剿。沅弟率之以行，初九、十一或可启行。湘后营刘杰人在彭泽败后，其营现来抚州，留在身边护卫。普承尧在建德大败，其勇多溃走九江。渠暂守彭泽，恐亦不能久驻耳。

余身体平安，而怕热异常，出汗甚多。眼蒙如故，不增不减。癖疾较春间稍甚，比之往年则大好矣。十二日值叔母大人五十晋一大寿。兹送春罗一匹、夏布四匹、燕窝一封、鱼翅二斤，以致拜祝之忱。又“皇朝舆地略”一本，交纪泽手收。余派委员伍华瀚在衡州坐探，每三日送信一次。家中若有军情报营，可寄衡城交伍转送也。余详九弟信中。即候近好。

五月初三日

410、江楚扎营之地绘一全图寄来

沅浦九弟左右：

初八日发十一号信，谅已收到。日来雨不息，想镇营极辛苦也。初九日接季洪弟信，知润帅已授之以事。如能磨练出一人才，亦家门之幸。兹专人送弟处。

乐平团练究可用否？昨日所寄之单相符合否？江楚扎营之地，能绘一全图寄来否？若不能，则专绘楚军可也。有人自衡州寄一宝庆图并伍委员探报，送弟一阅。寒热不时，惟保重。千万之嘱！

兄国藩手草 六月初十日二更

411、派兵四千回援宝庆

澄侯四弟左右：

刘一归，曾寄一缄。顷接禾十稿发一信，具知宝庆危急如故，十六里团练齐心，虽未必真可恃，究足以壮声威。甚慰甚慰！弟略发体，尤大慰也。此间现派凯章率四千人回援，一则桑梓之缓急，即大局之所关；一则各弁勇皆思回救，不过因势而利导之。余拔营约七月初十间，由湖口、武昌而至荆、宜，共二千余里，须九月乃到也。季弟约来沅弟处，日内当到景镇矣。顺问近好。

六月二十二日

412、因故未能入蜀

澄侯四弟左右：

初七日曾德麟归，寄家信并丸药。近日久不得家中信，系念颇切。吾住营盘已十日，安静如常。日来身体小有不适，略禁袖荤，勿药可愈也。九弟闻已到省，季弟计亦将起程。

四川之行，一则吾部下人才太少，二则四川、湖北两省俱不允许饷项，三则鄂省官场除胡中丞外上下均不欲我西行，是以不果入蜀。兹将折稿付回。

闻漱六病颇不轻，难以作字。叔父寿屏拟改请胡中丞作、李少泉写，更速也。顺问近佳。

兄国藩手草 九月初七日

413、细察湘勇柔脆实难北征

澄侯四弟左右：

十月初二日沅弟到营，得闻家事之详。近日婚嫁两事皆已完毕，江南老名士可少休息矣。

吾于二十八日自黄州归，接奉寄谕，以湖北大举征皖，恐其驱贼北窜。吾细察湘勇柔脆，实难北征。一渡淮水，共食麦面，天气苦寒，必非湘人所能耐。拟于日内复奏，陈明楚车所以不能北行之故。湖南樊镇一案，骆中水奏明湖南历次保举，一秉至公，并将全案卷宗封进军机处。皇上严旨诘责，有“属员耸愚，劣幕要挟”等语，并将原奏及全案发交湖北，原封未动。从此湖南局面不能无小变矣。此间进兵大约在十月底。

余身体平安。惟目疾久不痊愈，精神意兴日臻老态。所差堪自信者，看书看稿犹能精细深入。每日黎明即起，不敢隳祖父之家风，足以告慰。余详九弟信中，顺候近好。

十月初四日 草于巴河军次

414、保举一单武职全准

澄侯、沅浦两弟左右：

初七日接沅弟汉口信，初九日曹荣至，又接澄弟长沙信、沅弟麟信，藉悉一切。初五、初八、十皆东东北风，沅弟应早到矣。

余于十三日拔营至宿松，一入皖境，百姓望若云雨，爆竹欢迎，不知兵力果足以庇之否？十月十七日会奏一折，圣意不以为然，朱批驳斥。保举一单，武职全准，文职交部核议。将来必有驳者，如黄南坡、石芸斋、何廉昉等均属可虞。即李筱泉久未得保，亦不知可允准否？向来从未交部，此次将文武官阶分类，遂尔歧视，想别有所因也。若部文速来，于其驳诘者仍当再请，但恐迟耳。

沅弟带回之银七百零八两，请以二百为温弟祭田之助。余玉百为湘乡忠义祠捐项。霞仙丁外艰，家中已送银否？若未送，则由营中送可也。凡家中红白应酬之需，如有应在十两以上者，可写信由营中寄送，少者则家中自送。

余今年癖疾大发，与道光二十六年相仿佛，目疾亦日以增甚，老境大臻。在外往年未了之事，现已渐次清厘，略有归宿。李小泉所办报销，今冬可毕。京帐一项，毛寄云力劝缓清，今尚未定，俟问明西顺兴下落再看。顺问近如。

兄国藩手草 十一月十四日于宿松军

次

415、若失浙江则大局难挽

澄、沅两弟左右：

三月初七接澄弟二月十三日信，初八日由曾云集等接澄、沅信，又由周运斌等接沅弟及纪泽信，初九由季洪处寄到沅弟及纪泽信，初十由蔡迎五接阮弟信，得悉一切。

此间一切如常。余身体小有不适，日内不能作事。希庵来此住八日。太湖各营十四拔营，将进安庆。浙江危急万分，并有二十七日失守之信，兹将张筱浦两次折稿抄阅，恐谕旨仍是命我赴浙。若省城已失，大局过烂，则挽回为难耳。

沅弟转毕叔父葬事，望速行来营与我共商大局。或添募一二营，或不添，均由沅自酌办理。澄弟之病，由于性过急躁，总望静养将息，千万之嘱。即问近好。

兄国藩手草 三月十四日

416、余欲带万人渡江

澄侯四弟左右：

二十九日寄一缄，由骆中丞处转交，不知何时可到？余拟于十五日起行，带兵渡江，驻扎徽州、池州二府境内。其九弟所带之万人，现扎安庆城外者，仍不撤动。盖以公事言之，余虽驻军南岸，仍当以北岸为根本。有胡中丞在北岸主持一切，又有多礼堂、李希庵及沅弟三支大军，则北岸稳，湖北稳，袁翁之军亦稳，余在南岸亦可倚北为声援也。以私事言之，则余为地方官，若仅带一胞弟在身边，则好事未必见九弟之功，坏事必专指九弟之过。嫌疑之际，不可不慎也。余定带鲍镇超之霆字营六千人、朱品隆二千人及现在宿松之马步二千人，合万人先行。余俱在湖南陆续调集招募，足成三万人数。左季高现奉旨以四品京堂候补襄办余处军务，所有应在湖南招勇等事，即咨请季翁在湘料理一切。

近日得浙江王中丞信，苏州之贼二十二日尚未至浙江境，浙江省城有杭州将军瑞、署钦差大臣张及中丞三人，应可保全。但使保得浙江，保得江西，则此后尚可挽回全局。

纪泽儿若来省觐，则由长沙或坐战船或坐民船，直下湖北以至湖口、东流，余扎营当在东流附近地方。长江之险，夏月风涛无定，每遇极热之时，须防暴风之至，下晚湾泊宜早。来营住一月，即令其速归也。望弟谕知泽儿沿途谨慎，不必求快。顺问近好。

兄国藩手草 五月初四日

417、在湖南募新勇二万人

澄侯四弟左右：

余于十五日自宿松起行，十六至老洲头，十七、八、九阻风三日，二十、二十一日行至黄石矶，与杨彭二君、沅季二弟会晤，畅叙一切。定于二十六日开行，由东流、建德以赴祁门。浙江之事，近日未闻确耗。但愿浙不再失，则江苏之事尚有可图。接郭云仙信，已于十一日至襄阳，将来余营一会，大约六月初可到。纪泽儿或亦初间可到。余在湖南募新勇二万人，计张凯章秋初可到，余则恐待八月矣。

余身体平安。癖疾略发，幸不甚剧，目光亦与春间无异，吾弟尽可放心。凡吾有家信，弟阅后请交建四先生收存，以免遗失。顺问近好。

五月二十四日

418、弟应密察军中新手之心

沅弟左右：

十五日接十一日夜信并公牒一件。厚、希、雪三人想已至安庆矣。余到祁以后平安如常，惟作字太多，目光弥昏。霆字前帮五营十六到祁，后帮四营十七可到。朱云岩十五已到，病尚未痊。纪泽尚未到湖口。次青闻未到湖口。幼丹复信，不肯出来，当再招之也。弟军新手太多，若遇狂风巨浪，恐有摇惑之象，弟须常常密察而预计之。闻家乡近日并无好勇可招，好者多已出外，不知然否？

六月十六日

419、不惜重本办马队志在办成一事

沅弟左右：

十八日专不到，接十五信，得知一切。应复之件，条列具左：

一、陈米千余石，如不可吃，不必强各营领之。凡粮台事件，弟皆自行当家，不必一一请示。或有疑议、就近与希庵商之。渠阅历颇久，思力沅着，与弟可互相切磋，互相资益也。

一、杨光宗业已斥革递解，此后应稍安静。马兵既难得力，可伤令杨镇南招募马勇。其兵丁每出十缺(马缺)，即饬令仍回殷开山营盘。余于办马队不惜重本，志在办成一事。若操练半年仍不得力，则浪费过甚，不如趁早改兵为勇，陆续更换。

一、南坡所谓每月五万者，其条陈尚未到，想在甲三手带来，待其到时，或奏或咨或札，均可如法炮制。西清体弱，似可不必。

一、雪琴厘金之事，概仍八九等年之旧，丝毫不改，断不至掣雪之肘。牙厘既由我处作主辅，亦不致难为雪也。末一条概以大度容之，不另复矣。家信七件寄去，赵信璧，黄信留此。探报未到也。

六月十九日

420、苦无可调之军

沅弟左右：

二十三夜接二十日已刻一缄，与前日一长信合观，条理周密，精神贯注，殊深欣慰。行文湖南，谓弟行文于彭盛南也。安庆对岸仅周万悼一营，殊嫌太单。曾得胜势不可调，此外又无可调之营。此题枯窘，仓猝竟难生发。余到祁后一切平安，日内酷热异常，不知弟暨季弟营中盖有房屋否？悬系之至。

六月二十五日辰正

421、欣闻长壕已掘成

沅、季弟左右：

日内未接来信，想俱平安。李少山信言长壕已成，万难飞越，至以为慰。

此间广德州之贼于近日退出，城内已空，州境肃清。宁国围城之贼闻亦渐退，想是由东坝、芜湖北渡，上援安庆，尚未接到确信。若果尔，则北岸将紧，南岸渐松矣。

二马公闻今日可到祁门。此间委员中并无司道大员，排场不足以慑服其心，不审能就銜勒否？作梅到祁已四日。学使郡沅生亦来祁一见。兄目疾颇增，余俱平安，附报一二。顺侯近好。

兄国藩手草 七月二十二日巳正

422、宁国被围紧急如故

澄侯四弟左右：

接七月初信，如弟身体服陈心壶药而大愈，甚慰甚慰。然弟体本不甚强，又加以连年劳苦，恐大黄等药究非所宜。吾兄弟多秉母体，宜于补而不宜于攻，尚乞加意镇重为要。

此间军事，宁国被围，紧急如故。广德州初四日失守，十四日又已收复。凯章带三千余人于七月二十四日到祁门，其后两翼八百人亦中秋前可到。次青十二日至江西省城，鲍春霆十八日自武昌起程，月内均可到祁，到即分途救援宁国。余幸平安，惟日内写字太多，目光更差耳。顺问近好。

国藩手草 七月二十四日

423、嘉兴一军全数溃败

澄侯四弟左右：

接七月十一来信，知家中五宅平安，至以为慰。病体日好，近想又开酒戒、亲琐喃矣。黄金堂之事，承巨细熟商，尚不至失之奢华否？早间不太晏否？

此间一切平安。嘉兴一军三万人于七月二十三日全数溃败，贼势趋重。浙江杭州危急之至。如果杭城有事，则皖南、江西均属可危。兄现奏留骆中丞暂驻湖南，俾左季高得以迅速来皖，而湖南防兵亦免出抽调入蜀，庶桑梓可固，而吴越可图。兹将奏片抄寄弟阅。

兄身体尚好，惟目光日眵，劳苦颇甚。顺问近好。

国藩手草 八月初四日

424、余新接皖南军务

沅弟左右：

初九日申刻专卒至，接初七早来缄，初十早接初五一缄，具悉一切。

此间新接皖南军务，头绪难清，嫌疑难释，已派次青赴徽，先行交接，再赴宁国履任。宋副将未至。太平贼未接风、未见仗而遽退，颇不可解。春霆至今未到。南坡两禀皆照准，已录批札知弟处。昭忠祠除江家百金外，当再送四百与弟处汇交。屋样尚未改正，定于中秋日谢绝百事为之。去年改先大夫祠样，系元旦所为也。二万金尚易办，弟信晨要则夕发矣。各件均发还。

八月初十日午刻

425、知宁国府失守之信

十六为一书交朱云章带去。次日接信，知宁国府有失守之信，虽未必遽确，而皖南事极危急。目下徽兵索饷闹事，宁兵溃败滋事，内江可虞，强寇环伺。兹寄书请希庵带二三营来助我，望弟专人送去。希公若于二十二三慨然渡江南来，不过月杪可到祁门。在此住二十日，左季翁到后，希公可仍北渡还本军也。四眼狗若援怀、桐，当在东梁山渡江，必不能如祁门到青草壩之便。昨致凯章信抄去一阅。

八月十八日未刻

426、围安庆恐有意外之虞

沅、季弟左右：

二十一日接十九日信并公牒。萧、张二人新作营官，余不轻假以权，徐徐训饬，甚有条理。二十二早接二十日信，正俊九拜生之日也。

此间自十七日闻宁郡失守之信，十八日次青派二营去防丛山关。十九日接仗，分为二卡。一营失利，营官阵亡。一营平稳。丛山去绩溪县三十里，去徽州府九十里。次青在徽，现办城守事宜。城上蓬篙没人，雉堞不完。若过四日，则次青料理渐妥，当可守御。余续发礼字河溪四营二千一百人，二十一日可到徽州，亦助次青协守。凯章在旌德，静镇不动。霆营在太平，亦静守平安。春霆二十日到祁，二十三日可到本营。目下所虑者，次青徽州吃紧，祁门老营太单。徽畏外寇，祁忧内讧。欲请希庵带两营来此一助，望弟再三恳之，余今日未写信也。安庆新营太多，余不甚放心。围此大城，因此悍贼，尚恐有意外之虞，断不可分兵来南岸。泽儿过十月十一后再赴安庆。

八月二十二日巳刻

427、速请希庵来援徽州

沅弟左右：

二十四日接弟两信，排单者后到。礼字河溪四营，二十四日大败。贼围徽州，鲍、张两军均隔在岭外，危急之至。望弟即请希庵来援，带一二营亦可。九月初六以前，此间当尚可保也。现调鲍入岭，由休宁以援徽州。调张入岭，驻渔亭以保鲍之后路。

八月二十五日巳刻

428、最怕敌军断祁门后路

沅弟左右：

接弟信，知希庵于二十五日已拔四营南渡，可感之至。次青于二十五日酉刻城陷时，闻实已出城，至今尚无下落，必殉难矣。哀哉此人！吾用之违其才也。目下所最伯者，贼从婺源窜东平、景镇，断祁门之后路，蹂躏江省腹地也。希公来此，专为保祁门老营。因老营仅朱、唐三千人，内有千七百人未见过仗，故土须二三营。今带四营来，已觉其多，余五六营应止之。不必渡南。恐北岸有事，希公单骑回救则易，大队回渡则难。弟可与润、希帅熟商之。

八月二十八日年初

429、次青已大败出城

澄侯四弟左右：

初一日接弟信，知家中收成已毕，黄金堂丰收逾恒。五十侄女渐次痊愈，至以为慰。

此间近日殊多失意之事。次青于十九日丛山关败后，二十四日平江六管与河溪礼字等四管大败。贼匪围城，次青坚守一日一夜，至二十五日申刻破城。平江勇自南门走出，次青闻亦已出城。至今八日尚未接其来信，而其胞侄、表弟皆坚言其无恙，不知究意如何。二十八日贼破休宁。目下皖南仅存祁门、婺源、黟县及东流、建德而已。闻贼已分大半由严州入浙，而自婺源入江之路亦不可不防。现调鲍军扎渔亭，凯章扎黟县，均去老营不过六十里，军势已稳，人心已定。牧云与甲三初一日由祁门赴安庆，宽十、代三同行，大约十月底可归也。希庵初四日到祁门，带四营运来救援，不久仍当回北岸耳。

余身体平安。目光日昏，精神日见日老，深惧无以符此大任。顺问近好。

兄国藩手草 九月初四日

430、安庆不宜撤围

沅弟左右：

十六日接弟一缄，内有上胡帅信稿，夜又一缄，并四眼狗等黄续伪文一包。十七日接送苦株子之信，又接十四日发一缄。具悉一切。

安庆不宜撤围，此人人意中所有之事，普天下处处皆系贼占上风，独安庆一城系贼占下风，岂有轻易撤退？今既受苦株子之贿，愈不肯撤围矣。至与左季高同行，则以其气概识略过人。故思与之偕，以辅吾之不逮。然近日众论多思留左公于南岸者，与弟之见略同，余亦不欲定执一己之见。昨有复胡帅信，抄寄弟阅。既不撤安庆围，又不挟左公俱北，弟当再补两撮苦株子矣。

九月十七日

431、可采坚守静待法攻敌

沅弟左右：

初四夜连接二十八、三十及十月初一日三次信缄，具悉一切。

初四日接奉二十日寄谕，夷务和议已成，鲍军可不北上。九月初六日请派带兵入卫一疏，殆必不准，从此可一意图东南之事。

安庆所挑余亲兵两哨，若悉系上选，恐狗贼来援，打仗又少些好手，弟细心斟酌。或待击退狗援后，再令两哨南渡亦无不可。余前二十八日一缄，谓不须挑人来祁，一半是恶刘、李索钱太多，一半是恐安庆挑出好手，难当大敌也。此次商令缓来，则专为恐扯薄安庆起见，弟细酌之。贼若有大股从练潭采集贤关，希庵若不递援，弟军足支持二三日否？千言万语，都不要紧，惟此是性命关头。次青以不能战守，身败名裂，弟所争者在能守与否。若能守住四五日，则希庵之援兵必至矣。专意待希之救，万一希被桐城等处之贼牵制，不能援怀，亦事势之所时有，弟此刻与诸将约定，预为守营五日昼夜不息之计。贼初来之日，不必出队与战，但在营内静看，看其强弱虚实，看得千准万准，可打则出管打仗，不可打则始终坚守营盘，或有几分把握。闻迪庵于六年八月在武昌击石逆援贼，即坚守静待之法。每日黎明，贼来扑营，坚守不动，直至申酉间始出击之，故无日不胜。

希庵新授皖臬。莫令当撤委，令希查办。弟详复之件尽可呈上，而莫之劾否，不系乎此。江新系马徽麟言可杀。却在莫先。

十月初五日

432、虑赣南之敌窜来

沅浦九弟左右：

杨镇南之哨官来，接二十五日一信，马事另用公文批发。

此间日内平安。唐桂生带队雕剿，贼已遁去。赣南之贼窜至上塘墟，距建昌府城仅四十里，可虑之至。前令养素三千人驻防抚州，或可保守。余将以明日至黟县等处察看岭防，此数日书问稍稀。

十月初七日

433、贼若来扑当坚守不出

沅弟左右：

二十六夜接第二十三四日两次专信。二十七早又接二十五信，报多公二十三日胜仗。至以为慰。

大通厘局十月以六成济湘后，四成修堤。十一月后，四曾四陈二韦即当批准。莫令祥芝，昨日发折奏参革职，即日当札马辉房代理。堤工恐未必修得成，而军事得失利钝不过月内外可决，苟堤工太难，办工者无十分内行里手，祈弟酌之。

多、李虽打胜仗，贼若来扑怀宁，弟仍当坚守不出，幸无轻敌致误。左季翁今日可到祁门，吴退庵昨日已到。贵溪股匪，已于二十三日被左军击败，杀贼近二千也。

十月二十七日

434、新军当大敌不知足以自立否

沅弟左右：

昨日写信与厚、雪二公，略言初三以后近状，不知到否？十三夜接信，浮梁于十二午刻失守。左军扎景德镇、马鞍山，想十三四日必开仗。新军当大敌，不知足以自立否？余现调鲍镇全军回剿浮梁、景德镇，又调朱、唐全军剿建德，老营嫌太空虚，然凯章御贼于北，囊营剿贼于南，当可无虑。东流、建德，恐须希庵亲家带五六千人渡江打开，始能通北岸之气。弟与润帅及希、礼、厚、雪商之。如狗贼尚未大惩创，亦不可扯空北岸之师也。

十一月十四日巳刻

435、欲弃建德而不守

沅弟左右：

接十八夜来缄，具知一切。

建德虽克，非六千劲旅不能守。余意欲弃而不守，留为鄱阳、景镇各贼之归路。季翁以余见为然，不知厚庵之意如何？景镇之贼未退，候婺源一路贼到，两路夹攻左军。余派鲍镇赴景德会剿，二十四日起行，二十七八可到，当与婺贼先后同到也。

普承尧当参革职，发往新疆，派霆营挑选宝勇溃卒另编三营，在于黄梅、宿松等处归处，即日刊告示张贴耳。

十一月二十五日巳刻

436、婺源之贼窜往德兴

沅弟左右：

初七日派去之亲兵，二十五归，得弟二十一日信，借悉一切。

婺源之贼，二十五早窜往德兴一路。若并犯景镇，鲍、左二军或足御之；若径赴河口，犯江西腹地，则殊无良法。刘连捷添人，即日当批准也。

十一月二十六日午刻

437、安危变化三日内可决

沅弟左右：

二十七日接二十二三日两缄，季弟亦有信，欲余添兵。余未接弟等信之先，已请左添三千，鲍添二千四百，朱、唐添一千，杨、彭添水师九营（即淮扬水师），买洋炮九百尊。目下所争者，在左、鲍景德镇二军，不知能打退黄文金股匪否？安危之几，在三口内可决。幸而安全，自当陆续添兵。

渔亭二十六日开仗二次，上午大胜，下午微挫。日内休宁、徽州之贼，必再寻渔亭一军开仗。付去伪文一件查阅。寄胡宫保信一件，弟阅后封好送去。

十一月二十七夜

438、天下虽乱但法不可废

沅、季弟左右：

十九日专弁二人至，接两弟来信、沅附寄润帅信、黄南坡兄信、季附寄汪大钟卷并名单，具悉一切。汪生女果清健，乱后尚能不废学如此，信不愧大邦之风。另一片信所关甚大。方此军初至东流、众口赞之时，雪琴即有信来，言其勇不可恃。沅弟平日曾言，造塔者须下一层好，其理至精。将来恐须全行遣散，另招二千大耳。

次青事，须渠来营一次，乃能定案。今天下虽已大乱，而法律不可全废。如普不重惩，即无以服江楚军民之心；重惩普而不薄惩青，即无以服徽人，亦无以服普之心。

澄弟之病，据来信已愈，且言宜服清润之品，不宜补也。左、鲍十七八尚未开仗。润、坡信付还，习字三张批还，卷付还。

十二月二十日

439、新勇五百退悍贼三千

沅、季左右，

二十八日接十三日阮弟信，系专足送来者，而到祁太迟。杨镇南十七日专来之信，亦于二十八到祁。武明良十八日专来之信，则先五日到矣。

仁字营拔至枞阳，以新勇五百而能打悍贼三千之众，余闻此为之大慰。意者，安庆各营足以御狗贼之大股乎？二十七日此间大雨如注，左、鲍各军日内又难进兵。黄文金退至石门后，纠集下游各贼来建，将以全力抗拒。左、鲍之师，闻实数不下五六万，不知我军剿办能否得手。江北之雨，想亦不少，枞阳河水或竟可不涸，则大幸也。

十二月二十九日

440、合议安庆守壕之法

沅、季弟左右：

腊月二十九日接沅弟十九日一缄，傍夕又接两弟二十一日缄，具悉一切。

厚、希、礼、余四人并至安庆议定守壕之法，必臻妥善。余十日内深以安庆为念，得此为之大慰。余庵饷项及朱宽义招勇事，即日当办公牒行之。陈军调四千人至集贤关，南岸似嫌太单。捻匪既去，北岸之贼，似不及南岸之多。左、鲍日来尚未开仗，以贼数太多，难于下手也。祁门大营平安，江军门长贵亦尚可用。

十二月三十日

441、闻鲍军大获全胜

沅、季弟左右：

十一日灯下接初八日信，可谓神速之至，此间每人赏银二两，弟可再附案保之。

陈军不甚得力，雪琴已早言之。弟调至安庆、集贤关，徒损南岸之成，毫无益于北岸。今日得探报，鲍军初九日大获胜仗，初十日将贼垒扫净，并有杀毙黄文金之说，不知确否。如确，则弟处得信反快于祁门。各信均阅过壁还，在旁略批数字矣。

正月十二日午刻

442、攻克安庆须以坚静二字持之

沅弟左右：

十九日夕接弟十三日信，并鱼二坛，又干鱼二个，谢谢。

安庆城内有出降之贼，则克复消息当在春末夏初，只须以坚静二字持之。陈饒庵一军既不得力，即飭令全赴南岸亦可。若须酌留若干扎集贤关，亦听弟与厚庵商度行之。洋塘败贼分为二股，一股由建德径归青阳，一股窜并彭泽。鲍公跟至彭邑追剿，不知近已全回池州境内否？此股贼多且悍，将来与杨七麻仍为安庆之大患，但祝在安庆既克之后，始起掀天大波，则至幸耳。

陈舫仙带五百人作余身旁护卫之兵，不知渠颇心愿否？朱宽义尚在家否？此间亦未下札。江西厘金大绌，正月窘迫之至。李秀成于十一日围广信府，不知日内解围否？河口等处糜烂，今年厘金远不如去年，南岸四万余人不知何以为生，思之惘然。

正月二十一日

443、鲍军追贼至牯牛岭

沅、季弟左右：

二十二日接十八日来信，具悉一切。

此间鲍公追贼至彭泽之牯牛岭，十四五六七八等日均因雪雨未及开仗。闻十九将与下隅畈之贼开仗，祁门尚未得信，安庆当先闻信也。李秀成连围玉山、广丰、广信三城，均已解围而去，现不知果窜何处？若来景镇，左季翁在彼，或足御之。陈、朱两扎今日即下。陈镇营已有照会调南岸矣。

温弟各奏折谕旨抄付，呈词仍弟自作，此间实无帮手也。

正月二十三日

444、余欲拨军援祁门等处

沅弟左右：

昨寄一缄，报休宁克复。本日接信，知婺源、乐平一带处处皆贼，王毅卿分左军八营，在甲路地方四面皆被贼包围，子药米粮缺乏，可虑之至。左公在乐平之柳家湾地方十一日打一胜仗，亦因面面皆贼，势难久驻，大约十二日拨赴鲤鱼桥，一以解毅卿后路之围，一以并军自全。余因群贼环扰祁门，无非欲解安庆之围，定于十七日拔管赴东、建，以纾祁、黟、浮、景之难。先将公牒送弟处，弟抄送胡、李、多、杨、彭等处查照。即问近好

二月十四日巳刻

445、江省全局散漫思之喟然

沅弟左右：

十五早接十二日辰初来信，具悉一切。

黄州失守，不特汉口、汉阳可危，即武昌无得力水师，亦难保其不渡江。南岸之事，亦极决裂。左军分八营在甲路者，以王开来、王开琳为主。十二日贼众围营，十二夜三更挫溃，退至黄港、景镇一带，不知与左公自带四营会合后尚能成军否？兹将王开来与梅村之信抄寄一览，弟可转呈润帅阅也。现调除余庵赴景镇，又调鲍公援景镇，不知左公能支持十日八日否？李金旻赴援建昌，亦已挫败。建城殆不可保，思之喟然。江省全局散漫。李黼堂告病回籍，则事之不可为，可概见也。顺问近好。

二月十五日巳刻

446、余调鲍军赴江西会垣

沅、季弟左右：

前日接沅弟十一日信，尚未裁复，兹又接两弟十四日一缄。

此间军事，伪忠王围建自己二十余日，又闻分股以扑抚州。杨七麻由清华街窜景镇。伪侍王由婺源窜乐平，十五六未闻左军开仗之信。或贼中闻休宁克复之信，将回救徽郡耶？湖北省城，官相、唐方伯皆系久历戎行之人，江西省城，竟无一大可恃，故余径调鲍军赴江西会垣。鲍军去后，建德必失，祁门必四面围困，余与两弟必文报不通，然不能顾及，兄之苦衷可想矣。顺问近好。

十六日寄胡信、十七日寄少荃信抄阅。

再，曹仁美果是猛男子，李碧池亦极奋勇。上溪口之战，二人首先陷阵；休宁攻城，二人皆受重伤，幸未损筋骨，十日外可复元也。屈、张两飞廉，当如来单保之。降卒遣令选去为是，留在近处，恐反为城贼耳目。鲍军渡至九江，可援江西，亦可援湖北，然武昌之安危，在十一至二十等日之内。如二十外，则希军已到，水师亦到，应可平安；若二十内有意外之失，则断非鲍公所能赶到也。故余专令其援江西耳。各件发还。

二月十七日

447、现应以严断文报为第一义

沅、季两弟左右：

接十五六来信，得悉城贼慌乱之象。然攻城则实无把握，左信中所抄贼供，亦殊不可信。此时以严断文报为第一义。如狗逆上犯黄州等事，若能使城中一概不知，则其气愈闷，其慌愈甚。濠外之垒专住降贼，吾恐其中未必无通文报者也。

此间自十六日至十九日皆催鲍军晋江西省城，今日忽然变计，具详复润帅函中，弟阅后加封飞送。顺问近好。

二月二十日

448、弟第一军关系天地剥复之机

无以武汉有疏而遽为震摇

沅、季两弟左右：

二十一酉刻接十九早信。官相既已出城，则希庵由下巴河南渡以救省城，甚是矣。希庵既已南渡，狗逆必回救安庆，风驰雨骤，经过黄梅、宿松均不停留，直由石碑以下集贤关，此意计中事也。凡军行太速，气太锐，其中必有不整不齐之处，惟有一静字可以胜之。不出队，不喊呐，枪炮不能命中者不许乱放一声，稳住一二日，则大局已定。然后函告春霆渡江救援，并可约多军三面夹击。吾之不肯令鲍军预先北渡者；一则南岸处处危急，赖鲍军以少定人心；二则霆军长处甚多，而短处正坐少一静字。若狗贼初回集贤关，其情切于救城中之母妻眷属，拼命死战，鲍军当之，胜负尚未可知。若鲍公未至，狗贼有轻视弟等之心，而弟等持以谨静专一之气，虽危险数日，而后来得收多、鲍夹击之效，却有六七分把握。吾兄弟无功无能，俱统领万众，主持劫运，生死之早迟，冥冥者早已安排妥贴，断非人谋计较所能及。只要两弟静守数日，则数省之安危胥赖之矣。至嘱至要。

陈余庵闻二十一日可到景镇。左公日内可进剿乐平一带。祁门日来平安。凯章守休宁亦平安。惟宋滋九侍讲带安勇扎于前敌，被贼突来抄杀小挫，宋公受三伤。抚、建此二日无信。

顺候近好。

抄二十一日复左信一件，可寄胡帅一阅。

再，群贼分路上犯，其意无非援救安庆。无论武汉幸而保全，贼必以全力回扑安庆围师；即不幸而武汉疏失，贼亦必以小支牵缀武昌，而以大支回扑安庆，或竟弃鄂不顾。去年之弃浙江而解金陵之围，乃贼中得意之笔。今年抄写前文无疑也。无论武汉之或何或否，总以狗逆回扑安庆时，官军之能守不能守以定乾坤之能转不能转。安庆之濠墙能守，则武昌虽失，必复为希庵所克，是乾坤有转机也；安庆之濠墙不能守，则武昌虽无恙，贼之气焰复振，是乾坤无转机也。弟等一军关系天地剥复之机，无以武汉有疏而遽为震摇，须待狗逆回扑，坚守之后再定主意。

二月二十二日辰刻

449、榉根岭之贼破卡而入

沅弟左右：

二十三日申刻得二十日辰正来信，并胡宫保寄到希庵十六信稿。武汉十四五未失，鄂事或可无虑。

此间二十三日，榉根岭之贼破卡而入，不知历口沈宝成营足御之否？禾戌岭亦被贼破，幸江军门部下当即驱之出岭。榉根岭之贼若并入饶州一带，尤非左军所能处处速了，故必留鲍军在南岸，集贤关即有警，亦不能北渡救援，望弟预为料理，并告润、厚、希、礼诸公也。江省及抚、建三日无信，盖文报隔断矣。顺问近好。

季弟均此。

二月二十四日

450、安庆不怕柴狗子只怕洋鬼子

沅弟左右：

二十八夜陈得月来，接二十四辰刻信，知湖北转危为安。幸甚慰甚。湖北稳，则安庆不怕柴狗子，只怕洋鬼子矣。

此间犯榉根岭之贼，二十五日围沈宝成等营盘，猛扑二时半。二十六日，朱云岩等进剿获胜，杀贼三四百人，追贼出岭。

细阅南岸各路伪文及生擒贼口供，大约三王两主将分管各处。一曰伪忠王所管苏州、常州、松江等处，现由广信、抚、建内犯江西腹地；二曰伪侍王所管徽州、嘉兴、广德州、金坛、溧阳等处，现由乐平、鄱阳内犯江西；三曰伪辅王（即七麻先生也）所管宁国府，现尚蛰伏未出；四曰伪定南主将黄文金所管芜湖、繁昌、青阳等处，去冬由建德犯浮、景，被左、鲍击退，受伤未出；五曰伪右军主将刘官方所管池州及泾、旌、石、太、南陵等处，去年十一月十八入羊栈岭，本年正月初六入大赤岭，二月二十三人榉根岭，皆该逆之部下。此五大股者，每股贼党多者十余万，少者亦八九万，惟太平府不知何贼所管。江北仅四眼狗封伪王。其主将数人，则不尽知其姓名，亦不能辨其分管之地耳。弟可使中细细查访。

弟欲余移住江滨，余久有此意。此时伪侍王大股十余万麇集于乐平、饶州，不特祁门之粮路接济已断，即景镇亦无粮路，余兴左公俱在危困之中。祁、休等处军心方欲动摇，余岂可出岭独处乐地？待武汉事定，须求北岸分兵一助南岸耳。顺问近

好。

兄国藩手草 二月二十九日辰刻

季弟均此。并抄送胡宫保一阅。

五封信间，又接弟二十四夜一缄，托春霆送来者。余前留鲍军救援北岸，系屡次接润帅信，且令其预先渡江。厥后因伪侍王窜鄱、乐一带，已决计不令鲍救应北岸，已迭次函报，并有公牒达弟矣。又行。

451、诸军欲攻打徽州

沅、季弟左右：

三十日接二十六日来函，具悉一切。

狗逆上不敢犯武汉，下不敢扑太湖、安庆，知其无能为矣。此间伪侍王一股募延乐平、景镇两处，又分支窜扰鄱阳北境。本日接左帅二十八信，寄弟一阅。贼势散漫，似不甚足畏，惟五六日与江西文报不通，不知伪忠王一股现窜何处耳。张、朱、唐诸军日内将有攻徽之举。

季弟欲代我招一营，日内实无饭可吃。即前招之朱、陈两管及请希庵代招之管，均唯恐其速来。艰窘之状，想北岸亦略闻之。即问近好。

二月三十日

452、未经大战者不能守

沅、季弟左右：

勇归，接二十八日信，具悉一切。

此间但知林绍璋于咸丰四年攻湘涅时为春宫丞相，近年为中军主将，不知其已晋封为王。此贼资格老而好摆架子，不足畏也。吾昨信言南岸有三王两主将，弟试以询之韦志浚，果不谬否？此间拟进攻徽城一次，余亦至齐云山一游。齐云为天下名山，去祁门八十里，去休宁三十余里，去徽郡九十里。因老营空虚，故驾言出游耳。

季弟练勇守城之说，余不甚以为然。盖未经大战者，不能守；屡经战阵者，又愿吃一钱四分之粮，不甘吃百文也。弟意何如？即问近好。

三月初一日

453、伪侍王股匪虽悍当足御之

沅弟左右：

昨夜致一信，言北岸警急，弟不必管转运事，并专函催盛南回安庆。昨日之雨，昨夜之阴黑，今早之雾，苦使援贼适于十九抵集贤关，守濠实不易易。南岸事，余在休宁焦灼万状，回祁后乃反平安。伪侍五股匪虽悍，然左、鲍两军皆至乐平，当足御之。破此一股，则南岸大松，即相持尚无妨，弟千万放心，勿以兄在休宁各信为虑。顺问近好。

454、景镇克复难民来者纷纷

沅、季两弟左右：

本日专二人送回信，言余于二十四日拔管至东流；不知何时可到？兹令亲兵葛兴陶、曾祥麟回安庆。景镇闻实已克复，专卒虽尚未回，而难民来者纷纷。录供与弟一阅。

弟处贼至濠边，计已两日夜矣，悬系之至。顺问近好。

三月二十一日午正

455、伪侍王鼠窜而去

沅弟左右：

本日发去两函，计次第可达。未刻，戈什哈自乐平左营归，知伪侍王实于十五日鼠窜而去，左军即日拟拔队跟追。戈什哈经过婺源县城处十五里，见败贼已于十九日进婺城矣。景德镇十八退净之说，虽无明文，决非浪传。余即日调鲍公由下隅坂渡江救援安庆，约计四月八日以前可赶到。弟静心坚守，无以外授为虑。

闻孝感已于初九克复。若上游希庵回援安庆之师能在鲍军之前赶到，则大幸耳。左信附送一阅。顺问近好。

三月二十二日酉刻

456、人少无益危迫之际多来一人军心一壮

沅弟左右：

本日两次寄书，想二十五均可接到。云岩闻弟处紧急，被贼于菱湖中段扎营，优灼之至，自请带队往弟处救援。余因其血性过人，不忍拂其请，已允许之。虽人少无益，然危迫之际，多来一人，军心为之一壮。渠定于二十四日拔行，带五百人，三十日定赶至安庆，即在盐河登岸，助弟守西北墙濠。余于二十六日拔管，三十日定赶至东流。鲍公亦于二十六日拔营，初一日定赶至下隅垵，初二日渡至红店，初三日进扎大桥，初四正可打集贤关，纵有风雨，亦在初八前准到，云岩至濠内助守，春霆至关外助攻，当可得手。再间近好。

三月二十三日申刻

457、安庆得失关系天下之安危

澄侯四弟左右：

十四日余在休宁发一信，因皖南军务棘手，信中预作不测之想。余旋于十八九自休宁回祁门，闻景德镇克复，尚无确信。二十二三得确信，知左季翁军于初六、初十、十四日三次大获胜仗，杀贼极我。伪侍王在乐平，于十五日败溃鼠窜而去。景德镇之贼于十八九退净。所有鄱阳、浮梁，凡祁门之后路一律肃清。余方欣欣有喜色，以为可安枕而卧，而闻四眼狗围逼集贤关外，九弟、季弟又十分紧急，不得已抽朱云岩带五百人，于二十四日赴安庆助守于濠内；又调鲍春霆带入八千人，于二十八日赴安庆助攻于关外。计朱初一可到，鲍初五可到。

此次安庆之得失，关系吾家之气运，即关系天下之安危。不知沅、季能坚守半月，以待援兵否？余身体平安。皖南自去冬以来，危险异常，目下大有起色。若安庆能转危为安，则事尚可为耳。

国藩手草 三月二十四日

458、欣闻安庆稳守无虞

沅弟左右：

二十六日酉刻，历口途次接二十四日辰正一缄，具悉安庆稳守无虞。四板舢板抬入菱湖者，至三十余号之多，为之大慰。闻云岩二十八日可至东流，计二十九、三十日必至弟处，帮同守濠。春霆二十五自景德镇启行，计三十、初一可以渡江。余于二十六自祁门启行，计初一可至东流。余意欲留多军不动，专御林绍璋、黄文金等股，而援怀则专望希、霆两军，庶心无游移，而事有把握。弟商之厚帅，如以为然，则函止多军不必来怀。外寄官、胡、希三缄，弟托水管飞送。顺问近好。

三月二十六夜于历口

459、吾命千人守九江

沅弟左右：

二十八夜接二十六夜、二十七早两缄，二十九未刻又接二十七申刻一缄并小菜二包，既分苦株子，即不责弟之少阅历矣。二十七大连雨，计菱湖可增水一二尺，颇有益于水师船否？余二十九日至利步口，与春霆同住，初一日可至东流；顾问近好。

再，九江囑吴竹庄带千五百人往守，又有万泰之陆兵、丁义方之水师，或可保全。黄印山守建昌，不满千人也。鲍军仍以北渡援杯为正办，其次则进池州以屏蔽东、建、都、鄱等县，又其次乃赴九江至瑞、临等处，仍以调荅臣军去，乃可跟追。若鲍军，则跟追不可太远，不宜离我五百里耳。

三月二十九日未正

460、余送鲍公渡江缓急听其主之

沅弟左右：

初二午刻接初一申正来信，知云岩已到，守事已稳。鲍公今日由华阳镇渡江，北风甚大，不知能渡毕否？润帅与春霆信，劝其持重缓战，云开仗宜在四月中旬。弟信又欲急战。余则送鲍公渡江之后，一概不管，缓急听主之可也。

李筱泉专人到省，吉安、吉水、永丰、新淦均无贼踪，想由瑞趋浔矣。即问近好。

云岩信未另复，弟可述告一切。

四月初二日午正

461、千人留驻石牌足矣

沅弟左右：

初三酉刻接初三辰刻来信并古文二本，嘱以改错字，明句读，此苦株不易得也。

春霆处人来，言初三日午后渡河业已渡毕。今日虽雨泥，吾当催其速进。成、胡十营，弟意令其与鲍同进，吾即日寄信与胡、鲍，令之随进，纵留防石牌，不过千人足矣。至多公以马队与鲍会剿集贤，或马步皆来，由弟就近与礼帅熟商可耳。

少若同年来，当善遇之。即问近好。

四月初四日辰刻

462、置万人于累卵之危无不思急援之理

沅弟左右：

接初四巳正三刻来信，藉悉一切。前后皆贼，置万余大于累卵之危，为主将者，断无不思急援之理。惟鲍公最无主意，润劝之缓战，弟劝之急进，渠正疑惑之际，故余不再提及。渠昨日冒雨将万人渡毕，尚非迟滞者，待天稍开霁，兄必连函催之矣。马贼二三千匹，梁湘帆稟，希庵亦有此说。吾于极危之际，望不敢贻，但求击退大股，保全弟军耳。即问刻佳。

再，多、鲍本不相能，此次余必以函嘱鲍听多之话，盖多公调度远胜鲍公也。兹有一函，托多照料鲍军，弟专丁妥送多营为要。弟写信太长，宜略惜精神。

四月初四戌正三刻

463、已飞函催鲍进兵

沅弟左右：

初四日共发三信，昨夕今日早闻安庆炮响，或该逆猛扑吾濠耶？今日晴霁，已飞函催鲍进兵。胡宫保派胡达轩三营守石牌，成武臣七管与鲍同剿集贤，计今日多公即可进兵，初八鲍或可到集贤。天下再雨，则阿兄可不爽约。东流公馆太小，待坐船到时，当移舟居耳。顺问近好。

四月五日辰正

464、凡察敌势只宜一人独往

沅弟左右：

初八申刻接初七亥刻缄，知初七有出队之举。凡看地势、察敌势，只宜一人独往，所带极多不得过五人。如贼来追抄，则赶紧驰回，贼见人少，亦不追也。若带人满百，贼来包抄，战则吃贼之亏；不战而跑回，则长贼之焰，两者俱不可。故近日名将看地势者，相戒不带队伍也。又两相隔在五里以外，不可约期打仗。凡约期，以号炮为验，以排枪为验，以冲天火箭为验者，其后每每误事。余所见带队百余人以看地势及约期打仗二事致败者屡矣，兹特告弟记之。近唐桂生初五徽州之败，亦犯此二忌。弟如自度兵力实能胜贼，则出濠一战，亦无不可，切不宜与多、鲍约期。或眼见多、鲍酣战之际，弟率大队一助，则可；先与约定，则不可（多、鲍来约，竟不应允，甘为弱兵，作壁上观可也。）余此次派鲍、朱援安庆，先未约定而忽至，则有益；希庵先约定回援而不至，则有损也。

杨镇南之不足恃，余于其平日之说话知之。渠说话最无条理。凡说话不中事理，不担斤两者，其下必不服。故“说文”君字，后字从口，言在上位者，出口号令，足以服众也。

朱云岩放衢州镇总兵。陈舫仙稟即不批准。瑞州之贼西窜九江，或可无虞。竹庄信附阅。顺问近好。

四月初八日

465、诸酋不和官军之利

沅弟左右：

本日未刻发一缄，由马递达弟处，不知何年可到？戌刻接弟已初信，知稳守如常，为慰。观狗酋伪文，林绍璋之诿败，与将来之诸酋不和，皆官军之利也。初九、初十傍夕时，皆闻大炮声，究竟是各营放炮？抑系陆军守濠之炮？乞查。

魏荫亭今日来此，率三子之裕八亦来。昨到银二万，以一万饷安庆，六千遣散余庵之军，四千伏弟还华阳厘局，可谓乞儿暴富矣。即问近好。

四月初十戌刻

466、解围与否事关重大

沅弟左右：

辰正三刻接十二日酉正之信，具悉一切。余本日辰刻交潘文质付一信，言自全之策。自全云者，即退兵弛围也。弟意将中空数垒一并围住于内，是不退兵不弛围也。鲍军万不能不抽打别处，弟只求益兵二千人，余当与润、希二帅商，求即以威武臣之三千火拨益弟处。再三婉求润、希，当可应允。

惟弛围与否，所关极大。若不弛围，而足以全军又无后患，上也，国家之福也，余与润、希诸公之幸也。若不弛围而不能全军不免后患，则又不如弛围之尚可偷安旦夕。二者，弟熟计之。将为弛围自全之策，则请成武臣扎于弟濠之后、鲍垒之前，以便通气。将为不弛围之策，则请成武臣扎于中段，并菱湖之九贼垒而围之。合围之后，狗逆不能不攻坚，不能不野战，然后多、鲍可以缓急自由。彼求战，而我不遽战，然后多、鲍可以取胜。此事当由弟一心断定，然后商之兄与厚帅二人。兄与厚帅走后，即日可以兴工办理。胡宫保与希帅处，兄当飞缄往商，却不能候回信乃行事也。兄赴盐河亦无益，盖不能遍看地势耳。顺问近好。

十二夜交湘后营来勇一缄，十三早交潘文质一缄，并此共三缄，均不宜与多人商，徒惑军心，只与厚帅商妥，专人飞送东流，十四准望来信，余于十四夜准有复信，十五早即可兴工移营。成武臣，余以缄嘱之；厚帅，面嘱之。当可听话。

四月十三日午刻

467、弟命进扎大桥头似不妥

沅弟左右：

接十四日二更三点信，知十四日菱湖六垒平安，若能保守十五日夜，则成军应可于十六日进关。霆营必进扎集贤、高桥等处，机局乃紧，水旱乃能联络。弟意欲令即驻大桥头，似不得势。

建德今日失守，从此饶、景又无宁日矣。霆军须于五月初渡回南岸乃妥。李金旻叛去之说，尚不甚确。顺问近好。

四月十五夜

468、大雨乃助王师之时雨

沅弟左右：

十五日，贼匪猛扑菱湖六新垒否？天气郁热异常，弟营军士十三四日劳乏异常，若十五日不来猛扑，则十六以后即可稳扎。大雨盛涨，狗酋当难渡练潭而回安庆。且到处水大、盐河口各营即可扎于中空一段，弟处腾出兵力，即弟本部已可合成长围，或不须借成军作围师。水多，则挂车河老营易守，腾出多公兵力，足以独办援贼，或不须鲍公久留北岸乎？诚如此，则此雨乃助王师之时雨也。顺问近好。

前缄写就，因风大未送。戈什哈回，接沅弟二更信、季弟已刻信。阮弟布置周妥，季弟禁说自全。壮哉！吾弟足令阿兄自豪矣。犒银日内即送。调鲍、朱回剿南岸，早迟难走。至速亦在五月，总须安庆千稳万稳，乃可调开。九江虽紧，建德虽失，姑且置之度外。弟既不要成军进扎菱湖，弟即自行缄告。吾昨有公牒前往，兹不另告矣。

弟闻中空贼垒“哎哟”之声，比萧七白眼声音如何？再问沅、季弟日好。赵、黄信发还。（四月十六日未刻）

四月十六日辰刻

469、书义堂千人果拨至西北否

沅弟左右：

戈什哈满万元归，接弟十八夜缄。如寿山是夕在弟营议事，今日弟果出关一行否？书义堂千人果拨至西北萧家坳否？均以为念。接左季翁信，广信一路尚属平安。兹抄寄一阅。风雨太多，舟中甚闷九江两日无信来，不知瑞贼趋向若何。顺问近好。

四月十九日夜

470、气象大殊不利军事

沅弟左右：

连日大风苦雨，江涨丈余，阴寒无雷，岂上游有蛟水之事耶？抑气象大殊，不利于军事耶？二十二日专舢板送一信，即弟处二十一日来足也。甫行二三十里许，午刻突转北风，江水怒立，不知此信果到否？建德之贼，日内尚未他窜，九江亦无警报。李金旻自安义逃出，至省城投诚自首。中丞将李与张光照并解东流，交余惩办。瑞、黄、德三府不复，江、鄂饷皆大细，实不知所以善其后。顺问日好。

季弟均此。

正封缄间，接二十一夜弟信并苦株等件。知此间二十日、二十一二等信尚未到安庆也。胡太守事，容即留心，此间现无幕友，奏咨信缄，皆本店一手承造，颇以办保举案为苦，然节后必拜发耳。黄、李二件附还照收。湘省解米三千石，可不必耳。

两耳字用骆公体。

四月二十二日巳刻

471、敌之凶悍倍于往年

澄弟左右：

四月二十日接初五七等日家信，藉悉一切。

余自来东流，心绪略舒。安庆之贼，前扎九垒于菱湖中空之处。十三日阮弟又扎六垒于贼之后，并九垒与城皆以大围包之。鲍军亦扎于赤南岭，围贼四垒。皆有可破之理。所虑者，洋船于十六日过安庆城，停泊一天，通送袖盐接济。我虽辛苦围攻，贼仍供应不断耳。四眼狗于初十日窜至桐城，恐日内又窜上游，蹂躏完善之区。瑞州一股，盘据如故。建德又新来一股，距东流仅四十里，可谓虱多不痒矣。自去年苏、常失守，金陵师溃，目下贼数骤多至数十倍，闻各处败兵溃勇多半投贼，故凶悍亦倍于往年。天意茫茫，不知何日始有转机也。

余身体平安。惟遍身生疮，竟日作痒。自三月下旬至今，几于无日不雨。自十五后，无日不大风。江水涨添一丈二尺有奇，重棉犹觉畏寒。洋船上下长江，几如无日无之。纪泽儿信亦不为未见，纪鸿文笔大方，可为喜慰。陈愚谷对联，今特寄回。又寄寅皆先生对一付。泽儿文笔亦不俗，但嫌作文太少太生，以后须多作为嘱。顺问近好。

兄国藩手草 四月二十四日

472、议撤兵设兵之事

沅、季弟左右：

今日未接弟信，甚为系念。有复胡宫保信，抄寄一阅。建贼日内蠢动，有趋饶州之意，云岩似须回祁。接弟回信，即行牒调也。风雨连旬，今日稍快人意。霆军，弟看确否可否能当大敌。顺问近好。

五封缄间，接弟二十三日酉刻信，具悉一切。

南坡二信，已逐条批出寄还。云岩可调，吾即以缄调之，不另写公牒矣。舫仙来时，即在东流训练，既有千人来，势难令其减去数百。祁、休、黟三县守则同守，撤则并撤。如撤休、黟而守祁，则无此办法，如北岸撤安庆、桐城之兵而专守太湖，可乎？且即令三县尽弃而不顾，亦必于饶州、景德镇安设重兵，犹北岸弃桐、杯、潜、太不顾，则必于黄梅、蕪州安设重兵也。弟不知南岸地势乎，若兵力则深知之，调度实不易易。（二十四日酉刻）

四月二十四日未正

473、定节后剿敌

沅弟左右：

二十六日灯初，专人归，接弟午刻一缄。二更弟处勇来，又接辰刻一缄。

弟立志坚围安庆，若多军常在挂车、青草壩一逞，夏秋水大，处处可通炮船，虽有数十万贼来，余信弟必可稳守，多必可击援也。余决计于节后调鲍军南渡剿浔、瑞、武、义、崇、通一带。二十六夜复润帅一缄，抄付一阅，望弟力赞成之。实则成随希剿黄州，鲍清江西腹地，弟主围环，多主击援，皆系去冬今春原议。云岩一队，弟即嘱其渡回南岸。顺问日好。

季弟均此。

四月二十七日辰初

474、望察伪英王所为

沅弟左右：

接胡宫保信，转抄多公一缄。言四眼狗亲身赴下游请兵，必欲调伪辅王来助云云。余不堪信，兹将余复润帅信抄去一阅。弟细询书义堂，揣度狗情究竟如何，以便调度。顺问刻佳。

五月初一日未刻

475、嘱霆营坚筑工事

沅弟左右：

今日未接弟来信，不知刘纶林一垒究竟何如，其已降之三垒，已杀之否？与厚庵商定，霆营扎集贤关，一定不调它处，除省城及九江、湖口处，它府县城池不顾也。惟嘱霆营坚筑墙壕，狗来时，或战或否，须由我作主耳。即问近好。

五月初二日

476、四垒既破安庆有望克复

澄弟左右：

二十四日发信后，此间诸事平安。沅弟将菱湖之贼垒九座一并以大围包之，现又满二十日矣。鲍、成二镇围赤岗岭之贼垒四座，八日未曾收队。二十九日有三垒出降，全数杀之，其一垒亦日内必破也。李金旻在瑞州败后，江省纷纷传其投降于贼，中丞派员解至东流，初三日即将李金旻及其营官张光照一并正法。四垒既破，安庆当有克复之望。

余身体尚好，惟遍身生疮，奇痒异常。现在岸上起屋，近来最怕过热天，在岸上住，或略好也。鼎三今年究竟认字否？老屋近日光景好否？纪泽写家信于此等不甚详细，望弟细写一次。下手台上之笋，如果茂盛，可晒小根笋付来。科三今年完娶太早，宜迟二三年。三女亦不出嫁，须待罗婿过十八岁再说。顺问近好。

兄国藩手草 五月初四日

477、忧新营为敌所克

沅弟左右：

接初三夜来缄，知刘垓林一垒亦破，关外肃清，欣慰无既。半夜冲出，垓翁定卜无恙，将来后会有期。

韦派至安庆之二营，余亦不甚放心。盖他处新营，未必能尽如安庆各管之肯听号令，万一贼扑前后两壕，实恐二处不牢，全堤皆溃。趁此调至池州，将来即全归鲍处，而以周万悼守纵阳，庶一气呵成矣。兹缄告厚庵，嘱其速调二书管攻池。厚昨在此商攻池事，亦正以无陆军为虑耳。春霆攻宿松之说，且待渠信来再定。闽汀之贼，又窜江西之建昌，江西有侍、忠、刘、闽四大股，鲍军恐不能不南渡耳，顺问近好。

五月初四日申刻

478、论兵事宜从大处分清界限

沅弟左右：

余于今早卯刻开船，已刻至华阳镇对岸之香口。余昨日酉刻复胡帅信抄送弟阅。目下各处主意纷纷无定，余将余之深知而自决者告弟知之，谨记之；其不深知不敢自决者，亦告弟知之，听弟酌之。

多军宜全扎桐、怀，专出援贼，弟军宜专主围怀。此兄之深知而自决者也。鲍军或稳驻集贤（胡初议，杨亦然），或援瑞州（沅初议，涤久议），或打宿松（阮后议，多亦然），或剿蕲、黄（胡昨议），或打南岸（蒋某信，多亦然），俱未十分妥善。此兄之不深知不敢自决者也。自孔垄至二套口、隆坪一带，一片皆水，往年湖宽八九十里，今年必百余里。鲍军若由黄梅行走，不特不能至二套口以过南岸，并不能由广济（或可走）以达二蕲。此兄之深知而自决者也。鲍若从兴国下手，共须渡水几次而后可至兴境？成、胡赴南岸，共须渡水几次？此兄之不深知不敢自决者也。

现约润帅与春霆同来香口一会，俟会后再飞缄告弟可耳。顺问近好。

再，弟论兵事，宜从大处分清界限，不宜从小处剖析微茫，如鲍军或打南岸，或留北岸，此大处也，往返动须两月，调度不可错误。北岸或扎集关，或攻宿松，南岸或援江之瑞、义，或援鄂之兴、冶，此小处也。往返不过十日，临时尚可更改。

近日接弟两次长信，皆言鲍军不可不救江西以保饷地。而此次十二夜信，又言宿松上至德安乃有官军，中间无人过问云云，意似留鲍公在北岸者。且信中力陈鲍公宜谋宿松矣，而又言鄂南已失十县，重于瑞、义等州，宜合力图之云云，意又似令鲍打南岸鄂境者。究竟弟之确见欲鲍在北岸乎？在南岸乎？望以一言决之，不必纷纷多说道理，使我无所适从也。

五月十三日酉刻

479、不调鲍军回头有因

沅弟左右：

二十二夜接来信，知伪王丈张立邦拿获正法。杨七麻虽是悍贼，然在景镇与弟曾接过几仗，或亦尚足御之。

弟欲余缄商润帅，令鲍军暂缓南渡。润公之意，本欲鲍军久驻集贤，以待狗援。兄已许之，并将润信寄弟一阅。弟复长信，大不以为然，且言留鲍住集贤者，只胡、杨有此意，多无此意也。此信具在，弟岂忘之耶？此信之后，弟又屡缄，言多可击援，阮可久守云云。今忽变易前说，兄实不能屡次反复，再寄缄于润、霆矣。闻城贼之米仅支十日，多军纵不能击退陈、杨，岂不能自保？十日半月即贼至集贤，弟之后濠岂不能坚守十日半月？如能守前月，则城已克矣。如不能守半月，则鲍纵不南渡，岂能赶到怀、桐乎？故兄决计不调鲍军回顾，弟其谅之。

日内疮痒异常，夜不成寐，殊以为苦。家信附还。即候近好。

五月二十二日巳刻

480、左军分剿建德穷窘异常

沅弟左右：

昨复一缄，言决计不调鲍军。今日接春霆信，系二十三早在太湖所发者，渠意欲便攻宿松、黄梅，余即批准。令其暂驻宿松，听侯桐、怀消息。兹将鲍禀并批抄寄一阅。余疮痒异常，深以为苦。左军分剿建德，穷窘异常，无以济之，尤以为疚也。顺侯近好。

五月二十四日午刻

481、任贼诱战搦战不与交战

沅弟左右：

初五日酉刻接初三日酉刻书并公牒。据水师哨官称，此信初四下午始至渠处也。动数之大，良可叹悸。然使尧、舜、周、孔生今之世，亦不能谓此贼不应痛剿。

援贼至吕亭驿，日内想已开仗。吾初三日以公牒催鲍军驰援上游。初四日得润帅朔日一缄，又云鲍公且顾怀、桐。吾与润皆不免反复，殊以为愧。然多公如能抵御，则鲍虽南渡，亦尚无妨；如不能抵御，则鲍虽在宿松，亦难赶救也。弟总作一坚守不战之计，并预作一桐军小挫之想，谅当足以御之。

疮痛敷药，不作一字，顷药少干，书此以慰弟念。并问近好。季弟均此。

接澄弟信，知筠仙夫人仙逝。

再，狗酋此次援皖，利在速战。方今盛暑酷热，若出队站立烈日之中历二三个时辰之久，任是铁汉，亦将渴乏劳疲。若挂车河官军作坚守之计，任贼诱战搦战，总不出队与之交仗，待其晒过数日之后，相机打之，亦一法也。多礼帅谋略最优，不知肯为此坚忍之着否？弟诚与商之。

六月初五日戌刻

482、应以静待敌伺机而动

沅弟左右：

十五日接弟十四日午刻一缄，是夜四更又接十五日一缄，具悉一切。所应复者，条例于左：

一、弟欲于安庆克复后回家，余已早允许矣。如果克城，自须为弟预筹抽身之计，应令彭盛南统带吉中全军，作一支活兵，或进庐江，或帮多帅，或过南岸，或游弋于石牌、潜、太之间，请弟与盛南预先商定告我。其余如凌、喻、李、刘、朱、朱、武等营，即令守安庆城池。余未到之先，弟统之，余入安庆即亲统之，俾弟得抽身回家。

一、英、辅等援贼虽多声言两路上犯，余意必由中梅河天堂等处猛攻潜山、太湖，冀抄多军之后。潜、太能坚守固好，万一潜有疏失（闻赵克彰近不得力），只要沈、欧能坚守太湖，胡裕发能坚守石牌，多军必可站住。只要多军濠墙站得住，弟军后濠守得稳，安庆终有可克之理。弟可函商多公，总以自固为主，不必急求破贼。以余策之，璋、玠本不足数，狗部精锐无多，七麻亦非多帅之敌，只要静以待之，伺隙而动，不宜急躁图功耳。

一、鲍春霆一军，余原订只援集贤关一次，不能久留，北岸迨破赤冈岭后，即决计调回援江援鄂。迨三十、初一破菱湖十八垒后，即专牒催令上行。迨闻建昌失守，去江省均仅百二十里，即专牒催令救建，盖恐省会疏失也。希庵此次上援，专

顾武昌省会，鄂固德之，弟亦不以为非。余屡失信于江西，此次派鲍救援省会，弟若反不以为然者，殊不可解。

一、多公回剿之说，本是善策，第英、辅各酋上犯，以桐城为巢穴，纵安庆幸克，桐城必不能克，多军仍须在青草塆、潜山等处，与安庆为犄角之势。纵令回剿，亦不过打宿松、黄梅，不宜再上也。为贼计者，则宜守桐、舒以保庐州之藩篱，无为州则可守，庐江亦介乎可守不可守之间。未知贼策果将何出？七麻则必回南岸耳。

一、朱宽义老气横秋，催亦必不遽来。此等处令人气闷，故余竟不催。上年催朱南桂，其已事矣。即问近好。

六月十六日辰刻

483、调鲍军回南余问心无愧

沅弟左右：

十六酉刻接十五夜信，具悉一切。

五月十六，余在香口与胡帅、鲍镇三人会商，本令霆军由太湖陆路至张家塆以上蕲水，厥后改计攻宿松，又改计坐船，暨初六日拔管登舟，初八日长行，皆春霆所自定，余不得与闻也。推鲍将登舟时，接胡帅信，令其回援怀、桐。渠有禀来请示余，因其时新破菱湖十八垒，怀、桐两军足以自立，批令霆军仍上援鄂、江。至十一日闻建昌之失，乃檄令专援江西。目下江西省城震动，余断不能再失信调鲍回顾下游。如天之福，怀、桐两军站得住，大局终可无碍；若有意外之疏失，亦自有天心主之，国运主之。鲍公本系南岸之军，还之南岸，余无愧悔耳。

多、孙二信寄还，顺问近好。

六月十七日辰刻

484、南岸兴国克复鄂境已无一贼

季弟左右：

十九酉刻接十五夜二彭弟缄。近日大南风，上水无不迟者，弟此信则择递尤迟耳。

浙中之行，若宁、绍无恙，饷项较江西、两湖略裕；如宁、绍不靖，饷亦极难。弟受知于润帅，去留须俟润帅批示。所寄官、胡禀稿，亦尚妥善。浙中自金华、兰溪失守，久无来信。顷闻徽州河有下游商贾浙到，或者浙患已纾耶？援贼不来怀、桐，不攻潜、太，而直上蕲水，殊出意想之外。汉口、汉阳水师当能防御，德安全军不知能了此巨股否？南岸兴国克复，鄂境已无一贼矣。顺问近好。

六月二十一日辰刻

485、命鲍军折回九江速救江西

沅弟左右，

接来信并公牒。戎马仓皇之中，为此俎豆馨香之举，可谓好整以暇，然多不合例处，仍当批驳也。

春霆于二十五日率全部万人由九江舟至东流，盖因胡帅十九日信，令渠扎集贤关，又因孙澍人二十一日信求援甚迫耳。余令其折回九江，速救江西。逆水逆风，恐非十日不能抵浔。

润帅专人来告，病势日重，恐难挽回。兹将原信寄弟一阅。湖南主考已出京，而毛公奏停，或干诘议。即问近好。

六月二十七日

486、 闻东征局已送饷与弟

沅弟左右：

接二十九日未刻信，并知喻吉三丁艰请假，业已批准。屠城以泄其愤，迪庵在九江亦是如此办法。余疮已好，而癣大发，为十年来所未有。凯章以五月六日放福建臬司，而部文至今未到。前东征局解到之饷四万，弟已全收到否？次青保吴退庵统领全浙水师，不知已去否？顺问日好。

七月初二日

487、已命成军蹙剿太湖之贼

沅弟左右：

初七辰刻接初六巳刻信，具悉一切。

太湖四面皆水，欧、沈皆劲旅，决可无虑。多公只坚守挂车，兼顾潜山而已。令威武臣等蹙剿太湖之贼，余当即日函咨官、胡、季三帅。但胡公病危之际，恐上游忙乱耳。鲍于初六进兵，初十、十一可至章门。只要江西省城安稳，仍可调霆军回援杯、桐，请订一月之期。如七月初六七怀、桐被贼围扑，八月初六七霆军必可赶援，决不令多公全军为贼所久困耳。余意贼股虽多，璋、环、赞皆不足畏，惟黄文金一人系悍贼，而亦无悍党；狗、辅虽各有悍党，而狗不过四千，辅不过三千，合之能战之贼，实不满万。若我军镇静以图之，当可无虞。惟水中小划接济，此旬更为可虑。余已函商厚庵，禁止行舟，封江半月矣。顺问近好。

再，抄本古文款式不好，字迹亦劣，可不再抄，或余送以刻本，或代抄，皆可。

七月初七日巳刻

488、敌洋枪较多而本领无增

沅弟左右：

接二十日辰刻信，具知一切。

此次援贼多而且稳，似是久持不退之象。余拟函请希庵东来会剿，并调鲍公回援。第忠逆尚在临江、抚州之间，调鲍不可太速，希庵则尤不能速，目下且令舫仙带千人去帮弟守濠。今日先令其办船，待弟复信到，即行拔管。前此三河败后，狗挟二十万众上窜，维时多、鲍御之于花凉亭，两宫共不满七千人；左军今年破侍贼十余万众，亦不满七千人。以理揆之，此次弟与多公应不至吃亏也。忠逆滑而无勇。去年十月羊栈岭之役，宋国本带四管之六成队往剿（每营六百人，两新两旧，新营系头次见仗），忠逆大败鼠窜。今年围建昌二十一日，黄印山仅率六百人守城，两次地道轰陷而不果破。弟称忠逆劝冠诸贼，殊不的确，且目下忠实未北渡也。辅贼亦不甚强。八年腊月二十四破养素墙子九座，而不能陷其老营；九年正月十一、二十八凯章败后极危弱，而卒亦无患。此际或该逆洋枪较多，而本领则未必增加。

郑奠今日札撤。顺问近好。

七月二十一日辰刻

489、若未及时援兵乃为吾责

沅弟左右：

二十二接二十一已刻书，知二十日贼已分路猛扑，长把火蛋竟能丢若干远？可从内濠丢入外濠之中否？左军若拔，则凯章后路易断，徽州恐不能守，且景镇一带为贼所有，则江西北路糜烂，不如调鲍军或希帅援皖，其势较易。鲍来不过八月十六七可到，希来亦二十内外可到。其中秋以前，必须弟稳守之。中秋以后，若无援兵到，则惟兄是责耳。航仙应去助守否？顺问近好。

七月二十二日已刻

490、安徽切望鲍军相援

沅弟左右：

二日未接弟信，不知守濠平安否？段清和带予信去，到否？北风之大异常而亢热不减，烦郁不解，殊不适人意。鲍公数日无信来，而抚、建等处望鲍甚切，不知能迅回授皖否？接润、希缄咨，成、蒋已不能东来矣。顺问近好。

七月二十八日午刻

491、卯刻克复安庆以为非常祥瑞

沅弟左右：

郭弁到，接喜信，知本日卯刻克复安庆。是时恰值日月合璧、五星联珠。钦天监于五月具奏，以为非常祥瑞。今皖城按时应验，国家中兴，庶有冀乎！大界之事，王二五三之话均算得矣。余于初二三日坐长龙赴安庆。惟此间银不满六千金，欲凑万金犒赏将士，弟处可设法办得四千金否？如送礼者向东家回一个红呢寿幢，不知有否？若无之，六千亦可遮脸否？产难之后，如庆再生，赴汤饼会者虽云至乐，不能不念吃亏之人也。顺贺大喜。

季弟大喜。

八月初一日灯下

492、战后以防守江面为宜

沅弟左右：

二十三日已刻接二十一早无为城内发信，慰悉一切。守住庐江，吾已欢天喜地，不料竟克无为，从此可以图裕溪口，可以打运漕镇，可以谋西梁山，可以肃清巢湖，皆以无为州为根本，何幸如之！吾于七月及中秋前，深冀得安庆后并庐、无二城而得之，以庐作上游藩篱，以无作富强基趾。至中秋后，已不敢作此侥幸之想，今竟如愿相偿。从此水陆皆宜休息，不可再言进取一步，专讲防守江面。另造小舫板，放入巢湖之内，明岁春水涨时，湖船从黄落河打出，江船从裕溪口打入，必可得手。

东征局五万已于今日解大通李少山处，赣局三万竟被省截留支发鲍军，此间更窘矣。季弟今日微畏冷，片刻即愈。弟在下游，须将水陆布置十分妥当乃归皖也。顺问近好。

九月二十三夜

493、攻无为州当所向披靡

澄弟左右：

二十一日接弟九月初二日在县城发信，二十二日接八月二十六在省城发信，具悉一切。

毛公、恽公皆认真做好官，崇尚廉介，吾乡之福也。

此间九弟一军，于十六夜破泥（义）贼垒，十九破神塘河贼垒，二十日破无为州城，极为顺手。该州可富可强，占江面三百余里，下距金陵亦三百余里。此后大江两岸根基较固。九弟布置妥善，即回安庆。惟受恩深重，今冬不宜又回籍耳。

余日内尚属平安。惟疮痒深以为苦，往往遍体爬搔，彻夜不眠。季弟自十三日来余公馆，发疟疾二次，至十八日而大愈。

各处军事均称平稳。惟寿州被苗沛霖围困，旦夕必破，大为可虑。顺问近好。

国藩手草 九月二十四日

494、水师小胜后一派骄躁

沅弟左右：

昨日交走家信人寄一缄，计到无为必不甚速。

接李济清等禀，知水师即日进攻巢县，余甚不放心。盖水师向本骄傲，又得数次小胜，则全是矜情躁气，偶然小挫，则祛态毕露。运漕一带港汊纷歧，一有不慎，则草木皆兵。弟欲调度水师，无但取其长而忘其短，总以看明文河小汉为第一义。陆师亦宜守住庐江、无为，不宜再进。特此再嘱。

湖北饷银闻已直解李少山处，前敌固极要紧，此间守城六营亦贫甚也。顺问近好。

九月二十六日辰刻

495、克复运漕镇乃贼之脏腑

沅弟左右：

二十六夜二更接二十三夜信，知二十三日申刻克复运漕镇，欣慰之至。此镇为南北之枢纽，贼中之脏腑既已得之，不可不竭为守之。兹将此间调度条列如左：

一、淮扬水师二十四日已派陈东友、成俞卿两营下去，兹又添赖荣光、杨利见两营前赴运漕，请少荃亲自带之以行，明日起程。渠在该处极熟，可与弟及昌岐面定防守之法，且可就地筹饷。

一、陆师有张遇春一管现扎祁门，系余所招，皆无为、运漕之勇丁。现亦调归江北，大约十月初可到。

一、开成桥、盛家桥等处似宜扎营，以通无、庐之气。现函商多公，请渠派二千太守庐江，腾出弟兵进守他处，不知渠允否。即候近好。

九月二十六夜

496、布署各营之归属

沅弟左右：

二十九日午刻接二十五日辰刻来缄，具悉一切。所应告者，条列如左：

一、少荃本拟二十七日起程赴运漕，因此间奏折应办者多，无人代笔，不得不留少荃在此略为清理，望弟并告昌岐知之。

一、来信言守运漕只要水师三营，守仓头、无为及神塘河共须三营。计昌岐前已带邓万林、王东华、蔡东祥三营，昨又发去陈东友、成俞卿、赖荣光三营，恰合六营之数，望弟与昌岐妥为布置。所有北岸内江内湖，即责成昌岐防剿。

一、李与吾前此稟请添营，余批准添二三营。此时北岸无为、运漕皆为我所有，与吾处似可不必多添矣。万石臣一营业已添归与吾部下，其蔡国祥一营应否添归与吾部下？抑或仍令隶柱堂部下？请弟与柱堂面商定夺（吾意仍令隶王）。

一、运漕既得，则下打裕溪，上打巢县，皆是一串之事。吾意思调南岸之兵三千来经营此两处，不知可否？

季弟日内全好并告。即问近好。

九月二十九日午刻

497、望谋保上海之法

澄、沅两弟左右：

日来未接家信，不知澄弟已自衡归里否？沅弟已过武汉否？

此间军事如常。十五日四眼狗水陆上犯运漕，被我军击退，杀贼颇多。李与吾自白茅嘴来打接应，亦擒斩数十人，夺旗数十面。此后东关、运漕、无为三处或可放心。浙事日棘，绍兴业已失守，杭州恐亦难保。今冬明春皖南必极危急，上海亦危如累卵。上海富甲天下，现派人二次前来请兵，许每月以银十万济我，用火轮船解至九江，四日可到。余必须设法保全上海，意欲沅弟率万人以去。已与请兵之官商订，定渠买洋人夹板船数号，每号可装三千人。现已放二号来汉口，不过放五号来皖，即可将沅弟全部载去。目下专主防守上海一隅，待多破庐州、鲍破宁国后，渠两军会攻金陵，阮弟即可由上海进攻苏、常。不知沅弟肯辛苦远行否？如慨然远征，务祈于正月内赶到安庆，迟则恐上海先陷。如沅弟不愿远征，即望代我谋一保上海之法，迅速回信，由毛中丞排递寄来。至要至要。

饷项近日略裕，前敌不至饥乏。谢恩折明日始派差进京。沅弟折稿先抄去一阅。顺问近好。

国藩手草 十月二十四日

498、石达开又窜出广西

季弟左右：

初三日接来信，具悉一切。闻池州有青阳之贼来犯，不知直扑城垣否？九弟至岳州有信来，兹付去。弟寄澄、沅信，今日可送家也。

刘霞仙署四川市政使，江味根署贵州巡抚，刘岷庄署广东按察使，湘乡、新宁二县可谓极盛。石达开又自广西窜出，约五六万之众，大抵由湖南窜江西耳。

余夜间稍能成寐，或是日内服生地之效，癖痒则未能少减。顺问近好。

十一月初四日

499、实忧运漕前线无人率

季弟左右：

上半日接来信，顷又接本日午刻信，具悉一切。

三河之复，闻系贼匪自遁，未闻多都护派兵进剿也，程、罗稟中亦未言出队。现拟令程、罗二军进守三河，派吴竹庄团防二营往守庐江。以理揆之，三河既遁，想庐州、巢县之贼亦难坚守，事机大有可乘。惟陈舫仙丁内艰，闻即日须回籍治丧，运漕前敌无人经理统率，深为可虑。

余日内疮癖奇痒，深以为苦并告。顺问近好

十一月初八夜

500、近日徽州被围

季弟左右：

来信并少鵬信阅悉。

此间有潘都司曾告假，去宁国寻家眷（名梁柱，澧州人，去秋自宁国逃出）。余给一札，令便探芜湖贼情。十日前归来，无说及投诚等事。徽州日内被围紧急，不知云岩救得上否？

阮信二件附寄照收。顺问近好。

十二月十二日

501、马队营制太宽而近于滥

沅、季弟左右：

复奏朱侍御一疏，定于五日内拜发。请钦派大员专抽广东全省厘金，余奏派委员随同筹办，专济苏、浙、皖、鄂四省之饷。大约所得每月在二十万上下，胜于江西厘务也。此外实无可生发。计今年春夏必极穷窘，秋冬当渐优裕。

马队营制，余往年所定，今阅之，觉太宽而近于滥，如公夫、长夫之类是也。然业已久行，且姑仍之。弟新立营头，即照此办理。将来裁减，当与华字、顺字等营并裁，另行刻新章也。

上海派洋船来接少荃一军，花银至十八万两之多，可骇而亦可怜！不能不令少荃全军舟行，以顺輿情。三月之内，陆续拔行。其黄昌岐水军，则俟三四月之交，遇大顺风直冲下去。弟到运漕，可告昌岐来此一晤也。

三月初三日

502、以坚守为主不必遽图进剿

沅弟左右：

接专差送来信，知弟军准于二十日渡江。是日天气晴和，惟南风稍大，上水较难，不知舟渡安稳否？

余前日四妙二险之说，现在庐州既克，扬州屡捷，北岸已无险矣。不知南岸初到扎营之时，果能化险为夷否？如登岸扎营并无疏失，则且以坚守坚扎为主，不必遽图进剿，不必寻贼开仗。札定之后，自有无穷之妙处也。

正可升之兵，已令驻守池州。喻、李二千人，甫经调守安庆，亦遽进行更改。弟嫌兵力单薄，目下庐州既克，弟或可再调千人过江。希庵能派三四千人由西梁过江，则南岸兵力厚矣。

四月二十二日

503、望细细审量全军粮路

沅、季弟左右：

接沅弟营图一纸。图中各营布置尚妥，惟有一处，余不放心。江江桥之河，在季弟各营之前面，大胜关进口之河，在季弟各营之后面，此两河宽若干丈？深若干尺？可蹚浅以渡否？如可蹚浅以过，则恒昆、吟保各营亦前后受敌。所招降卒新营，本不可靠，而陶保堂、张吟又纷纷死病相继，十营占地颇广，事急之际，季弟岂能一一照顾？该处为全军粮路所在，两弟细细审量一番，吟保、平盛等营果能禁受狂风大浪否？余所疑者在此一处，望弟加倍小心。

六月初九日

从政篇

1、蒙皇上破格天恩从四品骤升二品

孙国藩跪禀祖父大人万福金安：

六月十五日接家中第九号信，系四月初三日四弟在县城发者。知祖父身体康强，服刘三爷之药，旧恙已经痊愈，孙等不胜欣喜。前五月底，孙发第五号信，言大考蒙恩记名赏缎事，想家中已收到。

六月初二，孙荷蒙皇上破格天恩，升授内阁学士兼礼部侍郎衔。由从四品骤升二品，超越四级，迁擢不次，惶悚实深。初六日考试教习，孙又蒙天恩派为阅卷大臣。初六日入闱，初七日王大臣点名。士子入闱者，进士、学人共三百八十余名，贡生入闱者一百七十余名。初八早发题纸，十一日发榜，十三日复试，十四日覆命。初三日谢恩及十四覆命，两次召见，奏对尚无愆误，教习取中额数共一百二十一名，湖南得取十一人，另有全单。

十七日冯树堂回南，孙寄回红顶二个、二品补服三付及他物，另有单。大约八月初旬可到省，存陈季牧家中。望大人于中秋前后专人至省来接，命九弟写信与季牧可也。

孙等身体平安，癖疾已将全好，头上竟看不见。孙妇及曾

孙男女皆好。余俟续具。

孙谨稟 六月十七日

2、超升内阁学士顾影扪心实深渐悚

澄侯、子植、季洪三位老弟足下：

五月寄去一信，内有大考赋稿，想已收到。

六月二日蒙皇上天恩及祖父德泽，予得超升内阁学士。顾影们心，实深渐悚。湖南三十七岁至二品者，本朝尚无一人。予之德簿才劣，何以堪比！近来中进士十年得阁学者，惟壬辰季仙九师、乙未张小浦及予三人。而予之才地，实不及彼二人远甚，以是尤深愧疚。

冯树堂就易念园馆，系予所荐，以书启兼教读，每年得百六十金。李竹屋出京后，已来信四封。在保定，讷制台赠以三十金，且留乾馆与他。在江苏，陆立夫先生亦荐乾棒馆与他。渠甚感激我。考教习，余为总裁，而同乡寒士如蔡贞斋等皆不得取，余实抱愧。

寄回祖父，父亲袍褂二付。祖父系夹的，宜好好收拾。每月一看，数月一晒，百岁之后，即以此为殓服，以其为天恩所赐，其材料外间买不出也。父亲做棉的，则不妨长着，不必为深远之计。盖父亲年未六十，将来或更有君恩赐服，亦未可知。

祖母大人葬后，家中诸事顺遂，祖父之病已好，予之癖疾亦愈，且骤升至二品，则风水之好可知，万万不可改葬。若再改葬，则谓之不详，且大不孝矣。然其地予究嫌其面前不甚宽敞，不便立牌坊起浩封碑亭，又不便起享堂立神道碑。予意欲仍求尧阶相一吉地，为祖父大人将来寿藏。弟可将此意禀告祖

父，不知可见允否？盖诰封碑亭，断不可不修，而祖母又断不可改葬，将来势不能合葬。乞禀告祖父，总以祖父之意为定。

前此问长女对袁家，次女对陈家，不知堂上之意如何？现在陈家信来，谓我家一定对，渠甚欢喜。余容后具。

兄国藩草 六月十八日

3、蒙皇恩得派武会试正总裁

澄侯、沅甫、季洪三弟足下：

十月十二日接到九月初六澄弟在县学宪行合所发信，十五日又接二十三日在省城曾子庙所发信。其八月在省各信，已于前月收到，前次信已提及矣。惟九月一日托树堂代寄一信，今尚未到。京寓大小平安。余之癖疾近日已全好，百分中不过一二分未复元，皆生首乌之功也。六弟近日体亦好。内人怀喜，大约明年正月分娩。甲三兄妹皆好。甲三读至《滕文公上》，大文读至“颜渊第十二”。

余蒙皇上天恩，得派武会试正总裁，又派武殿试读卷大臣。会试于十三日入阁，十七发榜，复命后始归。殿试三十日入内阁，初四发榜如归，共中额六十四人。殿试读卷，不过阅其默写武经。其弓矢技勇，皆皇上亲自阅看。初二日，皇上在紫光阁阅马步箭。初三日，皇上在景运门外箭亭内看弓刀石，读卷大臣及兵部堂官两日在御前侍班。湖南新进士谌琼林以石力不符，罚停殿试一科。今年但有状元、榜眼而无探花，仰见皇上慎重科名之意。

同乡诸公并皆如常。黄恕皆喉痛，病势甚重。郑小山随大钦差至河南办赈济。近日河南大旱，山东盗贼蜂起，行旅为之不安。

十月九日父亲大人寿辰，余因家中有祖母之制，故未宴客，早晚皆仅一席。凌荻舟现就园子一馆，其回城内则寓余处。宋

芑宾在余家教书，亦甚相得。余不尽书。

兄国藩手草 十月十五日

4、日内忙冗几于刻无暇晷

男国藩跪禀父母亲大人万福金安：

正月十一日，男友第一号家信，并寄呈京报，想已收到。

二十二日男蒙皇上天恩，升授礼部侍郎。次日具折谢恩，蒙召对海谕谆切。二十五日午刻上任，属员共百作人，同县黄正斋亦在内。从前阁学虽兼部堂衔，实与部务毫不相干。今既为部堂，则事务较繁，每日须至署办事。八日一至圆明园奏事，谓之该班。间有急事，不待八日而即陈奏者，谓之加班。除衙门官事之外，又有应酬私事，日内甚忙冗，几于刻无暇晷，幸身体平安，合家大小如常。

纪泽读书已到“酒诰”，每日讲“纲鉴”一页，颇能记忆。次孙体甚肥胖。同张诸人并皆如旧。余详与诸弟信中。

男谨禀 二月初六日

5、今年大京察余得补缺

澄侯、温甫、子植、季洪四位老弟左右：

正月十日曾寄家信，甚为详备。二月初三接到澄弟十一月二十夜之信，领悉一切。

今年大京察，侍朗中休致者二人，德运村(厚)、冯吾园(芝)两先生也。余即补吾园先生之缺。向来三载考绩，外官谓之大计，京官谓之京察。京察分三项。一、二品大员及三品之副都御史，皇上皆能记忆，其人不必引见，御笔自下砍硃谕，以为彰瘅。此一项也。自宗人府丞以下，凡三、四、五品京堂皆引见，有黜而无陟。前丙午在碾儿胡同时，间壁学士奎光，即引见休致者也，此一项也。自五品而下，如翰林、内阁、御史、六部，由各堂官考察，分别一、二、三等。一等则放府道，从前如劳辛阶、易念园，今年如陈竹伯，皆京察一等也。此一项也。

余自到礼部，比从前较忙冗，恨不得有人帮办寓中琐杂事，然以家中祖父之病，父、叔勤苦已极，诸弟万无来京之理。且如温弟在京，余方再三劝诱，令之南归，今岂肯再蹈覆辙，令之北来？

江岷樵以拣发之官浙江，补缺不知何时。余因温弟临别叮嘱之言，荐邓星阶偕岷樵往浙，岷樵既应允矣。适徐芸渠请星阶教书，星即就徐馆，言定秋间仍往浙依江。江亦应允。邹墨林自河南来京，意欲捐教，现寓圆通观，其为人实诚笃君子也。

袁漱六新正初旬忽吐血数天，现已痊愈。

黄正斋竟为本部司员，颇难为情。余一切循谦恭之道，欲破除藩篱，而黄总不免拘谨，余现尚未换绿呢车，惟添一骡。盖八日一赴园，不能不养三牲口也。书不一一。

兄国藩草 二月初六日

6、颇望得江西主考私愿不遂

澄侯、温甫、子植、季洪四位老弟足下：

五月二十四发家书第九号，不知已收到否？六月初二日又发家书第十号交折弁，想已收到矣。昨十三日折弁又到两次，皆无来信，盼望之至。

六月以来，京师大雨极多，人多有病，寓中如予及内人儿子皆略腹泄，幸数日即愈。闻江南大水，今年乡试必须改期，现尚未见奏明。

予今年考差，颇望得江西主考，冀家中亲属可就至江西一叙天伦之乐。昨田敬堂得放江西试差，而我私愿不遂。南望家山，远怀堂上，真不知仕宦之略有何昧也！现在祖父大人之病，数月不接音信，不知何处耽延？想澄弟必发有数次信矣。

山西巡抚王西泮(兆琛)，钦差大臣陈孚恩、福济审出各款，拟定发往新疆，皇上未允。严旨解交刑部，会同军机再行鞫审。兹将御史原参折子付回，足见仕宦者一不自慎，身败名裂。而去年梁星舫(萼涵)中丞果得蒙恩湔雪，褒其廉正，君子终乐得为君子也。

庞省山之兄来京乡试，住圆通观，自起伙食。唐镜丈之世兄住黄菊乡卿家。余来乡试者，同乡无几。书不一一，统俟续布。

兄国藩手草 六月十四日

7、皇太后大丧余乃礼部之臣职应专管

澄侯、温甫、子植、季洪

四弟足下：

十二月初四日发家信第二十一号，内言我明年正月十七穿孝期满，销假当差云云。昨十一日申刻遭大行皇太后之大丧。国藩系礼部之臣，职有专司，不敢稍泥故常，即于是夜二更入内供办大丧。自此以后，拟凡关大丧事件者照样当差，其衙门中他事不与丧礼相涉。

十二月十二日

8、皇恩浩大益当尽忠报国

澄侯、温甫、子植、季洪四位老弟足下：

四月初三日发第五号家信。厥后折差久不来，是以月馀无家书。五月十二折弁来，接到家中四号信，乃四月一日所发者。具悉一切。植弟大愈，此最可喜。

京寓一切平安。癖疾又大愈矣，比去年六月更无形迹。去年六月之愈，已为五年来所未有，今又过之。或者从此日退，不复能为恶矣。皮毛之疾，究不甚足虑，久而弥可信也。

四月十四日考差题“乐民之乐者，民亦乐其乐”，经文题“必有忍，其乃有济；有容，德乃大”，赋得“濂溪乐处”得“焉”字。

二十六日，余又进一谏疏，敬冻圣德三端，预防流弊。其言颇过激切，而圣量如海，尚能容纳，岂汉唐以下之英主所可及哉！余之意，盖以受恩深生，官至二品，不为不尊；堂上则诰封三代，儿子则荫任六品，不为不荣。若于此时再不尽忠直言，更待何时乃可建言？而皇上圣德之美出于天恩自然。清廷臣工，遂不敢以片言逆耳，将来恐一念骄矜，遂至恶直而好谀，则此日臣工不得辞其咎。是以趁此元年新政，即将此骄矜之机关说破，使圣心日就兢业而绝自是之萌。此余区区之本意也。瑞在人才不振，皆谨小而忽于大，人人皆习脂韦唯阿之风。欲以此疏稍挽风气，冀在廷皆趋于骨鲠，而遇事不敢退缩。此余区区之余意也。

折子初上之时，余意恐犯不测之威，业将得失祸福置之度外矣。不意圣慈含容，典赐矜全。自是以后，余益当尽忠报国，不得复顾身家之私矣。然此后折奏虽多，亦断无有似此折之激直者。此折尚蒙优容，则以后奏折，必不致或触圣怒可知矣。诸弟可将吾意细告堂上大人，毋以余奏折不慎，或以戇直干天威为为虑也。

父亲每次家书，皆教我尽忠图报，不必系念家事。余敬体吾父之教训，是以公尔忘私，国尔忘家。计此后但略寄数百金偿家中旧债，即一心以国事为主，一切升官得差之念，毫不挂于意中。故昨五月初七天京堂考差，余即未往赴考。侍即之得差不得差，原不关乎与考不与考。上年己酉科，侍即考差而得者三人：瑞常、花沙纳、张芾是也。未考而得者亦三人，灵桂、福济、王广荫是也。今年侍即考差者五人，不考者三人。是日题“以义制事以礼制心论”，诗题“楼观沧海日”得“涛”字。五月初一放云贵差，十二放两广、福建三省，名见京报内，兹不另录。袁漱六考差颇为得意，诗亦工妥，应可一得，以救积困。

朱石翹明府初政甚好，自是我邑之福。余下次当写信与之。霞仙得县首，亦见其犹能拔取真士。

刘继振既系水口近邻，又送钱至我家求请封典，义不可辞。但渠三十年四月选授训导，已在正月二十六成诏之后，不知尚可办否？当再向吏部查明。如不可办，则当俟明年四月升柑拊恩诏，乃可呈请。若并升拊之时推恩不能及于外官，则当以钱退还。家中须于近日详告刘家，言目前不克呈请，须待明年六月乃有的信耳。

澄弟河南、汉口之信皆已接到。行路之难，乃至于此！自汉口以后，想一路载福星矣。刘午峰、张星垣、陈谷堂之银皆

可收，刘、陈尤宜受之，不受反似拘泥。然交际之道，与其失之滥，不若失之隘。吾弟能如此，乃吾之所以欣慰者也。西垣四月二十九到京，住余宅内，大约八月可出都。

此次所寄折底，如欧阳家、汪家及诸亲族不妨抄送共阅。见余恭窃高位，亦欲忠直图报，不敢唯阿取容，惧其玷辱宗族，辜负期望也。馀不一一。

兄国藩手草 五月十四日

9、余兼署刑部右侍郎

澄侯、温甫、子植、季洪四位老弟足下：

五月十四日发第六号家信，内有四月二十六日具奏一疏稿。余虽不能法古人之忠直，而直皇上圣度优容，则实有非汉唐以下之君所能及者，已将感激图报之意于前书内详告诸弟矣。五月二十六日。又蒙皇上天恩，兼署刑部右侍郎。次日具折谢恩，即将余感戴之忱写出。兹将原折付归。

日内京寓大小平安。癖疾大好，较去年澄弟在此时更好三倍，头面则毫无踪影，两腿虽未净尽，不复足为患也。同乡周子佩之母病体不轻，下身不仁，恐成偏枯。徐寿蘅放四川主考。湖南放四川者向极吉利、嘉庆辛酉之杨刚亭先生、庚午之陶文毅、道光甲午之李文恭、乙未之罗苏溪，有成例矣。邝炉青、陈俊臣两人皆已来京。陈携眷而邝则否，邝富而陈寒，所以似相反。然究以携眷为是，邝一二年亦必悔之耳。林昆圃事，余为写知单，得百余金，合之开吊，共二百金，将来可以贍其七十四岁之老母也。漱六望差甚切，未知能如愿否。现在已放一半，而实录馆当差人员尚未放一人也。唐镜海于十八日到京，二十三日召见，垂询一切。天颜有喜，极耆儒晚遇之荣。现已如见五次，将来尚可入对十余次也。

罗山前有信来，词气温纯，似有道者之言。余已回信一次。顷又有信来，言纪泽未订婚，欲为贺藕庚先生之女作伐，年十二矣。余嫌其小一岁，且藕庚先生究系长辈。从前左季高与陶

文毅为婚，余即讥其辈行不伦。余今不欲仍蹈其辙，拟敬为辞谢。现尚未作书复罗山，诸弟若在省见罗山兄，可将余两层意思先为道破，余它日仍当回书告知一切耳。余近思为纪泽定婚，其意颇急切。夏阶平处一说，本可相安，因其与黄子寿为亲家，余亦嫌辈行少屈，是以未就。黄蕻卿有女年十三矣，近托袁漱六往求婚。蕻卿言恐余升任总宪，渠须回避(例给事回避改郎中，御史回避改员外，最为吃亏)。不知渠是实意，抑系不愿成婚而托辞以谢也，故现未说定。弟可一一禀告堂上大人。又余意乡间若有孝友书香之家，不必问其贫富，亦可开亲，澄弟盖为我细细物色一遍？然余将同邑各家一想，亦未闻有真孝友人之家也。

余至刑部，日日忙冗异常，迥不与礼部、工部、兵部相同。若长在北部，则不复能看书矣。湖南副主考乔鹤侪在部，颇称博雅。今年经策必须讲究古茂。曹西垣办分发，本月可引见，七月可出京。朱石翹明府昨有信来，言澄弟四月底到县。此次折弁到京，石翹有信，而澄弟无信，殊不可解。兹有书覆朱，家中封好送去。诸惟心照，余俟续布。

国藩手草 六月初一日

10、户部日见支绌内库仅余六百万

澄侯、温甫、子植、季洪四位老弟足下：

十二月十一日发家书十六号，中言纪泽儿姻事，求家中即行与贺家订盟，其应办各物，已于书中载明，并悔前此嫌是庶出之咎云云。想已接到。如尚未到，接得此信，即赶紧与贺家订盟可也。

诰封各轴已于今日领到，正月二十六恩诏四轴(曾祖父母、祖父母、父母、叔父母)，四月十三恩诏亦四轴，三月初三恩诏一轴(本身妻室)，凡九轴。八月初六用宝一次，我家诸轴因未曾托人，是以未办。曾于闰八月写信告知，深愧我办事之疏忽。后虽托夏阶平，犹未放心，又托江苏友人徐宗勉，渠系中书科中书，专办诰敕事宜。今日承徐君亲送来宅，极为妥当，一切写法行款俱极斟酌，比二十六年所领者不啻天渊之别，颇为欣慰。虽比八月用宝者迟五个月，而办法较精，且同年同乡中有八月领到者，或只一次，未能三次同领，或此番尚未用宝者亦颇有之。诸弟为我敬告父母大人、叔父母大人，恭贺大喜也。惟目前无出京之人，恐须明年会试后乃交公车带归。重大之件，不敢轻率。向使八月领到，亦止十二月陈泰阶一处可付(与雨苍同行)，此外无便。

余于十八日陈奏民间疾苦一疏，十九日奏银钱并用章程一疏，奉朱批交户部议奏，兹将两折付回。文任吾于十三日搬至我家，庞省三于二十四日放学政，寓中一切如常，内外大小平

安。今年腊底颇窘，须借一百金乃可过年，不然，恐被留住也。袁漱六亦被年留住。刘佩泉断弦，其苦不可名状，儿女大小五六人无人看视。黎越翁尚未到京，闻明年二月始能到，未带家眷。涂心畬已到京，尚未来见我。公车中惟龙酿臬臣及澧州馆到二人而已。粤西事用银已及千万两而尚无确耗，户部日见支绌，内库亦仅余六百万。时事多艰，无策以补救万一，实为可愧！明年拟告归，以避尸位素餐之咎，诸弟为我先告堂上可也。余不一一。

国藩手草 十二月二十二日

11、造清册不宜太草率

澄、温、沅、洪四弟左右：

屡日发家信数次，想已收到。

实收换部照，须造清册一本，大非易事。现命孙闾青经理此事，想恐非二十日不能了。纵不能如请咨部功牌册之精妙，亦不宜太草率也。三月二十二所发一折，顷于四月二十日接奉朱批并廷寄。兹照抄送回，呈堂上大人一阅。

广东水师兵已于二十一日到一百矣，洋炮亦到百尊。广西水勇尚未到。衡州所造新船，闻甚不合用，顷有信与萧可兄，令其略改也。

荫亭兄到馆，请其催将侯兄速来，并告贵州徐河清、韩超、张礼度并皆奏调来楚，均五月可到也。徐不一一。

兄国藩手草 四月二十一日

12、袁漱六特旨放苏州知府

澄、温、沅、季四位老弟左右：

二十二日彭四到，接父大人手谕及诸弟来信，欣悉一切。

二十日折差归。阅京报，袁漱六于五月十三日引见得御史，十五日特旨放江苏苏州府遗缺知府。渠写家信回甚长，怨我何不写信覆之。又言即日须娶妾。于干戈乱离之际，放知府甫三日，即以此事为初政，颇为可怪。又要其家专人至京，渠有多少事要交代。兄因各捐生事，亦欲造册，专人至京。如袁家人去，即与之同行也。余前奏捐事，部议已准，兹抄回。

广西水勇于十八日杀死祁阳勇七八。日内严查逞凶下手之犯，必须按律严办。

湖北青抚台带来之兵勇，大约二万金乃可了事。饥困之后甚安静，不闹事也。

余拟于七月初六起行，甲三、甲五、二人可令其来省送我。盖少年之人，使之得见水陆军旅之事，亦足以长见识；且子侄送我，亦至理之不可少者也。书不一一，余俟续布。

元月二十三日

13、皖南百姓皆食人肉

澄弟左右：

少荃一军，上海官绅派火轮船平接，船价至十八万两之多。可骇而亦可伶！决计由水路下去。新军远涉，孤立无助，殊为危虑。祁门附近六十里之历口，闻为贼所犯，恐其直窜景德镇，梗塞粮路。此二者皆近日挂心之事，余尚平安。

口粮极缺，则到处皆然。兵勇尚有米可食，皖南百姓则皆人食人肉矣。自三月初一起设粥厅七处，以救饥民。大约每厅可活三千人，不无小补。

余身体尚健。惟公事积压多件，不克按日清厘，深以为愧。

三月初四日

14、言盐务之利弊

沅弟左右：

张胜禄竟以微伤陨命，可惜可痛。余昔年恸塔智亭之歿，失一威望之将，悼毕印侯之逝，失一骁悍之将。张声扬虽不如塔，似已远过于毕。一军之中，得此等人千难万难。灵柩过安庆时，余当下河祭奠，赙恤其家。

李臣典果足为继起之贤否？凌有和、崔文田、李金洲三有，余俱不甚熟。大约选将，以打仗坚忍为第一义，而说话宜有条理，利心不可太浓，两者亦第二义也。十六日之仗，崔文田等出卡在大濠外否？刘南云等亦出卡否？洋枪与火炮、劈山炮，三者比较，究竟何者群子最远？望校验见告。

弟两次抄示寄乔鹤斋信，多影响之谈。淮盐向以江督为主。江督犹东，运司犹佃也。弟欲从盐中设法生财，不谋之于我，而谋之于乔，何也？盐务利弊，万言难尽，然扼要亦不过数语。太平之世两语：曰出处防偷漏，售处防侵占。乱离之世两语：曰暗贩抽散厘，明贩收总税。

何谓出处防偷漏？盐出于海滨场灶，商贩赴场买盐，每斤完盐价二三文，交灶丁收，纳官课五六文，交院司收。其有专完灶丁之盐价，不纳院司之官课者，谓之私盐，即偷漏也。

何谓售处防侵占？如两湖江西均系应销淮盐之引地，主持淮政者，即须霸住三省之地，只许民食淮盐，不许鄂民食川私，湘民食粤私，江民食闽私，亦不许川粤闽各贩侵我淮池，此所

谓防侵占也。

何谓明贩抽散厘？军兴以来，细民在下游贩盐，经过诚中金陵、安庆等处，售于上游华阳、吴城、武穴等处，无引无票无照，是谓暗贩。无论贼卡官卡，到处完厘，是谓抽散厘也。

何谓明贩收总税？去年官帅给票与商人和意诚号，本年乔公给票与商人和骏发号，目下余亦给票与骏发，皆令其在泰州运盐，在运司纳课，用洋船拖过九洑洲，在于上游售卖。售于湖北者，在安庆收税，每斤十文半，在武昌收九文半。售于江西者，在安庆每斤收十四文，在吴城收八文。此所谓明贩收总税也。

弟前令刘履祥在大通开官盐店，小屯小卖，是暗贩之行径。今欲令二三商人赴乔公处领盐，驶上行销，是明贩之行径。若使照和意诚、和骏发之例，亦在运署纳课，亦雇洋船拖过九洑洲，亦在皖与武昌完二十文，皖与吴城完二十二文，则此外为利无几。若不照和意诚、和骏发之例，概不完厘，则有益于弟，有损于史，殊不足以服众。本年四月，刘履祥在下游运盐数船驶上，亦用洋船拖过贼境，被荻港卡员王寿祺拦住。刘履祥寄函与王，请完百释放，厥后过盐河、华阳竟未完厘。此事人多不服，余亦恶之，拟即将刘履祥撤去，并将大通官盐店拆毁，盖所得无多，徒坏我名声，乱我纪纲也。弟亦不必与乔公谋盐，弟以后专管军事，莫管饷事可也。

六月二十三日

15、西北劫数方兴未艾

沅弟左右：

九洑洲以北之河既成，李世忠可大获监利，吾亦幸金陵之贼永无北岸之接济，镇扬之兵易通上游之消息，此公私两便也。希庵近日病颇重，咳嗽吐痰，夜不能睡，并须扶杖出入，闻之深以为虑。作梅之医理，余以为不可恃，而润、希皆深信之，恐贻误不浅也。

陕西汉回仇杀，闻死人至三十万之多，看来西北劫数方兴未艾。天意茫茫，不知何日果遂厌乱？谕旨屡催多公入关，此等纷纠之事，亦殊非多公所长。朝廷似有中兴之象，而四方兵端日增，良为优灼。

七月初五日

16、欲征重税于私盐

沅弟左右：

接初一来信，知弟于二十六日后牙疼数日，今痊愈否？吾去冬牙疼殊甚，今年脱去门牙一个，丁牙亦极不得力。老态日增，时至则然。弟少十余岁，何以亦遽牙疼，事事欲看样耶？

筠仙之详，断难办动。以上海之大，只准食浙引不许食邻私，而仅获四千金。然则淮引之行于汉口、吴城等处，纵使十倍于沪，每月不过得四万金，况筠仙之力能禁上海之邻私，他人之力不能禁汉口、吴城之邻私。筠仙前有一信，亦劝我于淮引地面重税邻私，当属可行。拟即照此奏办。于荆州税川私最难着手，于衡、永税粤私(并入东局则易行矣)，于吉安亦税粤私，于建昌、安仁税闽私浙私(江西厘卡本是我管，但将邻盐加重耳)。凡邻盐入我淮引地面，每斤取钱十文，处处蛮字为主，打字向前，庶可夺回一二引地销售淮盐。

弟所行之票盐，目下但知何铢之克扣李詹、黄台之抽厘为愆气，而不知将来运至上游楚境，价贱不行，为尤愆气也。弟盐经过李詹、黄台各卡，未定新章之前，似不必求他免厘，将来新章奏定，一面于鄂湘江西三省设局，重税邻私，一面禁止李詹、黄台各设厘卡(台卡不禁)。其李詹、黄台之饷，却不能不由余处匀拨。弟初派员办票盐之时，并无文牒说定不完李詹、黄台之厘，今忽硬要不完，恐不足服人心。现已飞调黄南翁来此。无论渠到与否，本月必将新章奏定，弟意以为何如？望详

细复我。即问近好。

国藩手草 七月初七日

17、日内拟定盐务新章

沅弟左右：

接第十六日酉刻信，具悉一切。

通江关与石埠桥相近，为李部济贼之区。自当咨李，请将石埠桥之兵悉数撤回江北。惟此咨目下尚难遽发。渠之两岸设兵，中间又设炮船，为通江关厘卡计也。日内因定盐务新章，咨请渠将厘卡撤去，每月由运司衙门解渠银一万两，以作抵款，尚不知渠肯应允否。待渠咨复到日，肯撤通江之厘卡，然后可并撤百埠之防兵。余本日拟解银万两、子药各万斤协济滁州，亦为求渠撤通江厘卡，先有以慰其心也。大凡办一事，其中常有曲折交互之处，一处不通，则处处皆窒矣。

张富年管泰州总局，余已允许。第十五日之信尚言不敢冒昧，十六日之信则言业已扎委，不知何以迫不及待若此？自筠、眉二君定包运西岸之策，余比即允行。厥后弟与筠、眉函牍到此，余无隔日不回之信，无隔日不批之详，不知弟何以犹嫌其迟？以后弟于盐务专写信来。信寅到则余寅办，信卯到则余卯办，弟却不宜干预公牍也。

青阳危险如常，殆难幸保。顺间近好。

国藩手草 八月二十三日

18、余之主意重在商运

沅弟左右：

二十八日接二十四日辰刻来缄，内附新刻西省饷盐招商章程及还毛寄帅密件，具悉一切。新章中余亦有不以为然之处，已批出交箴轩复核，即日另刻一本寄阅。

盐务自应由余与运司两衙门作主，界限不可不清，始基不可不慎。护票不必由弟营填发。船单与认旗皆可不用，恶其全是洋人规模也。凡商皆可招，不必认说全归大营认办，并不必立营运名目。总之，余之主意重在商运，不重在官运、营运。金君之主意，时重商，时重官营，夹杂之中，不免自相矛盾。故此次刊刻新章不可不慎，以其遍传官绅商贾也。

蔡少彭业已奏调回江，并保司道实缺矣。午桥之优旨尚未得见。顺问近好。

国藩手草 八月三十日

雪琴青阳解围信抄阅。

19、关联盐务须全盘商议

沅弟左右：

初四日接三十日来缄。初五日篋轩述弟信中数事，所应复者。条列如左：

一、护照三百张已送运司衙门，无可挽回。目下许次苏署任。当不至与张富年故意为难，待署司到此，三百张或将填毕矣(署司到任亦须接余之饬知，且须来安庆禀见，谕旨令察看也)。下次即径发总局张道手，不交运署。

一、弟欲再领盐票，交刘履祥等运行皖岸各属，事属可行，待弟公牒到日即发。惟雪琴前当面请领，余未允许，今弟处允许，将来亦须略发与雪琴。

一、弟营米粮，安庆所办者无几。江西之三千石，湖南之万石，日内必到金陵，无为州之四万石，亦可陆续运解。上海之四万金，弟可常常向少荃索之。余以理责之弟，以情求之上海，月入四十万，余取十分之一，实不为过。少荃近日来信，从不提此事，颇不可解。

一、晋鹤若于盐务新章作出示，必从金处下手，辱金即所以撼弟也。弟若关心盐务，但有余及万、黄、张、许四人熟商，切不可使金露面，但令其暗中助张，庶无风波。顺问近好。

国藩手书 九月初五日

20、小军机无应酬馈赠真一步不可行也

沅弟左右：

初四日接弟初一日信，具悉一切。

京察考语，此间至今未接军机处附片知会，亦未接到部文。甚矣！小军机无应酬馈赠，真一步不可行也。（元年京察系军机抄谕旨知会）。

里下河之捐，拟于此间派一员赴泰，而仍以簾轩作主。兹有复簾轩信，弟阅后加封专人送去，沪局之捐，拟派张仙舫前往。张办捐最为精细娴熟，可以胜任。特大胜关查盐，一时未得替人耳。

杭州于二十四日克复，湖、常二郡计亦可速复。金陵最后乃复，此理之固然者，弟不必焦灼，总以保养精神细心照料为要。南云今日到此，体气尚疲。顺问近好。

国藩手草 三月初七日

丹畦之姊丈龚兰泉，日内将往弟营拜访。

21、谕祭文到日遣官致祭

澄弟左右：

初十日接周有元带来之缄，十四日接胡立名带来之缄，皆弟二十三日、四日在县城研发者，具悉一切。

此间近事，杭州、余杭皆于二月二十四日克复。鲍春霖攻剿句容，于三月初七日克复。大致极为顺遂。惟金陵城贼坚守如常，并无粮尽确耗。又新插麦禾甚多，竟不知何日始能了此公案！江西之贼尚在南丰、新城，其气甚衰，逃者甚众，应不能为害他方，惟广东之贼强悍，无散归之志，终当变成流贼，蔓延闽粤两湖，是可虑耳。

县中文庙费在万串以外，余当捐五百串，以为之倡，此外各营凑捐，当易成事。

季弟专伺，即卖南门之专祠亦无可。谕祭文到日，遣官致祭。其遣来之官，即天使也。京师大员得邀谕祭者，系礼部堂官充天使。余曾充过数次。奠酒三杯，天使立而不跪。读文毕，天使三揖而退，孝子跪迎跪送。丧家以酒席陪敬天使，并赠送袍褂、朝珠、冠补等物。极多八色，少或六色、四色。此京中以尚书、侍郎充天使者之概也。外间充天使者，从前陶文毅家。系省城派道员前往。近来罗、李、王家，皆系派本县知县，其仪注如何，余不得知也。

荷亭之侄信渠至今未到。守之早已自皖起程，须绕至宜昌一看家眷，计三月必到湖南。邓寅皆兄总以到馆为妙，渠非愿

受干修之人，余亦向不肯荐干馆。天下不义之财，干亦其一也。顺问近好。

国藩手草 三月十四日

22、江西绅民怨我

沅弟左右：

昨日寄去二信，言余将赴金陵，旋因徽州危急，上游无所禀承，决计不复出省，日内将复奏也。徽州十四日被贼围攻，保守无恙。十五早闻获一胜仗，自徽至祁之路尚梗。未接唐桂生信，仅得祁门张道信，不约徽、休可以幸保。惟贼之大股已由休南续犯江西，江省万不能支。江省民心本颂沈而谤我，今又因争厘金而意气参商之时，绅民怨我久用江西之厘而又不能拨发一兵以援救。江西此贼又适由徽境放入，将来谤议之纷腾，工有不堪设想者。

寸心本十分郁悒，本日接澄弟信，惠妹病势沉重，尤为煎灼，已定于十九日派长龙送叶亭归湘。兹将澄弟寄余与弟二信附去查阅。弟担荷之重，古今少有，望宽怀释虑保重身体。只要老弟无病无忧，东坝不至疏失，则余亦畅然矣。顺问近好。

国藩手草 三月十八日

庞省三昨日到此，拟派至上海办捐，以其与少荃熟也。

23、劝弟不可干预公事

澄弟左右：

前月二十八日接弟十五日所发排单一信，痛悉惠妹于十四日未刻去世。吾同产骨肉九人，至是仅存吾与弟暨沅弟三人矣，哀哉！自丁巳至今八载，亲属死丧九人（合陈氏妾则十人）。久处兵戈之中，畏闻哀戚之事。昆八外甥适于是日由金陵来皖，因催令登舟上行，而未将讣音告之，大约至湘潭等处始得闻知。

金陵围师稳固如常。霆军于二十一日攻克金坛，现调春霆统率全军救援江西，须俟李少荃派兵接防东坝、句容后，鲍军乃能上行，大约起程在两月以后。比又派周军门宽世、金逸亭两军救援江西，共八千人，当在十日内由安庆起行。湖北之贼已由枣阳等处下窜，将自皖境救援金陵。闻发、捻近三十万，实属应接不暇。江西之贼若至瑞、袁等处，则湖南处处须设防兵。如有调弟带兵出境防剿者，弟千万不可应允。即在本县办团，亦须另举贤员为首，弟不可挺身当先。吾与沅弟久苦兵间，现在群疑众谤，常有畏祸之心。弟切不宜轻易出头路面，省城则以足迹不到为是。树堂劝弟不可干预公事，吾已作函谢之。并劝其出山，或蜀或粤矣。

去年十一月十四日，余寄温弟妇银一百两、燕菜二匣作贺生礼，至今未接回信，不知果寄到否？祈示复。兹又寄去银一百五十两作惠妹赙仪，叶亭归时已带五十金去矣，请妥交。即问近好。

四月初四日

24、平顺之际应作衰时设想

澄弟左右：

二十三日接弟四月初十日由衡州发信，可谓神速之至。其初一之信并茶叶、青布等件尚未到营。弟料理惠妹丧事，又须照料黄家侄婿之丧，兹又赴衡州经营米捐之事，可谓劳苦己必。然捐务公事，余意弟总以绝不答一言为妙。凡官运极盛之时，子弟经手公事格外顺手，一倡百和，然闲言即由此起，怨谤即由此兴。吾兄弟当于极盛之时预作衰时设想，当盛时百事平顺之际预为衰时百事拂逆地步。弟此后若到长沙、衡州、湘乡等处，总以不干预公事为第一义。此阿兄阅历极深之言，望弟记之。

此间近状平安。常州、丹阳克复，只剩金陵一孤城，余则江苏全省一律肃清。鲍超马步万六千人即日上援江西，将由九江先赴瑞、临，以便兼顾湖北之崇、通、兴、冶，湖南之巴、平、浏、醴。内人咳嗽大愈，纪泽亦已复元。惟沅弟肝病颇深心血太亏，若金陵月内即克，病可不医而痊愈耳。家中书有《历代帝王年表》，齐召南所编，约四本。末一本呀纪，系阮福所编。请告朱金权查出付来。黄金堂下手之竹务须大删，每二尺宽乃可留一根。柞树尤宜多变，否则愈密愈不长也，余俟续具。顺问近好。

四月二十四日

25、疏浚秦淮河已过半

澄、沅弟左右：

腊月初六日接沅弟十一月十七日信，知已于十六日平安到家，慰幸无已。初九日接澄弟十一月初十日信，具悉一切。

此间近状平安。少泉于初六日起行，初十日已抵苏州。余于十四日入闱写榜，是夜二更发榜，正榜二百七十三，副榜四十八。闱墨极好，为三十年来所未有。韞斋先生与副主考亦极得意，士子欢欣传诵。韞师定于二十六日起程，平景孙编修奏请便道回浙。此间公私送程仪约各三千有奇。各营挑浚秦淮河，已浚十分之六，约年内可以竣事。

澄弟送罗卜丝，谢谢。以后请无他物，太远，多费船钱也。甚所劝大臣大儒致身之道，敬悉敬悉。惟目下精神实不如从前耳。顺问近好。

十二月十六日

26、僧格林沁在郢城阵亡

澄、沅弟左右

日内未接弟信，想家中各宅平安。

余于初二日接奉廷寄，饬余出省督师剿贼，尚未开江督之缺，不过驻江南境内。初三日接奉廷寄，则僧邸在郢城阵亡，饬余赴山东督剿，以李少荃署江督，刘松岩护苏抚。现约少荃于月半后来宁，余于月底起行。金陵之八千人，现札令愿随征者，自告奋勇，愿撤散者，遣发回籍，各营自行具禀。或北征，或西归，拟令同日起行。但留一营护卫衙署，暂不搬动。家眷应否回湘，秋凉再作计较。

淮勇现有刘铭传等万余人在徐州，张树声三千五百在清江，余拟带此万四千人赴东，此外又调寿春镇易开俊三千人以行。金陵之告奋勇者，无论多少，皆与易同打一路。此外，令申甫至山东就地新募马勇数百。合计二万余人，当足以御寇氛。

沅弟复奏之折业已拜发，兹将原稿寄回。

五月初五日

27、盐法不便民者仍多

澄、沅弟左右：

衡、永、宝三府改食粤引，澄弟所陈，本系便民之举。然盐法不便民者仍多，如瓜洲系淮盐出产之区，然对岸之镇江府仅隔八里，例食浙引，不准食淮引，不便熟甚焉？盖处处求便于民，则近者只食三四文之盐，而远者虽不出钱一二百而尚无盐可买，故不能不画配引地以销货，均匀贯贱以裕课也。吾今不为江督，不复与闻盐政，遂不言衡、永、宝之事矣。

米捐保奖，俟有保案即当附奏。吾经手事件，拟一一清理完竣。朱、唐、金三军现均遣撤将毕。三军遣竣，即遣撤刘、朱、朱三军。至明年夏，遣壬可升一军，则大致租了矣。

十月二十五日

28、为官不可以不正道求名

澄、沅弟左右

三月十五日接沅弟二月二十四自县城发信，具悉赴鄂履任业已起程，此时计将抵武昌，计高一旬矣。

此间军事，初四日潘军获胜。初六日马队小挫，步队小胜。初七日，李幼泉一军小挫。渠所部万人，尚有一半未到，视贼太轻，遂致损折。十三日贼退窜西南，潘军追之。十四日获一小胜，贼又折回北窜，锐意窥犯运河，不何山东诸军能御之否，深为焦虑。前闻捻匪不如发逆，张总愚一股又不如任、赖等一股，不知张逆狡悍若此，竟无术可以制之。

沅弟至任后，仍须以治兵自强为第一义。小宋到鄂藩任。已作函商之。乔鹤挤请其一面派人接署，一面附片奏明。颜光杰亦转饬令赴鄂矣。

弟驻襄阳甚好，春霆可驻南阳，其粮台则设于襄阳，刘仲良则改驻徐州等处。谢恩折尚稳适，好折奏手竟不可得，余亦久思觅一高手，殊难其先。能强浼意城一出，相助二三个月，或可从容求得替人。其有另称名士，眼高手低不切事理不合时宜者，却不可请。

顺斋排行虽为身旁小人所愚弄，然心术亦欠光明，惟最善联络京官，牢笼乡绅，鄂人官京师者津津乐道。近年如沈幼丹在江，蒋香泉在浙，皆以联络绅士大得名誉，跪道攀留。而云仙以疏斥绅士，终不得久于其位。闻渠与左季高甚为齟齬，罢

官后必更郁郁。弟此次赴鄂，虽不必效沈、蒋之枉道干誉，然亦不可如云仙之讥侮绅士，动成荆棘。大约礼貌宜恭，银钱宜松，背后不宜多着贬词，纵不见德，亦可以远怨矣。

接两弟正月二十三日信。澄弟以金陵驳案宜一办再办，现拟附片办之。尧阶痊愈，至慰至慰。老年服大黄，体气诚不可及。然谓是乾隆间生人，则实非也。此后凡兄寄鄂之信，或将原信付澄一阅，或抄一分寄湘，听沅弟斟酌。顺问近好。

三月十六日

29、顺斋一案请弟暂办

沅弟左右

二十二、二十五日寄去二信，想早到矣。二十八日接弟二十三、五两信，具悉一切。

顺斋一案，接余函后能否中掇？悬系之至。此等大事，人人皆疑为兄弟熟商而行，不关乎会晤与否。譬如筱泉劾官，谓少泉全不知情，少泉劾余，谓筱泉全不知情，弟肯信乎？天下人皆肯信乎？异地以观，而弟有大举，兄不得诿为不知情也。审厚庵告病，季高调督陕甘，仲山升督闽浙，子青督漕，鹤挤抚秦，环视天下封疆，可胜两湖之任而又与弟可水乳者，殊难其选。朝廷亦左右搜索，将虽器使，良具有苦心耳。

捻众于二十二三至曹县、菏泽一带，二十五六麇集郛、巨，琴轩亦于二十三日追至单县。刘、张、刘、杨四淮军二十七八均抵东境。幼泉本在济宁。官军势盛，贼或不渡运。如不窜运东，不久当又西来，鄂事宜时时预防。

纪鸿儿来周口可坐一轿，从人行李则小车可也。余详日记中。顺问近好。

九月初二日

再，此间幕府有正定安，号鼎丞，湖北东湖人，以分发江苏知县。驾云黼荐至兄处学习，安详有识。其胞兄王赓飏，号策臣，戊午解元，闻学识俱可，鼎丞求余函荐弟处觅一差使，若晋谒时，弟接见，察看才具，量为位置可也。涤生又行。

30、讼案胜后定留后患

沅弟左右：

接弟初九日襄阳来函，知即日当回省城，甫经近省，即闻群贼自山东回豫将犯湖北之信矣。

春霆二轮小车薄脆不坚，笨重不灵，本意中事。但愿勇丁难推，尚途委弃，所失独小；若猝与贼遇，车混队乱，遂致败挫，则所失大矣。霆军甫发五、六两月满饷，何以初五夜遂至哗言？昔左、胡与二郭、二李奉厚庵如神明，左、郭形诸言论，谓我用厚不尽其才，近于有意屈抑。二年九月，云仙寄函责我，谓攻克九洑洲，厚请趁势攻城，金陵可克，我复函禁沮之，不应遥制名将云云。弟之笃爱春霆，亦疑其功高而人待之太薄。其实春霆亦殊有难于共事之处，弟日久亦必匆之也。弟回省待罪之说，断无可虑。目下军势方盛，主眷方隆，官司可赢。余所虑者，严谴顺斋讼太胜，则后患方深。又或军事旁午之际，钦差来鄂数月不得安宁；又或继之者反更掣肘。故日来望此信极功。

纪鸿如未回湘，须探确贼踪，再行来豫。请示之。即问近好。

九月十七日

31、余以将退之人不愿与人争竞

沅弟左右：

初九日接弟初三日排递之信，初十日接弟初三夜专兵信，具悉一切。

春霆之好处，弟知之甚深，其坏处亦颇有难共处。顷闻其在鲁山发折奏事，亦未咨来。

科一之子既名元七，不必又名浚一。其派名拟取厂钧，顷写信告澄弟矣。驻扎南阳既有窒碍难行之处。自以缓来为是。此贼势穷乱窜，实亦不可捉摸，即驻南阳，亦未必便于调度。豫之紫三本家聪明多疑，与式岩、时卿相近，而内造信最多且速。余以将退之人，不愿与人争竞。弟不遽来，亦省渠多一番堤防耳。

科一初六起程，余先不知，已于初三日令李鼎荣与鄂兵二人赴信阳迎接。兹接弟信，又令王幼山赴罗山迎接，大约可在汝宁等处接到。余病已愈。此二日内腰疼异常，盖为风寒所射，衰态日增，定十三日奏请开缺。少泉谓恐获谤更甚，不暇顾也。惟开缺之后，于情于势，均不能遽请离营，仍是不脱座网之人耳。近日捻踪已详各公牒中。余事详日记中。顺问近好。

十月十一日

32、荒年虽有仁心惠政无可施处

澄、沅弟左右

前寄一缄并二月日记、折稿等件，想将到矣。近十日来亢旱如故，此间麦秋全坏，无可救药，焦灼之至。督抚运气之佳否，全视年岁之丰歉。如此荒年，虽有仁心惠政，无可措手之处，不知若何而能善其后也。

刘南云七年四月借余银二千两，为其弟刘鸿年捐官。今年正月刘鸿年曾向余言此银已还交长沙易芝生手，请弟一问芝生果接到否。如已接到，则交澄弟手收，作为还前年之帐。如未接到，则乞便中一向南云索讨。余学一个伊尹，既不取人，亦一介不与人也。顺问近好。

兄国藩手具 三月三十日

33、徐兄欲与吾共商进退之法

澄、沅弟左右：

澄弟工月十六、十八两次家信先后接到，而十八由胡万昌之信二十九日即到，十六由院排弟之信后三日乃到。二月初六又接到澄弟二十二日在湘潭研发之信，并沅弟十九日一信，附聂一峰与弟一信。具悉一切。

乡间银钱紧急，萧条气象，亦殊可虑。此间近日平安。纪鸿儿于正月二十六日又生一子。乙丑四月完婚，六年未滿，已生四子，亦云密矣。纪泽之子名曰广铭，纪鸿之子名曰广论。只求易于长成，将来各房丁口或者不至甚少。

郑小山于正月二十八日出来拜客一日，二十九日拜折后即行起程，干礼水礼一概不收，一清彻骨。小钦差程仪则已收去（每人五百耳）。谷山之案，竟未审出别情，仍照魁、张原拟定讫。

徐寿蘅学使于二月初五日来此。一则由浙回京，必由扬州，迂道来宁见访；一则渠以奏事上干严谴，亦欲与余一商进退之宜。余劝之回京复命（学政任满），一面谢降调之恩；如久不得缺，再行引退，渠以为然。其精力才气，将来尚当再跻崇秩。

兄身体平安，目疾则日甚一日。春日肝旺，宜其更不如冬之静。署中大小清吉。来此求差事者，惟熊午亭（焕南）派祁门办茶税，余均无可位置，瑞臣甥、厚九弟亦尚无可安之席。世上之苦人太多，好事太少，殊焦闷也。

长沙督销局派叶介唐。如叶不遽到，先派伊尹耕代理。今观澄弟信中云云，将来恐不相安。聂一峰处喜期，待渠信到即当照办。余之目光决难久保，渠既有回家之意，余亦恐当以目废还家，大约在湘完婚耳。前信在扬接到，久已复书，此信亦当速复。

云仙前信言当带子妇及二孙来宁，不知果否成行？

正、二两月人客极多，应酬甚忙，尚可勉强支持，附告一慰。顺问近好。

兄国藩手具 二月初七日

34、仕途巨细皆关时运

澄、沅弟左右

自八月十三日出门至淮、扬等处，久未寄信，殊以为歉。而接弟等信三次。第一次沅弟信中有欧阳牧云讣音，阅之不胜优惋。本日得澄弟寄纪泽信，中有筱澄侄八月十九生子喜报，阅之不胜欢欣。兄之望甲三得子，与澄弟子望甲五得子，此其心之同，众人所共知者也。沅弟之与两兄同心，亦众所共知者也。今甲五上托祖宗之福，如愿而偿，将来甲三或亦相继而起。老年兄弟心中只有此事要紧。贺贺。

兄自八月十八至扬，阅操三日，二十二日起行。二十八日至清江，阅操三日，九月初三起行。初七至徐州，已阅一日。日内身体小有不适，幸渐痊愈。即当南旋至常、镇、苏、松等郡校阅，大约十月二十前后可以完竣。人客繁多，较之在署更为劳剧。所幸江南今年丰熟，所过无颠连憔悴之状，为之少慰。老年记性愈坏，精力益散，于文武贤否、军民利弊全无体察，在疆吏中是为懈弛，则以为之大愧。

闻法国于天津之事总输服，现已派轮船七八号前来中国搦战，不知确否。果尔，则上海、江宁皆将震扰。久作达官，深虑蹈叶相末路之衍。少荃时望甚好，而为各灾所困，亦颇棘手。筱荃则皂名交泰，无征不顺。

仕途巨细，皆关时运。余持此说久矣，然亦只可言于仕宦；若家事，亦虽有运，然以尽人事为主，不可言运也。何如何如？

顺问近好。

兄国藩手具 九月初十日

前信未发，九月十二又于鄂州旧城途次接沅弟八月二十八信，具悉一切。同孙之殇，兄于七月二十六日函告两弟，不知何以久未接到？然则彼此家信之不到者多矣。剑家侄两试皆未高取，拨贡自己难望。苻卿侄则大有可图，须从大卷切实用功。二陈书法何如？诗赋何如？所争只有一二人间耳。

舒伯鲁子运昌即为意臣所托，自应即予督销局一差。惟盐销极滞，而余屡札支空衔薪水，亦颇畏局中讥议。

《文征·序》业已寄去，到否？兄阅毕徐州弁兵归来，已行二日。他病皆愈，惟目疾似又增剧，但冀留得一隙之光与两弟相见。再候近好。

兄又草十二夜旧邳州

外，刘毅斋信托速寄。

35、近来每日习中冗不多看书

男国藩跪禀父母亲大人万福金安：

二月二十三日发家信第三号，不句已收到否？正月所寄鹿脯想已到。三月初奉大人正月十二日手谕，俱悉一切。又知附有布匹、腊肉等在黄蕻卿处，第不知黄氏兄弟何日进京，又不知家中系专人送至省城，抑托人顺带也。

男在京身体如常，男妇亦清吉。九弟体已复元，前二月间因其初愈，每日只令写字养神。三月以来，仍理旧业，依去年功课。未服补剂，男分丸药六两与他吃，因年少不敢峻补。孙男女皆好，拟于三月间点牛痘。此间年痘局系广东京官请名医设局积德，不索一钱，万无一失。

男近来每日习帖，不多看书。同年邀为试帖诗课，十日内作诗五首，用白折写好公评，以为明年考差之具。又吴子序同年有两弟在男处附课看文。又金台书完每月月课，男亦代人作文。因久荒制艺，不得不略为温习。

此刻光景已窘，幸每月可收公项房钱十五千，外些微挪借，即可过度。京城银钱比外间究为活动。家中去年彻底澄清，余债无多，此真可喜。蕙妹仅存钱四百千，以二百在新窑食租，不知住何人屋？负薪汲水，又靠何人？率五素来文弱，保能习劳！后有家信，望将蕙妹家事琐细详书。余容后禀。

男谨呈 三月十一日

36、庶几持盈保泰得免速致颠危

四位老弟足下

四月十六号，余寄第三号交折差，备述进场阅卷及收门生诸事，内附寄会试题名录一纸。十七日朱啸山南旋，余寄第四号信，外银一百两、书一包计九函，高丽参一斤半。二十五日冯树堂南旋。余寄第五号家信，外寿屏一架，鹿胶二斤一包、对联条幅扇子及笔共一布包。想引三信，皆于六月可接到。

树堂去后，余于五月初二日新请李竹坞先生(名如篴，永顺府龙山县人，丁酉拔贡，庚子举人)教书。其人端方和顺，有志性理之学，虽不能如树堂之笃诚照人，而已为同辈所最难得者。

初二早，皇上御门办事。余蒙天恩，得升詹事府右春坊右庶子。次日具折谢恩，蒙召见于勤政殿，天语垂问共四十余句。是日同升官者：李菡升都察院左副都御史，罗惇衍升通政司副使，及余共三人。

余蒙祖父余泽，频叨非分之荣，此次升官，尤出意外。日夜恐俱修省，实无德足以当之。诸弟远隔数千里之外，必须匡我之不逮，时时寄书规我之过，务使累世积德不自我一人而堕。庶几持盈保泰，得免速致颠危。诸弟能常进箴视，则弟即盖之良师益友也。而诸弟亦宜常存敬畏，勿谓家人有人作官，而遂敢于侮人；勿谓已有文学，而遂敢于恃才傲人。常存此心，则是截稿之道也。

今年新进士善书者甚多，而湖南尤甚。萧史楼既得状元，而周荇农(寿昌)去岁中南元，孙芝房(鼎臣)又取朝元，可谓极盛。现在同乡诸人讲求词章之学者固多，讲求性理之学者亦不少，将来省运必大盛。

余身体平安，惟应酬太繁，日不暇给，自三月进闱以来，至今已满两月，未得看书。内人身体极弱，而无病痛。医者云必须服大补剂，乃可回元。现在所服之药与母亲大人十五年前所服之白术黑姜方略同，差有效验。儿女四人皆平顺如常。去年青家之银两，屡次写信求将分给戚族之数目详实告我，而至今无一字见示，殊不可解。以后务求四弟将帐目开出寄京，以释我之疑。又余所欲问家乡之事甚多，兹另开一单，烦弟逐条对是禱。

兄国藩草 五月初五

37、吾家皆封正四品

子植、季洪两弟左右：

四月十四日接子植二月三日两次手书，又接季洪信一函。子植何其详，季洪何其略也！今年以来，京中已发信七号，不审俱收到否？第六号、第七号余皆有禀呈堂上，言今年恐不考差。彼时身体虽平安，而癣疥之疾未愈，头上面上劲上并斑剥陆离，恐不便于陛见，故情愿不考差。恐堂上诸大人不放心，故特作白折楷信，以安慰老亲之念。

三月初有直隶张姓医生，言最善治癣，贴膏药于癣上，三日一换，贴三次，即可拔出脓水，贴七次，即痊愈矣。初十日，令于左胁试贴一处，果有效验，二十日即令贴头面颈上，至月初八日，而七次皆已贴毕。将膏药揭去，仅余红晕，向之厚皮顽癣，今已荡然平矣。十五六日即贴遍身，计不过半月，即可毕事，至五月初旬考差而通身已全好矣。现在仍写白折，一定赴试。虽得不得自有一定，不敢妄想，而敬能赴考，亦可上慰高堂诸大人期望之心。

寓中大小安吉。惟温甫前月底偶患感冒风寒，遂痛左膝，服药二三帖不效，请外科开一针而愈。澄弟去年习柳字，殊不足观。今年改习赵字，而参以李北海“云麾碑”之笔意，大为长进。温弟时文已才华横溢，长安诸友多称赏之。书法以命意太高，笔不足以赴其所见。故在温弟自不称意，而人亦无由称之。故论文则温高于澄，澄难为兄；论书则澄高于温，温难为

弟。

子植书法驾淖、澄、温而上之，可爱之至！可爱之至！但不勿家中旧有“和尚碑”(徐浩书)及“郭家庙”(颜真卿书)否？若能参以二帖之沈着，则直追古人不难矣。

狼兼毫四支既不合用，可以二支送莘田叔，以二支送蕲庵表叔，正月间曾在岱云处寄羊毫二支，不知已收到否？至五月钟子宾(名音鸿，戊戌同年，放长州府知府)太守往湖南，又可再寄二支。以后两弟需用之物，随时写信至京可也。

祖父大人嘱买四川漆，现在四川门生留应者仅二人(敖册贤、陈世镛)，皆极寒之士。由京至渠家有五千余里，由四川至湖南有四千余里，彼此路皆太远。此二人在京常半年不能得家信，即令彼能寄信至渠家，渠家亦可无便可附湖南。九弟须详禀祖父大人，不如在省以重价购顶上川漆为便。做直牌匣，祖父大人系勋封中宪大夫，父亲系诰封中宪大夫，祖母勋封恭人，母亲诰封恭人。京官加一级请封，侍讲学士是从四品，故堂上皆正品也。蓝顶是暗蓝，余证月已寄回二顶矣。

书不宣尽，诸详澄、温书中。今日身上敷药，不及为楷。堂上诸大人，两弟代为禀告可也

四月十六日

38、今年不得差家中气运不致太泄

男国藩跪禀父母亲大人膝下：

昨初九日已刻接读大人谕及诸弟信，借悉一切。祖父大人之病已渐愈，不胜祷祝，想可由此而痊愈也。男前与朱家信言无时不思乡土，亦久宦之人所不免，故前次家信亦言之。今既承大人之命，男则一意服官，不敢违拗，不作是想矣。

昨初六日派总裁房差，同乡惟黄恕皆一人(单另列，初八日题目亦另列)。男今年又不得差，则家中气运不致太宣泄，祖父大人之病必可以速愈，诸弟今年或亦可以入学，此盈虚自然之理也。

男癖病虽发，不甚狠，近用蒋医方朝夕治之。渠言此病不要紧，可以徐愈。治病既好，渠亦不要钱。两大人不必悬念。男妇及华男、孙男女身体俱好，均无庸挂虑，男等所望者，惟祖父大人病之速愈，暨两大人之节劳，叔母目疾速愈，俾叔父宽怀耳，余容另禀。

二月十二日

39、今年气象昌泰为国家之福

男国藩跪禀父母亲大人万福金安：

四月十四日接奉父亲三月初九日手谕，并叔父大人贺喜手示，及四弟家书。敬悉祖父大人病体未好，且日加沈剧。父、叔率诸兄弟服侍已逾三年，无昼夜之闲，无须臾之解，独男一人远离膝下，未得一日尽孙子之职，罪责甚深。闻华弟、荃弟文思大进，葆弟之文得华弟讲改，亦日驰千里。远人闻此，欢慰无极。

男近来身体不甚结实，稍一用心，即癖发于面。医者皆言心亏血热，故不能养肝；热极生风，阳气上干，故见于头面。男恐大发，则不能入见(二月二十三谢恩，蒙召见。三月十四值班，蒙召见。三十又蒙召见)，故不敢用心，谨守大人保养身体之训。隔一日至衙门办公事，余则在家，不妄出门。现在衙门诸事，男俱已熟悉。各司官于男皆甚佩服，上下水乳交割，同寅亦极协和。男虽终身在礼部衙门为国家办照例之事，不苟不懈尽就务理，亦所深愿也。

英夷在广东，今年复请入城。徐总督办理有方，外夷折服，竟不入城。从此永无夷祸，圣心嘉悦之至(四月十五日上谕甚嘉奖，兹付呈)。李石梧前辈告病。陆立夫总制两江，亦极能胜任。术者每言皇上连年命运行劫财地，去冬始交脱。皇上亦每为臣工言之。今年气象果为昌泰，诚国家之福也。

儿妇及孙女辈皆好。长孙纪泽前因开蒙太早，教得太宽，

顷读毕《书经》，请先生再将《诗经》点读一遍。夜间讲《纲鉴》，正史约已讲至秦商鞅开阡陌。李家亲事，男因桂阳州往来太不便，已在媒人唐鹤九处回信不对。常家亲事，男因其女系妄所生，且闻其嫡庶不甚和睦，又闻其世兄不甚守俭敦朴，亦不愿对。南陔先生今年来京时，男不与之提及此事，渠已知其不谐矣。

纪泽儿之婚事屡次不就，男当年亦十五岁始定婚，则纪泽再缓一二年，亦无不可，或求大人即在乡间选一耕读人家之女，或男在京自定，总以无富贵气习者为主。纪沅对郭雨三之女，虽未订盟，而彼此呼亲家，称姻弟，往来亲密，断不改移。二孙女对笛云之次子，亦不改移。谨此稟闻，余详与诸弟书中。

男谨稟 四月十六日

40、督改长郡馆众拍案称奇

澄侯、温甫、子植、季洪四位老弟足下：

六月初二发家信第十号，十五发第十一号，二十日发第十二号，不知次第收到否？

恕皆于二十二日奉使陕西。今年湖南差运颇利。日内身体平巡。内人自前腹泄后，至今尚服黄芪、丽参、附片之类，自此可保安泰。纪泽儿读书尚熟，《诗经》现读至“生民之什”，古诗读至左太冲“咏史”，《纲鉴》讲至汉高祖末年。所作史论，较前月所作意思略多。兹付回三首。次儿肥胖可爱。四女儿皆好。庞省三教书甚为得法，宋湘宾在湖北藩署光景颇好，昨有书来致意温弟。

长郡馆向来规模不好，人人不喜。今年我督工匠大改规模，人人拍案称奇。现在同乡人请我将湖广馆亦改定规制，拟于八月兴工，想十月可毕役。

郭筠仙家水势不知如何？温甫在省见之，可差别明告我。渠欠漱六五十金，近已偿去。若见筠仙、翊丞，可即告之，不另写信。笛云寄程正棨信亦已妥交，见岱云时即告之。寄庄心养、张礼度信各一件，到日即送去。余不一一，俟下次续具。

兄国藩手草 六月二十九日

41、为宗室顺天举人复试阅卷

澄侯、温甫、子植、季洪四位老弟足下：

九月十八日接到澄弟八月十七夜一书，植弟一书，俱悉一切。惟澄弟书中注明十七夜二更写，云明早飞骑归去。植弟书中注明十七夜四更写，亦云明早登舟归去。似皆于十八早回家矣。而植弟书云，今早四兄归，已先携弟稿呈堂上。澄弟书云，两弟想必誉稿付京。澄与植同时发书，而所言不符，何也？吾于八月十二发十五号家信，不审此时收到否？

京寓大小平巡。纪泽儿于八月十七八遘脾家积滞之疾。初时错服补剂，至二十九乃服石膏，九月初二服大黄，遂大见效。至重阳后痊愈。惟前阴微肿，日内调治，将就痊愈可。饮食起食，皆已复常。纪鸿儿体最结实，日日欢笑走跃。余皆安善。

曾希六、陈元两家执照，已于九月十二领到。欧阳沧溟先生、陈开照两家贡单所执照，已于九月初八领到。乡试，论人文则升玉而骧铁，榜发则升黜而骧售，天下事不可料，往往如此。

二十五日宗室举人复试，二十七派阅卷大臣三人。十五日顺天举人复试，十七日派阅卷大臣六人。吾两次皆与焉。季世兄复试一等，赛司农(尚阿)之子、徐制军(泽醇)之子皆一等也，同乡唐、翁二君皆一等，余不详载。

澄弟欲买鹿茸，且与谭、彭二家均分。此次廷芳宇至长沙，尚不能买，缘近日银钱甚窘；稍有可图，即行买就，今冬明春

准可付回。谭、彭二家之钱，交树堂带来可，

曾陈二家之银，如必俟照到乃可取，则今冬周济亲族一项，可先向添梓坪借用，我此次先为书告东阳叔祖也。郭筠仙七月十六丁内艰，诸弟来信并示提及，何也？或省中尚未得知与？同乡各家如常。邹芸陔又丧一妾。余皆无悉。书不十一。

兄国藩手草 九月二十一日

二十七阅卷三人：穆中堂、贾槿、曾。十七阅卷六人：祁中堂、杜受田、柏葭、曾、何裕承、车克慎。

42、畏宦途风波之险思及早抽身

澄侯四弟左右

顷接来缄，又得所寄吉安一缄，俱悉一切。朱太守来我县，王、刘、蒋、唐往陪，而弟不往，宜其见怪。嗣后弟于县城省城均不宜多去。处兹大乱未平之际，惟当藏身匿迹，不可稍露圭角于外。至要至要。

吾年来饱阅世态，实畏宦途风波之险，常思及早抽身，以免咎戾。家中一切，有关系衙门者，以不与闻为妙。诸唯心照，不一一。

兄国藩再 九月初十日

43、闻余蒙恩赏加宫保

沅弟左右：

接丁家洲舟次信，俱悉一次。

今日接官帅信，知余蒙恩赏加宫保。弟蒙恩赏穿黄马褂。一家沐非常之宠，感激惶惊。谕旨尚未接到，原信寄阅。多礼堂日内来信二次，原信及余复信均寄弟阅。

东征局解饷四万，二十八起行。赣洲解饷三万，初六起行。大约日内可到。泥汊贼墙不破，陆兵断不可进；泥汊即破，进否尚宜详酌。极盛之后，当加倍小心。下游水师请增兵，不知贼船果悍乎？抑我军怯乎？请弟细查。

季弟今日大呕吐，暂未写信，言明日必写信，诸弟放心。即问近好。

九月十五日夜

44、居官则为溺职之员不仕又无善退之法

沅弟左右：

连接沅弟两函、澄弟一函，俱悉一切。符卿侄之次子殇亡，家中丁口不旺，殊深焦虑。

兄自十一月发眩晕后，每日服药一帖，服二十余日而停止。刻下眩晕未发，而左目甚蒙，恐又将如右目之废视。饭量少减，间食面条、薄饼之类，以换味而利脾。内人近无所苦，阖家大小平安。

澄弟汇督销局之银三千，不知已收到否？闻吾乡银钱奇窘。不练团，则有事难于应变；常练团，则中广难于捐资。此中大费斟酌，两弟为一邑之望，此等处颇难措手。

兄自患自病，肝郁日甚，署中应治之事，无一能细心推求。居官则为溺职之员，不仕又无善退之法，恐日趋日下，徒为有识所指摘耳。惟望兄弟各善调摄，异日相见，尚各康强为幸。

十二月二十一日

45、余封为侯沅叔封为伯

字谕纪译儿：

本日未刻接富将军咨到廷寄，余蒙恩封一等侯，沅叔蒙恩封一等伯。惟二十三日之折尚未批回。恩旨一道尚未接到。大约夹板仍发安庆，连日因风逆，故未到耳。兹将寄谕抄付安庆一看，恐战船较迟，故用排递。此嘱。

涤生手示 七月初八日中正

46、回程中改定江西讼案奏折

字谕纪译儿：

二十二日卯刻接尔二十日禀，十九日禀昨日到矣。余二十日行七十里至烈山。二十一日行二十里至采石。今日未刻当可行百里至芜湖也。此行在舟行改江西论案折，计须五日乃了，正不望其太速耳。余二十日看袁婿，病似疟疾，尚送迎大门，当不要紧。

涤生手 示七月二十二日午刻于芜湖

下二十里

47、江西讼案奏折已脱稿

字谕纪泽儿：

二十四日接尔二十三禀，余二十四日行六十里宿旧县。二十五日行一百里宿铜陵之上。风非不顺，其如船太笨何！江西讼案折已脱稿，大致多用少仲底本，不甚费心，然已惫矣，明日再行一日，如不能多走，二十七日当换小船耳。

涤生手示 七月二十五日

48、望免征广东厘金

字谕纪泽儿：

昨今两日接尔二十四日二禀，二十五日一禀，具悉一切。

余今日已刻过大通，夜或可宿池州。二十八日当发一报，广东厘金拟请于八月三十日停止，并请将粤厘每三十万加举人一名。尔求子密代作一折，以原案尽存子密处，或请尊卿作亦可，折不必长，二十七夜迎校舟中。若风稍顺，余二十八日亦到省矣。江西讼案一折亦二十八可发也。此嘱。

涤生手示 七月二十六日申刻

49、门第鼎盛须重礼节

字谕纪译、纪鸿儿：

十六日在济南开船后寄去一信，二十三日在韩庄下寄沉叔一信并日记，均到否？

余于二十五日至宿迁。小舟酷热，昼不干汗，夜不成寐，较之去年赴临淮时困苦倍之。欧阳键飞言宿迁极乐寺宽大可住。余以杨庄换船，本项耽搁数日乃能集事。因一面派人去办船，一面登岸住庙，拟在此稍停三日再行前进。尔兄侍母八月回汀，在徐州所开接礼单，余不甚记忆。惟本家兄弟接礼究嫌太薄，兹拟酌送两千金。内澄叔一千，白玉堂六百，有恒堂四百。尔禀商尔母及沅叔先行挪用，合近日将此数寄武昌抚署可也。

吾家门第鼎盛，而居家规模礼节总未认真讲求。历观古来世家久长者，男子须讲求耕读二事，妇女须讲求纺织酒食二事。“斯干”之诗，言帝王居室之事，而女子重在酒食是议。“家人”卦，以二爻为主，重在中馈。“内则”一篇，言酒食者居半。故吾屡教儿妇诸女亲主中馈，后辈视之若不要紧。此后还乡居家，妇女纵不能精于烹调，必须常至厨房，必须讲求作酒作醢醢小菜换茶之类。尔等亦须留心于莳蔬养鱼。此一家兴旺气象，断不可忽。纺织虽不能多，亦不可间断。不房唱之，四房皆和之，家风自厚矣。

至嘱至嘱。

涤生手示宿迁 六月二十六日

50、余欲上疏请辞各职

字谕纪泽儿：

十八日接尔初一日在六溪口研发之禀，二十一日接尔在囊驼河口研发之禀，具悉一切。喜期果仍是二十四否？筠仙近日意兴何如？余于十三日具疏请开各缺，并附片请注销爵秩。二十五日接奉批旨，再赏假一月，调理就痊，进京陛见一次，余拟于正月初旬起程进京。

鸿儿少不更事，欲令尔于十一月十五以后自家来营，随侍进京。尔近日身体强壮否？接尔复禀，果有起行来豫定期，余即令纪鸿由豫回湘。鸿抵湘乡过年，尔抵周口过年，中途可约于鄂署一会。余近无他苦，惟腰疼畏寒，夜不成寝，群疑众谤之际，此心不无介意。然回思近年行事无甚差谬，自反而缩，不似丁冬戊春之多悔多愁也。到京后仍当具疏请开各缺，惟以散员留营维系军心，担荷稍轻。尔兄弟轮流侍奉，军务松时，请假回籍省墓一次，亦足以娱暮景。

纪鸿在此体气甚好，心思亦似开朗，惜不能久侍，当令其回家事母耳，折片并批旨抄阅。尔送呈澄叔一看。此渝。

涤生表示 十月二十六日

再，尔体弱，今年行路太多，如自觉难吃辛苦，即不来侍奉姥京，亦不强也（禀商尔母及澄叔议定回信）。若来，则带吴文煜来清检书籍。家中书籍亦须请一人专为料理，否则伤湿伤

虫；或在省城书贾中找之。又行。

鸿儿言尔母欲将满女许徐氏。余嫌辈行不合，且诸女许宦家者多不称意，能在乡间许一富家亦好。明春到京，亦可于回都京官中求之也。

51、须时时作罢官衰替之想

字谕纪泽儿：

二十六日寄去一信，令尔于腊月来营，侍余正月进京。继又念尔体气素弱，甫经到家，又行由豫入都，驰驱太劳。且余在京不过半月两旬，尔不随侍亦无大损，而富塿新造家室，尔不在家即有所捐，兹再寄一信止尔之行。尔仍居家侍母，经营一切。腊月不必来营，免余惦念。

余定于正初北上，顷已附片复奏抄阅。届时鸿儿随行，二月回豫，鸿儿三月可还湘也。余决计此后不复作官，亦不作回籍安逸之想，但在营中照料杂事，维系军心。不居大位享大名，或可免于大祸大谤。若小小凶咎，则亦听之而已。

余近日身本颇健，鸿儿亦发胖。家中兴衰，全系乎内政之整散。尔母率二扫清女，于酒食纺绩二事，断不可不常常勤习。目下官虽无恙，须时时作罢官衰替之想。至嘱至嘱。初五将专人送信，此次未另寄澄叔信，可送阅也。

涤生手示 十一月初三日

52、平日吾毁誉参半未必获辞

字谕纪译儿：

自接尔十月初九日一禀，久无续音。不知二十四日果办喜事否？全家已抵富噢否？

此间军事，东股任、赖窜入光、固，贼势已衰。西股张宗禹久踞秦中华阴一带，余派春霍往援，大约腊初可以成行。霞仙迫不及待寄来一信，峻辞苛责，甚至以杨嗣昌比我，余不能堪，此后亦不复与通信矣。

十七日复奏不能回江督本任一折，刻木质关防留营自效一片，兹抄寄家中一阅。前有一信令尔来营侍余进京，后又有三信止尔勿来，想俱接到。若果能开去各缺，不过留营一年，或可请假省墓。但平日虽有谗谤之言，亦不乏誉颂之人，未必果准悉开诸缺耳。纪鸿在此体气甚好，月余未令作文，听其满洒闲适，一畅天机。腊月当令与叶甥开课作文。尔胆怯等症由于阴亏，朱子所谓气清者魄恒弱。若能善晓酣眠，则此症自去矣。此函呈澄叔一阅。特谕。

涤生手示 十一月十八日

53、尔沅叔构怨颇多仕途易逢荆棘

字谕纪泽儿：

正月初四日专人送信并书筠之式回家。旋于初六日自周家口起行，至十五日抵徐州府。一路平安，惟初十日阻雪一天，余均按程行走。定于十九日接印。官场自李少泉宫保而下，至大小文武各员，皆愿我久于斯任，不再疏辞；江南士民闻亦望之如岁。自问素无德政，不知何以众心归向若此？

沅叔劾官相之事，此间平日相知者如少泉、雨生、眉生皆不以为然，其疏者亦复同辞。闻京师物论亦深责沅叔而共恕官相，八旗颇有恨者（雨生云然）。尔当时何以全不谏阻？顷见邸抄，官相处分当不甚要，而沅叔构怨颇多，将来仕途易逢荆棘矣。

曾文煜尚未到营，而尔交彼带来之信却已先到。近两旬未接尔信，殊深悬系。嗣后除专勇接信外，须另写两次交李中丞排递来营。每月三信，不可再少。信中须详写几句，如长沙风气何如，吾县及吾都风俗如何，尔与何人交好，凡本家亲邻近状皆宜述及，以慰远怀。此信呈澄叔一阅。

涤生手示徐州考棚 正月十七日

54、朝廷恩重念请开缺难于下笔

字谕纪泽儿：

接十一月十二、二七日安禀，知尔母病势大减，儿妇亦痊愈矣，至以为慰，余以十七日自清江起行，天气晴和。每日按站行走，惟中有三日仅走半站，亦以爱惜马力，非真不能行也。

折弁刘高山归，报销折奉批旨“着照所请，该部知道。”竟不复部核议，殊属旷典。前雨亭方伯托许缘仲关说部中书吏，余与李相前后军饷三千余万，拟花部费银八万两。今虽得此恩旨，不复部议，而许缘仲所托部吏拟姑听之，不遽翻异前说。但八万已嫌太多，不可再加丝毫。尔先与雨亭一说，并请其告之李相，余不久亦有信与雨亭也。

余于甲子年免办报销册之旨，不追索金陵城内伪王库银之旨，不深究幼主下落之旨，及此次不复部议之旨，感激次骨，较之得高爵穹官，其感百倍过之。在途中日日念请开缺折难于下笔，徒添一矫情痕迹，无益于事。今因深感批旨，恐竟不具折陈情矣(久宦不休，将来恐难善始善终)。余途中甚健，纪鸿及仆从辈平安。鸿等今日登泰山，余未往也。日记已抄二十一天，姑先寄回，尔可由官封寄澄、沅两叔一阅。余于京续寄。尔每月三次寄信至余处，亦须三次寄两叔处。此嘱。

涤生手示 十一月二十七日泰安府店

55、创办机械局为中国自强之本

字谕纪泽儿：

泰安发一信交刘高山带至金陵。是日接尔二十日禀，知十九日已移下江考棚为慰。李中堂欲借后圆地球，尽可允许，俟渠到湖北，即交便轮船带去。并求具将方子可请入楚督署内，刊刻此图，附刻图说，仍求将方元征调入鄂省，酌委署缺，必为良吏。李相创立上海、金陵两机器局，制造船炮，为中国自强之本，厥功甚伟。余思宏其绪而大其规，如添翻译馆、造地球，皆是一串之事。故余告冯、沈二君，以后上海铁厂仍请李相主持，马、丁两帅会办。尔可将此意先行函告李相，余以后再有函商之也。

应敏斋所兑号票银虽止一万二千，而言明可用二万两，计别敬用万六七千，尚有三四千作盘川，尽足敷用。小舫此举殊为多事。尔亦不宜寄来，姑带在身边可也。

日内途次平安。三十日小雪，恰与丁中丞在齐河会谈。今日至刘智庙，已交直隶境。兹将二十二以后九日日记寄去，尔速寄澄、沅两叔一览。余久未寄湘信，甚歉甚歉，过保定再寄耳。此嘱。

涤生手示 十二月初三日

56、京中向系虚文应酬全无真意

字谕纪泽儿：

十七日寄去一缄并初一至十六日记，想将收到。厥后十七八九在城内拜客三天。二十日搬出城外，寓法源寺。二十一二三四各处公请听戏四天。二十五六皆有事趋朝。京中向系虚文应酬，全无真意流露，近日似更甚矣。赛中堂之世兄崇文山(绮)乙丑状元，人似有真意，才德具备，将来必为大器。

余所书位西墓志，于琦善下有公字，于赛下落一公字。若流传到京，必为文山父子所饮恨，尔可暂缓刻石。应如何设法补改，斟酌稟告。此谕。

涤生手示 十二月二十七日

57、余生平最怕以势利相接

字谕纪泽儿：

久未闻两江折差入京，是以未及写信。前接尔腊月二十六日禀，本日固安途次又接尔正月初七禀，具悉一切。余自十二月十七至除夕已载于日记中，兹付回。

正月灯节以前惟初三、五无宴席，余皆赴人之召。然每日仅吃一家，有重复者辄辞谢，不似李、马二公日或赴赴宴四五处。盖在京之日较久，又辈行较老，请者较少也。军机处及弘德殿诸公颇有相敬之意，较去冬初到时似加亲厚，九列中亦无违言。然余生平最怕以势利相接，以机心相贸，决计不作京官，亦不愿久作直督。约计履任一年即当引疾悬车。若到官中掣肘之处，并不待一年期满矣。

接眷北来，殊难定策，听尔与尔母熟商。或全眷今春即回湖南，或全家北来保定，明年与我同回湖南，均无不可。若全来保定，三月初即可起行。余于二十日出京，先行查勘永定河。二十七八可到保定，接印后即派施占琦回金陵，二月二十日外可到。尔将书箱交施由沪运京，即可奉母北行耳。

余送别敬壹万四千余金；三江两湖五省全送，但亦厚耳。合之捐款及杂费凡万六千上下，加以用度千余金，再带二千余金赴官，共用二万两。已写信寄应敏斋。由作梅于余所存缉私经费项下提出归款。阅该项存后路粮台者已有三万余金，余家于此二万外不可再取丝毫。尔密商之作梅先生、雨亭方伯，设

法用去。凡散财最忌有名，总不可使一人知(一有名便有许多窒碍，或捏作善后局之零用，或留作报销局之部费，不可捐为善举费)。至嘱至嘱。余生平以享大名为扰，若清廉之名尤恐折福也。杜小舫所寄汇票二张，已令高列三涂销寄回。尔等进京，可至雨亭处取养廉数千金作为途费，余者仍寄雨亭处另款存库，余罢官后或取作终老之资，已极丰裕矣。纪鸿儿及幕府等未随勘河。二十三日始出京赴保定也。此谕。

涤生手示 正月二十二夜固安工次

58、永定河工程已合

字谕纪译、纪鸿儿：

十二早接泽儿十一未刻禀，具悉一切。

余初十行八十里住固城镇，十一行七十余里住新城县，十二里住固安县。闻今日河工虽已合龙，尚未闭气，明日往看，不知有它虞否？

黄子寿带一人进京，在此会晤。陈小舫荐一医，谢姓(煜，旭亭)，蕲水人，直隶佐杂(河工主簿)。若已到省，可请其一诊。但医可多请。药则不可杂进耳。意城言满女之事。回署再商。余不多囑。

涤生字 十月十三夜固安

59、 闻南三府饥民思乱

字谕纪泽、纪鸿儿：

十七日接十六禀并谢医之方、芸陔之信，具悉一切。方与前此诸医略近。吾意总欲其稍进饭食为急，不知有良法否？芸陔之票只好用军需局印票司印，然当寄至何处，渠信并未写明，殊难悬揣，俟余回省再定。

余今日午刻至天津。应酬纷繁，殊以为苦。十八九当酬接两日，二十日即可起行回省。闻南三府饥民敖敖思乱，廑紧无己。余不多及。

涤生手示 十月十七日

60、定于次日回署衙

字谕纪译、纪鸿儿：

二十二日巳刻接尔二十一日未刻信，似非由天津绕来者。
澄叔及郭氏昆仲信并悉。

余今日仅行六十余里，未刻即到容城住宿。明日行九十里。
申刻必可抵省。出署日久，公事积压，归后却更忙耳。余不及。

涤生手示 十月二十二日容城

61、久旱不雨官民惶惶

字谕纪泽儿：

初七日接尔初三日禀，初八日有报喜者言尔签分户部。尔信言初六七出京，果已成行否？若尚未成行，则到衙门一次，见六堂一次再行出京，亦不过多延两三日。其拜问司等事则暂不必管，待将来当差时再议可也。

余眩晕尚未全愈，每到枕之时、起床之际辄晕昏，久之始定。余尚不晕。至疲困贪睡，则余近年过夏之常态，不仅今年为然。周虎文与竹龄诊脉。心脉洪大，余尚平静。虎文即欲回京，余令其待尔归来再定。

尔母日内服丸药，尚属平安。叶亭四月十日自家擎眷北来，将由武昌附轮船航海至津，日内计已将到，拟腾敬芝轩居之。渠到不久，余即将开缺，殊无妥为位置之方。

姚春木(椿)所选“国朝文录”，张诗(祥河)所刻者，京城若易于购买，即带一部回。久旱不雨，官民惶惶，实疆吏之咎也。余不多及

涤生手示 五月初八日

62、赴津查殴毙洋人案兼附遗嘱

余即日前赴天津，查办殴毙洋人焚毁教堂一案。外国性情凶悍，津民习气浮嚣，俱难和谐，将来构怨兴兵，恐致激成大变。余此行反复筹思，殊无良策。余自咸丰三年募勇以来，即自誓效命疆场，今老年病躯，危难之际，断不肯吝于一死，以自负其初心。恐邂逅及难，而尔等诸事无所禀承，兹略示一二，以备不虞。

余若长逝，灵柩自以由运河搬回江南归湘为便。中间虽有临清至张秋一节须改陆路，较之全行陆路者差易。去年由海船送来之书籍、木器等过于繁重，继不可全行带回，须细心分别去留。可送者分送，可毁者焚毁，其必不可弃者，乃行带归，毋贪琐物而花途费。其在保定自制之木器全行分送。沿途谢绝一切，概不收礼，但水陆略求兵勇护送而已。

余历年奏折，令夏吏择要抄录，今已抄一多半，自须全行择抄。抄毕后存之家中，留于子孙观览，不可发刻送人，以其间可存者绝少也。

余所作古文，黎莼斋抄录颇多，顷渠已照抄一份寄余处存稿，此外黎所未抄之文寥寥无几，尤不可发刻送人，不特篇幅太少，且少壮不克努力，志亢而才不足以副之，刻出适以彰其陋耳。如有知旧劝刻余集者，婉言谢之可也。切嘱切嘱。

余生平略涉儒先之书，见圣贤教人修身，千言万语，而要以不忮不求为重。忮者，嫉贤害能，妒功争宠，所谓忌者不能

修，忌者畏人修之类也。求者，贪利贪名，怀土怀惠，所谓未得患得，既得患失之类也。伎不常见，每发露于名业相伴、势位相埒之人；求不常见，每发露于货财相接、仕进相妨之际。将欲造福，先去伎心，所谓人能充无欲害人之心，而仁不可胜用也。将欲立品，先去求心，所谓人能充无穿窬之心，而义不可胜用也。伎不去，满怀皆是荆棘；求不去，满腔日即卑污。余于此二者常加克治，恨尚未能扫除净尽。尔等欲心地干净，宜于此二者痛下工夫，并愿子孙世世戒之。附作伎求诗二首录右。

历览有国有家之兴，皆由克勤克俭所致。其衰也，则反是。余生平亦颇以勤字自励，而实不能勤。故读书无手抄之册，居官无可存之牍。生平亦好以俭字教人，而自问实不能俭。今署中内外服役之人，厨房日用之数，亦云奢矣。其故由于前在军营，规模宏阔，相沿未改，近因多病，医药之资漫无限制。由俭入奢易于下水，由奢反俭难于登天。在两江交卸时，尚存养廉二万金。在余初意，不料有此，然似此放手用去。转瞬即已立尽。尔辈以后居家，须学陆棱山之法，每月和银若干两，限一成数，另封秤出。本月用毕，只准赢余，不准亏欠。衙门奢侈之习，不能不彻底痛改。余初带兵之时，立志不取军营之钱以自肥其私，今日差幸不负始愿，然亦不愿子孙过于贫困，低颜求人，惟在尔辈力崇俭德，善持其后而已。

孝友为家庭之祥瑞。凡所称因果报应，他事或不尽验，独孝友则立获吉庆，反是则立获殃祸，无不验者。

吾早岁久宦京师，于孝养之道多疏，后来辗转兵间，多获诸弟之助，而吾毫无裨益于诸弟。余弟兄姊妹各家，均有田宅之安，大抵皆九弟扶助之力。我身歿之后，尔等事两叔如父，事叔母如母，视堂兄弟如手足。凡事皆从省啬，独待诸叔之家

则处处从厚，待堂兄弟以德业相劝、过失相规，期于彼此有成，为第一要义。其次则亲之欲其贵，爱之欲其富，常常以吉祥善事代诸昆季默为祷祝，自当神人共钦。温甫、季洪两弟之死，余内省觉有惭德。澄侯、沅浦两弟渐老，余此生不审能否相见。尔辈若能从孝友二字切实讲求，亦足为我弥缝缺憾耳。

附伎求诗二首：

善莫大于恕，德莫凶于妒。妒者妾妇行，琐琐奚此数。己拙忌人能，己塞忌人遇。己若无事功，忌人得成务；己若无党援，忌人得多助，势位苟相敌，畏逼又相恶。己无好闻望。忌人文名著；己无贤子孙，忌人后嗣裕。争名日夜奔，争利东西鹜。但期一身荣，不惜他人污。闻灾或欣幸，闻祝或悦豫。间渠何以然，不自知其故。尔室神来格，高明鬼所顾。天道常好还，嫉人还自误。幽明丛诟忌，乖气相回互。重者灾汝躬，轻亦灭汝祚。我今告后生，悚然大觉寤。终身让人道，曾不失寸步。终身祝人善，曾不损尺布。消除嫉妒心，普天零甘露。家家获吉祥，我亦无恐怖(右不伎)。

知足天地宽，贪得宇宙隘。岂无过人姿，多欲为患害。在约每思丰，居困常求泰。富求千乘车，贵求万钉带。未得求速偿，既得求勿坏。芬馨比椒兰，磐固方泰岱。求荣不知厌，志亢神愈泰。岁燠有时寒，日明有时晦。时来多善缘。运去生灾怪。诸福不可期，百殃纷来会。片言动招尤，举足便有碍。戚戚抱殷忧，精爽日凋瘵。矫首望八荒，乾坤一何大！安荣无遽欣，患难无遽愁。君看十人中，八九无倚赖。人穷多过我，我穷犹可耐。而况处夷途，奚事生嗟悔？于世少所求，俯仰有余快。俟命堪终古，曾不愿乎外(右不求)。

六月初四日

63、天津士民与洋人两不相下

字谕纪泽儿：

接尔初八、初九日两禀，具悉一切。

余以初十日抵天津，途中尚能耐劳耐暑。惟左目益蒙，作字极难，焦灼之至。天津士民与洋人两不相下，其势汹汹，缉凶之说，万难着笔。办理全无头绪，亦断不能轻请回省，且看数日后机缘如何。尔病小愈，为之一慰。然吃饭、出恭二事，生人之定理，尔二事与人回殊，余每以为虑。目下亦无他法，惟清心寡欲以养其内，散步习射以劳其外，病见则服姜、附等药治之，病退则药即止。如是而已。

鸿儿等京城寓所应在贡院附近看定，即日专人前去，不可再迟，或写信一托魏世兄亦可。尔母目有胬肉，似可置之不治。余不多及。

涤生手示 六月十一日

鸿儿起行之时，潘师处须送百金

64、不得不勉从以全大局

字谕纪泽儿：

接尔十一、十二日两禀，内有澄、沅两叔信，具悉一切。

余日内平安，惟以眼蒙为苦。天津人心汹汹，拿犯之说，势不能行，而非此又不能交卷。崇帅欲余撤道、府、县三官以悦洋人之意，余虽知撤张守即大失民心，而不得不勉从以全大局。今又闻永定河决口之信，弥深焦灼。自到直隶，无日不在忧恐之中，近三四月益无欢悦。惟祝左目少延余明，即为至幸。

庚帖礼物可不必寄来，尔寄信先行阻止，余亦当徐寄一信也。李少帅两信言须调兵自卫，顷已凋保定丁乐山所统之四千人来此，其张秋之队暂不必谓。朝廷一意主和，调兵转生疑端，且亦未必能御寇也。余不多及。

涤生手示 六月十四日

65、力求和局必见机于清议 果能遏兵即招谤亦听之

字谕纪泽、
纪鸿儿：

十五日接尔二人十四日某，十六日接纪泽十五日禀，具悉一切。纪鸿二十日起行进京，前函既允许矣。余右目久盲，左目日蒙，作字非常之苦。丁中丞荐一县丞刘会和来，据诊云左目可保，右目可挽救几分。而所开方凉药太多，余不敢服，恐蹈郝医之覆辙也。不治则左目不久必坏，殊为焦灼。

天津事尚无头绪，余所办皆力求全和局者，必见讥于清议。但使果能遏兵，即招谤亦听之耳。余不多及。

涤生手示 六月十七日

66、死生置之度外徐俟其至而已

字谕纪译儿：

接尔十九、二十日两禀，具悉一切。

余于十九、二十日服山东丁中丞荐来之眼医刘姓芳药二剂，不惟无效，二十一日又发眩晕之病，竹龄等以为刘方太疏散之咎。今日又请竹龄开方，似四五月旧方，不再服刘方矣。眼蒙殊甚，作字极苦。天津洋案，罗公使十九日相见，虽无十分桀骜要挟之象，然推诿于提督，为兵船到后要挟地步。目下洋船到者已八九号，闻后来尚且不少，包藏祸心，竟不知作何究竟？崇帅事事图悦洋酋之意以顾和局，余观之殊不足恃。死生置之度外，徐俟其至而已。

白玉堂、敦德堂各寄百金尚妥，即照寄去。朱四婶处应寄奠仪三十金。高列三请假进京引见，即可允许监印，系佐杂差使。唐君(伯存)科第出身，不欲以此烦之。刘医所开药方二纸抄阅。欧阳健飞与余信寄去，朝珠盒不便寄也。此谕。

涤生手示 六月二十一日

67、天津洋人案竟无善策

字谕纪泽儿：

二十三日接尔二十二日禀。罗淑亚十九日到津，初见尚属和平，二十一二日大变初态，以兵船要挟，须将府县及陈国瑞三人抵命。不得已从地山之计，竟将府县奏参革职，交部治罪。二人俱无大过，张守尤洽民望。吾此举内负疚于神明，外得罪于清议，远近皆将唾骂，而大局仍未必能曲全，日内当再有波澜。吾目眩头晕，心胆俱裂，不料老年遭此大难。兹将渠来照会及余照复抄去（折片另札行总局，嘱诸公密之）。尔可交与作梅转寄卢、钱及存之一看，以明隐忍，为此非得已也。

日来服竹龄药，晕症已减。惟日蒙日甚，断难久支，以后亦不再治目矣。余自来津，诸事惟崇公之言是听，摯甫等皆咎余不应随人作计，召裂而无救于身之败。余于衰思枯，心力不劲，竟无善策，惟临难不改苟免，此则虽毫不改耳。此谕。

涤生手示 六月二十四日未刻

68、前为崇公所误失之太软后当自主

字谕纪泽儿：

连日接尔数禀，具悉。

余自二十一日重发眩晕，二十四日以后泄泻不止，二十六日呕吐。适值崇公在坐，渠遂以督臣病重请另派重臣入告。奉旨外派丁雨生、内派毛煦初来津会办，并派李少荃带兵入直。又因伯王之奏，调蒙古马队三千、东三省马队二千备用。余令道府拿犯已获十一人，或可以平洋人之气。如再挟不已，余惟守死持之，断不再软一步。以前为崇公所误，失之太柔，以后当自主也。

余之病目为本，眩晕次之，呕泻又次之。日内愈不堪，又加时事熬煎，郁闷不可耐。然细心默验，惟目病无可挽回，余似尚非不治之症，家中暂可放心，特目光亦终难支久耳。省中有询近状者，可详告之。酷热难于作字，不多及。

涤生手示 六月二十九日

69、英国公使来京

字谕纪泽儿：

连接尔二十七、八、九三信，具悉一切。

余泄泻之症，三日内各仅一次。胃口不开，每顿开水饭一碗，勉强毕之。医家言脾脉甚坏，竟日困卧，以俟渐愈而已。

罗使第二次照会，仍索府县抵命。余照复驳之，渠亦无辞以对。兹将照复稿抄去，恐卢、钱、陈诸公须阅也。廷寄共抄一本寄去。若人受便，可寄澄、沅二叔一阅。上半日年日记付去，可命夏吏将五、六两月抄出，觅便寄湘。英国公使威妥玛于二十九日来津，本总署商请渠来劝解罗使者。渠口气亦硬，闻即日邀同罗使还京。余派员往留未允。如两酋皆回京议事，余亦可奏请还省矣。

左眼昏蒙日甚，纵令脾泻、眩晕等症能愈，目光亦必不治。药物终不济事，不可妄信医言，浪费钱文也。此嘱。

涤生手示 七月初三日

70、与外国人交涉别有一副机智肺肠

字谕纪泽儿：

连接尔二信，具悉一切。

余病省少愈，惟胃口不开，疲软殊甚。眼蒙不能治事，甚以为苦；竟日酣卧，亦甚愧也。

毛照初尚书初五到津，今日往拜威、罗两公使。两便皆欲回京，余请照帅婉留在津议结。总署之意，亦欲在津结案，不知可强留否？自余于二十六日第二次照复后，至今别无来文，亦无要求之端，不知有何诡计？英公使威妥玛深通中化文籍，盖各国之主是盟，其用心尤不可测。与外国人交涉，别有一副机智肺肠，余固不能强也。

黎、邓定于初七日自津进京乡试，亦送黎元卷三十、邓二十四金。李勉林顷来此间，闻曹镜初亦一来京师。物议咎我甚峻，则料其必尔矣。此谕。

涤生手示 七月初六日

71、余坚执不允处死府县官

字谕纪泽儿：

连接两禀，具悉一切。

余日内病情如故，总是胃口不开。泄已止，每日出恭一次。但不乾耳。贺峻林以精肉煨后再蒸，比食两顿略可下咽。医家谓心脉脾脉皆坏，余亦自觉病深，而尤以目疾为苦。盖目光及胃口皆与尔母相近，而杂病亦多，乃知老境之难也。

法国罗公使第二次照会，欲杀府县。余坚执不允，渠无如何。顷于初九日回京，将与总署商办。闻布国与法国构兵打仗（此信甚确），渠内忧方急，亦无暇与我求战，或可轻轻解此灾厄。余候事势稍定，即将奏请回省矣。此谕。

涤生手示 七月初六日

72、余寸心负疚卧病不起

字谕纪译儿：

初十、十一接尔信，具悉。

吾病近四日未服药，专烹精肉鲫鱼之类。胃口稍开，饭量亦加；惟眼蒙日甚。然竟日困卧不治一事，寸心如负大疚。拟每日仍看书若干，今日已看“通鉴”矣。两脚无力，登降犹须扶掖，余似渐平复。

钱谷刘幕价本太重，以后至多不得过八百金。尔可托作梅先生与卢、钱诸公商之。法国罗使于初九日回京，英国威使于初十日回京，崇侍郎于十二日回京，此间现无一事。狗肉良可已疾，试之未为不可，申夫极美之也。此谕。

涤生手示 七月十二日

73、正法人犯仍难了结天津案

字谕纪译儿：

连接尔信，具悉一切。

余初七日辞江督之疏尚未奉到批旨。如不蒙谕允，须具折请入京展觐，再赴江南履任。如蒙谕允，须于津案结后，奏请开大学士之缺，一面回保定料理一切，或遗眷属于九月先行，余俟大学士开缺后再行南归。若赴江履任，则余进京陛见之际，眷属亦可先行，粗笨之物派人由运河送南。余出京时过保定料检两日，即可成行。一二日奉到批旨，即可定计也。

范兰江之死，余曾允贖仪百金，并允于天津面交蒋道。次日忘之，尔可送交蒋宅，以践此诺，夏子鑒一员，可即令其入署接办刘金范之副手。向来月支束脩若干、火食若干，可问明概交赵金波手，请其分布。

此间之案，日内已将府县亲供核定，即将入奏。拿犯八十余人，坚不吐供，其认供可以正法者不过七八人，余皆无供无证，将来不免驱之就戮。既无以对百姓，又无以谢清议，而事之能了不能了尚在不可细之数，乃知古人之不容于物论者，不尽关心术之坏也。余胃口尚好，腿软及目蒙如故，余甚轻适。此囑。

顷接谕旨，已不准辞。

涤生手示 七月十二夜

74、名已裂矣不复深问耳

字谕纪泽儿：

十六、十七日接尔信并对、笔一包，前此已带笔来，吾偶忘之，遂复索取。昨日已写毕矣。

余日内胃口尚开，十四五仍水泻，十六七稍见干涩，医者谓系脾虚发泄，心脾两脉俱虚，阴分尤亏。余以真虚则难补，只好听之。惟眼蒙日甚不能不治，又不欲服眼科习用之药。医者云一贵轮睛，二闻鼻药（鹅不食草等三味研末加鼻烟闻之），三服蒺藜作茶，四以羊肝蒸药末吃。皆偏方也，聊以自解而已。腿软之正，想系衰年常态，不复施治。全不看书则寸心负疚，每日仍看（通鉴）一卷有余。

法国之事，总署奏明仍归余与毛司空筹办。俟丁中求、李中堂到后，余责日分，右可回省也。名已裂矣，亦不复深问耳。此谕。

涤生手示 七月十七日

75、总署催余缉凶提解府县

字谕纪译儿：

近日连接尔三禀，具悉。

余胃口开后，日来善饭如故，泄泻亦未再来，惟两腿尚软，眼蒙日甚，它无所苦。每日仍看《通鉴》一卷有余。新作丸药一料，今日初服，大约无损亦无益也。兹将方付去。

天津之事，总署催余缉拿正凶提解府县，一日一函，迫于星火。而此间所拿之犯坚不认供，无可如何，极为棘手。见讥清议姑置不论，目下实难交卷。芳香之药，尔亦不宜多服，尝见气痛者服之后愈剧也。此嘱。

涤生手草 七月二十二日

76、保定和局即失民心所全犹大

字谕纪泽儿：

接尔三信，具悉一一。

余病外感全去。饭量日加。菜则精肉鲫鱼二者，烹调得法，食之相安。惟左目日蒙，势难保全。丁中丞来。力劝速治，亦无良方也。

天津县刘令于二十五日抵津，知储张守于二十七日抵津。日内竭力拿犯，已获者近四十人。将来除释放外，计抵偿者二十人内外，军徒者十人内外。如果保定和局，即失民心，所全犹大。但恐和局不成，枉令斯民拘系敲榜耳。

四女之信已令尔母知之否？余定限八月二十三日以前结案，届时当可回省。此囑。

涤生手示 七月二十八日

77、近缉犯人八十期速讯毕奏结

字谕纪泽儿：

初一、二、三日连接尔禀并澄叔两信，具悉一切。

今日接奉廷寄，马谷帅被刺客战害，余仍调两江总督，李少帅调督直隶。余日疾不能服官，太后及枢廷皆早知之，不知何以复有此调？抑即日具疏恭辞，声明津案办毕再请开缺，不审能邀谕允否？

余日内食量如故，略复春间之旧。眩晕亦未再发，两腿亦较有力。惟目疾未得少愈，左目与去冬之右目相似。犬肉苟可医目，余亦不难食之。惟宰杀难于觅地，临食难于下喉。佛生少年病目，与余老年之病未必相同耳。章敬亭如肯受八百金之聘，不妨聘请，将来移交少泉。若嫌俸薄，则不聘矣。

此间拿犯已八十余人，日内督催严讯，总期于二十内外讯毕奏结。廷寄令少帅至天津接印，计亦在月杪矣。余不多及。

涤生手示 八月初四日

78、恭辞两江新任

字谕纪泽儿：

接尔初四、五、六、七等日禀，具悉一切。

余之谢恩折于初七日拜发，恭辞两江新任，实不敢以病躯当此重寄。折稿抄寄尔阅，昨已寄澄、沅两叔矣。如左目长有一隙之明，则还山亦有至乐；若全行盲废，则早晚总不能服官。趁此尽可引退，何必再到江南画蛇添足。节下分各弁等之银，即可照端节之单随宜增减。余胃口尚好，惟两腿酸软未愈，上下皆需人扶掖。昨日拜折起跪亦需人扶。因以六味地黄汤加桂附服这，不知有益否。

八月初八日

79、天津案未了余难抽身

字谕纪泽儿：

接尔十二、十三日禀，知已与李相会晤。尔之病，吾意非大黄所能奏效，旭亭治冢妇有功，此节应送百金。

吾事所以不能速定者：一则天泽教案犯人认供者不过六七人，为数太少，洋人未必肯结案。若再兴波澜，忽来战攻，则吾将获大戾，岂能南行？即不决裂，而全案未结，吾亦不可他往。一则谕旨欠“无庸来京请训”一句，不能不具折请觐。若九月离津入京，则出京必十月矣。吾所以徘徊不决者，以此两者之故

家眷由水路南下，闻雄县有一段浅阻，出省二日似须起早。由临清至济宁，九月即已干涸，此四五日亦须起早。吾意书箱及笨重之物，凡上次施占琦所解者，此次由运河去(派一好委员或铭营之弁)，九月初旬即可起行。家眷仍起早，至济宁乃登舟，九月(有闰十月，九月当不甚寒)中旬起行。余仍起早至清江浦，入觐则十月成行，不入觐则九月成行。吾之随身衣箱书箱。令王庆云在保定署内锁一室守之，待吾应否人勤有准信时再定局也。吾目病日剧，即至金陵展任，亦不过数月，恐难支持。曾文煜即日当回省清书。余不多及。

涤生手示 八月十五日

80、天津教案定九月结案

字谕纪泽儿：

连日接尔各禀，具悉一切。

李中堂于二十五日未刻到津，定于九月初六日接印。与语全家眷属南下之事，渠以走水路为长计。询之李佛生、陈小蓐，皆言骡轿动摇，比车之簸荡尤甚，万一倾跌，比之翻车尤险，不如坐轿为稳。询之天泽镇陈云卿（济清），则言孕妇坐轿，亦以不能转动舒展为苦。渠妻言历此畏途，相戒不复犯此。余闻此数说，决计令全眷由水路南下。自保定南门外上船，至小保定县，水尚浅，船尚小，此三日略苦。自小保定以下则水已渐深，船亦可换雇大者。由是而天津而德州直至临清，皆可请云卿炮船护送，皆坦途也。自临清至张秋，陆路二百四十里，有现驻临清之铭军滕提督（学义）照料。营中有车，无须另雇，轿则由保定带去耳。由张秋而济宁而韩庄，直至清江浦仍走水路。张秋有李中堂之转运局，有淮军之水师（徐道奎带），有铭军之二成队（八成在沧州），皆可照料。济宁以南并可请昌歧、健飞派船来接。是节节皆有东道主人。水道如无阻滞，则于尔母吸商妇均属便宜。近省之河只须闭闸蓄水。若九月十二三日起程，到津时余可与家人相见。李中堂劝余不必奏请陛见，现未定计。

天津教案，已于十三日奏第一批，定于九月二十日前奏第二批，即行结案。府县定于日内解交刑部。接总理衙门信，洋人声口已松，决不至办重罪。余前奏交刑部，愧悔无已，今始

放心矣。

若果不请陛见，则九月二十日后，余亦可起程南下，或专由陆路。或与眷属同由水路均无不可。余签押房内之衣箱、书箱，尔可令壬庆云另载一舟同来天津。余纵入京，亦不复过保定矣。俸余三万金上下。可以二万兑汇。钱方伯处由铭军饱项拨还，余由舟次带往。李相绿呢旧车自须送还，新借之车亦可不用，但须带轿三乘耳。余不及。

涤生手示 八月二十七日

邵、郑、黄信付去，刘信发还。

81、府县今日起解余具疏痛切救之

字谕纪泽儿：

接尔二十八日禀并赏号一单。巡捕、内戈什太多，外戈什及余人太少，育婴堂之四百金若未送去，即不必送，概提出加赏外戈什及余人等；若已送去，即将十二人减出银百零八两，再由内所添发百金加赏戈什及余人等。其应加之多少，余以△△识之，由尔斟酌加发。

尔病状近日如何？余不知医，但知尔确不宜服大黄。养生家有所谓外功者，用之最能食能大小溲。或少用心，多劳身，亦有小补，亦须从此等处用功。纪鸿、叶甥今日回省，而擷师，叔耘旋即到津。府县今日起解，余具疏痛切救之，迟日抄与尔看。此囑。

原折批发。

涤生手示 八月二十九日

82、不知何日方可荡平英夷

孙舅国藩跪禀祖父母大人万福金安：

四月二十七日呈家信第七号，内共四信，不知已收到否？

孙兄弟在京平安，孙妇身体如常。曾孙兄妹二人种痘后，现花极佳。男种六颗出五颗，女种四颗出三颗，并皆清吉。寓内上下平善。

逆夷海氛甚恶，现在江苏滋扰。宝山失守，官兵退缩不前，反在民间骚扰。不知何日方可荡平！天津防堵甚严，或可无虑。

同乡何子贞全家住南京，闻又将进京。谢果堂太守兴饒于六月初进京，意欲捐复，多恐不能。郑莘田世任放贵州贵西道，黎樾乔转京畿道。同乡京官绝少。孙在京光景虽艰，而各处通挪，从无窘迫之时。但不能寄资回家，以奉甘旨之需，时深愧悚。

前寄书征一表叔，言特优作墓志，刻下实无便可寄。惠妹移居后，究不知光景如何？孙时常挂念。若有家信来京，望详明书示。

孙在京自当谨慎，足以仰慰慈廑。

孙谨禀 六月十日

83、黄河决口百九十余丈

男国藩跪禀父母亲大人万福金安：

八月初二日发第十号家信，内载九弟南旋事甚详，不审到否？九弟自七月十六出京，二十三即有信来京，嗣后在道上未发信来，刻下想已到樊城矣。不知道上果平安否？男实难放心。

黄河决口百九十余丈，在江南桃源县之北，为患较去年河南不过三分之一。逆夷在江南半月内无甚消息，大约和议已成。

同县有黄鉴者，为口外宣化巡检。去年回家，在湘乡带一老妈来京。因使用不合，仍托人携带南归。现寄居男寓，求男代觅地方附回，途费则黄自出。

谢果堂先生已于八月初六出京，住京两月，与男极相投洽，临别依依难舍。同乡如唐镜海、俞岱青、谢果堂三前辈，皆老成典型，于男皆青睞相待。何子贞全家皆已来京。男妇及孙男女身体如常。

此次折差于七月十六日在省起身，想父亲彼时尚在省城，不知何以无信？陈岱云家信，言学院十六封门。四弟、六弟府考，渠亦不知。彭王姑墓志铭，九弟起程时，仓卒未及写，今写毕，又无便寄，求告知征一表叔。正月十二所办寿具，不知已漆否？万不可用黄二漆匠。此人男深恶之，他亦不肯尽心也。彭宫五亦不可用，彼未学过，且太迟钝。余侯续禀。

男谨禀 八月十二日

84、英夷在江南抚局已定

孙男国藩跪禀祖父母大人万福金安：

九月十三日接到家信，系七月父亲在省研发，内有叔父信及欧阳牧云致函。何祖母于七月初三日因感暑致恙，不药而愈，可胜欣幸。

高丽参足以补气，然身上稍有寒热，服之便不相宜，以后务须斟酌用之。若微觉感暑，即忌用。此物平日康强时，和人丸药内服最好。然此时家中想已无多，不知可供明年一单丸药之用否？若其不足，须写信来京，以便觅便寄回。四弟、六弟考试又不得志，颇难为怀。然大器晚成，堂上不必以此置虑。闻六弟将有梦熊之喜，幸甚。近叔父为婶母之病劳苦扰郁，有怀莫宣。今六弟一索得男，则叔父含饴弄孙，瓜瓞日蕃，其乐何知！唐镜海先生德望为京城第一，其令嗣极孝，亦系兄子承继者。先生今年六十五岁，得生一子，人皆以为盛德之报。

英夷在江南，抚局已定。盖金陵为南北咽喉，逆夷既已扼吭而据要害，不得不权为和戎之策，以安民而息兵，去年逆夷在广东曾经就抚，其费去六百万两。此次之费，外间有言二千一百万者。又有言此项皆劝绅民捐输，不动帑藏。皆不知的否，现在夷船已全数出海，各处防海之兵陆续撤回，天津亦已撤退。议抚之使，系伊里布、耆英及两江总督牛鉴三人。牛鉴有失地之罪，故抚局成后即革职拿问。伊里布去广东代奕山为将军，耆英为两江总督。自英夷滋扰，已历二年，将不知兵，兵不用

命，于国威不无少损。然此次议抚，实出于不得已。但使夷人从此永不犯边，四海晏然安堵，则以大事小，乐天之道，孰不以为上策哉！

孙身体如常，孙妇及曾孙兄妹皆并平安。同县黄晓潭鉴荐一老妈吴姓来，渠在湘乡苦请她来，而其妻凌虐婢仆，百般惨酷，黄求孙代为开脱。孙接至家住一月，转荐至方夔卿太守(宗钧)处，托其带回湖南。大约明春可到湘乡。

今年进学之人，孙见题名录，仅认识彭惠田一人。不知二十三、四进人否？谢宽仁、吴光照取一等，皆少年可慕。一等第一，题名录刻黄生平，不知即黄星平否？

孙每接家信，常嫌其不详，以后务求详明。虽乡间田宅婚嫁之事，不妨写出，便游子如仍在里门。各族戚家，尤须一一示知。幸甚。

敬请祖父母大人万安。余容后呈。

孙谨稟 九月十七日

85、奕山奕经拟处罪

男国藩跪禀父母亲大人万福金安：

十月二十七日第十二号信，不知到否？男在京身体甚好。男妇亦如常。孙男日益发胖。毫无小恙。孙女于昨日十五日满周。一年之内，无半点累大人之处，真可谓易养者也。合寓上下平安。

海疆平定以来，政简人和，雍熙如旧。廖钰夫师署漕运总督，兼署南河总督。奕山、奕经并拟斩临候罪。满协办大学士，敬征补授。汉大学士尚未宣麻。今年南河决口，河督麟庆革职，现放潘锡恩为总河。同乡京官并皆如常。

其余琐事详载诸弟信中，不敢上读。

男谨禀 十一月十七日

86、余大考后升官

孙男国藩跪禀祖父母大人万福金安：

二月十九日，孙发第二号家信。三月十九日发第三号，交金丝虔，想必五月中始可到省。孙以下阖家皆平安。

三月初六日奉上谕，于初十日大考翰詹，在圆明园正大光明殿考试。孙初闻之心甚惊恐，盖久不作赋，字亦生疏。向来大考，大约六年一次。此次自己亥岁二月大考，到今仅满四年，万不料有此一举。故同人闻命下之时无不惶悚。孙与陈岱云等在园同寓。初十日卯刻进场，酉正出场，题目另纸敬录，诗赋亦另誊出。通共翰詹一百二十七人，告病不入场者三人(邵灿，已亥湖南主考。锡麟。江泰来，安徽人)，病愈仍须补考。在殿上搜出夹带比交刑部治罪者一人，名如山戊戌同年。其余皆整齐完场。十一日皇上亲阅卷。二月十二日钦派阅卷大臣七人，阅毕拟定名次进呈。皇上钦定一等五名，二等五十五名，三等五十六名，四等七名。孙蒙皇上天恩，拨取二等第一名。湖南六翰林，二等四人，三等二人，另有全单。十四日引见。共升官者十一人，记名候各升者五人，赏缎者十九人(升官者不赏缎。)孙蒙皇上格外天恩，升授翰林院侍讲。十七日谢恩。现在尚未补缺，有缺出即应孙补。其他升降赏费，另有全单。湖南以大考升官者，从前(雍正二年)惟陈文肃公(名大受，乾隆朝宰相)一等第一以编修升侍读，近来(道光十三年)胡云阁先生二等第四以学士升少詹，并孙三人而已。孙名次不如陈文肃

之高，而升官与之同。此皇上破格之恩也。孙学问肤浅，见识庸鄙，受君父子厚恩，蒙祖宗之德荫，将来何以为报！惟当竭力尽忠而已。

金竺虔于昨二十一日回省，孙托带五品补服四付、水晶顶戴二座、阿胶一斤半、鹿胶一斤、耳环一双。外竺虔借银五十两。即以付回。昨在竺虔处寄第三号信，信面信里皆写银四十两。发信后渠又借去十两，故前后二信不符。竺虔于五月半可到省。若六弟、九弟在省，则可面交；若无人在省，则家中专人去取，或诸弟有高兴到省者亦妙。今年考差大约在五月中旬，孙拟于四月半下园用功。

孙妇现已有喜，约七月可分娩。曾孙兄弟并如常。寓申今年添用一老妈，用度较去年略多。此次升官，约多用银百两。东扯西借，尚不窘迫。不知有邯郸报来家否？若其己来，开销不可太多。孙十四引见，渠若于二十八以前报到，是真邯郸报，赏银四五十两可也。若至四月始报，是省城伪报，赏数两足矣。但家中景况不审何如，伏恳示悉为幸。

孙跪禀 三月二十三日

87、黄河决口未塞乃国之大忧

四位老弟左右：

正月二十六日发第一号家信。二月初十日黄仙垣来京，接到家信，备悉一世，欣慰之至。所付诸物，已接脯肉一方、鹅肉一边、杂啐四件、布一包、烘笼二个，余皆彭雨苍带来。

朱啸山亦于是日到，现在家心斋同居。系兄代伊觅得房子，距余寓甚近，不过一箭远耳；郭筠仙现尚未到，余已为赁本胡同关帝庙房，使渠在庙中住，在余家伙食。

冯树堂正月十六来余爱住，拟会试后再行上学，因小儿春间怕冷故也。树堂于二月十三考国子监学正，题“而耻恶衣恶食者”二句、“不以天下奉一人策”，共五百人入场。树堂写作俱佳，应可必得。

陈笛云于初六日移寓报国寺，其配之柩，亦停寺中，岱云哀伤异常，不可劝止，作祭文一篇三千余字。余为作墓志铭一首，不知陈宅已寄归否？余懒誉寄也。

四川门生现已到二十余人。我县会试者，大约可十五人。甲午同年，大约可二十五六人。然有求于余者，颇不乏人。

余今年应酬更繁。幸身体大好，迥不似从前光景。面胖而润，较前稍白矣。耳鸣亦好十之七八，尚有微根未断，不过月余可全好也。内人及儿子两女儿皆好。陈氏小儿在余家乳养者亦好。

六弟、九弟在城南读书，得罗罗山为之师甚妙。然城南课

似亦宜应，不应恐山长不以为然也。所作诗文及功课，望日内付来。四弟、季弟从觉庵师读自佳。四弟年已渐长，须每日看史书十页，无论能得科名与否，总可以稍长见识。季弟每日亦须看史，然温经更要紧，今年不必急急赴试也。

曾受恬自京南归，余寄回银四百两、高丽参半斤、鹿胶阿胶共五斤、闹墨二十部，不知家中已收到否？尚有衣一箱、银五百两，侯公车南归带回。

同乡汤海秋与杜兰溪，子女已过门而废婚，系汤家女儿及父母并不是。余俱如故。

周介夫(鸣鸾)放安徽庐凤道，其女儿欲许字纪泽。常南陔(大淳)升安徽臬台，其孙女欲许字纪泽。余俱不甚愿。

季仙九师为安徽学政后，升吏部右侍郎。廖老师名鸿荃，去年放钦差至河南塞河决，至今仍未成功，昨革职，赏七品顶戴，在河工效力赎罪。黄河大工不成，实国家大可忧虑之事。如何如何！余容后陈。

国藩手具 二月十六日

88、余得转补翰林院侍读

孙国藩跪禀祖父母大人万福金安：

十一月二十二日发十三号信。二十九日，祖父母大人寿辰，孙等叩头遥祝，寓中客一席，次日请同县公车一席。初七日，皇上御门，孙得转补翰林院侍读。所遗侍讲缺，许乃钊补升。侍讲转侍读，照例不谢恩，故孙未具折谢恩。

今冬京中又得厚雪。初九日设三坛求雪，四、五、六阿哥诣三坛行礼，皇上亲诣太和殿行礼。十一日即得大雪。天心感召，呼吸相通。良可贺也。

孙等在京平安。曾孙读书有恒，惟好写字，见闲纸则乱画，请其母钉成本子。孙今年用度尚宽裕，明年上半年尚好，至五月后再作计。昨接曾兴仁信，知渠银尚未还。孙甚着急，已写信去催，不知家中今年可不窘迫否？

同乡京官皆如故。冯树堂、郭筠仙在寓亦好。荆七自五月出去，至今未敢见孙面，在同乡陈洪钟主事家，光景亦好。若使流落失所，孙亦必宥而收恤之。特渠对人言，情愿饿死，不愿回南。此实难处置。孙则情愿多给银两便他回去，不愿他在应再犯出事。望大人明示以计，俾孙遵行。四弟等自七月寄信来后，至今未再得信，孙甚切望。

严太爷在京引见，来拜一次，孙回拜一次，又请酒，渠未赴席。此人向有狂妄之名，孙已亥年在家，一切不与之计较，故相安于无事。大约明春可回湘乡任。

孙谨稟 十二月十四日

89、蒙恩任会试同考官

男国藩跪禀父母亲大人：

男于三月初六日蒙恩得分会试房，四月十一日发榜出场，身体清吉，合室平安。所有一切事宜，写信交折差先寄。兹因嘯山还家，托带纹银百两，高丽参一斤半，《子史精准》六套，《古文辞类纂》二套，《绥寇纪略》一套，皆六弟信要看之书。高丽参男意送江岷山、东海二家六两，经冀少緘息银。又送金竺虔之尊人二两，以报东道之谊。听大人裁处。男尚办有送江家、金家及朱岚喧挂屏，俟郭筠仙带回。又有寿屏及考试笔等物，亦俟他处寄回。余侯续具。

男谨禀 四月十五日

90、余始阅卷荐卷中者最多

四位老弟足下：

三月初六日，余发第二号家信。是日皇上天恩，余得会试分房差，即于是日已刻入闱，十三日始阅卷。十八房每位分卷二百七十余，至二十三日头场即已看毕。二十四看二、三场，至四月初四皆看完。各房荐卷，多少不等。多者或百余，少者亦荐六十余卷。余荐六十四卷，而惟余中卷独多，其中十九人，他房皆不能及。十一日发榜，余即于是早出闱，在场月余极清吉，寓内眷口大小平安。出闱数日，一世忙迫，人客络绎不绝。

朱啸出于四月十六日出京。余寄有纹银百两、高丽参一斤半、书一包——内《子史精准》六套，《古文辞类纂》二套、《绥寇纪略》一套，到家日查收。别有寿屏及笔等项尚未办齐，待郭筠仙带归。

十四日新进士复试。题《君子喻于义》，赋得《竹箭有筠》得《行》字。我县谢吉人中进士后，因一切不便，故邀来在余寓住。

十五日接三月初十日家信，内有祖父、父亲、叔父手谕及诸弟诗文并信。其文此次仅半日忙不及改，准于下次付回。

四弟之信所间，盖龚牟、龚库、龚巩兄弟，皆从昌黎游。去年所写牟尼，实误写尼字也。汪双池先生(灿)系雍正年间人，所著有《理学逢源》等书。

郭筠仙、翊臣兄弟及冯树堂俱要出京，寓内要另请先生，

现尚未定。草布一二，祈贤弟代稟堂上各位大人。今日上半天已作一函呈父亲大人，交朱嘯山，大约六月可到。

兄国藩手草 四月十五日

91、今湘人中状元可谓极盛

四位老弟左右：

四月十六日曾写信折弃带回，想已收到。十七日朱嘯山南归，托带纹银百两、高丽参一斤半、书一包计九套。

兹因冯树堂南还，又托带寿屏一架、狼兼毫笔二十枝、鹿胶二斤，对联堂幅一包(内金年伯耀南四条、朱岚喧四条、肖辛五对一幅、江岷山母舅四条、东海舅父四条、父亲横披一个、叔父折扇一柄)，乞照单查收。前信言送江岷山、东海高丽参六两，送金耀南年伯参二两，皆必不可不送之物，唯诸弟禀告父亲大人送之可也。

树堂归后，我家先生尚未定。诸弟若在省得见树堂，不可不殷勤亲近。亲近愈久，获益愈多。

今年涌南萧史楼得状元，可谓极盛。八进士旨在长沙府。黄琴坞之胞兄及令嗣皆中，亦长沙人也。余续具。

兄国藩手草 四月二十四日

92、儿居无事之官仍以读书为业

男国藩跪禀父母亲大人万福金安：

六月二十一日发第八号家信，七月初二发第九号家信，想俱收到。十四日接到四弟在省发信，内有大人手谕。具悉一切，不胜欣慰。家乡一切近事及去年分赠之项，至是始昭然明白矣。

男在京平顺，惟身上热毒至今未好。其色白，约有大指头大一颗通身约有七八十颗，鼻子两旁有两不成堆，余皆成堆。脱白皮疥，发里及颈上约二十余颗，两胁及胸腹约五十余颗，现以治癣之法治之。有效与否，尚不敢定。幸喜毫无他病，饮食起居如常，读书习字应酬亦如常。

男妇服补剂渐好。孙儿读“尔雅”后，读“诗经”已至“凯风”。朔望行礼，颇无失仪。孙女及合寓皆平安。

荆七在陈宅，光景尚好。男想叫他回来，不好安置，他亦脑颜不愿回来。若男得主考学政，或放外官，则一定叫他回来，带他上任。京官毫无出息。陈宅有小印结分，故荆七在陈宅比我家好些。男已将此意告荆七，乞家中并告渠兄弟也。

前次写升官信未详职守。詹事府本是东宫辅导太子之官，因本朝另设有上书房教阿哥，故詹事府诸官毫无怕事，不过如翰林院为储才养望之地而已。男居此职，仍旧以读书为业。

汪觉庵师寿文准于八月折差付回。温甫弟生子不育，想不免伤感。然男三十始生子，六弟今年二十三耳，叔父母不必忧虑。四弟与常家对亲甚好。男拟寄挽联一付挽常老太姻母，亦在下次寄回。

同乡诸家如旧。惟何子贞脚痛已久，恐仓卒难好。邓铁松病亦难好。余俱平安。

男谨稟 七月十六日

93、癖疾若愈则谋官职

男国藩跪禀父母亲大人万福金安：

上次男写信略述癖病情形，有不去考差之间。近有一张姓医，包一个月治好。偶试一处，居然有验，现在赶紧医治。如果得好，男仍去考差；若不愈，则不去考差。总之，考与不考，皆无关紧要。考而得之，不过多得钱耳；考而不得，与不考同，亦未必不可支持度日。每年考差而三百余人，而得差者通共不过七十余人。故终身翰林屡次考差不得者，亦常有也，如我邑邓笔山、罗九峰是已。男只求平安，伏望堂上大人勿以得差为望。

四弟已写信言男病，男恐大人不放心，故特书此纸。

男谨禀 三月二十五日

94、颇厌官场求退不能

澄侯、温甫、子植、季洪四位老弟足下：

八月十二日发第十五号家信，九月二十二日发第十六号家信，想次第收到。十月初二接到澄弟八月二十六一书，具悉一切。是日又从岱云书内见南省题名录，三弟皆不与选，为之怅喟。

吾家累世积德，祖父及父、叔二人皆孝友仁厚，食其报者，宜不止我一人，此理之可信者。吾邑从前邓、罗诸家官阶较大，其昆季子孙皆无相继而起之人。此又事之不可必者。吾近于宦场，颇厌其繁俗而无补于国计民生。惟势之所处，求退不能。但愿得诸弟稍有进步，家中略有仰事之资，即思决志归养，以行吾素。今诸弟科第略迟，而吾在此间公私万事丛集，无人帮照。每一思之，未尝不作茫无畔岸之想也。吾现已定计于明年八月乞假归省，后年二月还京，专待家中回信详明见示。

今年父亲六十大寿，吾竟不克在家叩祝，悚疚之至。十月初四日，奉旨派作较射大臣。顺天武闱乡试，于初五六马箭，初七八步箭，初九十技勇，十一发榜，十二覆命。此八日皆入武闱，不克回寓。父亲寿辰，并不能如往年办面席以宴客也。然予既定计明年还家庆寿。则今年在京即不称觞，犹与吾乡重逢一不重晋十之例相合。

家中分赠亲族之钱，吾恐银到太迟，难于换钱，故前次为书寄德六七叔祖，并办百折裙送叔曾祖母。现在廷芳宇(桂)

尚未起行，大约年底乃可到湖南。若曾希六、陈体元二家必待照到乃送钱来，则我家今年窘矣。二家捐项，我在京共去京平足纹二百四十一两六钱，若合南中曹平，则当二百三十六两五钱。渠送钱若略少几千，我家不必与之争。盖丁酉之冬，非渠煤垆则万不能进京也。明年春间应寄家用之钱，乞暂以曾、陈捐项用之。我上半年只能寄鹿茸，下半年乃再寄银耳。

“皇清经解”一书，不知取回否？若未取回，可专人去取，盖此等书，诸弟略一涉猎，即扩见识，不宜轻以赠人也。明年小考，须送十千，大场又须送十千。此等钱家中有人分领，便是一家之祥瑞，但澄弟须于在省城时张罗此项付各考者，乃为及时。

京寓大小平安。纪泽儿已病两月，近日痊愈，今日已上书馆矣。纪鸿儿极结实，声音洪亮异常。仆婢辈皆守旧。同乡各家，亦皆无恙。邹墨林尚住我家。

张雨农之子闾艺佳而不得售，近又已作文数首，其勇往可畏爱也。

书不详尽，写此毕即赴武闾，十二始归寓。余俟后报。

国藩手草 十月初四日

95、黄河决口数十万生灵遭灾

澄侯、温甫、子植、季洪四位老弟左右：

八月二十日发家信第十号，想已收到。顷闰月初十日折弁来京，计其在省起行当在前月二十外，乃竟未接到家信。诸弟出闱后不惟不付文章，亦并不钞一题寄一信，何耶？或者已发而折弁未带，未可知也。

近来京寓平安，癖疾又微发。以兼署刑部，较为繁费。儿女辈皆如常，足慰堂上老人之垂念。惟近来有两件事不大快意。一件国事，系黄河于丰县北岸决口，数十万生灵罹此凶灾。目前扶恤固非易事，将来堵筑，非帑金数百万不可。且漕船尚未回空，水道中梗，恐致贻误，一件家事。诰封已于八月用宝，我家各轴竟尚未用。吾意思急急寄回，以博父母大人、叔父母大人之一欢。乃竟未领得，心焉负疚。去年请封时，系由礼部行文吏部，彼时曾与澄弟谈及。以为六部毕竟声势相通，办事较易。岂知不另托人不另给钱，则书办置之不议不论，遂将第一次用宝之期已误过矣。现在已另托夏阶平妥办，不知今夕尚用宝否？然父亲、叔父顶戴补服皆于服闋后即穿用一品服色，盖此以去年颁诏之日为定，不以授轴之日为定也。

顺天于初十日发榜，湖南中十一人。镜云中而予彦黜。一喜一惋。然子彦九月就婚蔚州，亦是大喜，小挫正无伤也。曹治山(熔)于闰月初歿于老馆，实为可怜。近来此等事，棺木之费皆我任之，颇觉拮据不给。然使无人任之，又岂可听其客死

无归？

耦庚先生之女，其德容言功，诸弟曾打听分明否？茶叶将近吃完，望即觅便再寄。做饼药巴巴之法，此间为之不善。澄弟可问明做法，写信来告知。江氏三家近况亦望详示，兰姊、惠妹二家不睦，将来不宜在一屋居住。即田地毗连，亦非所宜。予署刑部，大约十月可卸事，现在审办琦善一案，正为吃紧之时，予保养身体，自知慎重。诸弟稟知堂上大人，敬求放心。余俟续具。

兄国藩草 闰八月十二日

96、出任两江总督

澄侯四弟左右：

二十七日，蔡迎五来，拉弟及纪泽儿信，得知家中大小平安。余以二十八日奉署理两江总督之命，以精力极疲之际，肩艰大难胜之任，深恐竭蹶，贻笑大方，然时事如此，惟有勉力做去，成败祸福不敢计也。兹将廷谕抄寄。其应如何办法，候初四日专人送家信再行详报。

余欲纪泽来营，若走水路，则由岳州、湖北以至九江、湖口。（水路远而险，不如陆稳）。若走陆路，则由萍乡、万载、新昌、奉新以至吴城亦可，由平江、义宁以至吴城亦可。纪泽或于近日至长沙，接我初四日续信，再行东来省觐可也。

弟足疾好否？寿屏之约，日内不克还帐，且待秋后再看，余不一一，顺问日好。

国藩手草 四月二十九日

97、余蒙封侯爵太子太保

澄弟左右：

初三日在金陵寄信，想已接到。初十日接奉恩旨，余蒙封侯爵、太子太保，沅弟蒙封伯爵、太子少保，均赏双眼花翎，沅部李臣典子爵，肖孚泗男爵。殊恩异数。萃于一门。祖宗积累阴德，吾辈食此厚报，感激之余，弥增歉悚。沅弟五六月来辛苦迥异寻常，近日湿毒十愈其七，初十、十一、十二等日戏酒宴客，每日百余席，沅应酬周到，不以为苦。谚称“人逢喜事精神爽”，其信然欤！

余拟于七月下旬回皖，九月再来金陵，十一月举行江南乡试。沅弟拟九、十月回籍。各营应撤二万人，遣资尚无着也。顺问近好。

七月十四日

98、余决计不回江督之任

澄、沅弟左右：

八月初四日抵徐州府，接沅弟七月两缄并折稿二件。前颇以弟病甚深为虑，得此二缄，益为放心。年仅四十二岁，即再养二年，报国之日方长。此次固辞恩命，能认真调养年余，于保身之道、出处之节，均属斟酌妥善。特恐朝命敦促，不容久住林下耳，二折措辞均极得体。养病之期，总以养到自己能用心作奏时再行出山。接舫仙及各处信件，似前此谣诼之辞业已涣然冰释，尽可安心静摄。刘、朱撤营之早迟，金、唐各营之变否，余当细心料理，弟可概置不问。

余决计不回江督之任，拟于九月间将全眷送回家乡。郭宅姻事，拟于十二月初二日在湘阴成礼。顷有与泽与一信，抄寄弟阅。

八月初六日

99、恩准交卸钦差大臣关防

欧阳夫人左右

接纪泽儿各禀，知全眷平安抵家，夫人体气康健，至以为慰。余自八月以后，屡疏请告假开缺，幸蒙圣恩准交卸钦差大臣关防，尚令回江督本任。余病难于见客，难于阅文，不能复胜江督繁剧之任，仍当再三疏辞。但受恩深重，不忍遽请离营，即在周口养病，少泉接办。如军务日有起色，余明年或再回籍省墓一次。若久享山林之福，则恐不能。然办捻无劝。钦差交出，而恩眷仍不甚衰，已大幸矣。

家中遇祭酒菜，必须夫人妇女亲自经手。祭祀之器皿，另作一箱收之，平日不可动用。内而纺绩做小菜，外而蔬菜养鱼、款待人客，夫人均须留心，吾夫妇居尽行事，各房及子孙皆依以为榜样，不可不劳苦，不可不谨慎。近在京买参，每两去银二十五金，不知好否？兹寄一两与夫人服之。澄叔待兄与嫂诚极敬，我夫妇宜以诚敬待之，大小事丝毫不可瞒他，自然愈久愈亲。此问近好。

十二月初一日

100、乱世处大位为军民司命者人生之不幸耳

沅弟左右：

澄弟之孙元五殇亡，忧系之至。家中人口不甚兴旺，而后辈读书全未寻着门路，岂吾兄弟位高名大，遂将福分占尽耶？

接吴竹庄信，捻似尚未入皖境。闻巴河、武穴焚掠一空，鄂饷日绌，军事久不得手，弟之名望必且日损，深以为虑。

吾所过之处，千里萧条，民不聊生。当乱世处大位而为军民之司命者，殆人生之不幸耳，弟信云英气为之一阻，若兄则不特气阻而已，直觉无处不疚心，无目不惧祸也。

二月二十一日

101、居官不过偶然之事居家乃是长久之计

欧阳夫人左右：

自余回金陵后，诸事顺遂。惟天气亢旱，虽四月二十四、五月初三日两次甘雨，稻田尚不能栽插，深以为虑。科一出痘，非常危险，幸祖宗神灵庇佑，现已痊愈发体，变一结实模样。十五日满两个月后，即当遣之回家，计六月中旬可以抵湘。如体气日旺，七月中旬赴省乡试可也。

余精力日衰，总难多见人客。算命者常言十一月交癸运，即不吉利，余亦不愿久居此官，不欲再接家眷东来，夫人率儿妇辈在家，须事事立个一定章程。居官不过偶然之事，居家乃是长久之计，能从勤俭耕读上做出好规模，虽一旦罢官，尚不失为兴旺气象。若贪图衙门之热闹，不立家乡之基业。则罢官之后，便觉气象萧索。凡有盛必有衰，不可不预为之计。望夫人教训儿孙妇女，常常作家中无官之想，时时有谦恭省俭之意，则福泽悠久，余心大慰矣。余身体安好如常。惟眼蒙日甚，说话多则舌头蹇涩，左牙疼甚，而不甚动摇，不至遽脱，堪以告慰。顺问近好。

五月初五日午刻

102、宦途之险可窥一斑

澄、沅两弟左右：

近接澄第一信、沅第二信，具悉一切。兄自大阅归业，倏已兼旬。身体尚好，眩晕、疝气、脚肿诸症俱未复发。惟目蒙日甚，小便太密，无非以一衰字蔽之。

亲戚来此者龙三及从三之子俱已归去，仅有远房曰江福田者，留老湘营当勇。李健斋、曹镜初俱归，订明春复来。刘毅斋亦已告归。其欠饷十五余万，余已为之设法，约二年可以完清，渠甚以为感。盖寿卿固可敬，毅斋又极可爱，宜沅弟屡函思所以扶植之也。

王笛楼甥来祸寿。亦已返鄂。康侯拟于腊月旋归，因吾将以十一月二十二日迁新衙门，渠同移后始归也。历年有菲仪寄家乡族戚，今年亦稍为点缀。兹命彭芳四送去也，乞弟即为分致。毫末之情，如无补于各家之万一。

纪鸿拟以一子出嗣纪泽。余自十月半由苏、沪归来始闻其说，力赞成之。本月拟即写约告祖，不作活动之语。中和公出嗣添梓坪，因活动而生讼端，不知李少荃抚幼泉之子作呆笔耳。

筱荃至湖南查案，必于耑帅有碍。夔石既署抚篆，藩席另放吴公，则中台开缺已无疑义。耑帅和平明慎，不何同乡京僚何以啧啧评贬？宦途信可畏哉！顺问近好。

兄国藩手具 十一月初八日

103、为官卅载自认无德

澄、沅弟左右：

久未寄信，想弟望之殷殷。接澄弟二月初九湘潭发信，十四长沙发信。顷如九又带到一封。沅弟正月二十二之信附聂一峰信。正方十七交如九之信，均已玲悉，并承腊肉等件极多且佳，谢谢。科六侄之女二月初七夜殇故，虽亦为门庭之不祥，然幼女尚未周岁，究非已成了口可比，切勿过于郁损。

此间正月所生两孙俱已满月，小大平安。内人于二月十三日患病，初似温症，竟日发热谵语，十余天不愈。近日变为咳嗽，左手右腿肿疼异常，多方医调，迄无效验。余新患疝气疾，右肾偏坠，肿痛殊甚，旬日之后，渐见全愈。日内痛已渐止，立坐均不碍事矣。瑞臣、厚九均尚无差可委。此外来拢事者颇多，殊愧无以应之。

沅弟挈家移居长沙，不知即试馆旁之公馆否？住乡住城，各有好处，各有坏处。将来一二年后，仍望撤回二十四都，无轻去桑梓之邦为要。

省城之湘乡昭忠祠索匾字，自当写就寄去。惟目光昏蒙，字比往年更劣，徒供人讪笑耳。

澄弟目光亦坏，申酉至卯刻直是废人。不知两目同病乎？一目独苦乎？沅弟苏近五十，迩来目光何如？牙齿有落者否？夜间能坐至四五更不倦查？能竟夜熟睡不醒否？

刘同坡翁恤典一事，即日当查明，行知湖南本籍。刘文恪

公之后，至今尚有男子若干？光景尚不甚窘否？吾乡显宦之家，世泽绵延者本少。吾兄弟恭叨爵赏，亦望后嗣子孙读书敦品，略有成立，乃不负祖宗培植之德。吾自问服官三十余年，无一毫德泽及人，且愆咎丛积，恐罚及于后裔。老年痛自惩戒，思盖前愆。望两弟于吾之过失寄箴言，并望互相切磋，以勤俭自持，以忠恕教子，要令后辈洗净骄惰之气，各敦恭谨之风，庶几不坠家声耳。顺问近好。

国藩手具 三月初三日

104、兹开名条付吉望弟附案一保

沅浦九弟左右：

初九日发第十五号信交王得一，初十日王福起行赴吉安。王福、韩升侍我有年，均属难得之才。前此有孙福者，屡从我于危难，余在营本思附案一保，事不顺手，因未果行。兹开名条付吉，望弟附案一保。从我既久，众所共知，以保列武职为妥，免将来挂入弹章。丁义方亦系武职，求改文员，未之许也。渠等均恩文职，未虑后患，弟可便中略开导之。陈斌尚在后营否？前此保举甚不忧，若得便，可一借齿牙余芬，亦须察其近日立行何如耳。上次春二带回之银已交澄侯收到。余不一一，统俟续布。王福到恐在半月矣。

兄国藩草 四月初十日

羊城杜秀才所看之地二处。二十六日余请东阳叔祖往看，宽十同去，二十八日归来，东老以为决不可用。一在板仓，对河骑头者至十余棺之多，吾家安可葬其下乎？一在金瓶山，穴情全无阴阳分合，东老亦深非之。杜秀才被马踢其面，出血数碗，几濒于危，幸有好法师咸三和尚救之得愈。二十九日送之还永丰矣。渠寄信言金瓶山实佳域也，极口叫屈。吾欲自往亲看一次，然恐不出东老之说矣。此外实无地师可信者。弟言不必性急，此事日复一日，不知何时始得成就？兄涤生又及。

四月初十日

105、余恐不堪胜任朝廷之命

沅浦九弟左右：

二十七日在武昌发第二十五号信，不知何日可达？兄此出立有日记簿，记每日事件，兹抄附一览，可得其详。此后凡寄家书，皆以此法行之，庶逐一悉告，不至遗漏。

余于初二日至巴河晤温弟，初四日晤迪庵，初六日晤希庵，彭雪琴、唐义渠皆自下游来迎，可谓胜会。厚庵于六月十一日下攻芜湖，二十七日仍收队回至安庆，余至湖口或可一见。余与温弟、迪、希、雪、霞诸公商酌一切，皆已就绪，惟温、希、胡中丞之意，欲余于营盘附近另觅一县城驻扎，迪、霞之意欲即于营盘内驻扎，二者尚无定见。

报起程日期一折，初五日在巴河奉到朱批：“汝此次奉命即行，足征关心大局，忠勇可尚。俟到营日，将如何布置进剿机宜由驿具奏可也。钦此”。圣恩奖借，报称维艰，精力日亏，恐不堪事。只望吉安克复，弟早来浙中相助。则兄诸事得以整理矣。古来围城亦有三五年不破者，吉贼无路可窜，势不能不尽力死守，望弟勿过于焦急，总宜静心忍耐。至要至要。

在湖北时，胡中函以鹿茸二架见惠，服之颇有效。近日身体平善，勿以为念。顺问近好。

国藩手具 七月初七日兰溪发

106、余深痛恨官不为民

沅、季弟左右：

初二日专丁到，接二十八夜之缄，具悉一切。

东流在江边，周万倬一营驻焉，向归厚庵调遣。建德在山内，去江五十里，普钦堂全军驻焉，向归江西调遣。曾得胜者，普部九营中之一营也。池州贼来东流，则畏水师。若至建德，并不与水师相干，全调普军则可，专调曾营则不可。弟屡指调该营，不知何人所说，似不甚当于事理。兄目下实无以应弟之请，谅之。

长濠用民夫，断非陈米千石所可了，必须费银数千。此等大处，兄却不肯吝借。有人言莫善徵声名狼藉，既酷且贪，弟细细查明。凡养民以为民，设官亦为民也，官不爱民，余所痛恨。

宁国尚未解围，闻贼将以大队救安庆，南岸似可渐松。南坡信大有可采，此人真有干济之才，可敬可敬！家信四件附还。

七月初三夜

107、报国总求实浮于名劳浮于赏才浮于事

沅弟左右：

陈栋之勇，除已至金陵三营外，尚有九营。吾昨令营务处点名，共四千六百余人。闻精壮者不甚多，可汰者占三分之一。余札拨二营与鲍春霆，拨一营与朱云岩，以六营归弟处。若果汰去三分之一，则可挑存四营，其余或令全坐原船遣归，或酌留数百作为余勇，听弟裁度。

昨奉年终颁赏福字、荷包、食物之类，闻弟有一分，春霆亦有一分，此系特恩。吾兄弟报国之道，总求实浮于名，劳浮于赏，才浮于事。从此三句切实切实做去，或者免于大戾。

正月初三日

108、身为高官宜稳妥处世

沅弟左右

二十五日接弟二十日信，商参郭军门之事。十九日寄谕已言郭松林受伤甚重，曾某恐不能当此重咎云云。吾意即弟研发之折，不知系谭公所发。其中有请恤数员，是否即子美之部将？初六日之战，弟于正月再奏参究，似嫌稍迟。最轻则拔去花翎，革去勇号，稍重则褫去黄马褂，再重则请以总兵副将降补。一开提督实缺，即与革职无异，是最重矣。或重或轻，听弟斟酌，但不可请交部议处，恐轻则全无分晓，重则革职也。弟此后必须加意选将练兵。参郭之应轻应重，但求有益于将来之军事，轻而无益犹可为之。重而无益不可为也。

本日阅邸抄，胡、张革职留任。四年过无过，方准开复。胡不准在军机大臣上学习行走，计顺斋处分亦必不甚轻松。吾兄弟位太高，名太重，必须军务办得结实，乃不为见仇者所快。余虽决计不作星使、江督两席，然到徐州后认真讲求操练马队。弟请处分，亦不过言调度无方交部议处而已。而当兹挫衄之后，正宜力戒自是，专求破捻之法。思之恩之，鬼神通之，弟其勉之。顺问近好。

十二月二十五日

109、不救破贼先求自立不败

沅弟左右：

武明良栗阅过。渠称贼在八都山掳船，潜渡建、东，似尚未知建德十五失守之事。八都山来东流之路，当飭水营查哨。艇船至安庆卸载，想即洋船也，东路旱营及对岸水营当见之也，望弟详查而商之水营办理。

昨夜一緘未发。本日午刻接弟十九夜一緘，具悉一切。鲍、成既已扎得稳，甚慰甚慰。此时不求破贼，且先求自立不败之地。书部千人既到，二日内即当调云岩回南岸。洋酋日内尚未来会，若会晤时，当以人礼待之，不以鬼礼待之，能否断安庆接济，则相机再商耳。复左信抄阅。各件付还。

四月二十日午刻

110、一波未平一波复起宦海真可畏耳

澄、沅弟左右：

接两弟闰五月信，知沅弟大复大病。久劳久病之躯，又多服攻伐之剂，殊为悬虑。

次日接奉六月十八日寄谕，沅弟已拜山西巡抚之命。既感天恩高厚，不为浮言所摇，予以最称完善富庶之区，又虞沅体尚未复元，恐不宜遽出任此劳勋。计湘乡奉到谕旨，不过七月。沅病若已大愈，应诏赴晋，则七月初旬当具折谢恩，自请进京陛见，再履新任；若尚未痊愈，稍为调养，再行北上。计拜折之期，不及待兄此次之信耳。

山西号称富国。然年来京饷，全以该省为大宗，罄金尚未办动，入款较道不年间不见增多，出款则较昔日增。去京极近，银钱丝毫皆户部所深知。沅弟有手笔太廓之名，既为安静省分督抚，则正杂各款不能不谨慎节俭、丝丝入扣。

外间拟弟再出，当系军务棘手之处。此时山西虽无寇警，而圣意虑捻匪入晋，逼近畿辅。弟到任，似宜多带得力将军，勇丁则就近在晋招募。南人不惯面食，晋中尤无稻米可买，不似直东，尚可由大海及运河设法也。弟进说，可由安庆登陆，至徐州与兄相会，论一切。

闻钦差至山西，实系至陕查办霞仙之事。一波未平，一波复起，宦海真可畏耳。

六月二十四日

111、王政不能有恩而无威

澄、沅弟左右：

正月七日王幼山来，接两弟十月中旬信，初十日又接十一月二十七日专勇回信，具悉一切。

此间近状平发。捻匪任、赖等股窜至黄州一带，已派刘铭传一军九千人援鄂。其张总愚一股，闻又由襄樊回窜豫境，李幼泉一军定于十九日起程赴豫剿办。刘松山一军现已调至徐州，将来令其合吉中八营为一路，作为游击之师，剿鄂皖交界之贼，从渠等之所愿也。

沅弟出处大计，余腊月十五日信六分劝藏，四分劝行，而以久藏之不易，又嘱沅内断于心，自为主持。至腊月二十五、正月初六两信，则专劝弟出山，盖终不免于一出，不如假满即出之，最为体面也。惟决计出山，则不可再请续假，恐不讥为自装身份太重也。余此信已为定论，下次不再商矣。

沅弟以余待朱、唐等稍失之薄，余心亦觉不甚安估。然天道不能有舒而无惨，王政不能有恩而无威。近日劾吴少村及驱逐在徐之王、刁两团数千人全回山东，亦似稍失之薄，而非此实办不动也。

夹袋中并无新储之才，惟幼泉及张敬堂较优，不知果有所建树否？顺问近好。

正月十五日

112、楼高易倒树高易折

沅弟左右：

二十三日接弟十八日信，欣悉甲五、科三两侄于初一、初四均得生子，先大夫于十日内得三曾孙。余近年他无所求，惟盼家中添丁，心甚拳拳，今乃喜溢望外。弟之有功于家，不仅谋葬祖父一事，然此亦大功之昭著者。即越级超保，亦必不干部驳也。来汝会昭一节，尽可置之缓图。顺斋排行一节，亦请暂置缓图。此等事幸而获胜，而众人耿耿环伺，必欲寻隙一泄其忿。彼不能报复，而众人若皆思代彼报复者。吾阅世最久，见些甚明。寄云一疏而参抚，黄藩又一片而保抚，郭臬、李非不快意，当时即闻外议不平。其后小蘧果代黄报复，而云仙亦与毛水火，寄云近颇悔之。吾参竹伯时，小蘧亦代为不平，至今尚痛低吾兄弟。去冬查办案内，密片参吴少村，河南司道颇为不平，后任亦极隔阂。陈、黄非无可参之罪，余与毛之位望积累，尚不足以参之，火候未到，所谓燕有可伐之罪，齐非伐燕之人也。以弟而陈顺斋排行，亦是火候未到，代渠思报复者必群起矣。苟公事不十分掣肘，保必下此辣手？沅之紫三本家于余处颇多掣肘，余顷以密片保全之，抄付弟览。吾兄弟位高功高，名望亦高，中外指目为第一家。楼高易倒，树高易折。吾与弟时时有可危之机。专讲宽平谦巽，庶几高而不危。弟谋为此举，则人指为恃武功，恃圣眷，恃门弟，而巍巍招风之象见矣。请缓图之。

春霆何以缺饷？每月十一万五千，渠究竟有亏空否？请细查见示。余拟定霆军饷项单，两次咨弟，曾细阅否？顺问近好。

再，星冈公教人常言：“晓得下塘，须要晓得上岸。”又云：“怕临老打扫脚棍。”兄衰年多病，位高名重，深虑打扫脚棍，蹈陆、叶、何、黄之覆辙。自金陵告克后，常思退休藏拙。三年秋冬，应让弟先归。四年夏间，僧邸殉难，中外责望在余，万难推卸。又各勇遣撤未毕，不得不徘徊审慎。今年弟既复出，兄即思退。逮大暑病瘦之后，言路又有避贼而行之劾。决计引归。拟八九月请假二次，十月开缺。今群捻东窜，贼情大变，恐又不能遽如吾意。弟若直陈顺斋排行，则人皆疑足弟熟商而行。百喙无以自解，而兄愈不能轻轻引退矣。望弟平平和和作一二年，送阿兄上岸后，再行轰轰烈烈做去。至嘱至嘱。

胡润帅奉朱批不准专衔奏军事，其愠气百倍于弟今日也，幸稍耐焉。兄又手致。

八月二十四夜

冰 鉴

第一神骨

语云：“脱谷为糠，其髓斯存”，神之谓也。“山蹇不崩，唯百为镇”，骨之谓也。一身精神，具乎两目；一身骨相，具乎面部。他家兼论形骸，文人先观神骨。开门见山，此为第一。

[译文]

俗话说：“去掉稻谷的外壳，就是没有多大用途的谷糠，但稻谷的精华——米，仍然存在着，不会因外壳磨损而丢失。”这个精华，用在人身上，就是一个人的内在精神状态。

俗话又说：“山岳表面的泥土虽然经常脱落流失，但它却不会倒塌破碎，因为它的主体部分是硬如钢铁的岩石，不会被风吹雨打去。”这里所说的“镇石”，相当于一个人身上最坚硬的部分——骨骼。

一个人的精神状态，主要集中在他的两只眼睛里；一个人的骨骼丰俊，主要集中在他的一张面孔上。像工人、农民、商人、军士等各类人员，既要观他们的内在精神状态，又要考察他们的体势情态。作为以文为主的读书人，主要看他们的精神状态和骨骼丰俊与否。精神和骨骼就像两扇大门，命运就像深藏于内的各种宝藏物品，察看人们的精神和骨骼，就相当于去打开两扇大门。门打开之后，自然可以发现里面的宝藏物品，而测知人的气质了。两扇大门——精神和骨骼，是观人的第一

要诀。

文人论神，有清浊之辨。清浊易辨，邪正难辨。欲辨邪正，先观动静；静若含珠，动若木发；静若无人，动若赴的，此为澄清到底。静若萤光，动若流水，尖巧而喜淫；静若半睡，动若鹿骇，别人而深思。一为败器，一为隐流，均之托迹于清，不可不辨。

[译文]

古之医家、文人、养生者在研究、观察人的“神”时，一般都把“神”分为清纯与昏浊两种类型。“神”的清纯与昏浊是比较容易区别的，但因为清纯又有奸邪与忠直之分，这奸邪与忠直则不容易分辨。要考察一个人是奸邪还是忠直，应先看他处于动静两种状态下的表现。眼睛处于静态之时，目光安详沉稳而又有光，真情深蕴，宛如两颗晶亮的明珠，含而不露；处于动态之时，眼中精光闪烁，敏锐犀利，就如春木抽出的新芽。双眼处于静态之时，目光清明沉稳，旁若无人。处于动态之时，目光暗藏杀机，锋芒外露，宛如瞄准目标，一发中的，待弦而发。以上两种神情，澄明清澈，属于纯正的神情。两眼处于静态的时候，目光有如萤火虫之光，微弱而闪烁不定；处于动态的时候，目光有如流动之水，虽然澄清却游移不定。以上两种目光，一是善于伪饰的神情，一是奸心内萌的神情。两眼处于静态的时候，目光似睡非睡，似醒非醒；处于动态的时候，目光总是像惊鹿一样惶惶不安。以上两种目光，一则是智有能而不循正道的神情，一则是深谋图巧又怕别人窥见他的内心的神情。具有前两种神情者多是有瑕疵之辈，具有后两种神情者则是含而不发之人，都属于奸邪神情。可是它们却混杂在清纯的神情之中，这是观神时必须仔细加以辨别的。

凡精神，抖擞处易见，断续处难见。断者出处断，续者闭

处续。道家所谓“收拾入门”之说，不了处看其脱略，做了处看其针线。小心者，从其不了处看之，疏节阔目，若不经意，所谓脱略也。大胆者，从其做了处看之，慎重周密，无有苟且，所谓针线也。二者实看向内处，稍移外便落情态矣，情态易见。

[译文]

一般来说，观察识别人的精神状态，那种只是在那里故作振作者，是比较容易识别的，而那种看起来似乎是在那里故作抖擞，又可能是真的精神振作，则就比较难于识别了。精神不足，即便它是故作振作并表现于外，但不足的特征是掩盖不了的。而精神有余，则是由于它是自然流露并蕴含于内。道家有所谓“收拾入门”之说，用于观“神”，要领是：尚未“收拾入门”，要着重看人的轻慢不拘，已经“收拾入门”，则要着重看人的精细周密。对于小心谨慎的人，要从尚未“收拾入门”的时候去看他，这样就可以发现，他愈是小心谨慎，他的举动就愈是不精细，欠周密，总好像漫不经心，这种精神状态，就是所谓的轻慢不拘；对于率直豪放的人，要从已经“收拾入门”的时候去看他，这样就可以发现，他愈是率直豪放，他的举动就愈是慎重周密，做什么都一丝不苟，这种精神状态，实际上都存在于内心世界，但是它们只要稍微向外一流露，立刻就会变为情态，而情态则是比较容易看到的。

骨有九起：天庭骨隆起，枕骨强起，顶骨平起，佐串骨角起，太阳骨线起，眉骨伏犀起，鼻骨芽起，颧骨若不得而起，项骨平伏起。在头，以天庭骨、枕骨、太阳骨为主；在面，以眉骨、颧骨为主。五者备，柱石之器也；一，则不穷；二，则不贱；三，则动履稍胜；四，则贵矣。

[译文]

九贵骨各有各的姿势：天庭骨丰隆饱满；枕骨充实显露；

顶骨平正而突兀；佐串骨像角一样斜斜而上，直入发际；太阳骨直线上升；眉骨骨棱显而不露，隐隐约约像犀角平伏在那里；鼻骨状如芦笋竹芽，挺技而起；颧骨有力有势，又不陷不露；项骨平伏厚实，又约显约露。看头部的骨相，主要看天庭、枕骨、太阳骨这三处关键部位；看面部的骨相，则主要看眉骨、颧骨这两处关键部分。如果以上五种骨相完美无缺，此人一定是国家的栋梁之材；如果只具备其中的一种，此人便终生不会贫穷；如果能具备其中的两种，此人便终生不会卑贱；如果能具备其中的三种，此人只要有所作为，就会发达起来；如果能具备其中的四种，此人一定会显贵。

骨有色，面以青为贵，“少年公卿半青面”是也。紫次之，白斯下矣。骨有质，头以联者为贵。碎次之。总之，头上无恶骨，面佳不如头佳。然大而缺天庭，终是贱品；圆而无串骨，半是孤僧；鼻骨犯眉，堂上不寿。颧骨与眼争，子嗣不立。此中贵贱，有毫厘千里之辨。

[译文]

骨有不同的颜色，面部颜色，则以青色最为高贵。俗话说“少年公卿半青面”，就是这个意思。黄中透红的紫色比青色略次一等，面如枯骨着粉白色则是最下等的颜色。

骨有一定的气势，头部骨骼以相互关联、气势贯通最为高贵，互不贯通、支离散乱则略次一等。总之，只要头上没有恶骨，就是面再好也不如头好。然而，如果头大而天庭骨却不丰隆，终是卑贱的品位；如果头圆而佐串骨却隐伏不见，多半要成为僧人；如果鼻骨冲犯两眉，父母必不长寿；如果颧骨紧贴眼尾而颧峰凌眼，必无子孙后代。这里的富贵与贫贱差别，有如毫厘之短与千里之长，是非常大的。

第二刚柔

既识神骨，当辨刚柔。刚柔，则五行生克之数，名曰“先天种子”，不足用补，有余用泄。消息与命相通，此其较然易见者。

[译文]

已经鉴识神骨之后，应当进一步辨别刚柔。刚柔是五行生克的道理，道家叫做“先天种子”，不足的增补它，有余的消泄它，使之刚柔平衡，五行如谐，盈虚损益与人的命运相通，这是在对比中就能很容易发现的信息。

五行有合法，木合火，水合木，此顺而合。顺者多富，即贵亦在浮沉之间。金与火仇，有时合火，推之水土者皆然，此逆而合者，其贵非常。然所谓逆合者，金形带火则然，火形带金，则三十死矣；水形带土则然，土形带水，则孤寡终老矣；木形带金则然，金形带木，则刀剑随身矣。此外牵合，俱是杂格，不入文人正论。

[译文]

五行之间具有相生相克相仇关系，这种关系称为“合”，而“合”又有顺合与逆合之分，如木生火、水生木，金生水，土生金，火生土，这辗转相生就是顺合。顺合之相中多会致富，但是却不会得贵，即便偶然得贵，也总是浮浮沉沉、升升降降，难于保持永久。金仇火，有时火与金又相辅相成，如金无火炼不成器的道理一样，类而推之，水与土等等之间的关系都是这样，这就是逆合，这种逆合之相非常高贵。然而在上述的逆合

之相中，如果是金形人带有火形之相，便非常高贵，相反，如果是火形人带有金形之相，那么年龄到了30岁就会死亡；如果是水形人带有土形之相，便会非常高贵，相反，如果是土形人带有水形之相，那么就会一辈子孤寡无依；如果是木形人带有金形之相，便会非常高贵，相反，如果是金形人带有木形之相，那么就会有刀剑之灾，杀身之祸。至于除此之外的那些牵强附会的说法，都是杂凑的模式，不能归入文人的正宗理论。

五行为外刚柔，内刚柔，则喜怒、跳伏、深浅者是也。喜高怒重，过目辄忘，近“粗”。伏亦不伉，跳亦不扬，近“蠢”。初念甚浅，转念甚深，近“奸”。内奸者，功名可期。粗蠢各半者，胜人以寿。纯奸能豁达，其人终成。纯粗无周密，半途必弃。观人所忽，十有九八矣。

[译文]

前面所说的五行，是人的阳刚和阴柔之气的外在表现，即是所谓“外刚柔”。除了外刚柔之外，还有内刚柔。内刚柔指的是人的喜怒哀乐的感情、激动或平静的情绪和有时深、有时浅的心机或城府。遇到令人高兴的事，乐不可支，遇到令人恼怒的事情，就怒不可遏，而且事情一过就忘得一干二净，这种人阳刚之气太盛，其气质接近于“粗鲁”。平静的时候没有一点张扬之气，激动的时候也昂扬不起来，这种人阴柔之气太盛，其气质接近于“愚蠢”。遇到事情，初一考虑，看起来想得似乎很肤浅，然而一转念，想得又非常深入和精细。这种人阳刚与阴柔并济，其气质接近于“奸诈”。凡属内藏奸诈的人外柔内刚，遇事能进能退，能屈能伸，日后必有一番功业和名声可以成就。既粗鲁又愚蠢的人，刚柔皆能支配其心，使他们乐天知命，因此其寿命往往超过常人。纯奸的人——即大奸大

诈者，其心能反过来支配刚柔，遇事往往能以退为进，以顺迎逆，这种人最终会获得事业的成功。那种外表举止粗鲁，内心气质也粗鲁的人，只是一味地刚，做起事未必定要半途而废。——以上这一点，也就是“内刚柔”，往往被忽视，而且一般人十有八九都犯这个毛病。

第三容貌

容以七尺为期，貌合两仪而论。胸腹手足，实接五行；耳目口鼻，全通四气。相顾相称，则福生；如背如凑，则林林总总，不足论也。

[译文]

凡是观人形貌，观姿容以七尺躯体为限度，看面貌则以两只眼睛来评断。人的胸腹手足，对应都和五行——即金、木、水、火、土相互关系，都有它们的某种属性和特征；人的耳目口鼻，都和四气——即春、夏、秋、冬四时之气相互贯通，也具有它们的某种属性和特征。人体的各个部位，如果相互照应、匹配，彼此对称、协调，那么就会为人带来福分，而如果相互背离或彼此拥挤，使相貌显得乱七八糟支离破碎，其命运就不值一提了。

容贵“整”，“整”非整齐之谓。短不豕蹲，长不茅立，肥不熊餐，瘦不鹄寒，所谓“整”也。背宜圆厚，腹宜突坦，手宜温软，曲若弯弓，足宜丰满，下宜藏蛋，所谓“整”也。五短多贵，两大不扬，负重高官，鼠行好利，此为定格。他如手长于身，身过于体，配以佳骨，定主封侯；罗纹满身，胸有秀骨，配以妙神，不拜相即鼎甲矣。

[译文]

人的姿容可贵之处就在于“整”，这个“整”并非整齐划一的意思，而是要人整个身体的各个组成部分要均衡、匀称，使之构成一个有机的完美的整体，就身材而言，人的个子可以

矮但不要矮得像一头蹲着的猪；个子也可以高，但绝不能像一棵孤单的茅草那样耸立着。从体形来看，体态可以胖，但又不能胖得像一头贪吃的熊一样的臃肿；体态瘦也不妨，但又不能瘦得如同一只寒鸦那样单薄。这些就是本节所说的“整”。再从身体各部位来看，背部要浑圆而厚实，腹部要突出而平坦，手要温润柔软，手掌则要弯曲如弓。脚背要丰厚饱满，脚心要空，空到能藏下鸡蛋则佳，这也是所谓的“整”。五短身体虽看似不甚了了，却大多地位高贵，两腿长得过分的长往往命运不佳。一个人走起路来如同背了重物，那么此人必定有高官之运，走路若像老鼠般步子细碎急促，两眼又左顾右盼且目光闪烁不定者，必是贪财好利之徒。这些都是固定格局，屡试不爽。还有其他的格局：如两手长于上身(最好超过膝盖)，上身比下身长，再有着一副上佳之骨，那么一定会有公侯之封。再如皮肤细腻柔润，就好像绫罗布满全身。胸部骨骼又隐而不现，文秀别致，再有一副奇佳的神态的话，日后必然志向远大。

貌有清、古、奇、秀之别，总之须看科名星与阴鹭纹为主。科名星，十三岁至三十九岁随时而见；阴鹭纹，十九岁至四十六岁随时而见。二者全，大物也；得一亦贵。科名星见于印堂眉彩，时隐时见，或为钢针，或为小丸，尝有光气，酒后及发怒时易见。阴鹭纹见于眼角，阴雨便见，如三叉样，假寐时最易见。得科名星者早荣，得阴鹭纹者迟发。二者全无，前程莫问。阴鹭纹见于喉间，又主生贵子；杂路不在此路。

[译文]

人的面貌之相有清秀、古朴、奇伟、秀致的分别。这四种相貌主要以科名星和阴鹭纹为主去辨别，科名星在十三岁到三十九岁这段时间随时都可以看到，阴鹭纹，在十九岁到四十六岁这段时间也可随时看见。阴鹭纹和科名星这两样都俱备的话，

将来会成为人物，能够得到其中一样，也会富贵。科名星显现在印堂和眉彩之间，有时会出现，有时又隐藏不现，形状有时像钢针，有时如小球，是一种红光紫气。在喝酒之后和发怒时容易看见，阴鹭纹出现在眼角之处，遇到阴天或下雨天便能看见，像三股叉的样子。在人快要睡着的时候最容易看见。有科名星者，少年时就会发达荣耀，有阴鹭纹者，发迹的时间要晚一些。两者都没有的话，前程就别问了。另外，阴鹭纹若现于咽喉部位，主人喜得贵子。若阴鹭纹出现在其他部位，则不能这样断定，也就是不一定会得贵子。

目者面之渊，不深则不清。鼻者面之山，不高则不灵。口阔而方禄千种，齿多而圆不家食。眼角入鬓，必掌刑名。顶见于面，终司钱谷：出贵征也。舌脱无官，橘皮不显。文人有伤左目，鹰鼻动便食人：此贱征也。

[译文]

人的眼睛如同面部的两方水潭，神气不深沉含蓄，面部就不会清朗明爽。鼻子如同支撑面部的山脉，鼻梁不挺拔，准头不丰圆，面部就不会现机灵聪慧之气。嘴巴宽阔又方正，主人有享千钟之福禄，牙齿细小而圆润，适合在外地发展事业。两眼秀长并插至鬓发处者，必掌司法大权，秃发谢顶而使头与面额相连，无限界，能掌财政大权。口吃者无官运。面部肌肤粗糙如桔子皮的人不会发达。文人若左眼有伤那么文星陷落而无所作为。鼻子如鹰嘴的人，必定内心阴险狠毒，喜伤人，(后面)这些都是贫贱的征兆。

第四情态

容貌者，骨之余，常佐骨之不足。情态者，神之余，常佐神之不足。久注观人精神，乍见观人情态。大家举止，羞涩亦佳；小儿行藏，跳叫愈失。大旨亦辨清浊，细处兼论取舍。

[译文]

一个人的容貌是其骨骼状态的余韵，常常能够弥补骨骼的缺陷。情态是精神的流韵，常常能够弥补精神的不足。久久注目，要着重看人的精神；乍一放眼，则要首先看人的情态。凡属大家——如高官显宦、硕儒高僧的举止动作，即使是羞涩之态，也不失为一种佳相；而凡属小儿举动，如市井小民的哭哭笑笑、又跳又叫，愈是矫揉造作，反而愈是显得幼稚粗俗。看人的情态，对于大处当然也要分辨清浊，而对细处则不但要分辨清浊，而且还要分辨主次方可做出取舍。

有弱态，有狂态，有疏懒态，有周旋态。飞鸟依人，情致婉转，此弱态也。不衫不履，旁若无人，此狂态也。坐止自如，问答随意，此疏懒态也。饰其中机，不苟言笑，察言观色，趋吉避凶，则周旋态也。皆根其情，不由矫枉。弱而不媚，狂而不哗，疏懒而真诚，周旋而健举，皆能成器；反之，败类也。大概亦得二三矣。

[译文]

常见的情态有以下四种：委婉柔弱的弱态，狂放不羁的狂态，怠慢懒散的疏懒态，交际圆滑周到的周旋态。如小鸟依依，情致婉转，娇柔亲切，这就是弱态；衣着不整，不修边幅，恃

才傲物，目空一切，旁若无人，这就是狂态；想做什么就做什么，想怎么说就怎么说，不分场合，不论忌宜，这就是疏懒态；把心机深深地掩藏起来，处处察颜观色，事事趋吉避凶，与人接触圆滑周到，这就是周旋态。这些情态，都来自于内心的真情实性，不由人任意虚饰造作。委婉柔弱而不曲意谄媚，狂放不羁而不喧哗取闹，怠慢懒散却坦诚纯真，交际圆润却强干豪雄，日后都能成为有用之材；反之，即委婉柔弱又曲意谄媚，狂放不羁而又喧哗取闹，怠慢懒散却不坦诚纯真，交际圆滑却不强干豪雄，日后都会沦为无用的废物。情态变化不定，难于准确把握，不过只要看到其大致情形，日后谁会成为有用之材，谁会沦为无用的废物，也能看出个二三成。

前者恒态，又有时态。方有对谈，神忽他往；众方称言，此独冷笑；深险难近，不足与论情。言不必当，极口称是，未交此人，故意底毁；卑庸可耻，不足与论事。漫无可否，临事迟回；不甚关情，亦为堕泪。妇人之仁，不足与谈心。三者不必定人终身。反此以求，可以交天下士。

[译文]

前一章所说的，是在人们生活中经常出现的情态，称之为“恒态”。除此之外，还有几种情态，是不经常出现的，称之为“时态”。如正在跟人进行交谈时，他却忽然把目光和思路转向其他地方去了，足见这种人毫无诚意；在众人言笑正欢的时候，他却在一旁漠然冷笑，足见这种人冷峻寡情。这类人城府深沉，居心险恶，不能跟他们建立友情；别人发表的意见未必完全妥当，他却在一旁连声附和，足见此人胸无定见；还没有跟这个人打交道，他却背后对人家进行恶意诽谤和诬蔑，足见此人信口开河，不负责任。这类人庸俗下流，卑鄙可耻，不能跟他们合作共事；无论遇到什么事情都不置可否，而一旦

事到临头就迟疑不决，犹豫不前，足见此人优柔寡断；遇到一件根本不值得大动感情的事情，他却伤心落泪，大动感情，足见此人缺乏理智。这类人的仁慈纯属“妇人之仁”，不能跟他们推诚交心。然而以上三种情态却不一定能够决定一个人终身的命运。如果能够反以上三种人而求之，那么就几乎可以遍交天下之士了。

第五须眉

“须眉男子”。未有须眉不具可称男子者。“少年两道眉，临老一付须。”此言眉主早成，须主晚运也。然而紫面无须自贵，暴腮缺须亦荣：郭令公半部不全，霍骠骠一副寡脸。此等间逢，毕竟有须眉者，十之九也。

[译文]

人们常说“须眉男子”，这就是将须眉作为男子的代名词。事实上也的确如此，因为还没有见过既无胡须又无眉毛的人而称为是男子。人们还常说：“少年两道眉，临老一付须”。这两句话则是说，一个人少年时的命运如何，是要看眉毛的相，而晚年运气怎么样，则以看胡须为主。但是也有例外，脸面呈紫气，即使没有胡须，地位也会高贵；两腮突露者，就算胡须稀少，也能够声名显达；郭子仪虽然胡须稀疏，却住极人臣，富甲天下；霍去病虽然没有胡须，只是一副寡脸相，却功高盖世。但这种情况，不过只是偶然碰到，毕竟有胡须有眉毛的人，占百分之九十以上。

眉尚彩，彩者，杪处反光也。贵人有三层彩，有一二层者。所谓“文明气象”，宜疏爽不宜凝滞。一望有乘风翔舞之势，上也；如泼墨者，最下。倒竖者，上也；下垂者，最下。长有起伏，短有神气；浓忌浮光，淡忌枯索。如剑者掌兵权，如帚者赴法场。个中亦有征范，不可不辨。但如压眼不利，散乱多忧，细而带媚，粗而无文，是最下乘。

[译文]

眉崇尚光彩，而所谓的光彩，就是眉毛梢部闪现出的亮光。富贵的人，他眉毛的根处、中处、梢处共有三层光彩，当然有的只有两层，有的只有一层，通常所说的“文明之象”指的就是眉毛要疏密有致、清秀润朗，不要厚重呆板，又浓又密。远远望去，象两只凤在乘风翱翔，如一对龙在乘风飞舞，这就是上佳的眉相。如果象一团散漫的墨汁，则是最下等的眉相。双眉倒竖，呈倒八字形，是好的眉相。又眉下垂，呈八字形，是下等的相，眉毛如果比较长，就得要有起伏，如果比较短，就应该昂然有神，眉毛如果浓，不应该有虚浮的光，眉毛如果淡，切忌形状象一条干枯的绳子。双眉如果象两把锋利的宝剑，必将成为统领三军的将帅，而双眉如果象两把破旧的扫帚，则会有杀身之祸。另外，这里面，还有各种其他的迹象和征兆，不可不认真地加以辨识。但是，如果眉毛过长并压迫着双眼，使目光显得迟滞不利，眉毛散乱无序，使目光显得忧劳无神，眉形过于纤细并带有媚态，眉形过于粗阔，使其没有文秀之气，这些都是属于最下等的眉相。

须有多寡，取其与眉相称。多者，宜清、宜疏、宜缩、宜参差不齐；少者，宜光、宜健、宜圆、宜有情照顾。卷如螺纹，聪明豁达；长如解索，风流荣显；劲如张戟，位高权重；亮若银条，早登廊庙，皆宦途大器。紫须剑眉，声音洪壮；蓬然虬乱，尝见耳后，配以神骨清奇，不千里封侯，亦十年拜相。他如“辅须先长终不利”、“人中不见一世穷”、“鼻毛接须多滞晦”、“短髭遮口饿终身”，此其显而可见者耳。

[译文]

胡须，有的人多，有的人少，无论是多还是少，都要与眉毛相和谐，相匹配。胡须多的应该清秀流畅，疏爽明朗，不直不硬，并且长短分明有致。胡须少的，就要润泽光亮，刚健挺

直，气韵十足，并与其他部位相互照应。胡须如果象螺丝一样的弯曲，这人一定聪明，目光高远，豁然大度。胡须细长的，象磨损的绳子一样到处是细弯小曲，这种人生性风流倜傥，却没有淫乱之心，将来一定能名高位显。胡须刚劲有力，如一把张开的利戟，这种人将来一定当大官，掌重权。胡须清新明朗，象闪闪发光的银条，这种人年纪轻轻就为朝中大臣。以上这些都是仕途官场上的大材大器的人物。如果人的胡须是紫色，眉毛如利剑，声音洪亮粗壮。胡须象虬那样蓬松劲挺散乱，而且有对还长到耳朵后边去，这样的胡须，再有一副清爽和英俊的骨骼与精神。即使封不了千里之候，也能当十年的宰相。其他的胡须，如辅须先长出来，终究没有好处。人中没有胡须，一辈子受苦受穷。鼻毛连接胡须，命运不顺利，前景暗然。短髭长大了而遮住了嘴，一辈子忍饥挨饿等等。这些胡须的凶象，是显而易见的，这里，就用不着详细论述了。

第六声音

人之声音，犹天地之气，轻清上浮，重浊下坠。始于丹田，发于喉，转于舌，辨于齿，出于唇，实与五音相配。取其自成一家，不必一一合调，闻声相思，其人斯在，宁必一见决英雄哉！

[译文]

人的声音，跟天地之间的阴阳五行之气一样，也有清浊之分，清者轻而上扬，浊者重而下坠。声音起始于丹田，在喉头发出声响，至舌头那里发生转化，在牙齿那里发生清浊之变，最后经由嘴唇发出去，这一切都与宫、商、角、徵、羽五音密切配合。看相识人的时候，听人的声音，要去辨识其独具一格之处，不一定完全与五音相符合，但是只要听到声音就要想到这个人，这样就会闻其声而知其人，所以不一定见到其人的庐山真面目才能看出他究竟是个英才还是庸才。

声与音不同。声主“张”，寻发处见；音主“敛”，寻歇处见。辨声之法，必辨喜怒哀乐；喜如折竹，怒如阴雷起地，哀如击薄冰，乐如雪舞风前，大概以“轻清”为上。声雄者，如钟则贵，如锣则贱；声雌者，如雉鸣则贵，如蛙鸣则贱。远听声雄，近听悠扬，起若乘风，止如拍琴，上上。“大言不张唇，细言不露齿”，上也，出而不返，荒郊牛鸣。急而不达，深夜鼠嚼；或字句相联，喋喋利口；或齿喉隔断，啾啾混谈：市井之夫，何足比较？

[译文]

声和音看上去密不可分，其实它们是有区别的，是两种不同的物质。声产生于发音器官的启动之时，可以在发音器官启动的时候听到它；音产生于发音器官的闭合之时，可以在发音器官闭合的时候感觉到它。辨识声相优劣高下的方法很多，但是一定要着重从人情的喜怒哀乐中去细加鉴别。欣喜之声，宛如翠竹折断，其情致清脆而悦耳；愤怒之声，宛如平地一声雷，其情致豪壮而强烈；悲哀之声，宛如击破薄冰，其情致破碎而凄切；欢乐之声，宛如雪花于疾风刮来之前在空中飞舞，其情致宁静轻婉。它们都由于一个共同的特点——轻扬而清朗，被列入上佳之口。如果是刚键激越的阳刚之声，那么，象钟声一样宏亮沉雄，就高贵；象铎声一样轻薄浮泛，就卑贱；如来是温润文秀的阴柔之声，那么，象鸡鸣一样清朗悠扬，就高贵；象蛙鸣一样喧嚣空洞，就卑贱。远远听去，刚健激越，充满了阳刚之气。而近处听来，却温润悠扬，而充满了阴柔之致，起的时候如乘风悄动，悦耳愉心，止的时候却如琴师拍琴，雍容自如，这乃是声中之最佳者。俗话说，“高声畅言却不大张其口，低声细语牙齿却含而不露”，这乃是声中之较佳者。发出之后，散漫虚浮，缺乏余韵，象荒效旷野中的孤牛之鸣；急急切切，咯咯吱吱，断续无节，象夜深人静的时候老鼠在偷吃东西；说话的时候，一句紧接一句，语无伦次，没完没了，而且嘴快气促；说话的对候，口齿不清，吞吞吐吐，含含糊糊，这几种说话声，都属于市井之人的粗鄙俗陋之声，有什么值得跟以上各种声相比的地方呢？

音者，声之余也，与声相去不远，此则从细曲中见耳。贫贱者有声无音，尖巧者有音无声，所谓“禽无声，兽元音”是也。凡人说话，是声散在前后左右者是也。开谈多含情，话终有余响，不唯雅人，兼称国士；口阔无溢出，舌尖无窅音，不

唯实厚，兼获名高。

[译文]

音，是声的余波或余韵。音跟声相去并不远，它们之间的差异认细微的地方还是可以听出来的。贫穷卑贱的人说话只有声而无音，显得粗野不文，圆滑尖巧的人说话则只有音而无声，显得虚饰做作，俗话所谓的“鸟鸣无声，兽叫无音”，说的就是这种情形。普通人说话，只不过是一种声响散布在空中而已，并无音可言。如果说话的时候，一开口就情动于中，而声中饱含着情，到话说完了尚自余音袅袅，不绝于耳，则不仅可以说是温文尔雅的人，而且可以称得上是社会名流。如果说话的时候，即使口阔嘴大，却声未发而气先出，即使口齿伶俐，却又不矫造轻佻。这不仅表明其人自身内在素养深厚，而且预示其人还会获得盛名隆誉。

第七气色

面部如命，气色如运。大命固宜整齐，小运亦当亨泰。是故光焰不发，珠玉与瓦砾同观；藻绘未扬，明光与布葛齐价。大者主一生祸福，小者亦三月吉凶。

[译文]

如果说面部象征并体现着人的大命，那么气色则象征并体现着人的小运。大命是由先天生成的，但仍应该与后天遭遇保持均衡，小运也应该一直保持顺利。所以如果光辉不能焕发出来，即使是珍珠和宝玉，也和碎砖烂瓦没有什么两样；如果色彩不能呈现出来，即使是绫罗和锦绣，也和粗布糙葛没有什么二致。大命能够决定一个人一生的祸福，小运也能够决定一个人几个月的吉凶。

人以气为主，于内为精神，于外为气色。有终身之气色，“少淡、长明、壮艳、老素”是也。有一年之气色，“春青、夏红、秋黄、冬白”是也。有一月之气色，“朔后森发，望后隐跃”是也。有一日之气色，“早青、昼满、晚停、暮静”是也。

[译文]

气是一个人自身生存和发展的主要之神，在人体内部表现为人的精神，在人体表面表现为人的气色。气色有多种形态：其中有贯穿人的一生的气色，这就是俗话说说的“少年时期气色为淡，所谓的淡，就是气稚色薄；青年时期气色为明，所谓的明，就是气勃色明；壮年时期气色为艳，所谓的艳，就是气丰

色艳；老年时期气色为素，所谓的素，就是气实色朴”，就是这种气色。有贯穿一年的气色，这就是俗话说的“春季气色为青色——木色，春色，夏季气色为红色——火色、夏色，秋季气色为黄色——土色、秋色，冬季气色为白色——金色、冬色，”就是这种气色。有贯穿一月的气色，这就是俗话说的“每月初一日之后如枝叶盛发，十五日之后则若隐若现”，就是这种气色。有贯穿一天的气色，这就是俗话说的“早晨开始复苏，白天充盈饱满，傍晚渐趋隐伏，夜间安宁平静”，就是这种气色。

科名中人，以黄为主，此正色也。黄云盖顶，必掇大魁；黄翅入鬓，进身不远；印堂黄色，富贵逼人；明堂素净，明年及第。他如眼角霞鲜，决利小考；印堂垂紫，动获小利，红晕中分，定产佳儿；两颧红润，骨肉发迹。由此推之，足见一斑矣。

[译文]

对于追求科名的士人来说，面部气色应该以黄色为主，因为黄色是正色，吉色。如果有一道黄色的彩云覆盖在他头顶，那么可以肯定，这位士子必然会在科考殿试中一举夺魁，高中状元；如果两颧部位各有一片黄色向外扩展，如两只翅膀直插双鬓，那么可以肯定，这位士子登科升官或封爵受禄已经为期不远；如果命宫印堂呈黄色，那么可以肯定，这位士子很快就会获得既能够致富又能够做官的机会；如果明堂部位即鼻子白润而净洁，那么可以肯定，这位士子必能科考入第。其他面部气色，如眼角即鱼尾部位红紫二色充盈，其状似绚丽的云霞，那么可以肯定，这位童子参加小考，必然能够顺利考中；命宫印堂，有一片紫色发动，向上注入山根之间，那么可以肯定，此人经常会获得一些钱财之利；如果两眼下方各有一片红晕，

而且被鼻梁居中分隔开来从而互不连接，那么可以肯定，此人定会喜得一个宝贝儿子；如果两颧部位红润光泽，那么可以肯定，此人的亲人如父子、叔侄、兄弟等等，必然能够立功显名并发家致富。由此推而广之，足可以窥见面部气色与人的命运的关系的情形。

色忌青，忌白。青常见于眼底，白常见于眉端。然亦不同：心事忧劳，青如凝墨；祸生不测，青如浮烟；酒色惫倦，白如卧羊；灾晦催人，白如傅粉。又有青而带紫，金形遇之而飞扬，白而有光，土庚相当亦富贵，又不在此论也。最不佳者：“太白夹日月，乌鸟集天庭，桃花散面颊，预尾守地阁。”有一于此，前程退落，祸患再三矣。

[译文]

面部气色忌讳青色，也忌讳白色。青色一般出现在眼睛的下方，白色则经常出现在两眉的眉梢。它们的具体情形又有差别：如果是由于心事忧烦困苦而面呈青色，那么这种青色多半既浓且厚，状如凝墨；如果是由于遇到飞来的横祸而面呈青色，那么这种青色一定轻重不均，状如浮烟；如果是由于嗜酒好色导致疲惫倦怠而面呈白色，那么这种白色一定势如卧羊，不久即会消散；如果是由于遭遇了大灾大难而面呈白色，那么这种白色一定惨如枯骨，充满死气。还有青中带紫之色，如果是金形人遇到这种气色，一定能够飞黄腾达，如果是白润光泽之色，土形兼金形人面呈这种气色，也会获得富贵，这些都是特例，不在以上所论之列。而最为不佳的，则是以下四种气色：“白色围绕眼圈，此相主丧乱；黑气聚集额头，此相主参革；赤斑布满两颊，此相主刑狱；浅赤凝结地阁，此相主凶亡。”以上四相，如果仅具其一，就会前程倒退败落。并且接连遭灾遇祸。

处世金针

一修身之要八德八本

余近年默省之勤、俭、刚、明、忠、恕、谦、浑八德……就中能体会一二字，便有日进之象。

家书：同治五年三月十四日夜

谕纪泽纪鸿

日来，每思吾身，能于十“三”字者用功，尚不失晚年进境。十“三”字者，谓三经、三史、三子、三集、三实、三忌、三薄、三知、三乐、三寡也。三经、三史、三子、三集、三实，余在京师，尝似匾其室；在江南，曾刻印章矣。三忌者，即所谓天道忌巧，天道忌盈，天道忌贰也。三薄者，幸灾乐祸，一薄德也；逆命亿数，二薄德也；臆断皂白，三薄德也。三知者，《论语》末章，所谓“知命、知礼、知言”也。三乐者，即九月二十一日所记读书声出金石，一乐也；宏奖人才，诱人日进，二乐也；勤劳而后憩息，三乐也。三寡者，寡言养气，寡视养神，寡欲养精。十“三”字者，时时省察，其犹失之东隅，收之桑榆者乎？

日记·咸丰九年十一月初二日

思德成以谨言慎行为要，而敬、恕、诚、静、勤、润六者，缺一不可；学成以三经、三史、三子、三集烂熟为要，而三实亦须提其要而钩其元；艺成以多作多写为要，亦须自辟门径，不依傍古人格式；功成以开疆安民为要，而亦须能树人、能立

法，能是二者，虽不拓疆、不泽民，不害其为功也，四者能成其一，则足以自怡。

日记·咸丰九年八月十六日

凡事皆有至浅至深之道，不可须臾离者，因欲名其堂曰“八本堂”。其目曰：读书以训诂为本，诗文以声调为本，事亲以欢心为本，养生以少恼怒为本，立身以不妄语为本，居家以不晏起为本，居官以不要钱为本，行军以不扰民为本。

日记·咸丰十年闰三月十八日

君子之道，莫大乎以忠诚为天下倡。世之乱也，上下纵于亡等之欲，奸伪相吞，变诈相角，自图其安而予人以至危，畏难避害，曾不肯捐丝粟之力以拯天下。得忠诚者，起而矫之，克己而爱人，去伪而崇拙，躬履诸艰而不贵人以同患，浩然捐生如远游之还乡而无所顾悸。由是众人效其所为，亦皆以苟活为羞，以避事为耻。

文：《湘乡昭忠祠记》

习勤崇俭

此后惟于“勤俭谨信”四字，更加工夫。勤如天地之阳气，凡立身居家，作官治军，皆赖阳气鼓荡。勤则兴旺，惰则衰颓。俭者可以正戾气，可以惜后福。谨即谦恭也，谦则不遭人忌，恭则不受人侮。信则诚实也，一言不欺，一事不假，行之既久，人皆信之，鬼神亦钦之。

书信：同治二年正月初一复彭毓橘

习劳则神钦。凡人之情，莫不好逸而恶劳；无论贵贱智愚老少，皆贪于逸而惮于劳，古今之所同也。人一日所着之衣、所进之食，与一日所行之事、所用之力相称，则旁人韪之，鬼神许之，以为彼自食其力也。若农夫织妇，终岁勤动，以成数石之粟，数尺之布；而富贵之家终岁逸乐，不营一业，而食必

珍馐，衣必锦绣，酣蒙高眠，一呼百诺，此天下最不平之事，鬼神所不许也，其能久乎？

古之圣君贤相，若汤之昧旦不显，文王日昃不遑，周公夜以继日、坐以待旦，盖无时不以勤劳自勉。《无逸》一篇，推之于勤则寿考，逸则夭亡，历历不爽。为一身计，则必操习技艺，昏炼筋骨，困知勉行，操心危虑，而后可以增智慧而长才识。为天下计，则必己饥己溺，一夫不获，引为余辜。大禹之周乘四载，过门不入，墨子之摩顶放踵，以利天下，皆极俭以奉身，而极勤以救民。故荀子好称大禹、墨翟之行，以其勤劳也。

军兴以来，每见人有一材一技、能耐艰苦者，无不见用于人，见称于时。其绝无材技、不惯作劳者，皆唾弃于时，饥冻就毙。故勤则寿，逸则夭；勤则有材而见用，逸则无能而见弃；勤则博济斯民而神祇钦仰，逸则无补于人而神鬼不歆。是以君子欲为人神所凭依，莫大于习劳也。

（遗嘱·书于日记册中）

大约勤字、诚字、公字、厚字，皆吾辈之根本，刻不可忘。

书信：咸丰十年四月二十六日复李续宜

是日与虎臣谈修己治人之道，止勤于邦，俭于家，言忠信，行笃敬四语。终身用之，有不能尽，不在多，亦不在深。

日记·咸丰十一年十一月初九日

所欲常常告诫诸弟与子侄者，惟星冈公之“八字三不信”及余之“八本三致祥”而已。八字曰“考、宝、早、扫、书、蔬、鱼、猪”也，三不信曰“药医也，地仙也，僧巫也”，八本曰“读书以训诂为本，作诗文以声调为本，事亲以得欢心为本，养生以少恼怒为本，立身以不妄言为本，居家以不晏起为本，做官以不爱钱为本，行军以不扰民为本”，三致详曰“孝

致祥，勤致祥，恕致祥”。兹因军事日危，旦夕不测，又与诸弟重言以申明之。家中无论老少男妇，总以勤为第一义，谦谨为第二义，劳则不佚，谦则不傲，万善皆从此生矣。

家书：咸丰十一年三月初四日致澄沅季

三弟

细思立身之道，以禹、墨之“勤俭”，兼老庄之“静虚”，庶于修己治人之术，两得之矣。

日记·咸丰十一年正月初一日

“劳、谦”二字受用无穷，劳所以戒惰也，谦所以戒傲也。有此二者，何恶不去？何善不臻？当多写几份，遍示诸弟及子侄。

日记·咸丰十年闰三月十八日

“劳”字、“谦”字，常常记得否？

家书：咸丰十一年二月十四日谕纪泽、

纪鸿

凡世家子弟，衣食起居无一不与寒士相同，庶可以成大器；若沾染富贵气习，则难望有成。吾恭为将相，而所有衣服不值三百金。愿尔等常守此俭朴之风，亦惜福之道也。

同治元年五月二十七日谕纪鸿

巧召杀，忮召杀，吝召杀。

孝致祥，勤致祥，恕致祥。

日记·咸丰八年三月

余往年撰联赠弟，有“俭以养廉，直而能忍”二语。弟之直人人知之，其能忍则为阿兄所独知；弟之廉人人料之，其不检测阿兄所不及料也。以后望弟于俭字加一番工夫，用一番苦心，不特家常用度宜俭，即修造公费，周济人情，亦须有一俭字的意思。总之爱惜物力，不失寒士之家风而已。莫怕寒村二

字，莫怕悭吝二字，莫贪大方二字，莫贪豪爽二字，弟以为然否？

家书：同治二年十一月十四日与澄弟

尔等身体皆弱，前年示养生五诀，已行之否？泽儿当添不轻服药一层，共六诀矣。既知保养，却宜勤劳。家之兴衰，人之穷通，皆于勤惰卜之。泽儿习勤有恒，则诸弟七八人皆学样矣。

家书：同治五年七月二十日谕纪泽纪鸿

天下断无易处之境遇，人间哪有空闲的光阴。

诗文：联语

尔谆劝诸妹，以能耐劳忍气为要。吾服官多年，亦常在耐劳忍气四字上做工夫也。...

家书：同治二年正月二十四日谕纪泽

古之成大业者，多自克勤小物而来。百尺之楼，基于平地；千丈之帛，一尺一寸之所积也；万石之钟，一铢一两之所累也……朱子谓为学须铢积寸累，为政者亦未有不由铢积寸累而克底于成者也。

文：《笔记二十七则·克勤小物》

身到，心到，眼到，手到，口到。

身到者，如吏则亲验命盗案，亲查乡里；治军则亲巡营垒，亲冒矢石是也。心到者，凡事苦心剖析，大条理，小条理，始条理，终条理，先要擘得开，后要括得拢是也。眼到者，着意看人，认真看公牒是也。手到者，于人之短长，事之关键，随笔写记，以备遗忘是也。口到者，于使人之事，警众之辞，既有公文，又不惮再三苦口叮咛是也。

文：《格言四幅书增李芋仙》

大抵勤则难朽，逸则易坏，凡物皆然。勤之道有五：一曰

身勤。险远之路，身往验之；艰苦之境，身亲尝之。二曰眼勤。遇一人，必详细察看；接一文，必反复审阅。三曰手勤。易弃之物，随手收拾；易忘之事，随笔记载。四曰口勤。待同僚，则互相规劝；待下属，则再三训导。五曰心勤。精诚所至，金石亦开；苦思所积，鬼神亦通。五者皆到，无不尽之职矣。

文：《劝诫浅语十六条》

古来大战争、大事业，人谋仅占十分之三，天意恒居十分之七。往往积劳之人非即成名之人，成名之人非即享福之人。……吾兄弟但在积劳二字上着力，成名二字则不必问及，享福二字则更不必问矣。

家书：同治二年十一月十二日

致沅弟

“朱子之学得之艰苦，所以为百世之师”二语，深有感于余心。天下事未有不自艰苦得来而可久可大者也。

日记·咸丰十年八月初六日

吾所以教家人崇俭习劳，盖艰苦则筋骨渐强，娇养则精力愈弱也。

家书·同治三年二月十四日

致澄弟

以人事与天争衡，莫大乎忠勤二字。乱世多尚巧伪，惟忠者可以革其习；末俗多趋偷惰，惟勤者可以遏其流。忠不必有过人之才智，尽吾心而已矣；勤不必有过人之精神，竭吾力而已矣。

文：《笔记十二篇·忠勤》

泽几天质聪颖，但嫌过于玲珑剔透，宜从浑字上用些工夫。鸿儿则从勤字上用些工夫。用工不可拘苦，须探讨些趣味出来。

家书：同治五年三月十四夜谕纪泽纪鸿

天下无现成之人才，亦无生知之卓识，大抵皆由勉强磨炼而出耳。

文：《劝诫浅语十六条》

每作事，不克振奋赴功，盖兴会不浓，则凡事都有退志耳。

日记·咸丰九年九月十一日

余欲上不愧先人，下不愧沅弟，惟以力教家中勤俭为主。余于俭字做到六七分，勤字则尚无五分工夫；弟与沅弟于勤字，做到六七分，俭字则尚欠工夫。以后各勉其所长，各戒其所短。弟每周一钱，均须三思，至嘱。

家书：同治三年八月初四日与澄弟

谦谨敬恕

过锐，不免失于浮浅，鄙怀时用焦虑。我辈办事，成败听之于天，毁誉听之于人，惟在己之规模气象，则我有可以自主者。亦曰不随众人之喜惧为喜惧耳。

书信：咸丰六年五月初九与李元度

天下古今之庸人，皆以一惰字致败；无下古今之才人，皆以一傲字致败。吾因军事而推之，凡事皆然，愿与诸弟交勉之。

家书：咸丰十年九月二十三日与沅弟

弟于世事阅历渐深，而信中不免有一种骄气。天地间惟谦谨是载福之道，骄则满，满则倾矣。凡动口动笔，厌人之俗，嫌人之鄙，议人之短，发人之覆，皆骄也。无论所指未必果当，即使一切当，已为天道所不许。吾家子弟满腔骄傲之气，开口便道人短长，笑人鄙陋，均非好气象。贤弟欲戒子侄之骄，先须将自己好议人短，好发人覆之习气痛改一番，然后令后辈事事警改，欲去骄字，总以不轻非笑人为第一义；欲去惰字，总以不晏起为第一义。

家书：咸丰十一年正月初四

致澄弟

凡畏人不敢妄议论者，谦谨者也；凡好讥评人短者，骄傲者也。弟于营中之人，如季高、次青、作梅、树诸君子，弟皆有信来讥评其短，且有讥至两次三次者。营中与弟生疏之，尚且讥评，则乡间之与弟熟识者，更鄙睨嘲斥可知矣。弟尚如此，则诸子侄之藐视一切，信口雌黄可知矣。谚云：“富家子弟多骄，贵家子弟多傲。”非必锦衣玉食、动手打人而后谓之骄傲也，但使志得意满，毫无畏忌，开口议人短长、动手打人而后谓之骄傲耳。余正月初四信中言“戒骄字，以不轻非笑人为第一义；戒惰字，以不晏起为第一义”，望弟常常猛省，并戒子侄也。

家书：咸丰十一年二月初四

致澄候四弟

尔在外以谦谨二字为主。世家子弟，门第过盛，万目所瞩。临行时，教以三戒之首末二条及力去傲惰二弊，当已牢记之矣。场前不可与州县来往，不可送条子。进身之始，务知自重。

家书：同治三年七月初九日谕纪鸿

位高而资浅，貌贵温恭，心贵谦下。天下之事理人才，为吾辈所不深知、不及料者多矣，切弗存一自是之见。

家书：同治五年三月十六日

致澄沅二弟

余家后辈子弟，全未见过艰苦模样，眼孔大，口气大，呼奴喝婢，习惯自然，骄傲之气入于膏肓而不自觉，吾深以为虑，前函以傲字箴规两弟，两弟不深信，犹能自省自惕；若以傲字诘诫子侄，则全然不解。盖自出世以来，只做过大，并未做过小，故一切茫然，不似两弟做过小，吃过苦也。

家书：咸丰十年九月二十四日致沅、季弟

家中万事，余俱放心，惟子侄须教一勤字一谦字。谦者骄之反也，勤者佚之反也。骄奢淫佚四字，惟首尾二字尤宜切戒。至诸弟中外家居之法，则以“考宝早扫，书蔬鱼猪”八字为本，千万勿忘。

家书：咸丰十年十一月初三日致沅、季弟

大抵人道害盈，鬼神福谦。傲者内恃其才，外溢其气，其心已不固矣。

文：《笔记二十七则·气节·傲》

予谓人君之心，当时时知惧，不惧则骄，乱本成矣。

日记·道光二十三年二月三十日

清夜自思，尚觉名浮于实十倍百倍也。吾辈互相砥砺，要当以声闻过情为切戒。

书信：咸丰八年十月十七日加李续宜片
谦抑之道，小事须力戒争胜之心，痛自惩艾。

日记·咸丰十一年正月十九日

陆放翁谓得寿如得富贵，初不知其所以然，便跻高年。余近浪得虚名，亦不知其所以然，便获美誉。古之得虚名，而值时艰者，往往不克保其终。思此，不胜大惧。

日记·咸丰十一年十一月十四日

日内思家运太隆，虚名太大，物极必衰，理有固然，为之悚皇无已。读陶读《饮酒》诸篇，为之心折。

日记·咸丰十一年十二月初六日

盖天下之理，满则招损，亢则有悔，日中则昃，月盈则亏，至当不易之理也。

家书：道光二十六年九月十九日 禀父母
吾尝见友朋中牢骚太甚者，其后必多抑塞，……盖无故而

怨天，则天必不许；无故而尤人，则人必不服。……凡遇牢骚欲发之时，则反躬自思：吾果有何不足而蓄此不平之气？猛然内省，决然去之。不惟平心谦抑，可以早得科名，亦且养此和气，可以消减病患。

家书：咸丰元年九月初五日

致澄沅季诸弟

我在京师，惟恐名浮于实，故不先拜一人，不自诩一言，深以过情之闻为耻耳。

家书：道光二十四年十二月十八日

致澄弟等

人又何必占天下之第一美名哉？

家书：同治三年五月十六日 致沅弟

吾兄弟誓拼命报国，然须常存避名之念，总从冷处着笔，积劳而使人不知其劳，则善矣。

家书：同治元年十月初三日 致沅弟

毁誉悠悠之口，本难尽信，然君子爱惜声名，常存冰渊惴惴之心，盖古今因名望之劣而获罪者极多，不能不慎修以远罪。吾兄弟于有才而无德者亦当不没其长，而稍远其人。

家书：同治元年六月初十日 致沅弟季

弟

功名之地，自古难居。兄以在籍之官，募勇造船，成此一番事业，其名震一时，自不待言。人之好名，谁不如我？我有美名，则人必有受不美之名，与虽美而远不能及之名者，相形之际，盖难为情，兄惟谨慎谦虚，时时省惕而已。

家书：咸丰四年九月十三日 致诸弟

余与沅叔蒙晋封侯伯，门户太盛，深为祗惧。尔在省以谦敬二字为主，事事请问意臣芝生两姻叔，断不可送条子，致腾

物议。

同治三年七月二十四日谕纪鸿

古人曰钦、曰敬、曰谨、曰虔恭、曰祗惧，皆慎字之义也。慎者，有所畏惮之谓也。居心不循天理，则畏天怒；作事不顺人情，则畏人言。少贱则畏父师，畏官长。老年则畏后生之窃议。高位则畏僚属之指摘。凡人方寸有所畏惮，则过必不大，鬼神必从而原之。

文：《书赠仲弟六则·慎》

湘乡修县志，举尔纂修。尔学未成就，文甚迟钝，自不宜承认。然亦不可全辞，一则通县公事，吾家为物望所归，不得不竭力赞助；二则尔惮于作文，正可借此逼出几篇。天下事无所为而成者极少，有所贪有所利而成者居其半，有所激有所逼而成者居其半。尔篆韵钞毕，宜从古文上用功。余不能文，而微有文名，深以为耻。尔文更浅而亦获虚名，尤不可也。或请本县及外县之高手为撰修，而尔为协修。

家书：同治五年六月十六日谕纪泽、纪鸿

然困心横虑，正是磨炼英雄玉汝于成。李申夫尝谓余恚气从不说出，一味忍耐，徐图自强，因引谚曰“好汉打脱牙和血吞”。此语是余生平咬牙立志之诀，不料被申夫看破。

家书：同治五年十二月十八夜 致沅弟

兄自问近年得力惟一悔字诀。兄昔年自负本领甚大，可屈可伸，可行可藏，又每见得人人家不是。自从丁巳、戊午大悔大悟之后，乃知自己全无本领，凡事都见得人家有几分是处。故自戊午至今九载，与四十岁以前迥不相同，大约以能立能达为体，以不怨不尤为用。立者，发奋自强，站得住也；达者，办事圆融，行得通也。吾九年以来，痛戒无恒之弊，看书写字，从未间断，选将练兵，亦常留心。此皆自强能立工夫。奏疏公

牍，再三斟酌，无一过当之语自夸之词：此皆圆融能达工夫。至于怨天本有所不敢，尤人则常不能免，亦皆随时强制而克去之。

家书：同治六年正月初二日

致沅弟

……千古之大名，全凭天意主张，岂尽关乎人力？天于大名，吝之惜之，千磨百折，艰难拂乱而后予之。老氏所谓“不敢为天下先”者，即不敢居第一等大名之意。弟前岁初进金陵，余屡信多危悚儆做戒之辞，亦深知大名之不可强求。……兄可畏天知命，不可怨天尤人。所以养身却病在此，所以持盈保泰亦在此。

家书：同治三年四月十六日 与沅弟

吾兄弟须从恕字痛下工夫，随时皆设身以处地。我要步步站得稳，须知他人也要站得稳，所谓立也。我要处处行得通，须知他人也要行得通，所谓达也。今日我处顺境，预想他日也有处逆境之时；今日我以盛气凌人，预想他日人亦以盛气凌我之身，或凌我之子孙。常以恕字自惕，常留馀地处人，则荆棘少矣。

文：《书赠促弟六则·恕》

来示谓近年畏事避谤，与官中绝无交涉。果尔，则不久当有代为剖雪者。阁下昔年舌端或有弹射，笔端亦颇刻酷，苟祸生有胎，则亦不可不自省而敛抑也。

书信：咸丰十年十一月初三日复欧阳兆熊

足下数年以来，水陆数百战，开府作镇，国家酬奖之典，亦可谓至优极渥。指日荣晋提军，勋位并隆，务宜敬以持躬，恕以待人。敬则小心翼翼，事无巨细皆不敢忽；恕则凡事留余地以处人，功不独居，过不推诿。常常记此二字，则长履大任，

福祚无量矣。

书信：咸丰八年九月二十日加鲍超片

细思余德薄能鲜，忝窃高位，又窃虚名，已干造物之忌，而家中老少习于“骄、奢、佚”三字，实深悚惧。

日记·咸丰十年九月廿八日

古今才智之士，常思大有于世，其立言常雄骏自喜。若文章不求雄骏，而但求平淡；德业不求施于世，而但求善于一身一家，此殆非智者愉快事也？具无所不能之才，敛之又敛，弥晦焉而弥愉快，则其自得于中者必大矣。

文：《海宁州训导钱君墓表》

雪琴之坐船已送到否？三月十七果成行否？沿途州县有送迎者，除不受礼物酒席外，尔兄弟遇之，须有一种谦谨气象，勿恃其清介而生傲惰也。

家书：同治五年三月十四夜谕纪泽、纪鸿

今吾谨述此语诤诫两弟，总以除傲字为第一义。唐虞之恶人饰曰“丹朱傲”，曰“象傲”；桀纣之无道，曰“强足以拒谏，辨足以非”，曰“谓已有天命，谓敬不足行”，皆傲也。吾自八年六月再出，即力戒惰字以做无恒之弊，近来又力戒傲字。昨日徽州未败之前，次青心中不免有自是之见。既败之后，余益加猛省：大约军事之败，非傲即惰，二者必居其一；巨室之败，非傲即惰，二者必居其一。

家书：咸丰十年九月二十四月致沅弟、

季弟

盖位愈高，则誉言日增，箴言日寡；望愈重，则责之者多，恕之者少。阁下爱我，迥越恒俗，望常以药石之言相绳。

书信：咸丰十年六月十四日复邓沅琮

以才自足，以能自矜，则为小人所忌，亦为君子所薄。

文：《格言四幅书赠李芋仙》

尔于十九日自家起行，想九月初可自长沙挂帆东行矣。船上有大帅字旗，余未上船，不可误挂。经过府县各城，可避者略为避开，不可惊动官长，烦人应酬也。

家书：同治二年八月十二日谕纪鸿

弟宜以保身体为主，不必焦灼也。弟此次两信，胸怀颇宽舒，心志颇敬慎。以后须常存此意，总觉得人力虽尽到十分，而成功纯是天意，不可丝毫代天主张。

家书·同治二年十二月二十六日 致沅弟

偶与营官马得顺言及盛世创业垂统之英雄，以襟怀豁达为第一义；末世扶危救难之英雄，以心力劳苦为第一义。

日记·咸丰十年六月二十七日

至于作人之道，圣贤千言万语，大抵不外敬恕二字。“仲弓问仁”一章，言敬恕最为亲切。自此以外，如“立则见参于前也，在舆则见其倚于衡也”；“君子无众寡，无小大，无敢慢”，斯为“泰而不骄”；“正其衣冠，俨然人望而畏”，斯为“威而不猛”：是皆言敬之最好下手者。孔言“欲立立人，欲达达人”；孟言“行有不得，反求诸己”，“以仁存心，以礼存心”，“有终身之忧，无一朝之患”：是皆言恕之最好下手者。尔心境明白，于恕字或易著功，敬字则宜勉强行之，此立德之基，不可不谨。

家书：咸丰八年七月二十一日谕纪泽

“敬”“恕”二字，细加体认，实觉刻不可离。“敬”则心存而不放，“恕”则不蔽于私。大抵接人处事，于见得他人不是、极怒之际，能设身易地以处，则意气顿平。故“恕”字为求仁极捷之径。来示以“致知”为大头脑工夫。鄙意“敬”是平日涵养之道，“恕”是临时应事之道，“致知”则所以讲

求此“敬”、讲求此“恕”者也。

书信：咸丰八年十一月初二日复邓汪琼

子侄辈须以敬恕二字常常教之。敬则无骄气，无怠惰之气；恕则不肯损人利己，存心渐趋于厚。

家书：咸丰八年九月二十八日

致澄、季二弟毋贪去私

若非道义可得者，则不可轻易受此。要做好人，第一要在此处下手。能令鬼服神钦，则自然识日进，气日刚。否则不觉堕入卑污一流，必有被人看不起之日，不可不慎！

家书：道光三十年正月初九日致诸弟

荫亭归，余寄百五十金还家，以五十周济宗族。此百金恐尚不敷家用，军中银钱，余不敢妄取丝毫也。名者，造物所珍重爱惜，不轻以与人者。余德薄能鲜，而享天下之大名，虽由高曾祖父，累世积德所致，而自问总觉不称，故不敢稍涉骄奢。

家书：咸丰四年十一月二十三日致诸弟

外兹乱世，凡高位、大名、重权，三者皆在忧危之申。余已于三月六日入金陵城，寸心惕息，恒惧罹于大戾。……祸咎之来，本难逆料。然惟不贪财，不取巧，不沽名，不骄盈，四者究可弥缝一二。

家书：同治六年三月初七日与澄弟

凡仁心之发，必一鼓作气，尽吾力之所能为。稍有转念，则疑心生，私心亦生。疑心生则计较多，而出纳吝矣；私心生则好恶偏，而轻重乖矣。

家书：道光二十四年三月初十日致温弟

沅弟

仁者物我无间之谓也，一有自私之心，则小人矣。义者无所为而为之谓也，一有自利之心，则小人矣。同一日也，朝而

公正，则为君子；夕而私利，则为小人。同一事也，初念公正，则为君子；转念私利，则为小人。

文：《笔记二十则·君子·小人》

读“中孚”卦，因思人必中虚，不著一物，而后能真实无妄。盖实者，不欺之谓也。人之所以欺人者，必心中别有一物，心中必有私见，不敢告人，而后造伪言以欺人。若心中了不著私物，又何必欺人哉？其所以自欺者，亦以心中别著私物也。所知在好德，而所私在好色。不能去好色之私，则不能不欺其好德之知矣。是故诚者，不欺者也；不欺者，心无私著也；无私著者，至虚者也。是故天下之至诚，天下之至虚者也。当读书则读书，心无著于见客也。当见客则见客，心无著于读书也。一有著则私也。灵明无著，物来顺应，未来不迎。当时不杂，既过不恋，是之谓虚而已矣，是之谓诚而已矣。

读书录：《周易·中孚》

然捐务公事，余意弟总以绝不答言为妙。凡官运极盛之时，子弟经手公事，格外顺手，一倡百和，然闲言即由此起，怨谤即由此兴。吾兄弟当于极盛之时，预作衰时设想；当盛时百事平顺之际，预为衰时百事拂逆地步。弟此后若到长沙、衡州、湘乡等处，总以不干预公事为第一义。此阿兄阅历极深之言，望弟记之。

家书：同治三年四月廿四日与澄弟专一
有恆

凡人作一事，便须全副精神注在此一事，首尾不懈，不可见异思迁，做这样想那样，坐这山望那山。人而无恆，终身一无所成。

家书：咸丰七年十二月十四夜 致沅弟
近年在军中阅书，稍觉有恆，然已晚矣。故望尔等于少壮

时，即从有恒二字痛下工夫，然须有情韵趣味，养得生机盎然，乃可历久不衰，若拘苦疲困，则不能真有恒也。

家书：同治四年七月十三日 谕纪泽

余病根在无恒，故家内琐事，今日立条例，明日仍散漫，下人无常规可循，将来莅众，必不能信，作事必不能成。

日记：道光二十二年十月十二日

余生平坐无恒之弊，万事无成，德无成，业无成，已可深耻矣。逮办理军事，自矢靡他，中间本志变化，尤无恒之大者，用为内耻。尔欲稍有至就，须从有恒二字下手。

家书：咸丰九年十月十四日 谕纪泽

凡事皆贵专。求师不专，则受益也不人；求友不专，则博爱而不亲。心有所专宗，而博观他途以扩其识，亦无不可。无所专宗，而见异思迁，此眩彼夺，则大不可。

家书：道光二十四年正月弓十六日 致

澄弟沅弟季弟

心一散漫，便有世俗周旋的意思，又有姑且随流的意思。总是立志不坚，不能断葛根，截然由义，故一引便放逸了。

日记：道光二十二年十月十七日

大约吏事、军事、饷事、文事，每日须以精心果力，独造幽奥，直凑单微，以求进境。一日无进境，则日日渐退矣。以后每日留心吏事，须从勤见僚属，多问外事下手；留心军事，须从教训将领，屡阅操练下手；留心饷事，须从慎择卡员、比较入数下手；留心文事，须从恬吟声调、广征古训下手。每日午前于吏事，军事加意；午后于饷事加意；灯后，于文事加意。以一缕精心，运用于幽微之境，纵不日进，或可免于退乎？

日记：同治元年八月十九日

第声闻之美，可恃而不可恃。兄昔在京中颇著清望，近在

军营亦获虚誉。善始者不必善终，行百里者半九十里，誉望一损，远近滋疑。弟目下名望正隆，务宜力持不懈，有始有卒。

家书：咸丰八年四月初九日 致沅甫弟

查数，久不写账，遂茫不清晰，每查一次，劳神旷功。凡事之须逐日检点者，一日姑待，后来补救则难矣！况进德修业之事乎？

日记：道光二十二年十月初十

来书谓“意趣不在此，则兴味索然”，此却大不可。凡人作一事，便须全副精神注在此一事，首尾不懈。不可见异思迁，做这样想那样，坐这山望那山。人而无恒，终身一无所成。我生平坐犯无恒的弊病，实在受害不小。当翰林时，应留心诗字，则好涉猎他书，以纷其志；读性理书时，则杂以诗文各集，以歧其趋。在六部时，又不甚实力讲求公事。在外带兵，又不能竭力专治军事，或读书写字以乱其志意。坐是垂老而百无一成，即水军一事，亦掘井九仞而不及泉。

家书：咸丰七年十二月十四日致沅甫九

弟

凡人为一事，以专而精，以纷而散。荀子称耳不两听而聪，目不两视而明，庄子称用志不纷，乃凝于神，皆至言也。

家书：咸丰八年正月十一日 致沅甫弟

有曰：《易》六十四卦，三百八十四爻，一言以蔽之，曰不恒其德，或承之羞。读之不觉愧汗。

日记·咸丰九年六月初十日

惟作事贵于有恒。精力难于持久，必须日新又新，慎而加慎，庶几常葆令名，益崇德业。

家书：咸丰八年正月十九日 致沅弟

人生惟有常是第一美德。

家书：同治元年四月初四日谕纪泽修性

养气

语曰：“察见渊中鱼者，不详。”愿阁下为璞玉之浑含，不为水晶之光明，则有以自全而亦不失己，阁下以为然焉否也。

书信：道光二十七年六月二十九日 致

陈源兗

三达德之首曰智。智即明也。古来豪杰，动称英雄。英即明也。明有二端：人见其近，吾见其远，曰高明；人见其粗，吾见其细，曰精明。高明者，譬如室中所见有限，登楼则所见远矣，登山则所见更远矣。精明者，譬如至微之物，以显微镜照之，则加大一倍、十倍、百倍矣。又如粗糙之米，再舂则粗糠全去，三舂、四舂，则精白绝伦矣。高明由于天分，精明由于学问。吾兄弟恭居大家，天分均不甚高明，专赖学问以求精明。好问若买显微之镜，好学若舂上熟之米。总须心中极明，而后口中可断。能明而断谓之英断，不明而断谓之武断。武断自己之事，为害犹浅；武断他人之事，招怨实深。惟谦退而不肯轻断，最足养福。

文：《书赠仲弟六则·明》

大抵莅事以“明”字为第一要义。“明”有二：曰高明、曰精明。同一境而登山者独见其远，乘城者独觉其旷，此“高明”之说也。同一物而臆度者不如权衡之审，目巧者不如尺度之确，此“精明”之说也。凡高明者欲降心抑志以遽趋于平安，颇不易矣。若能事事求精，轻重长短一丝不差，则渐实矣。能实，则渐平矣。

书信：咸丰八年十二月十五日加英国佐

片

至于担当大事，全在明强二字。《中庸》学、问、思、辨、

行五者，其要归于愚必明，柔必强。弟向来倔强之气，却不可因位高而顿改。凡事非气不举，非刚不济，即修身齐家，亦须以明强为本。

家书：同治二年四月二十七日与沅弟

强字原是美德，余前寄信，亦谓明强二字断不可少。第强字须从明字做出，然后始终不可屈挠。若全不明白，一味蛮横，待他人折之以至理，证之以后效，又复俯首输服，则前强而后弱，京师所谓瞎闹者也。余亦并非不要强之人，特以耳目太短，见事不能明透，故不肯轻于一发耳。又吾辈方鼎盛之时，委员在外，气焰薰灼，言语放肆，往往令人难近。吾辈若专尚强劲，不少敛抑，则委员皓从等，不闹大祸不止。

家书：同治二年七月十一日与沅弟

身体虽弱，却不宜过于爱惜。精神愈用则愈出，阳气愈提则愈盛，每日作事愈多，则夜间临睡愈快活。若存一爱惜精神的意思，将前将却，奄奄无气，决难成事。

家书：咸丰七年十二月十四日致沅甫弟

弟近年书法远逊于昔，在家无事，每日可仍临帖一百字，将浮躁处，大加收敛。心以收敛而细，气以收敛而静。于字也有益，于身于家皆有益。

家书：咸丰八年八月二十二日 致沅、

季二弟

至于倔强二字，却不可少。功业文章，皆须有此二字贯注其中，否则柔靡，不能成一事。孟子所谓至刚，孔子所谓贞固，皆从倔强二字做出。吾兄弟皆禀母德居多，其好处亦正在倔强。若能去忿欲以养体，存倔强以励志，则日进无疆矣。

家书：同治二年正月十八日与沅弟

弟性褊激，于此等难免怫郁。然君父之命，只宜加倍畏慎。

余自经咸丰八年一番磨炼，始知畏天命、畏人言、畏君父之训诫，始知自己本领平常之至，昔年之倔强，不免客气用事。近岁思于畏慎二字之中，养出一种刚气来，惜或作或辍，均做不到。然自信此六年工夫，较之咸丰七年以前，已大进矣。不知弟意中见得何如？弟经此番裁抑磨炼，亦宜从畏慎二字痛下功夫。

家书：同治二年九月十一日与沅弟

弟近来气象极好，胸襟必能自养其淡定之天，而后发于外者有一段和平虚明之味。如去岁初奉不必专摺奏事之谕，毫无怫郁之怀；近两月信，于请饷请药，毫无激迫之辞；此次于莘田、芝圃外家，渣滓悉化，皆由胸襟广大之效验，可喜可敬。如金陵果克，于广大中再加一段谦退工夫，则萧然无与，人神同钦矣。富贵功名，皆人世浮荣；惟胸次浩大，是真正受用。余近年专在此处下功夫，愿与我弟交勉之。

家书：同治三年正月二十三日与沅弟

大抵任天下之大事以气，气之郁积于中者厚，故倔强之极，不能不流为忿激。以后吾兄弟动气之时，彼此互相劝诫，存其倔强，而去其忿激，斯可耳。

家书：同治三年六月十一日与沅弟

“难禁风浪”四字璧还，甚好甚慰。古来豪杰，皆以此四字为大忌。吾家祖父教人，亦以懦弱无刚四字为大耻。故男儿自立，必须有倔强之气。

家书：同治三年六月十六日与沅弟

余生平略涉儒先之书，见圣贤教人修身，千言万语，而要以不忮不求为重。忮者，嫉贤害能，妒功争宠，所谓“怠者不能修，忌者畏人修”之类也。求者，贪利贪名，怀土怀惠，所谓“未得患得，既得患失”之类也。忮不常见，每发露于名业

相侔、势位相埒之人；求不常见，每发露于货财相接、仕进相妨之际。将欲造福，先去忮心，所谓人能充无欲害人之心，而仁不可胜用也。将欲立品，先去求心，所谓人能充无穿窬之心，而义不可胜用也。忮不去，满怀皆是荆棘；求不去，满腔日即卑污。余于此二者常加克治，恨尚未能扫除净尽。尔等欲心地干净，宜于此二者痛下工夫，并愿子孙世世戒之。

家书：同治九年六月初四日谕纪泽、纪

鸿

弟谓命运作主，余素所深信；谓自强者每胜一筹，则余不甚深信。凡国之强，必须多得贤臣工；家之强，必须多出贤子弟，此亦关乎天命。不尽由于人谋。至一身之强，则不外乎北宫黝、孟施舍、曾子三种。孟子之集义而慊，即曾子之自反而缩也。惟曾孟与孔子告仲由之强，略为可久可常；此外斗智斗力之强，则有因强而大兴，亦有因强而大败。古来如李斯、曹操、杨素，其智力皆横绝一世，而其祸败亦迥异寻常；近世如陆、何、肃、陈，亦皆预知自雄，而俱不保其终。故吾辈在自修处求强则可。在胜人处求强则不可，福益外家若专在胜人处求强，其能强到底与否尚未可知，即使终身强横安稳，亦君子所不屑道也。

家书：同治五年九月十二日与沅弟

尔语言太快，举止太轻，近能力行迟重二字以改救否？

家书：咸丰十一年七月二十四日谕纪泽

尔禀气太清，清则易柔，惟志趣高坚，则可变柔为刚；清则易刻，惟襟怀闲远，则可化刻为厚。余字汝曰唸刚，恐其稍涉柔弱也。教汝读书须具大量，看陆诗以导闲适之抱，恐其稍涉刻薄也。尔天性淡于荣利，再从此二事用功，则终身受用不尽矣。

家书：同治六年三月二十八日谕纪泽

余尝细观星冈公仪表绝人，全在一重字。余行路容止亦颇重厚，盖取法于星冈公。尔之容止甚轻，是一大弊病，以后宜时时留心，无论行坐，均须重厚。早起也，有恒也，重也，三者皆尔最要之务。早起是先人之家法，无恒是吾身之大耻，不重是尔身之短处，故特谆谆戒之。

家书：咸丰九年十月十四日

谕纪泽

吾兄弟患在略识世态而又怀一肚皮不合时宜，既不能硬，又不能软，所以到处寡合。迪安妙在全不识世态，其腹中虽也怀些不合时宜，却一味浑含，永不发露。我兄弟则时时发露，终非载福之道。

家书：咸丰七年十二月初六日戌刻

致沅弟

思身世之际，甚多抑郁不适于怀者，一由褊浅，一由所处之极不得位也。

日记·咸丰九年十一月初七日

所谓小人者，识见小耳，度量小耳。井底之蛙，所窥几何，而自以为绝伦之学；辽东之家，所异几何，而自以为盖世之勋。推之以子子为义，以麤麤为信，以齷齪为廉，此皆识浅而易以自足者也。君臣之知，须积诚以相感，而动疑主恩之过薄；朋友之交，贵积渐以相孚，而动怨知己之罕觐；其或兄弟不相容，夫妇不相信，父子不相亮，此皆量褊而易以滋疑者也。君子则不然，广其识，则天下之大，弃若敝屣；尧舜之业，视若浮云。宏其度，则行有不行，反求诸己；己所不欲，勿施于人。乌有所谓自私自利者哉？

文《笔记二十七则·君子·小人》

莫苦悔已往愆尤，但求此日行为无惭神鬼；休预怕后来灾祸，只要暮年心气感召吉祥。

诗文·联语

天下无易境，天下无难境；终身有乐处，终身有忧处。

诗文·联语

战战兢兢，即生时不忘地狱；坦坦荡荡，虽逆境亦畅天怀。

诗文·联语

总要养得有胸次博大活泼，此后更当有长进也。

家书：咸丰十一年十月二十四日谕纪泽
襟怀贵宏大，世俗之功名得失须看得略平淡些。

日记：咸丰十年三月十八日

尔既无志于科名禄位，但能多读古书，时时哦诗吟字，以陶写性情，则一生受用不尽。第宜束身圭璧，法王羲之、陶渊明之襟韵潇洒则可，法嵇、阮之放荡名教则不可耳。

家书：同治元年七月十四日谕纪泽养生
眠食

吾望尔兄弟弹心竭力，以好学为第一义，而养生亦不宜置之第二。

家书：同治十年九月二十入日

谕纪泽、纪鸿

“忿”、“欲”二字，圣贤亦有之，特能少忍须臾，便不伤生，可谓名言至论。

日记：咸丰十一年正月初五

养生家之法，莫大于惩忿、窒欲、少食、多动八字。

日记：咸丰十一年正月十四日

将尽之膏，岂可速之以风？萌蘖之木，岂可牧之以牛羊？苟失其养，无物不消，况我之气血素亏者乎！今惟有日日静养，

节嗜欲、慎饮食、寡思虑而已。

日记：道光二十三年正月初十

吾不以季病之易发为虑，而以季好轻下药为虑。吾在外日久，阅事日多，每劝人以不服药为上策。……余缄告之，云治心以广大二字为药，治身以不药二字为药……

家书：同治元年七月二十日

致沅弟季弟

吾兄弟体气，皆不甚健。后辈子侄，尤多虚弱。宜于平日讲求养生之法，不可于临时乱投药剂。养生之法，约有五事：一曰眠食有恒，二曰惩忿，三曰节欲，四曰每夜临睡洗脚，五曰每日两饭后各行三千步。惩忿，即余匾中所谓“养生以少恼怒为本”也。

家书：同治五年六月初五日

与澄弟

大人教以保身三要：曰节欲、节劳、节饮食。又言凡人交友，只见得友不是而我是，所以今日管鲍，明日秦越；谓我与小珊有隙，是尽人欢竭人忠之过，宜速改过，走小珊处，当面自认不是。又云使气亦非保身体之道。小子读之悚然。

日记：道光二十二年十月廿二日

吾于凡事皆守“尽其在我，听其在天”二语，即养生之道亦然。体强者，如富人因戒奢而益富；体弱者，如贫人因节啬而自全。节啬非独食色之性也，即读书用心，亦宜检约，不便太过。余“八本匾”中，言养生以少恼怒为本，又尝教尔胸中不宜太苦，须活泼泼地，养得一段生机，亦去恼怒之道也。既戒恼怒，又知节啬，养生之道，已尽其在我者矣。此外寿之长短，病之有无，一概听其在天，不必多生妄想去计较他。凡多服药饵，求祷神抵，皆妄想也。吾于医药、祷祀等事，皆记星

冈公之遗训，而稍加推阐，教示后辈，尔可常常与家中内外言之。

家书：同治四年九月初一日

谕纪泽

老年来始知圣人教孟武伯问孝一节之真切。尔虽体弱多病，然只宜清静调养，不宜妄施攻治。庄生云：闻在宥天下，不闻治天下也。东坡取此二语，以为养生之法。尔熟于小学，试取“在宥”二字之训诂体味一番，则知庄、苏皆有顺其自然之意。养生亦然，治天下亦然。若服药而日更数方，无故而终年竣补，疾轻而妄施攻伐强求发汗，则如商君治秦、荆公治宋，全失自然之妙。柳子厚所谓“名为爱之其实害之”，陆务观所谓“天下本无事庸人自扰之”，皆此义也。东坡游罗浮诗云：“小儿少年有奇志，中宵起坐存黄庭。”下一“存”字，正合庄子“在宥”二字之意。盖苏氏兄弟父子皆讲养生，窃取黄老微旨，故称其子为有奇志。以尔之聪明，岂不能窥透此旨？余教尔从眼食二端用功，看似粗浅，却得自然之妙。尔以后不轻服药，自然日就壮健矣。

家书，同治五年二月二十五日

谕纪泽纪鸿

养生五诀：一眠食有恒，一饭后散步，一惩忿，一节欲，一洗脚。

家书：同治五年七月初三日

致沅弟

古人以惩忿窒欲为养生要诀。惩忿即吾前信所谓少恼怒也，窒欲即吾前信所谓知节啬也。因好名好胜而用心太过，亦欲之类也。药虽有利，害亦随之，不可轻服。

家书：同治四年九月晦日

谕纪泽纪鸿

养身之道，以“君逸臣劳”为要。省思虑、除烦恼，二者皆所以清心，“君逸”之谓也；行步常勤，筋骨常动，“臣劳”之谓也。阁下虽自命为懒人，实则懒于“臣”而不甚懒于“君”。盖早岁褊激之处至今尚未尽化，故思虑、烦恼二者不能悉蠲。以后望全数屏绝，不轻服药，当可渐渐奏效。

书信：同治元年四月十七日复李续宜

凡沉痾在身，而人力可以自为主持者，约有二端：一曰以志帅气；一曰以静制动。人之疲惫不振，由于气弱。而志之强者，气亦为之稍变。如贪早睡则强起以兴之，无聊赖则端坐以凝之，此以志帅气之说也。久病虚怯，则时时有一畏死之见撞拢于胸中，即魂梦亦甚不安恬。须将生前之名，身后之事，与一切妄念，铲除净尽，自然有一种恬淡意味，而寂定之炼，真阳自生，此以静制动之法也。愿阁下于药物调养之外，更将此两法体验一番，久之必有小效。

书信：咸丰十年七月二十一日复李宗羲

尔体甚弱，咳吐咸痰，吾尤以为虑，然总不宜服药。药能活人，亦能害人。良医则活人者十之七，害人者十之三；庸医则害人者十之七，活人者十之三。余在乡在外，凡目所见者，皆庸医也。余深恐其害人，故近三年来，决计不服医生所开之方药，亦不令尔服乡医所开之方药。见理极明，故言之极切，尔其敬听而遵行之。每日饭后走数千步，是养生家第一秘诀。尔每餐食毕，可至唐家铺一行，或至澄叔家一行，归来大约可三千馀步。三个月后，必有大效矣。

家书：咸丰十年十二月二十四日谕纪泽

养生之道，当于“眠、食”二字悉心体验。食即平日饭菜，但食之甘美，即胜于珍药矣。眠亦不在多寝，但实得神凝梦甜，

即片刻，亦足摄生矣。

日记：咸丰十一年十一月初六日

凡医生危言深语，切弗轻信，尤不可轻于服药。调养工夫，全在眠食二字上。

家书：同治五年八月十四日谕纪泽、纪

鸿

尊脉稍逊于前二日，自由不能养静之故。古人谓寡言养气，寡视养神，寡思养精。尊处胜友如云，难以寡言；簿书如麻，难以寡视。或请寡思，以资少息乎。

书信：咸丰十年三月二十八日复胡林翼

尔辈身体皆弱，每日须有静会养神之时，有发愤用功之时。一张一弛，循环以消息之，则学可进而体亦强矣。

家书：同治十年八月十四夜、谕纪泽纪

鸿

吾见家中后辈，体皆虚弱，读书不甚长进，曾以养生六事勸儿辈：一曰饭后千步，一曰将睡洗脚，一曰胸无恼怒，一曰静坐有常时，一曰习射有常时(射足以习威仪强筋力，子弟宜学习)，一曰黎明吃白饭一碗不沾点菜。此皆闻诸老人，累试毫无流弊者，今亦望家中诸侄试行之。

家书：同治十年十月二十三日

与澄、沅二弟

精神要常令有馀，于事则气充而心不散漫。

日记：道光二十二年十月初七日

总要静养，使精神常裕，方可说工夫也。

日记：道光二十二年十一月十二日

此病(肝病)非药饵所能为力，必须将万事看空，毋恼无怒，乃可渐渐减轻。螻蛇螯手，则壮士断其手，所以全生也。吾兄

弟欲全其生，亦当视恼怒如蝮蛇，去之不可不勇。

家书：同治三年四月十三日 致沅弟

吾近夜饭不用荤菜，以肉汤炖蔬菜一二种，令其烂如殍，味美无比，必可以咨培养（菜不必贵，适口则足养人），试炖与尔母食之。（星冈公好于日入时手摘鲜蔬，以供夜餐。吾当时侍食，实觉津津有味，今则加以肉汤，而味尚不逮于昔时。）后辈则夜饭不荤，专食蔬而不用肉汤，亦养生之宜，且崇俭之道也。颜黄门（之推）《颜氏家训》作于乱离之世，张文端（英）《聪训斋语》作于承平之世，所以教家者极精。尔兄弟各觅一册，常常阅习，则日进矣。

家书：同治四年闰五月十九日

谕纪泽二

学问之道立志向学

盖世人读书，第一要有志，第二要有识，第三要有恒。有志则断不甘为下流；有识则知学问无尽，不敢以一得自足，如河伯之观海，如井蛙之窥天，皆无识者也；有恒则断无不成之事。此三者缺一不可。

书：道光二十二年十二月二十一日

致澄沅沅季诸弟

学问之道无穷，而总以有恒为主。……不以昨日耽搁而今日补做，不以明日有事而今日预做。

家书：道光二十四年十一月二十一日

致澄沅沅季弟

兄所最虑者，同学之人无志嬉游，端节以后放散不事事，

恐弟与厚二效尤耳。切戒切戒。凡从师必久而后可以获益。……若一年换一处，是即无恒者，见异思迁也，欲求长进难矣。

家书：道光二十三年正月十七日

致澄沅沅季弟

苟能发奋自立，则家塾可读书，即旷野之地、热闹之场亦可读书，负薪收豕，皆可读书；苟不能发奋自立，则家塾不宜读书，即清净之乡、神仙之境皆不能读书。何必择地？何必择时？但问立志之真不真耳？

家书：道光二十二年二十六日 致澄沅

沅季弟

人生惟有常是第一美德。余早年于作字一道，亦尝苦思力求，终无所成。近日朝朝摹写，久不间断，遂觉日异而岁不同。可见年无分老少，事无分难易，但行之有恒，自如种树畜养，日见其大而不自觉耳。尔之短处在言语欠钝讷，举止欠端重，看书能深入而作文不能峥嵘，若能从此三事上下一番苦功，进之以猛，持之以恒，不过一二年，自尔精进不觉。言语迟钝，举止端重，则德进矣。作文有峥嵘雄快之气，则业进矣。

家书：同治元年四月初四日

谕纪泽

尔读书记性平常，此不足虑，所虑者第一怕无恒，第二怕随笔点过一遍，并未看得明白，此都是大病。若实看明白了，久之必得些滋味，寸心若有怡悦之境，则自略记得矣。尔不必求记，却宜求个明白。

家书：咸丰九年六月十四日

谕纪泽

若事事勤思善问，何患不一日千里？

家书：道光二十五年二月初一日

致澄沅季弟

譬如人欲之京师，一步不动而长吁短叹，但曰：“京师之远，岂我所能到乎？”则旁观者必笑之矣。吾愿吾弟步步前进，日日不止，自有到期，不必计算远近而徒长吁短叹也。

家书：道光二十七年二月十二日 致澄

沅季弟

吾人为学最要虚心。尝见朋友中有美材者，往往恃才傲物，动谓人不如己，见乡墨则骂乡墨不通，见会墨则骂会墨不通，既骂房官，又骂主考，未入学者则骂学院。平心而论，己之所为诗文，实亦无胜人之处；不特无胜人之处，而且有不堪对人之处。只为不肯反求诸己，便都见得人家不是，既骂考官，又骂同考而先得者。傲气既长，终不进功，所以潦倒一生而无寸进也。

家书：道光二十四年十月二十一日

致澄沅季弟

细思不能主一之咎，由于习之不熟，由于志之不立，而实由于知之不真。若真见得不主一之害心废学，便如食乌喙之杀人，则必主一矣。不能主一，无择无守，则虽念念在四书、五经上，亦只算游思杂念，心无统摄故也。况本为歧念乎？

日记：道光二十二年十月廿四日

及诸生呈缴工课，余教以“诚勤廉明”四字，而“勤”字之要但在好问好察云云，反复开导。

日记：咸丰十年五月初六日

读书穷理，不办得极虚之心，则先自窒矣。

日记：道光二十年十月十七日

心常用则活，不用则窒；常用则细，不用则粗。

家书：咸丰十年二月二十四日 谕纪泽

余在徐州阅武□，十一日起行南旋。感冒全愈，脚肿亦未再发，惟目光似更昏蒙，或以船桥中看书稍多之故。余以生平学术百无一成，故老年犹思补救一二。尔兄弟总宜在五十以前将应看之书看毕，免致老大伤悔也。

家书：同治十年九月十二夜

谕纪泽

人苟能自立志，则对贤豪杰何事不可为？何必借助于人！“我欲仁，斯仁至矣。”我欲为孔孟，则日夜孜孜，惟孔孟之是学，人谁得而御我哉？若自己不立志，则虽日与尧舜禹汤同往，亦彼自彼，我自我矣，何与于我哉！

家书：道光二十四年九月十九日

致澄沅沅季诸弟

吾人只有进德、修业两事靠得住。进德，则孝弟仁义是也；修业，则诗文作字是也。此二者由我作主，得尺则我之尺也，得寸则我之寸也。今日进一分德，便算积了一升谷；明日修一分业，又算馀了一文钱。德业并进，则家私时起。至于功名富贵，悉由命定，丝毫不能自主。

家书：道光二十四年八月二十九日

致澄沅沅季诸弟

吾辈读书，只有两事：一者进德之事，讲求乎诚正修齐之道，以图无忝所生；一者修业之事，操习乎记诵词章之术，以自卫其身。

家书：道光二十二年九月十八日

与澄沅沅季诸弟

人之气质，由于天生，本难改变，惟读书则可变化气质。欲求变之之法，总须先立坚卓之志。……古称金丹换骨，余谓

立志即丹也。

家书：同治元年四月二十四日谕 纪泽

诸弟每人自立课程，必须有日日不断之功，虽行船走路，俱须带在身边。

家书：道光二十二年十月三十六日

致澄沅沆季诸弟

读书时，心外驰，总是不敬之咎。

日记：道光二十二年十月廿日

余生平以无恒之故，百无一成。即写字一端，用力亦不少，而时进时退，时好之，时不好之，时慕欧、柳、时慕赵、董，趋向无定，作辍靡常。学古文则趋向略有所定，亦以不常作之故，卒无所成，每周悔叹。人而无恒，不可以作巫医。诚哉，是言也！

日记：咸丰九年三月初一日

静中，细思古今亿万年无有穷期，人生其间，数十寒暑仅须臾耳。大地数万里不可能极，人于其中寝处游息，昼仅一室耳，夜仅一榻耳。古人书籍，近人著述，浩如烟海，人生目光之所能及者不过九牛之一毛耳。事变万端，美名百途，人生才力所能办者，不过太仓之一粒耳。知天之长而吾所历者短，则遇忧患横逆之来，当少忍以待其定；知地之大而吾所居者小，则遇名利争夺之境，当退让以守其雌；知书籍之多而吾所见者寡，则不敢以一得自喜，而当思择善而约守之；知事变之多而吾所办者少，则不敢以功名自种，而当思举贤而共图之。夫如是，则自私自满之见可渐渐蠲除矣。

日记：同治元年四月十一日

念吾未看之书尚多，而老境颓唐，俗务纷繁，自此真不复有寸进矣，为之于悒！

日记：同治三年八月初六日

盖人不读书则己，亦即自曰读书人，则必从事于《大学》。《大学》之纲领有三：明德、新民、止至善。皆我分内事也。若读书不能体贴到身上去，谓此三项与我身了不相涉，则读书何用？虽使能文能诗，博雅自诩，亦只算得识字之牧猪奴耳！

家书：道光二十二年十月二十六日臻澄

温沅季诸弟

天下事皆须沉潜为己〔之〕，乃有所成，道艺一也。

日记：道光二十二年十二月廿日

守坐室内，一书不读，悠忽如此，何以自立？

日记：道光二十三年正月廿五日

余于本朝大儒，自顾亭林之外，最好高邮王氏之学。王安国以鼎甲官至尚书，谥文肃，正色立朝，生怀祖先生念孙，经学精卓，生王引之，复以鼎甲官尚书，谥文简，三代皆好学深思，有汉韦氏、唐颜氏之风。余自憾学问无成，有愧王文肃公远甚，而望尔辈为怀祖先生，为伯申氏，则梦寐之际，未尝须臾忘也。怀祖先生所著《广雅疏证》《读书杂志》，家中无之。伯申氏所著《经义述闻》《经传释词》，《皇清经解》内有之，尔可试取一阅，其不知者，写信来问。本朝穷经者，皆精小学，大约不出段、王两家之范围耳。

家书：咸丰八年十二月三十日

谕纪泽

余生平有三耻：学问各途，皆略涉其涯，独天文算学，毫无所知，虽恒星五纬亦不识认，一耻也；每作一事，治一业，辄有始无终，二耻也；少时作字，不能临摹一家之体，遂致屡变而无所成，迟钝而不适于用，近岁在军，因作字太钝，废阁殊多，三耻也。尔若为克家之子，当思雪此三耻。推步算学，

纵难通晓，恒星五纬，观认尚易。家中言天文之书，有《十七史》中各天文志，及《五礼通考》中所辑《观象授时》一种。每夜认明恒星二三座，不过数月，可毕识矣。凡作一事，无论大小难易，皆宜有始有终。作字时，先求圆匀，次求敏捷。若一日能作楷书一万，少或七八千，愈多愈熟，则手腕毫不费力。将来以之为学，则手钞群书；以之从政，则案无留牍。无穷受用，皆自写字之匀而且捷生出。——三者皆足弥吾之缺憾矣。

今年初次下场，或中或不中，无甚关系。榜后即当看《诗经注疏》，以后穷经读史，二者迭进。国朝大儒，如顾、阎、江、戴、段、王数先生之书，亦不可不熟读而深思之。光阴难得，一刻千金！

家书：咸丰八年八月二十日

谕纪泽为学之方

又曾以为学四事勸儿辈：一曰看生书宜求速，不多阅则太陋；一曰温旧书宜求熟，不肯诵则易忘；一曰习字宜有恒，不善写则如身之无衣，山之无木；一曰作文宜苦思，不善作则如人之哑不能言，马之跛不能行。四者缺一不可。

家书：同治十年十月二十三日

致澄弟沅弟

“吾意学者于看、读、写、作四者，缺一不可。看者涉猎宜多、宜速；读者讽咏宜熟、宜专。看者“日知其所亡”，读者“月无忘其所能”。看者如商贾趋利，闻风即往，但求其多；读者如富人积钱，日夜摩挲，但求其久。看者如攻城拓地，读者如守土防隘。二者截然两事，不可缺亦不可混。至写字不多则不熟，不熟则不速。无论何事，均不能敏以图功。至作文，则所以濡此心之灵机也。心常用则活，不用则窒，如泉在地，不凿汲则不得甘醴，如玉在璞，不切磋则不成令器。

书信：咸丰九年六月二十四日

复邓注琼

买书不可不多，而看书不可不知所反。以韩退之为千古大儒，而自述其所服膺之书不过数种，曰《易》、曰《书》、曰《诗》、曰《春秋左传》、曰《庄子》、曰《离骚》、曰《史记》、曰相如、

子云。柳子厚自述其所得，正者曰《易》、曰《书》、曰《诗》、曰《礼》、曰《春秋》，旁者曰《谷梁》、曰《孟》《荀》、曰《庄》《老》、曰《国语》、曰《离骚》、曰《史记》。二公所读之书，皆不甚多。

家书：咸丰九年四月二十一日

谕纪泽

读书之法，看、读、写、作，四者每日不可缺一。看者，如尔去年青《史记》、《汉书》、韩文、《近思录》，今年青《周易折中》之类是也。读者，如《四书》、《诗》、《书》、《易经》、《左传》诸经、《昭明文选》、李杜韩苏之诗、韩欧曾王之文，非高声朗诵则不能得其雄伟之概，非密咏恬吟则不能探其深远之韵。譬之富家居积，看书则在外贸易，获利三倍者也，读书则在家慎守，不轻花费者也；譬之兵家战争，看书则攻城略地，开拓土宇者也，读书则深沟坚垒，得地能守者也。看书与子夏之“日知所亡”相近，读书与“无忘所能”相近，二者不可偏废。

家书：咸丰八年七月二十一日

谕纪泽

去年在营，余教以看、读、写、作，四者阙一不可。尔今阅《通鉴》，算看字工夫；抄《说文》，算读字工夫。尚能临帖否？或临《书谱》，可用油纸摹欧、柳楷书，以药尔柔弱之体，

此写字工夫，必不可少者也。尔去年曾将《文选》中零字碎锦分类纂抄，以为属文之材料，今尚照常摘抄否？已卒業否？或分类抄《文选》之词藻，或分类抄《说文》之训诂，尔生平作文太少，即以此代作字工夫，亦必不可少者也。尔十余岁至二十岁虚度光阴，及今将看、读、写、作四字逐日无间，尚可有成。尔语言太快，举止太轻，近能力行迟重二字以改救否？

家书：咸丰十一年七月二十日

谕纪泽

求业之精，别无他法，曰专而已矣。谚曰“艺多不养身”，谓不专也。吾掘井多而无泉可饮，不专之咎也。诸弟总须力图专业。

家书：道光二十二年九月十八日

与澄沅沔季诸弟

数日心沾滞于诗，总由心不静故。不专一，当力主一之法。诚能主一，养得心静气恬，到天机活泼之时，即作诗亦自无妨。

日记：道光二十二年十月十三日

凡看书只宜看一种，一种未毕而另换一种，则无恒之弊，终无一成；若同时并看数种，尤难有恒，将来必不能看毕一种，不可不戒。

书信：咸丰九年五月二十一日加易韩良

片

穷经必专一经，不可泛鹜。读经以研寻义理为本，考据名物为末。读经有一耐字诀。一句不通，不看下句，今日不通，明日再读；今年不精，明年再读。此所谓耐也。读史之法，莫妙于设身处地。每看一处，如我便与当时之人酬酢笑语于其间，不必人人皆能记也，但记一人，则恍如接其人；不必事事皆能记也，但记一事，则如恍亲其事。经以穷理，史以考事。舍此

二者，更别无学矣。

……

若失经史而外，诸子百家，汗牛充栋。或欲阅之，但当读一人之专集，不当东翻西阅。如读昌黎集，则目之所见，耳之所闻，无非昌黎。以为天地间，除昌黎集而外，更别无书也。此一集未读完，断断不换他集，亦专字诀也。

家书：道光二十三年正月十七日

致澄沅沅季诸弟

子思、朱子言为学譬如煮肉，先须用猛火煮，然后用漫火温，予生平工夫全未用猛火煮过，虽略有见识，乃是从悟境得来。偶用功，亦不过优游玩索已耳，如未沸之汤，遽用漫火温之，将愈煮愈不熟矣。

家书：道光二十二年九月二十八日

致澄沅沅季诸弟

子序之为人，予至今不能定其品。然识见最大且精，尝教我云：“用功譬若掘井，与其多掘数井而皆不及泉，何若老守一井，力求及泉而用之不竭乎？”此语正与予病相合。盖予所谓掘井多而皆不及泉者也。

家书：道光二十二年九月二十八日

致澄沅沅弟诸弟

读书乃寒士本业，切不可有官家风味。吾于书箱及文房器具，但求为寒士所能备者，不求珍异也。

家书：同治五年十二月二十三日

谕纪泽

汝读《四书》无甚心得，由不能虚心涵泳，切已体察。朱子教人读书之法，此二语最为精当。尔现读《离娄》，即如《离娄》首章“上无道揆，下无法守”，吾往年读之，亦无甚

警惕；近岁在外办事，乃知上之人必揆诸道，下之人必守乎法，若人人以道揆自许，从心而不从法，则下凌上矣。“爱人不亲”章，往年读之，不甚亲切；近岁阅历日久，乃知治人不治者，智不足也。——此切己体察之一端也。涵泳二字，最不易识，余尝以意测之曰：涵者，如春雨之润花，如清渠之溉稻。雨之润花，过小则难透，过大则离披，适中则涵濡而滋液。清渠之溉稻，过小则枯槁，过多则伤涝，适中则涵养而勃兴。泳者，如鱼之游水，如人之濯足。程子谓鱼跃于渊，活泼泼地；庄子言涸梁观鱼，安知非乐？此鱼水之快也。左太冲有“濯足万里流”之句，苏子瞻有夜卧濯足诗，有浴罢诗，亦人性乐水者之一快也。善读书者，须视书如水，而视此心如花、如稻、如鱼、如濯足，则涵泳二字，庶可得之于意言之表。尔读书易于解说文义，却不甚能深入，可就朱子“涵泳”“体察”二语悉心求之。

家书：咸丰大年八月初三

谕纪泽

尔七古诗，气清而词亦稳，余阅之忻慰。凡作诗，最宜讲究声调。余所选抄五古龙家，七古六家，声调皆极铿锵，耐人百读不厌。余所未抄者，如左太冲，江文通、陈子昂、柳子厚之五古，鲍明远、高达夫、王摩诘、陆放翁之七古，声调亦清越异常。尔欲作五古七古，须熟读五古七古各数十篇。先之以高声朗诵，以昌其气；继之以密咏恬吟，以玩其味。二者并进，使古人之声调拂拂然若与我之喉舌相习，则下笔为诗时，必有句调凑赴腕下。诗成自读之，亦自觉琅琅可诵，引出一种兴会来。古人云“新诗改罢自长吟”，又云“煅诗未就且长吟”，可见古人惨淡经营之时，亦纯在声调上下工夫。盖有字句之诗，人籁也；无字句之诗，天籁也。解此者，能使天籁人籁凑泊而成，则于诗之道思过半矣。

家书：咸丰八年八月二十日

谕纪泽

纪泽看《汉书》，须以勤敏行之。每日至少亦须看二十页，不必惑于在精不在多之说。今日半页，明白数页，又明日耽阁间断，或数年而不能毕一部。如煮饭，歇火则冷，小火则不熟，须用大柴大火乃易成也。

家书：咸丰六年十一月二十九日

致澄弟

余生平好读《史记》《汉书》《庄子》《韩文》四书，尔能看《汉书》，是余所欣慰之一端也。

看《汉书》有两种难处：必先通于小学、训诂之书，而后能识其假借奇字；必先习于古文辞章之学，而后能读其奇篇奥句。尔于小学、古文两者皆未曾入门，则《汉书》中不能识之字、不能解之句多矣。

欲通小学，须略看段氏《说文》、《经籍纂诂》二书。王怀祖（名念孙，高邮州人）先生有《读书杂志》，中于《汉书》之训诂极为精博，为魏晋以来释《汉书》者所不能及。

欲明古文，须略看《文选》及姚姬传之《古文辞类纂》二书。班孟坚最好文章，故于贾谊、董仲舒、司马相如、东方朔、司马迁、扬雄、刘向、匡衡、谷永诸传皆全录其著作；即不以文章名家者，如贾山邹阳等四人传、严助朱买臣等九人传、赵充国屯田之奏、韦元成为议礼疏以及贡禹之章、陈汤之狱奏，皆以好文之故，悉载矩篇。如贾生之文，既著于本传，复载于《陈涉传》《食货志》等篇；子云之文，既著于本传，复载于《匈奴传》《王贡传》等篇，极之《充国赞》《酒箴》，亦皆录入各传。

盖孟坚于典雅瑰玮之文，无一字不甄采。尔将十二帝纪阅

毕后，且先读列传。凡文之昭明暨姚氏所选者，则细心读之；即不为二家所选，则另行标识之。若小学、古文二端略得途径，其于读《汉书》之道，思过半矣。

家书：咸丰六年十一月初五日

谕纪泽

吾谓读书不能强记，此亦养身之道。凡求强记者，尚有好名之心横亘于方寸，故愈不能记；若全无名心，记亦可，不记亦可，此心宽然无累，反觉安静，或反能记一二处，亦未可知。

家书：咸丰五年七月初八日

致澄沅沅弟诸弟

凡读书有难解者，不必遽求甚解。有一字不能记者，不必苦求强记，只须从容涵泳。今日看几篇，明日看几篇，久久自然有益。但于已阅过者，自作暗号，略批几字，否则历久忘其为已阅未阅矣。

家书：咸丰五年五月二十六日

致澄沅沅弟诸弟

纪泽儿读书记性不好，悟性较佳。若令其句句读熟，或责其不可再生，则愈读愈蠢，将来仍不能读完经书也。请子植弟将泽儿未读之经，每日点五六百字教一遍，解一遍，令其读十遍而已，不必能背诵也，不必常温习也。待其草草点完之后，将来看经解，亦可求熟。若蛮读蛮记蛮温，断不能久熟，徒耗日工而已。

家书：道光五年二月二十九日度

致澄沅沅弟诸弟

尔《说文》将看毕，拟先看各经注疏，再从事于词章之学。余观汉人词章，未有不精于小学训诂者。如相如、子云、孟坚，于小学皆专著一书，《文选》于此三人之文著录最多。余于古

文，志在效法此三人并司马迁、韩愈五家，以此五家之文，精于小学训诂，不妄下一字也。

尔于小学既粗有所见，正好从词章上用功。《说文》看毕之后，可将《文选》细读一遍。一面细读，一面抄记，一面作文，以仿效之。凡奇僻之字，雅故之训，不手抄则不能记，不摹仿则不惯用。

自宋以后，能文章者不通小学；国朝诸儒，通小学者又不能文章。余早岁窥此门径，因人事太繁，又久历戎行，不克卒业，至今用为疚憾。尔之天分，长于看书，短于作文。此道太短，则于古书之用意行气，必不能看得谛当。目下宜从短处下工夫，专肆力于《文选》，手抄及摹仿二者皆不可少。待文笔稍有长进，则以后诂经读史，事事易于着手矣。

家书：同治元年五月十四日

谕纪泽

凡大家名家之作，必有一种面貌，一种神态，与他人迥不相同。譬之书家，羲、献、欧、虞、褚、李、颜、柳，__点__画，其画貌既截然不同，其神气亦全无似处。本朝张得天、何义门虽称书家，而未能尽变古人之貌，故必如刘石庵之貌异神异，乃可推为大家。诗文亦然，若非其貌其神迥绝群伦，不足以当大家之目。渠既迥绝群伦矣，而后人读之，不能辨识其貌，领取其神，是读者之见解未到，非作者之咎也。

尔以后读古文古诗，惟当先认其貌，后观其神，久之自能分别蹊径。今人动指某人学某家，大抵多道听途说，扣啮扞牾之类，不足信也。君子贵于自知，不必随众口附和也。

家书：同治五年十月十一日

谕纪泽

无论何书，总须从首至尾通看一遍。不翻，乱翻几页，摘

抄几篇，而此书之大局精处茫然不知也。

家书：道光二十三年六月初六日

致温弟

尔所论看《文选》之法，不为未见。吾观汉魏文人，有二端最不可及：一曰训诂精确，二曰声调铿锵。《说文》训诂之学，自中唐以后人多不讲，宋以后说经尤不明故训。及至我朝巨儒，始通小学，段茂堂、王怀祖两家，遂精研乎古人文字声音之本，乃知《文选》中古赋所用之字，无不典雅精当。尔若能熟读段、王两家之书，则知眼前常见之字，凡唐宋文人误用者，惟《六经》不误，《文选》中汉赋亦不误也。即以尔禀中所论《三都赋》言之，如“蔚若相如，皤若君平”，以一蔚字赅括相如之文章，以一皤字赅括君平之道德，此虽不尽关乎训诂，亦足见其下字之不苟矣。至声调之铿锵，如“开高轩以临山，列绮窗而瞰江”，“碧出茝弘之血，鸟生杜宇之魄”，“洗兵海岛，刷马江洲”，“数军实乎桂林之苑，飡戎旅乎落星之楼”等句，音响节奏，皆后世所不能及。尔看《文选》，能从此二者用心，则渐有入理处矣。……

家书：咸丰十年闰三月初四日

尔于小学训诂颇识古人源流，而文章又窥见汉魏六朝之门径，欣慰无已。余尝怪国朝大儒如戴东原、钱辛楣、段懋堂、王怀祖诸老，其小学训诂实能超越近古，直逼汉唐，而文章不能追寻古人深处，达于本而阂于末，知其一而昧其二，颇所不解。私窃有志，欲以戴、钱、段、王之训诂，发为班、张、左、郭之文章（晋人左思、郭璞小学最深，文章亦逼两汉，潘、陆不及也），久事戎行，斯愿莫遂。若尔曹能成我未竟之志，则至乐莫大乎是，即日当批改付归。

尔既得此津筏，以后便当专心一志，以精确之训诂，作古

茂之文章。由班、张、左、郭、上而扬、马，而《庄》《骚》，而《六经》，靡不息息相通。下而潘、陆，而任、沈，而江、鲍、徐、庾，则词愈杂，气愈薄，而训诂之道衰矣。至韩昌黎出，乃由班、张、扬、马而上跻《六经》，其训诂亦甚精当。尔试观《南海神庙碑》《送郑尚书序》诸篇，则知韩文实与汉赋相近；又观《祭张署文》、《平淮西碑》诸篇，则知韩文实与《诗经》相近。近世学韩文者，皆不知其与扬、马、班、张一鼻孔出气，尔能参透此中消息，则几矣。

尔阅看书籍颇多，然成诵者太少，亦是一短。嗣后宜将《文选》最惬意者熟读，以能背诵为断。如《两都赋》《西征赋》《芜城赋》及《九辩》《解嘲》之类，皆宜熟读。《选》后之文，如《与杨遵彦书》（徐）、《哀江南赋》（庾）亦宜熟读。又经世之文，如马贵与《文献通考》序二十四首，天文如丹元子之《步天歌》（《文献通考》）载之，（《五礼通考》载之），地理如顾祖禹之《州域形势叙》（见《方輿纪要》首数卷，低一格者不必读，高一格者可读，其排列某州某郡无文气者亦不必读）——以上所选文七篇三种，尔与纪鸿儿皆当手抄熟读，互相背诵。将来父子相见，余亦课尔等背诵也。

家书：同治二年三月初四日

谕纪泽

吾教诸弟学诗无别法，但须看一家之专集，不可读选本，以汨没性灵。至要至要。吾于五七古学杜、韩，五七律学杜，此两家无一字不细看。外此则古诗学苏、黄，律诗学义山，此三家亦无一字不看，五家之外，则用功浅矣。

家书：道光二十五年三月初五日

致澄沅沅弟诸弟

学诗从《中州集》入亦好。然吾意读总集，不如读专集。

此事人人意见各殊，嗜好不同。吾之嗜好，于五古则喜读《文选》，于七古则喜读昌黎集，于五律则喜读杜集，七律亦最喜杜诗，而苦不能步趋，故兼读元遗山集。……尔要学诗，先须看一家集，不要东翻西阅。先须学一体，不可各体同学。盖明一体，则比明也。

家书：道光二十三年六月初六日

致温弟

鄙人尝谓古今书籍，浩如烟海，而本根之书，不过数十种。“经”则《十三经》是已，“史”则《廿四史》暨《通鉴》是已，“子”则《十子》是已，“集”则《文选》《百三名家》暨唐宋以来专集数十家是已。自斯以外，皆剿袭前人之说以为言，編集众家之精以为书。本根之书，犹山之干龙也，編集者犹枝龙护砂也。军事匆匆，不暇细开书目。阁下如购书，望多买经史，少买后人編集之书为要。

书信：咸丰十年四月二十六日复李续宜

尔治经之时，无论看清疏，看宋传，总宜虚心求之。其惬意者，则以朱笔识出；其怀疑者，则以另册写一小条，或多为辩论，或仅著数学，将来疑者渐晰，又记于此条之下，久久渐成卷帙，则自然日进。高邮王怀祖先生父子，经学为本朝之冠，皆自札记得来。

家书：咸丰八年十月二十五日

谕纪泽

吾于训诂、词章二端颇尝尽心。尔看书若能通训诂，则于古人之故训大义、引伸假借渐渐开悟，而后人承讹袭误之习可改。若能通词章，则于古人之文格文气、开合转折渐渐开悟，而后人硬腔滑调之习可改。

家书：咸丰十年四月初四日

谕纪泽

镜文言读书贵有心得，不必轻言著述；注经者依经求义，不敢支蔓；说经者置身经外，与经相附丽，不背可也，不必说此句，即解此句也。

日记：道光二十三年二月廿九日

凡读书笔记，贵于得问。戴东原谓阎百诗善看书，亦以其蹈瑕抵隙，能坏攻古人之短也。近世如高邮王氏，凡读一书，于正文注文，一一求其至是，其疑者非者，不敢苟同，以乱古人之真，而欺方寸之知。若专校异同，而某字某本作某，则谓之考异，谓之校对，不得与精核大义、参稽疑误者，同日而语。

书信：咸丰十年三月二十七日复张裕钊

仆观作古文者，例有傲骨，惟欧阳公较平和，此外皆刚介倔强，与世龃龉。足下傲骨嶙峋，所以为文之质恰与古人相合，惟病在贪多，动致冗长，可取国朝《二十四家古文》读书。参之侯朝宗、魏叔子以写胸中磊块不平之气，参之方望溪，汪钝翁以药平日浮冗之失，两者并进，所诣自当日深，易以有成也。

书信：咸丰八年十月初一日

加彭玉麟片

尔言鸿儿为邓师所赏，余甚欣慰。鸿儿现阅《通鉴》，尔亦可时时教之。尔看书天分甚高，作字天分甚高，作诗文天分略低。若在十五六岁时教导得法，亦当不止于此。今年已二十三岁，全靠尔自己挣扎发愤，父兄师长不能为力。作诗文是尔之所短，即宜从短处痛下工夫；看书写字尔之所长，即宜拓而充之。走路宜重，说话宜迟，常常记忆否？家书：咸丰十一年正月十四日谕纪泽

尔之才思，能古雅而不能雄骏，大约宜作五言，而不宜作七言。……尔要读古诗，汉魏六朝，取余所选曹、阮、陶、谢、

鲍、谢六家，专心读之，必与尔性质相近。至于开拓心胸，扩充气魄，穷极变态，则非唐之李杜韩白、宋金之苏黄陆元八家不足以尽天下古今之奇观。尔之质性，虽与八家者不相近，而要不可不将此八人之集悉心研究一番，实《六经》外之巨制，文字中之尤物也。

家书：同治元年正月十四日

谕纪泽

读书之道，杜元凯称，若江海之侵，膏泽之润；若见闻太寡，蕴蓄太浅，譬犹一勺之水，断无转相灌注、润泽丰美之象，故君子不可以小道自域也。

日记：咸丰九年五月十二日

余所责尔之功课，并无多事，每日习字一百，阅《通鉴》五页，诵熟书一千字（或经书或古文、古诗，或八股试帖。从前读书即为熟书，总以能背诵为止，总宜高声朗诵），三八日作一文一诗。此课极简，每日不过两个时辰，即可完毕，而看、读、写、作四者俱全，馀则听尔自为主张可也。

家书：同治五年正月十八日

谕纪鸿诗文指要

无论古今何等文人，其下笔造句，总以珠圆玉润四字为主。无论古今何等书家，其落笔结体，亦以珠圆玉润四字为主。故吾前示尔书，专以一重字救尔之短，一圆字望尔之成也。世人论文家之语圆而藻丽者，莫如徐（陵）庾（信），而不知江（淹）鲍（照）则更圆，进之沈（约）任（昉）则亦圆，进之潘（岳）陆（机）则亦圆，又进而溯之东汉之班（固）张（衡）崔（骃）蔡（邕）则亦圆，又进而溯之西汉之贾（谊）晁（错）匡（衡）刘（向）则亦圆。至于马迁、相如、子云三人，可谓力趋险奥，不求圆适矣；而细读之，亦未始不圆。至于昌黎，其志意直欲凌驾子长、卿、云

三人，戛戛独造，力避圆熟矣；而久读之，实无一字不圆，无一句不圆。

家书：咸丰十年四月二十四日

谕纪泽

有气则有势，有识则有度，有情则有韵，有趣则有味，古人绝好文字，大约于此四者之中必有一长。

家书：同治四年六月初一日

谕纪泽纪鸿

日内心沾滞于诗，明知诗文以积久勃发为佳，无取乎强索，乃思之不得，百事俱废，是所谓溺心者也，戒之。

日记：道光二十三年三月二十九日

古之善为诗古文者，其工夫皆在诗古文之外。若寻行数墨，以求之索之，愈迫，则去之愈远矣。

文：《格言四幅书赠李芋仙》

文章之道，以气象光明俊伟力最难而可贵。如久雨初晴，登高山而望旷野。如楼俯大江，独坐明窗净几下，而可以远眺。如英雄侠士，褐裘而来，绝无齷齪猥鄙之态。此三者，皆光明俊伟之象。文中有此气象者，大抵得于天授，不尽关乎学术。自孟子、韩子而外，惟贾生及陆敬舆、苏子瞻得此气象最多。阳明之文，亦有光明俊伟之象。虽辞旨不甚渊雅，而其轩爽洞达如与晓事人语，表里璨然，中边俱澈，固自不可几及也。

读书录：阳明文集

作诗文，有情极真挚，不得不一倾吐之时。然必须平日积理既富，不假思索，左右逢源，其所言之理，足以达其胸中至真至正之情，作文时无镌刻字句之苦，文成后无郁塞不吐之情，皆平日读书积理之功也。若平日蕴酿不深，则虽有真情欲吐，而理不足以适之，不得不临时寻思义理；义理非一时所可取办，

则不得不求工于字句；至于雕饰字句，则巧言取悦，作伪日拙，所谓修词立诚者，荡然失其本旨矣！以后真情激发之时，则必视胸中义理何如，如取如携，倾而出之可也。不然，而须临时取办，则不如不作，作则必巧伪媚人矣。

日记：道光二十二年二月十七日

余思古文有八字诀，曰雄、直、怪、丽、淡、远、茹、雅。近于茹字似更有所得。而音响、节奏，须一“和”字为主，因将“淡”字改为“和”字。

日记：咸丰十年闰三月廿四日

是日，思白香山、陆放翁之襟怀澹宕，殊不可及。古文家胸襟虽淡泊，而笔下难于写出。思一为之，以写淡定之怀，古所谓一卷冰雪文者也。

日记：咸丰九年六月十七日

因思古人成一小枝，皆当有庖丁解牛，（田鹿）螭承螭之意。况古文之道，至大且精，岂可以浅尝薄涉而冀其成者！

日记：咸丰九年七月廿六日

吾尝取姚姬传先生之说，文章之道，分阳刚之美、阴柔之美二种。大抵阳刚者，气势浩瀚；阴柔者，韵味深美。浩瀚者，喷薄出之；深美者，吞吐而出之。就吾所分十一类言之，论著类、词赋类宜喷薄；序跋类宜吞吐；奏议类、哀祭类宜喷薄；诏令类、书牋类宜吞吐；传志类、叙记类宜喷薄；典志类、杂记类宜吞吐。其一类中微有区别者，如哀祭虽宜喷薄，而祭郊社祖宗则宜吞吐，诏令类虽宜吞吐，而檄文则宜喷薄；书牋类虽宜吞吐；而论事则宜喷薄。此外各类，皆可以是意推之。

日记：咸丰十年三月二十七日

夫古文亦自有气焉，有体焉。今使有人于此，足反居上，首顾居下，一胫之大几如要，一指之大几如股，则见者谓之不

成人。又或颐隐于齐，肩高于项，五官在上，两髀为胁，则见者亦必反而却走。为文者，或无所专注，无所归宿，温衍而不知所裁，气不能举其体，则谓之不成文。故虽长篇巨制，其精神意趣之所在，必有所谓鼻端之一笔者。譬若水之有干流，山之有主峰，画龙者之有睛。物不能两大，人不能两首，文之主意亦不能两重，专重一处而四体停匀，乃始成章矣。

文《笔记二十七则文》

尔问文中雄奇之道。雄奇以行气为上，造句次之，选字又次之。然未有字不古雅而句能古雅，句不古雅而气能古雅者；亦未有字不雄奇而句能雄奇，句不雄奇而气能雄奇者。是文章之雄奇，其精处在行气，其粗处全在造句选字也。余好古人雄奇之文，以昌黎为第一，扬子云次之。二公之行气，本之天授。至于人事之精能，昌黎则造句之工夫居多，子云则选字之工夫居多。

家书：咸丰十一年正月初四日

谕纪泽

造句约有二端：一曰雄奇，一曰惬意。雄奇者，瑰玮俊迈。以扬马为量；诙诡恣肆，以庄生为量；兼擅瑰玮诙诡之胜者，则莫盛于韩子。惬意者，汉之匡、刘，宋之欧、曾，均能细意熨贴，朴属微至。雄奇者，得之天事，非人力所可强企。惬意者，诗书酝酿，岁月磨练，皆可日起而有功。惬意未必能兼雄奇之长；雄奇则末有不惬意者。学者之识，当仰窥于瑰玮俊迈，诙诡恣肆之域，以期日进于高明。若施手之处，则端从平实惬意始。

文：《笔记二十七则文》

杜诗韩文所以能百世不朽者，彼自有知言、养气工夫。惟其知言。故常有一二见道语，谈及时事，亦甚识当世要务。惟

其养气。故无纤薄之响。而我乃以矜气读之，是客气用事矣，何能与古人投入哉！

日记：道光二十三年二月十大日

念古文之道，亦须有奇横之趣、自然之致，二者并进，乃为成体之文。

日记：咸丰十一年七月初四日

然余谓欲求文气之厚，总须读汉人奏议二三十首，酝酿日久，则不期厚而自厚矣。

文：《鸣原堂论文刘向论起写陵疏》

余近年颇识古人文章门径，而在军鲜暇，未尝偶作，一吐胸中之奇。尔若能解《汉书》之训诂，参以《庄子》之诙诡，则余愿偿矣。至行气为文章第一义，卿、云之跌宕，昌黎之倔强，尤为行气不易之法。尔宜先于韩公倔强处揣摩一番。

家书：同治元年八月初四

谕纪泽

文家之有气势，亦犹书家有黄山谷、赵松雪辈，凌空而行，不必尽合于理法，但求气之昌耳。故南宋以后文人好言义理者，气皆不盛，大抵凡事皆宜以气为主，气能挟理以行，而后虽言理而不厌，否则气既衰祐，说理虽精，未有不可厌者。犹之作字者。气不贯注，虽笔笔有法，不足观也。

日记：同治五年十月十四日

凡为文，用意宜敛多而侈少；行气宜缩多而伸少。推之孟子不如孔子处，亦不过辞昌语快，用意稍侈耳。后人为文，但求其气之伸。古人为文，但求其气之缩。气恒缩，则词句多涩，然深于文者，固当从这里过。

文：《笔记二十七则文》

思古文之道，谋篇布势是一段最大工夫。《书经》、《左传》，

每一篇空处较多，实处较少；旁面较多，正面较少。精神注于眉宇目光，不可周身皆眉，到处皆目也。线索要如蛛丝马迹，丝不可过粗，迹不可太密也。

日记：咸丰九年八月初九日

不特写字宜摹仿古人间架，即作文亦宜摹仿古人间架。《诗经》造句之法，无一句无所本。《左传》之文。多现成句调。扬子云为汉代文宗，而其《太玄》摹《易》，《法言》摹《论语》，《方言》摹《尔雅》，《十二箴》摹《虞箴》，《长杨赋》摹《难蜀父老》，《解嘲》摹《客难》，《甘泉赋》摹《大人赋》，《剧秦美新》摹《封禅文》，《谏不许单于朝书》摹《国策》“信陵君谏伐韩”，几于无篇不摹。即韩、欧、曾、苏诸巨公之文，亦皆有所摹拟，以成体段。尔以后作文作诗赋，均宜心有摹仿，而后间架可立，其收效较速，其取径较便。

家书：咸丰九年三月初三百清明

谕纪泽

余惟文章之可以道古，可以适今者，莫于作赋。汉魏六朝之赋，名篇巨制，具载于《文选》，余尝以《西征》、《芜城》及《恨》、《别》等赋示尔矣。其小品赋，则有《古赋识小录》。律赋，则有本朝之吴谷人、顾耕石、冻秋舫诸家，尔若学赋，可于每三、八日作一篇大赋，或数千字，小赋或仅数十字，或对或不对，均无不可。

家书：咸丰八年十月二十五日

谕纪泽

偶思古文之道与骈体相通。由徐、庾而进于任、沈，由任、沈而进于潘、陆，由潘、陆而进于左思，由左思而进于班、张，由班、张而进于卿、云，韩退之之文比卿、云更高一格。解学韩文，即可窥六经之间奥矣。

日记：咸丰十年三月十五日

奏疏总以明显为要，时文家有典显浅三字诀，奏疏能备此三字，则尽善矣。典字最难，必熟于前史之事迹并熟于本朝之掌故，乃可言典。至显浅二字，则多本于天授。虽有博学多闻之士，而下笔不能显豁者多矣。浅字与雅字相背，白香山诗务令老妪皆解，而细求之，皆雅饬而不失之率。吾尝谓奏疏能如白诗之浅，则远近易传播，而君上亦易感动。

读书录：东坡文集上皇帝书

和张邑侯诗，音节近古，可慰可慰。五言诗，若能学到陶潜、谢眺，一种冲淡之味，和谐之音，亦天下之至乐，人间之奇福也。

家书：同治元年七月十四日

谕纪泽

尔作时文，宜先讲词藻，欲求词藻富丽，不可不分类抄撮体面的话头，近世文人，如袁简斋、赵瓯北、吴谷人，皆有手抄词藻小本。此众人所共知者。阮文达公为学政时，搜出生童夹带，必自加细阅。如系亲手所抄，略有条理者，即予进学；如系请人所抄，概录陈文者，照例罪斥。阮公一代宏儒，则知文人不可无手抄夹带小本矣。昌黎之记事提要。纂言钩元〔玄〕，亦系分类手抄小册也。

家书：咸丰九年五月初四日 谕纪泽

足下为古文，笔力稍患其弱。昔姚惜抱先生论古文之途，有得于阳与刚之美者，有得于阴与柔之美者，二端判分，画然不谋。余尝数阳刚者约得四家：曰庄子，曰扬雄，曰韩愈、柳宗元。阴柔者约得四家：曰司马迁，曰刘向，曰欧阳修、曾巩。然柔和渊懿之中必有坚劲之质、雄直之气运乎其中，乃有以自立。足下气体近柔，望熟读扬、韩各文，而参以两汉古赋，以

救其短，何如？

书信：咸丰九年三月十一日

加张裕钊片

余观汉人词章，未有不精于小学训诂者，如相如、子云、孟坚于小学皆专著一书，《文选》于此三人之文著录最多。余于古文，志在效法此三人，并司马迁、韩愈五家。以此五家之文，精于小学训诂，不妄下一字也。

家书：同治元年五月十四日

谕纪泽古人风范

自古圣贤豪杰，文人才士，其志事不同，而其豁达光明之胸大略相同。以诗言之，必先有豁达光明之识，而后有恬淡冲融之趣。如李白、韩退之、杜牧之则豁达处多，陶渊明、孟浩然、白香山则冲淡处多。杜、苏二公无美不备，而杜之五律最冲淡，苏之七古最豁达。邵尧夫虽非诗之正宗，而豁达、冲淡二者兼全。吾好读《庄子》，发其豁达足益人胸襟也。

家书：同治二年三月二十日

致沅弟

偶思古文、古诗最可学者，占八句云：“《诗经》之节，《尚书》之括，孟之烈，韩之越，马之咽，庄之跌，陶之洁，杜之拙。”

日记：同治五年正月十五日

凡诗文趣味约有二种：一曰诙诡之趣，一曰闲适之趣。诙诡之趣，惟庄柳之文，苏黄之诗，韩公诗文，皆极诙诡，此外实不多见。闲适之趣，文惟柳子厚游记近之，诗则韦孟白傅均极闲适；而余所好者，尤在陶之五古、杜之五律、陆之七绝，以为人生具此高淡襟怀，虽南面王不以易其乐也。尔胸怀颇雅淡，试将此三人之诗研究一番，但不可走人孤僻一路耳。……

家书：同治六年三月二十二日

谕纪泽

右选文分三种：气体高浑，格调古雅可以传世无疑者，为一种；议论郁勃，声情激越，利于乡会场者，为一种；灵机活泼，韵致妍妙，宜于岁科小试者，为一种。不分时代，不论题之大小，即其所分之三种，亦有可移易者。要之，吾之所见如此，以是为课弟之本云。

日记：道光二十一年十一月十四日

所谓四象者：识度即太阴之属，气势则太阳之属，情韵少阴之属，趣味少阳之属。

家书：同治五年十一月初二日 致沅弟

细玩孟子光明俊伟之气，惟庄子与韩退之得其仿佛，近世如王阳明亦殊磊落，但文辞不如三子者之跌宕耳。

日记：咸丰十一年九月十一日

二更后温《孟子》，分类记出，写于每章之首，如言心言性之属目，曰性道至言；言取与出处之属目，曰廉节大防；言自况自许之属目，曰抗心高望；言反躬刻厉之属目，曰切己反求。

日记：同治二年十月十八日

太史传庄子曰“大抵率寓言也”。余读《史记》亦“大抵率寓言也。”列传首伯夷，一以寓天道福善之不足据，一以寓不得依圣人以为师。非自著书，则将无所托以垂于不朽。次管、晏传，伤己不得鲍叔者为之知己，又不得如晏子者为之荐达。此外如子胥之愤、屈贾之枉，皆借以自鸣其郁耳。非以此为古来伟人计功簿也。班固人表，失其指矣。

读书录：史记

卫青、霍去病传，右卫而左霍；犹魏其、武安传，右宝

[窠] 而左田也。卫之封侯，意已含讽刺矣。霍则讽刺更甚。句中有筋，字中有眼。故知文章须得偏骜不平之气，乃是佳耳。

读书录：史记卫将军骠骑列传

三代以下陈奏君上之文，当以此篇及诸葛公《出师表》为冠。渊懿笃厚，直与六经同风。如“情欲之感，无间于义容；宴私之意，不形乎动静”等句，朱子取以入《诗经集传》，盖其立言为有本矣。

读书录：汉书

古人绝大事业，恒以精心敬慎出之。以区区蜀汉一隅，而欲出师关中，北伐曹魏，其志愿之宏大，事势之艰危，亦古今年罕见。而此文不言其艰巨，但言志气宜恢宏，刑赏宜平允，君宜以亲贤纳言为务，臣宜以讨贼进谏为职而已。故知不朽之文，必自襟度远大、思虑精微始也。

文：《鸣原堂论文·诸葛亮出师表》

奏疏以汉人为极轨，而气势最盛事理最显者，尤莫善于《治安策》。故千古奏议，推此篇为绝唱。可流涕者少一条，可长太息者少一条，《汉书》所载者，殆尚非贾子全文。

文：《鸣原堂论文·贾谊陈政事疏》

古人措辞之深秀，实非唐以后人所可及。特气有騫翥骏迈者，亦有不尽然者，或不免为辞所累耳。若以颜、谢、鲍、谢之辞而运之以子云、退之之气，岂不更可贵哉！

日记：咸丰十一年十二月廿九日

读《原毁》、《伯夷颂》、《获麟解》、《龙杂说》诸篇，岸然想见古人独立千古，确乎不拔之象。

日记：同治元年九月二十日

温韩文《柳州罗池庙碑》，觉情韵不匮，声调铿锵，乃文章中第一妙境。情以生文，文亦足以生情；文以引声，声亦足以引文。循环互发，油然不能自己，庶渐渐可入佳境。

日记：咸丰九年九月十七日

予论古文，总须有倔强不驯之气，愈拗愈深之意。故于太史公外，独取昌黎、半山两家。论诗亦取傲兀不群者，论字亦然。每蓄此意，而不轻谈。

家书：道光二十三年正月十七日

致澄沅弟诸弟

夜读《古文·杂记类》，微若有所得者。柳子厚山水记，似有得于陶渊明冲淡之趣，文境最高，不易及。

日记：咸丰十年八月廿一日

窃以先哲经世之书，莫善于司马文正公《资治通鉴》。其论古皆折衷至当，开拓心胸。如因三家分晋而论名分，因曹魏移祚而论风俗，因蜀汉而论正闰，因樊、英而论名实，皆能穷物之理，执圣之权。又好叙兵事所以得失之由，脉络分明；又好详名公巨卿所以兴家败家之故，使士大夫怵然知戒。实六经以外不刊之典也。阁下若能熟读此书，而参稽三通、两衍义诸书，将来出而任事，自有所持循而不至失坠。

书信：咸丰八年九月二十六日

加罗忠祐片

韩公五言诗本难领会，尔且先于怪奇可骇处、诙谐可笑处细心领会。可骇处，如咏落叶则曰：“谓是夜气灭，望舒陨其圆”；咏作文，则曰：“蛟龙弄角牙，造次欲手揽”；可笑处，如咏登科则曰：“侪辈瘦且热，喘如竹筒吹”。咏苦寒则曰：“羲和送日出，怵怯频窥觚”。尔从此等处用心，可以长才力，亦可添风趣。

家书：同治元年十二月十四日

谕纪泽

中饭后热极，因读东坡“但寻牛矢觅归路”诗，陆放翁“斜阳古柳赵家庄”诗，杜工部“黄四娘家花满蹊”诗，念古人脑次潇洒旷远，毫无渣滓，何其大也！余饱历世故，而心中犹不免计较将迎，又何小也！”

日记：咸丰九年四月十七日

东坡之文，其长处在征引史实。切实精当，又善设譬喻，凡难显之情，他人所不能达者，坡公则以譬喻明之。如“百步洪”诗首数句设譬八端，此外诗文亦几无篇不设譬者。此文以屠杀膳羞喻轻视民命，以捶楚奴婢喻上忤天心，皆巧于构想，他人所百思不到者，既读之而适为人人意中所有。古今奏议推贾长沙、陆宣公、苏文忠三人超前绝后。余谓长沙明于利害，宣公明于义理，文忠明于人情，吾辈陈言之道，纵不能兼明此三者，亦须有一二端明达深透，庶无格格不吐之态。

文：《鸣原堂论文·苏轼代张方平谏用兵书》

山谷学杜公七律，专以单行之气运于偶句之中；东坡学太白，则以长古之气运于律句之中。樊川七律，亦有一种单行剽姚之气。余尝谓小杜、苏、黄，皆豪士而有侠客之风者。

文：《大潜山房诗题语》

放翁胸次广大，盖与陶渊明、白乐天、邵尧夫、苏子瞻等同其旷逸。其于灭虏之意，养生之道，千言万语，造次不离真，可谓有道之士。

日记：咸丰十一年正月初四日

读震川文数篇，所谓风雪中读之，一似嚼冰雪者，信为清洁，而波澜意度，犹嫌不足以发挥奇趣。

日记：咸丰九年六月十八日

自孔孟以后，惟濂溪《通书》、横渠《正蒙》，道与文可谓兼至交尽。其次如昌黎《原道》、子固《学记》、朱子《大学序》，寥寥数篇而已，此外则道与文章不能不离而为二，鄙意欲发明义理，则当法《经说》、《理窟》及各语录札记；欲学为文，则当扫荡一副旧习，赤地新立。将前此所业，荡然若丧其所有，乃始别有一番文境。

书信：咸丰八年正月初三日

致刘蓉

望溪先生古文辞为国家二百余年之冠，学者久无异辞。即其经本之湛深，八股之文雄厚，亦不愧为一代大儒。虽乾嘉以来，汉学诸家百方攻击，曾无损于毫末。惟其经世之学，持论太高，当时同志诸老，自朱文端、杨文定数人外，多见谓迂阔而不近人情，此疏阅历极深，四条皆确实可行，而文气深厚，则国朝奏议中所罕见。

读书录：望溪文集矫除积习兴起人材札子书道纵横

以后作字，须讲究墨色。古来书家，无不善使墨者，能令一种神光活色浮于纸上。固由临池之勤染翰之多所致，亦缘于墨之新旧浓淡，用墨之轻重疾徐，皆有精意运乎其间，故能使光气常新也。

家书：咸丰八年八月二十日

谕纪泽

日内思作字道，刚健、婀娜二者缺一不可。余既奉欧阳率更、李北海、黄山谷三家以为刚健之宗，又当参以褚河南、董思白婀娜之致，庶为成体之书。

日记：咸丰十一年十月初十日

写字之中锋者，用笔尖着纸，古人谓之“蹲锋”，如狮蹲

虎蹲犬蹲之象。偏锋者，用笔毫之腹着纸，不倒于左，则倒于右。当将倒未倒之际，一提笔则为蹲锋，是用偏锋者，亦有中锋时也。

家书：咸丰八年十二月二十三日

谕纪泽

日内颇好写字，而年老手钝，毫无长进，故知此事须于三十岁前写定规模。自三十岁以后只能下一熟字工夫，熟极则巧妙出焉。笔意间架，梓匠之规也，由熟而得妙，则不能与人之巧也。吾于三四十岁时。规矩未定，故不能有所就。人有恒言，曰“妙来无过熟”，又曰“熟能生巧”，又曰“成熟”故知妙也、巧也、成也，皆从极熟之后得之者也。不特写字为然，凡天下庶事百技，皆先立定规模，后求精熟。即人之所以为圣人，亦须先立规模，后求精熟。即颜渊未达一间，亦只是欠熟耳，故曰：“夫仁亦在乎熟之而已矣。”

日记：咸丰九年四月初八日

尔所临隶书《孔庙碑》、笔太拘束，不甚松活，想系执笔太近毫之故，以后须执于管顶余以执笔太低，终身吃亏，故教尔趁早改之。《玄教碑》墨气甚好，可喜可喜。郭二姻叔嫌左肩太俯，右肩太耸。吴子序年伯欲带归示其子弟。尔字姿于草书尤相宜，以后专习真草二种，篆隶置之可也。四体并习，恐将来不能一工。

家书：咸丰八年十月二十五日

谕纪泽

奇横之趣与自然之致，缺一不可。日记：咸丰十一年七月初三日

因读李太白、杜子美各六篇，悟作书之道亦须先有惊心动魄之处，乃能渐入正果，若一向由灵妙处着意，终不免描头画

角伎俩。

日记：同治元年四月初二日

何子贞与予讲字极相合，谓我“真知大源，断不可暴弃”。予尝谓天下万事万理皆出于乾坤二卦。即以作字论之：纯以神行，大气鼓荡，脉络周通，潜心内转，此乾道也；结构精巧，向背有法，修短合度，此坤道也；凡乾以神气言，凡坤以形质言。礼乐不坤。作字而优游自得真力弥漫者，即乐之意也；丝丝入扣转折合法，即礼之意也。偶与子贞言及此，子贞深以为然，谓渠生平得力，尽于此矣。

家书：道光二十二年九月十八日

与澄沅沅季诸弟

大抵写字只有用笔、结体两端。学用笔，须多看古人墨迹；学结体，须用油纸摹古帖。此二者，皆决不可易之理。小儿写影本，肯用心者，不过数月，必与其摹本字相肖。吾自三十时，已解古人用笔之意，只为欠却间架工夫，便尔作字不成体段。生平欲将柳试悬、赵子昂两家合一炉，亦为间架欠工夫，有志莫遂。尔以后当从间架用一番苦功，每日用油纸摹帖，或百字，或二百字，不过数月，间架与古人逼肖而不自觉，能合柳、赵为一，此吾之素愿也。不能，则随尔自择一家，但不可见异思迁耳。

家书：咸丰九年三月初三日

谕纪泽

偶思古之书家，字里行间别有一种意态，如美人之眉目可画者也，其精神意态不可画者也。意态超人者，古人谓之韵胜。余近年于书略有长进，后当更于意态上右些体验功夫，因为四语，日鼃属鹰祝，拨打嚼绒，欲落不落，欲行不行。

日记：同治二年九月初六日

尔前用油纸摹字，若常常为之，间架必大进。欧、虞、颜、柳四大家是诗家之李、杜、韩、苏，天地之日星江河也。尔有志学书，须窥寻四人门径，至嘱至嘱！

家书：咸丰九年七月十四日

谕纪泽

是日悟作书之道，亦分阳刚之美、阴柔之美两端，偏于阳者取势宜峻迈，偏于阴者下笔宜和缓。二者兼并鹭，则两失之矣。余心每蹈此弊。

日记：同治四年十月二十日

余往年在京深以学书为意。苦思力索，几于困心横虑，但胸中有字，手下无字。近岁在军，不甚思索，但每日笔不停挥，除写字及办公事外，尚习字一张，不甚间断，专从间架上用心，而笔意笔力与之俱进，十年前胸中之字，今竟能达之腕下，可见思与学不可偏废。

日记：咸丰十一年二月廿五日

思作字之法，险字、和字二者缺一不可。

日记：咸丰十一年二月廿九日

凡作字总须得势，务使一笔可以走千里。

家书：道光二十三年六月初六日

致澄弟沅弟季弟

因悟作字之道，二者并进，有着力而取险劲之势。有不着力而得自然之味。着力如昌黎之文，不着力则如渊明之诗；着力则右军所称如锥画沙也，不着力则右军所称如印泥也。二者溯一不可，亦犹文家所谓阳刚之美、阴柔之美矣。

日记：同治三年五月初三百

至于写字，真行篆隶，尔颇好之，切不可间断一日。既要求好，又要求快。余生平因作字迟钝，吃亏不少。尔须力求敏

捷，每日能作楷书一万则几矣。

家书：咸丰八年七月二十一日

谕纪泽

尔近来写字，总失之薄弱，骨力不坚劲，墨气不丰腴，与尔身体向来轻薄之弊正是一路毛病。尔当用油纸摹颜字之《郭家庙》、柳字之《琅琊碑》、《玄秘塔》，以药其病。日日留心，专从厚重二字上用功。否则字质太薄，即体质亦因之更轻矣。

家书：同治元年四月二十四日

谕纪泽

作字时，先求圆匀，次求敏捷。若一日能作楷书一万，少或七八千，愈多愈熟，则手腕毫不费力。将来以之为学，则手抄群书；以之为政，则案无留牍。无穷受用，皆自写字之匀而且捷生出。

家书：咸丰八年八月二十日

谕纪泽

近来作书，略有长进，但少萧然物外之致，不能得古人风韵耳。

日记：同治三年五月十二日

久不作篆，生涩殊甚，乃知天下万事贵熟也。

日记：同治元年三月十七日

看刘文清公《清爱堂帖》，略得其冲淡自然之趣，方悟文人技艺佳境有二：曰雄奇，曰淡远。作文然，作诗然，作字亦然。若能合雄奇于淡远之中，尤为可贵。

日记：咸丰十一年六月十七日

尔写字笔力太弱，以后即常摹柳帖亦好。家中有柳书《玄秘塔》、《琅琊碑》、《西平碑》各种，尔可取《琅琊碑》日临百字、摹百字。临以求其神气，摹以仿其间架。

家书：咸丰十一年正月十四百

谕纪泽

习字临《千字文》亦可，但须有恒。每日临帖一百字，万万无间断。则数年必成书家矣。

家书：道光二十三年六月初六日

致温弟

因余作字不专师一家，终无所成。定以后楷书学虞、刘、李、王，取横势，以求自然之致，利在稍肥；行书学欧、张、黄、郑，取直势，以尽睨视之态，利在稍瘦。二者兼营并进，庶有归于一途之时。

日记：同治五年九月廿九日

……习大字，总以间架紧为主。写成之后，贴于壁上观之，则妍自见矣。

家书：咸丰十一年正月十四日 致澄弟

写零字颇多，悟北海上取直势，下取横势，左取直势，右取横势之法。大约直势本于秦篆，横势本于汉隶；直势盛于右军暨东晋诸帖，横势盛于三魏诸碑。唐初欧公用直势，褚公用横势，李公则兼用二势。

日记：同治五年五月廿五日

因困横之馀而悟作字之道：点如珠，画如玉，体如鹰，势如龙，四者缺一不可。体者，一字之结构也；势者，数字数行之机势也。

日记：咸丰十一年七月初五日

余近日常写大字，渐有长进，而不甚贯气，盖缘结体之际不能字字一律。如或上松下紧，或上紧下松，或左大右小，或右大左小。均须始终一律，乃成体段。余字取势，本系左大右小，而不能一律，故恒无所成。推之作右文辞，亦自有体势，

须篇篇一律，乃为成章。言语动作亦自有体势，须日日一律，乃为成德。否则，载沉载浮，终无所成矣。

日记：咸丰九年六月初一日

赵文敏集古今之大成，于初唐四家内师虞永兴，而参以钟绍京，因此以上窥二王，下法山谷，此一径也；于中唐师李北海，而参以颜鲁公、徐季海之沉着，此一径也；于晚唐师苏灵芝，此又一径也。由虞永兴以溯二王及晋六朝诸贤，世所称南派者也；由李北海以溯欧、褚及魏北齐诸贤，世所谓北派者也。尔欲学书，须窥寻此两派之所以分：南派以神韵胜，北派以魄力胜。宋四家。苏、黄近于南派，米、蔡近于北派，赵子昂欲合二派而汇为一。尔从赵法入门，将来或赵南派，或赵北派，皆可不迷于所往。

家书：咸丰九年三月二十三日

谕纪泽

柳臣言作字如学射，当使活力，不可使拙劲；颜、柳之书，被石工凿坏，皆蠢而无礼，不可误学。名言也。

日记：咸丰九年七月十三日

作字时，悟京中翰林善写白摺者，相传中有一丝牵贯于行间，作大字亦当知此意味。

日记：咸丰十一年十月初一日

余昔学颜柳帖，临摹动辄数百纸，犹且一无所似。余四十以前在京所作之字，骨力间架皆无可观，余自愧而自恶之。四十八岁以后，习李北海《岳麓寺碑》，略有进境，然业历八年之久，临摹已过千纸。今尔用功未一月，遂欲遽跻神妙耶？余于凡事皆用困知勉行工夫，尔不可求名太骤，求效太捷也。

以后每日习柳字百个，单日以生纸临之，双日以油纸摹之。临帖宜徐，摹帖宜疾，专学其开张处。数月之后，手愈拙，字

愈丑，意兴愈低，所谓“困”也。因时切莫间断，熬过此关，便可少进。再进再困，再熬再奋，自有亨通精进之日。不特习字，凡事皆有极困极难之时，打得通的，便是好汉。

家书：同治五年正月十八日

谕纪鸿三齐家之方勤俭为本

余蒙先人馀荫忝居高位，与诸弟及子侄谆谆慎守者但有二语，曰“有福不可享尽，有势不可使尽”而已。福不多享，故总以俭字为主，少用仆婢，少花银钱，自然借福矣。势不多使，则少管闲事，少断是非，无感者亦无怕者，自然悠久矣。

家书：同治二年六月初四日

致澄弟

吾家累世以来，孝弟勤俭。辅臣公以上吾不及见，竟希公、星冈公皆未明即起，竟日无片刻暇逸。竟希公少时在陈氏宗祠读书，正月上学，辅臣公给钱一百，为零用之需，五月归时，仅用去一文，尚馀九十八文还其父，其俭如此。星冈公当孙入翰林之后，犹亲自种菜收粪。吾父竹亭公之勤俭，则尔等所及见也。

今家中境地虽渐宽裕，侄与诸昆弟切不可忘却先世之艰难，有福不可享尽，有势不可使尽。勤字工夫，第一贵早起，第二贵有恒。俭字工夫，第一莫着华丽衣服，第二莫多用仆婢雇工。凡将相无种，圣贤豪杰亦无神，只要肯立志，都可以做得到的。侄等处最顺之境，当最富之年，明年又从最贤之师，但须立定志向，何事不可成？何人不可作？愿吾侄早勉之也。

家书：同治二年十二月十四日

谕纪瑞侄

凡人多望子孙为大官，余不愿为大官，但愿为读书明理之君子。勤俭自持，习劳习苦，可以处乐，可以处约，此君子也。

余服官二十年，不敢稍染官宦气习，饮食起居，尚守寒素家风，极俭也可，略丰也可，太丰则吾不敢也。凡仕宦之家，由俭入奢易，由奢返俭难。尔年尚幼，切不可贪爱奢华，不可惯习懒惰。无论大家小家、士农工商，勤苦俭约未有不兴，骄奢倦怠未有不败。尔读书写字，不可间断。早晨要早起，莫坠高曾祖考以来相传之家风。吾父吾叔，皆黎明即起，尔之所知也。

家书：咸丰六年九月二十九日

谕纪鸿

余亦不思久居此官，不欲再接家眷东来。夫人率儿妇辈在家，须事事立个一定章程。居官不过偶然之事，居家乃是长久之计。能从勤俭耕读上做出好规模，虽一旦罢官，尚不失为兴旺气象。若贪图衙门之热闹，不立家乡之基业，则罢官之后，便觉气象萧索。凡有盛必有衰，不可不预为之计。望夫人教训儿孙妇女，常常作家中无官之想，时时有谦恭省俭之意，则福泽悠久，余心大慰矣。

家书：同治六年五月初五日午刻

致欧阳夫人

凡家道所以可久者，不恃一时之官爵，而恃长远之家规；不恃一二人之骤发，而恃大众之维持。我若有福，罢官回家，当与弟竭力维持。老亲旧眷，贫贱族党，不可怠慢。待贫者亦与富者一般，当盛时预作衰时之想，自有深固之基矣。

家书：同治五年六月初五日

与澄弟

银钱、田产最易长骄气逸气，我家中断不可积钱，断不可买田，尔兄弟努力读书，决不怕没饭吃。

家书：咸丰十年十月十六日

谕纪泽纪鸿

昔吾祖星冈公最讲求治家之法，第一起早，第二打扫洁净，第三诚修祭祀，第四善待亲族邻里。凡亲族邻里来家，无不恭敬款接，有急必周济之，有讼必排解之，有喜必庆贺之，有疾必问，有丧必吊。

家书：咸丰十年闰三月初四日

谕纪泽

身处兹乱世，钱愈多则患愈大，兄弟与弟家总不宜存现银。现钱每年足敷一年之用，便是天下之大富，人间之大福。家中要得兴旺，全靠出贤子弟。若子弟不贤不才，虽多积银积钱积容积产积衣积书，总是枉然。子弟之贤否，大分本于天生，四分由于家教。

家书：同治五年十二月初六日 致澄弟

莫买田产，莫管公事，吾所嘱者，二语而已。盛时常作衰时想，上场当念下场时。富贵人家，不可不牢记此二语也。

家书，同治六年闰八月初四日

致澄弟

傲为凶德，惰为衰气，二者皆败家之道。戒惰莫如早起，戒傲莫如多走路，少坐轿。

家书：咸丰十年七月十四日

致澄弟

居家之道，可少有馀财，多财则终为患害。又不可过于安逸偷惰。如由新宅至老宅，必宜常常走路，不可坐轿骑马。又常常登山，亦可以练习筋骸。仕宦之家，不蓄积银钱，使子弟自觉一无可恃，一日不勤，则将有饥寒之患，则子弟渐渐勤劳，知谋所以自立矣。

家书：咸丰五年八月二十七百

致澄沅沆季诸弟

……但恐黄金堂买田起屋，以重余之罪戾，则寸心大为不安，不特生前做人不安，即死后做鬼也是不安。特此预告贤弟，切莫玉成黄金堂买田起屋。弟若听我，我便感激尔，弟若不听我，我便恨尔。但令世界略得太平，大局略有挽回，我家断不怕没饭吃；若大局难挽，劫数难逃，则田产愈多指摘愈众，银钱愈多抢劫愈甚，亦何益之有哉？

家书：咸丰十年十月初四日

致澄弟

居家之道，惟崇俭可以长久，处乱世尤以戒奢侈为要义。衣服不宜多制，尤不宜大镶大缘，过于绚烂。尔教导诸妹，敬听父训，自有可久之理……

（咸丰十一年八月二十四日谕纪泽）

吾细思凡天下官宦之家，多只一代享用使尽，其子孙始而骄佚，继而流荡，终而沟壑，能庆延一二代者鲜矣。商贾之家，勤俭者能延三四代，耕读之家，谨朴者能延五六代；孝友之家，则可以绵延十代八代。……故教诸弟及儿辈，但愿其为耕读孝友之家，不愿其为仕宦之家。诸弟读书不可不多，用功不可不勤，切不可时时为科第仕宦起见。

家书：道光二十九年四月十六日

致澄沅季诸弟

凡世家子弟，衣食起居无一不与寒士相同，庶可以成大器；若沾染富贵气习，则难望有成。吾忝为将相，而所有衣服不值三百金。愿尔等常守此俭朴之风，亦惜福之道也。

家书：同治元年五月二十七日

谕纪泽

余与沅弟同时封爵开府，门庭可谓极盛，然非可常恃之道。记得己亥正月，星冈公训竹亭公曰：“宽一虽点翰林，我家仍

靠作田为业，不可靠他吃饭。”此语最有道理，今亦当守此二语为命脉……。凡家道所以可久者，不恃一时之官爵，而恃长远之家规；不恃一二人之骤发，而恃大众之维持。

家书：同治五年六月初五日

致澄弟

家中兴衰，全系乎内政之整散。尔母率二妇诸女，于酒食纺绩三事，断不可不常常勤习。目下官虽无恙，须时时作罢官衰替之想，至嘱至嘱。

家书：同治五年十一月初三日

谕纪泽

吾家现虽鼎盛，不可忘寒士家风味，子弟为戒傲惰。戒傲以不大声骂仆从为首，戒惰以不晏起为首。吾则不忘蒋市街卖菜篮情景，弟则不忘竹山勒拖碑车风景，昔日苦况，安知异日不再尝之？

家书：同治六年正月初四日

致澄弟

儿女联姻，但求勤俭孝友之家，不愿与宦家结契联婚，不使子弟长奢侈之习。

家书：道光二十四年五月十二日

禀父母

乡间早起之家，蔬菜茂盛之家，类多兴旺，晏起无蔬之家，类多衰弱。

家书：咸丰十一年四月初四日 谕纪泽

家中遇祭，酒菜必须夫人率妇女亲自经手。祭祀之器皿，另作一箱收之，平日不可动用。内而纺绩做小菜，外而蔬菜养鱼，款待人客，夫人均须留心。吾夫妇居心行事，各房及子孙皆依以为榜样，不可不劳苦，不可不谨慎。

家书：同治五年十二月初一日

致欧阳夫人

家中种蔬一事，千万不可怠忽。屋门首塘养鱼，亦有一种生机，养猪亦内政之要者。下首台上新竹，过伏天后有枯者否？此四事者，可以觇人家兴衰气象。

家书：咸丰八年七月二十日

致澄弟季弟

家中养鱼、养猪、种竹、种蔬四事，皆不可忽。一则上接祖父以来相承之家风，二则望其外有一种生气，登其庭有一种旺气。虽多花几个钱，多请几个工，但用在此呈事上总是无妨。

家书：咸丰八年八月二十二日

致澄侯、季洪两弟

诸弟不好收拾洁净，比我尤甚，此是败家气象。嗣后务宜细心收拾，即一纸一缕，竹头木屑，皆宜捡拾伶俐，以为儿侄之榜样。一代疏懒，二代淫佚，则必有昼睡夜坐、吸食鸦片之渐矣。四弟、九弟较勤，六弟、季弟较懒，以后勤者愈勤，懒者痛改。莫使子侄学得怠惰样子，至要至要。子侄除读书外，教之扫屋，抹桌凳，收粪锄草，是极好之事，切不可以为有损架子而不为也。

家书：咸丰四年八月十一日

致诸弟

家中自父亲、叔父奉养宜隆外，凡诸弟及吾妻子吾诸女侄女辈，概愿俭于自奉，不可倚势骄人。古人谓无实而享大名者，必有奇祸。吾常常以此儆惧，故不能不详告贤弟，尤望贤弟时时教戒吾子吾侄也。

家书：咸丰四年八月十一日夜

致澄温沅季诸弟

尔今年十八岁，齿已渐长，而学业未见其益。陈岱云姻伯之子号杏生者，今年入学，学院批其诗冠通场。渠系戊戌二月所生，比尔仅长一岁，以其无父无母，家境清贫，遂尔勤苦好学，少年成名。尔幸托祖父余荫，衣食丰适，宽然无虑，遂尔酣蒙佚乐，不得以读书立身为事。古人云劳则善心生，佚则淫心生。孟子云生于忧患，死于安乐，吾虑尔之过于佚也。新妇初来，宜教之人厨作羹，勤于纺绩，不宜因其为富贵子女不事操作。大、二、三诸女已能做大鞋否？三姑一嫂，每年做鞋一双寄余，各表孝敬之忱，各争针黹之工。所织之布，所寄衣袜等件，余亦得察闺门以内之勤惰也。

家书·咸丰六年十月初二日

谕纪泽

世家子弟最易犯一奢字，傲字。不必锦衣玉食而后谓之奢也，但使皮袍呢褂俯拾即是，舆马仆从习惯为常，此即日趋于奢矣。见乡人则嗤其朴陋，见雇工则颐指气使，此即日习于傲矣。《书》称：“世禄之家，鲜克由礼。”《传》称：“骄奢淫佚，宠禄过也。”京师子弟之坏，未有不由于骄奢二字者，尔与诸弟其戒之，至嘱至嘱。

家书：咸丰六年十一月初五日

谕纪泽

余在外无他虑，总怕子侄习于骄奢逸三字。家败离不得个奢字，人败离不得个逸字，讨人嫌离不得个骄字。

家书：咸丰年十月二十四日

致澄弟

余意不愿在长沙住，以风俗华靡，一家不能独俭。

家书：同治四年八月二十一日

谕纪泽纪鸿

吾不欲多寄银物至家，总恐老辈失之奢，后辈失之骄。未有钱多而子弟不骄者也。吾兄弟欲为先人留遗泽，为后人惜馀福，除却勤俭二字。弟与沉弟皆能勤而不能俭，余微俭而不甚俭。子侄看大眼吃大口，后来恐难挽回，弟须时时留心。

家书：同治三年正月十四日

致澄弟

富昇修理旧屋，何以花钱至七千串之多？即新造一屋，亦不应费钱许多。余生平以大官之家买田起屋为可愧之事，不料我家竟尔行之。澄叔诸事皆能体我之心，独用财太奢与我意大不相合。凡居官不可有清名，若名清而实不清，尤为造物所怒。我家欠澄叔一千馀金，将来余必寄还，而目下实不能遽还……余将来不积银钱留与儿孙，惟书籍尚思添买耳。

家书：同治六年二月十三日

谕纪泽

吾家门第鼎盛，而居家规模礼节总未认真讲求。历观古来世家久长者，男子须讲求耕读三事，妇女须讲求纺绩酒食三事。《斯干》之诗，言帝王居室之事，而女子重在酒食是议。《家人》卦以二爻为主，重在中馈。《内则》一篇，言酒食者居半。故吾屡教儿妇诸女亲主中馈，后辈视之若不要紧。此后还乡居家，妇女纵不能精于烹调，必须常至厨房，必须讲求作酒作醢醢小菜换茶之类。尔等亦须留心于莠蔬养鱼，此一家兴旺气象，断不可忽。纺绩虽不能多，亦不可间断。大房唱之，四房皆和之，家风自厚矣，至嘱至嘱。

家书：同治五年六月二十六日

谕纪泽纪鸿

尔母性急而好体面，如其失明，即难久于存活。余尝谓享名太盛，必多缺憾，我实近之；聪明太过，常鲜福泽，尔颇近

之；顺境太久，必生波灾，尔母近之。余每以此三者为虑，计惟力行孝友，多吃辛苦，少享清福，庶几挽回万一。家中妇女近年好享福而全不辛劳，余深以为虑也。

家书：同治七年十二月十七日

谕纪泽

历鉴有国有家之兴，皆由克勤克俭所致，其衰也则反是。余生平亦颇以勤字自励，而实不能勤，故读书无手钞之册，居官无可存之牍。生平亦好以俭字教人，而自问实不能俭。今署中内外服役之人，厨房日用之数，亦云奢矣。其故由于前在军营，规模宏阔，相沿未改；近因多病，医药它资，漫无限制。自俭入奢易于下水，由奢反俭难于登天。在两江交卸时，尚存养廉二万金。在余切意不料有此，然似此放手用去，转瞬即已立尽。尔辈以后居家，须学陆梭山之法，每月用银若干两，限一成数，另封秤出。本月用毕，只准赢馀，不准亏欠。衙门奢侈之习，不能不彻底痛改。余初带兵之时，立志不取军营之钱以自肥其私，今日差幸不负始愿。然亦不愿子孙过于贫困，低颜求人。惟在尔辈力崇俭德，善持其后而已。

家书：同治九年六月初四日

谕纪泽、纪鸿

尔等奉母在寓，总以勤俭二字自惕，而接物出以谨慎。凡世家之不勤不俭者，验之于内眷而毕露。余在家深以妇女之奢逸为虑。尔二人立志撑持门户，亦宜自端内教始也。

家书：同治四年闰五月初九日

谕纪泽纪鸿

又寄银百五十两，合前寄之百金，均为大女儿于归之用。以二百金办奁具，以五十金为程仪，家中切不可另筹银钱，过于奢侈。过此乱世，虽大富大贵，亦靠不住，惟勤俭二字可以

持久。

家书：咸丰十一年九月二十四日

谕纪泽

未有主帅晏而将弁能早者也，犹之一家之中，未有家长晏而子弟能早者也。

家书：咸丰九年六月初四日

致澄弟

勤者生动之气，俭者收敛之气。

家书：咸丰八年十一月二十日

致澄沅季诸弟

盐姜颇好，所作棒麸子，酝菜亦好。家中外须讲求萌蔬，内须讲求晒小菜。此足验人家之兴衰，不可忽也。

家书：同治五年九月十七日谕纪泽纪鸿

一家之中勤则兴，懒则败，一定之理。

家书：咸丰四年六月初二日

致澄沅季弟

家中兄弟子侄，总宜以勤敬二字为法，一家能勤能敬，虽乱世亦有兴旺气象，一身能勤能敬，虽愚人亦有贤知风味。

书：咸丰四年七月二十一夜三更

致澄弟沅弟沅弟季弟

读书乃寒士本业，切不可有官家风味。吾于书箱及文房器具，但求为寒士所能备者，不求珍异也。家中新居富壤，一切须存此意，莫作代代做官之想，须作代代做土民之想。门外挂匾不可写“侯府”“相府”字样，天下多难，此等均未必可靠，但挂“宫太保第”一匾而已。

家书：同治五年十二月二十三日谕纪泽

我朝列圣相承，总是真正即起，至今二百年不改。我家高

曾祖考相传早起，吾得见竟希公、星冈公皆未明即起，冬寒起坐约一个时辰，始见天亮。吾父竹亭公亦甫黎明即起，有事则不待黎明，每夜必起看一二次不等，此尔所及见者也。余近亦黎明即起，思有以绍先人之家风。尔既冠授室，当以早起为第一先务，自力行之，亦率新妇力行之。

家书：咸丰九年十月十四日

喻纪泽

金陵署内木器之稍佳者，不必带去。余拟寄银三百，请澄叔在湘乡、湘潭置些木器，送于富塿。但求结实，不求华贵。衙门木器等物，除送人少许外，余概交与房主姚姓、张姓，稍留去后之思。

家书：同治五年三月初五日

喻纪泽

吾教子弟不离八本、三致祥。火者曰：读古书以训诂为本，作诗文以声调为本，养亲以得欢心为本，养生以少恼怒为本，立身以不妄语为本，治家以不晏起为本，居官以不要钱为本，行军以不扰民为本。三者曰：孝致祥，勤致祥，恕致祥。吾父竹亭公之教人，则专重孝字。其少壮敬亲，暮年爱亲，出于至诚。故吾纂墓志，仅叙一事。吾祖星冈公之教人，则有八字、三不信：八者，曰考、宝、早、扫、书、蔬、鱼、猪；三者，曰僧巫，曰地仙，曰医药，皆不信也。处兹乱世，银钱愈少，则愈可免祸；用度愈省，则愈可养福。

家书：咸丰十一年三月十三日

喻纪泽纪鸿

唯子侄须教一勤字一谦字。谦者骄之反也，勤者佚之反也。骄奢淫佚四字，惟首尾二字尤宜切戒。

家书：咸丰十年十月十四日午刻

致澄弟

古之英雄，意量恢拓，规模宏远，而其训诫子弟，恒有恭谨敛退之象。

文：《笔记二十七则英雄诫子弟》

大约世家子弟，钱不可多，衣不可多。事虽至小，所关颇大。

家书：同治元年五月二十四日

谕纪泽

余家后辈子弟，全未见过艰苦模样，眼孔大，口气大，呼奴喝婢，习惯自然，骄傲之气人膏肓而不自觉，吾深以为虑。

家书：咸丰十年十月初四夜

致沅弟季弟

盖儿子若贤，则不靠宦囊，亦能自觅衣饭；儿子若不肖，则多积一钱，渠将多造一孽，后来淫佚作恶，必且大玷家声。

家书：道光二十九年三月二十一日致澄

温沅季诸弟

吾家子侄半耕半读，以守先人之旧，慎无存半点官气。不许坐轿，不许唤人取水添茶等事。其拾柴收粪等事，须一一为之；插田莳禾等事，亦时时学之。庶渐渐务本而不习于淫荡矣。

家书：咸丰四年四月十四日

致澄温沅季诸弟

子侄除读书外，教之扫屋、抹桌凳、收粪、锄草，是极好之事，切不可以为有损架子而不为也。

家书：咸丰四年八月十一日

致澄弟温弟沅弟季弟

吾家于本县父母官，不必力赞其贤，不可力诋其非，与之相处，宜在若远若近，不亲不疏之间。渠有庆吊，吾家必到；

渠存公事，须绅士助力者，吾家不出头，亦不躲避。渠于前后任之交代，上司衙门之请托，则吾家丝毫不可与闻……

家书：同治元年九月初四日

致澄弟

舍侄科四、科六辈质地均可造就，惟吾乡读书间断时多，有恒者少，幸得名师诲导，祈于“有恒”二字加意。一曝十寒，圣贤所诫。

书信：咸丰九年二月二十九日复易良翰

孝亲友弟

孝友为家庭之祥瑞。凡所称因果报应，他事或不尽验，独孝友则立获吉庆，反是则立获殃祸，无不验者。吾早岁久宦京师，于孝养之道多疏，后来展转兵间，多获诸弟之助，而吾毫无裨益于诸弟。余兄弟姊妹各家，均有四宅之安，大抵皆九弟扶助之力。我身歿之后，尔等事两叔如父，事叔母如母，视堂兄弟如手足。凡事皆从省啬，独待诸叔之家则处处从厚，待堂兄弟以德业相劝、过失相规，期于彼此有成，为第一要义。其次则亲之欲其贵，爱之欲其富，常常以吉祥善事代诸昆季默为祷祝，自当神人共钦。温甫、季洪两弟之死，余内省觉有惭德。澄候、沅甫两弟渐老，余此生不审能否相见。尔辈若能从孝友二字切实讲求，亦足为我弥缝缺憾耳。

家书：同治九年六月初四

谕纪泽纪鸿

盖君子之孝，尤重于立身，内之刑家武乡，外之报国惠民。凡吾行事，足令人钦仰者，皆吾所以敬吾亲也；凡吾德意，足生人感恋者，皆吾所以爱吾亲也。推此以求，则尊显之道，事业无穷，未可酷于一哀，陨生灭性，不达继述之义，翻蹈细人之行。

书信：咸丰元年复江忠源

余欲尽孝道，更无他事，我能教诸弟进德业一分，则我之孝有一分；能教诸弟进十分，则我孝有十分；若全不能教弟成名，则我大不孝矣。……惟愿诸弟发奋立志，念念有恒，以补我不孝之罪。

家书：道光二十二年十一月十七日

致澄沅沔季诸弟

臣子与君亲，但当称扬善美，不可道及过错；但当谕亲于道，不可疵议细节。

家书：道光二十三年正月十七日

致澄沅沔季诸弟

夫家和则福自生。若一家之中，兄有言弟无从不，弟有请兄无不应，和气蒸蒸而家不兴者，未之有也；反是而不败者，亦未之有也。

家书：道光二十三年正月十七日

禀父母

尔为下辈之长，须常常存个乐育诸弟之念。君子之道，莫大乎与人为善，况兄弟乎？临三、昆八，系亲表兄弟，尔须与之互相劝勉。尔有所知者，常常与之讲论，则彼此并进矣，此谕。

家书：咸丰八年十月二十五日

谕纪泽

兄弟和，虽穷氓小户必兴，兄弟不和，虽世家宦族必败。

家书：道光二十三年二月十九日

禀父母

至于兄弟之际，吾亦惟爱之以德，不欲爱之以姑息。教之以勤俭，劝之以习劳守朴，爱兄弟以德也；丰衣美食，俯仰如

意爱兄弟以姑息也。姑息爱之，使兄弟惰肢体，长骄气，将来丧德亏行。是即我率兄弟以不孝也，吾不敢也。

家书：道光二十九年三月二十一日

致澄沅沅季诸弟

兄弟姒娣总不可有半点不和之气。凡一家之中，勤敬二字能守得几分，未有不兴；若全无一一份，未有不败。和字能守得几分，未有不兴；不和，未有不败者。

家书：咸丰四年八月十一日

致澄沅沅季诸弟

然兄弟之间，一言欺诈，终不可久。尽行揭破，虽目前嫌其太直，而日久终能相谅。

家书：道光二十九年三月二十一日

致澄沅沅季诸弟

诸弟能常进箴规，则弟即吾之良师益友也。而诸弟亦宜常存敬畏，勿谓家有人作官，而遂敢于侮人；勿谓己有文学，而遂敢于恃才傲人。常存此心，则是载福之道也。

家书：道光二十五年初五日

致澄沅沅季诸弟

余近以居位太高，虚名太大，不得闻规谏之言为虑。若九弟果能随事规谏，又得一二严惮之友，时以正言劝勸，内有直弟，外有畏友，庶几其免于太戾乎！居高位者，何人不败于自是！何人不败于恶闻正言哉！

日记：咸丰十年十一月初二日

人之忌我者，惟愿弟做错事，惟愿弟之不恭。人之忌弟者，惟愿兄做错事，惟愿兄之不友。弟看破此等物情，则知世路之艰险，而心愈抑畏，气反愈和平矣。

家书：同治三年五月二十三日

致沅弟

今人都将学字看错了，若细读“贤贤易色”一章，则绝大学问即在家庭日用之间。于孝弟两字上尽一分便是一分学，尽十分便是十分学。今人读书皆为科名起见，于孝弟伦纪之大，反似与书不相关。殊不知书上所载的，作文时代圣贤谈的，无非要明白这个道理。若果事事做得，即笔下谈不出何妨？若事事不能做，并有亏于伦纪之大。即文章说得好，亦只算个名教中之罪人。

家书：道光二十三年六月初六日

致澄沅季三弟

凡善将兵者，日日申诫将领，训练士卒。遇有战阵小挫，则于其将领责之戒之。甚者或杀之，或且泣且教，终日絮聒不休，正所以爱其部曲，保其本营之门面声名也。不善将兵者，不责本营之将弃，而妒他军之胜己，不求部下之自强，而但恭惟上司，应酬朋辈，以要求名誉，则计更左矣。余对两弟絮聒不休，亦犹对将领且责且戒，且泣且教也。

家书：同治六年七月初一日

致沅弟季弟

余每见嫁女贪恋母家富贵而忘其翁姑者，其后必无好处。余家诸女，当教之孝顺翁姑，敬事丈夫，慎无重母家而轻夫家，效浇俗小家之陋习也。

家书：同治二年八月初四日

诸纪鸿

又闻四妹起最晏，往往其姑反服事他。此反常之事，最足折福，天下未有不孝之妇而可得好处者……

家书：道光二十二年十月二十日

致澄沅季诸弟

尔信极以袁婿为虑，余亦不料其遽尔学坏至此。余即日当作信教之，尔等在家却不宜过露痕迹。人所以稍顾体面者，冀人之敬重也。若人之傲惰鄙弃业已露出，则索住荡然无耻，拚弃不顾，甘与正人为仇，而以后不可救药矣。我家内外大小于袁婿处礼貌均不可疏忽。若久不悛改，将来或接至皖营延师教之亦可。大约世家子弟，钱不可多，衣不可多。事虽至小，所关颇大。

家书：同治元年五月二十四日

谕纪泽

袁秉桢在徐州粮台扯空银六百两，行事日益荒唐。顷令巡捕传谕，以后不许渠见我之面，入我之公馆。渠未婚而先娶妾，在金陵不住内署，不入拜年，既不认妻子，不认岳家矣，吾亦永远绝之可也。

家书：同治五年三月二十九日

谕纪泽纪鸿

李申夫之母尝有二语云，“有钱有酒款远亲，火烧盗抢喊四邻”，戒富贵之家不可敬远亲而慢近邻也。我家初移富噢，不可轻慢近邻，酒饭宜松，礼貌宜恭。建四爷如不在我家，或另请一人款待宾客亦可。除不管闲事，不帮官司外，有可行方便之处，亦无吝也。

家书：同治五年十一月二十六日

谕纪泽

然吾观儿女多少成否，丝毫皆有前定，绝非人力所可强求。故君子之道，以知命为第一要务，不知命无以为君子也。尔之天分甚高，胸襟颇广，而于儿女一事不免沾滞之象。吾观乡里贫家儿女愈看得贱愈易长大，富户儿女愈看得娇愈难成器。尔夫妇视儿女过于娇贵，柳子厚《郭橐驼传》所谓旦视而暮抚、

爪肤而摇本者，爱之而反以害之。彼谓养树通于养民，吾谓养树通于养儿，尔与冢妇宜深晓此意。

家书：同治八年二月十八日

谕

惟柔可以制刚狠之气，惟诚可以化顽梗之民。即以吾一家而论，兄与沅带兵，皆以杀人为业，以自强为本；弟在家，当以生人为心，以柔弱为用，庶相反而适以相成也。

家书：同治五年八月初十百

与澄弟四 治军之术制胜在人

近年军中阅历有年，益知天下事当于人处着眼，小处下手。陆氏但称先立乎其大者，若不辅以朱子铢积寸累工夫，则下梢全无把握。故国藩治军，摒去一切高深神奇之说，专就粗浅纤悉处致力，虽坐是不克大有功效，然为钝拙计，则犹守约之方也。

书信：咸丰九年十月二十一日

致吴廷栋

凡与诸将语，理不宜深，令不宜烦，愈易愈简愈妙也。不特与诸将语为然，即吾辈治心、治身，理亦不可太多，知亦不可不[太]杂，切身日日用得着的不过一、两句，所谓守约也。

书信：咸丰九年十月二十八日

复李榕

然制胜之道，实在人而不在器。鲍春霆并无洋枪洋药，然亦屡当大敌。……和张在金陵时，洋人军器最多，而无救于十年三月之败。弟若专从此等处用心，则风气所趋，恐部下将士，人人有务外取巧之习，无反己守拙之道，或流于和、张之门径而不自觉，不可不深思，不可不猛省。真美人不甚争珠翠，真书家不甚争笔墨，然则将士之真善战者，岂必力争洋枪洋药乎？

同治元年九月十一日

与沅弟书

炸弹轮船虽利，然军中制胜，究在人不在器。

书信：同治元年十二月十一日

复左宗棠

肢体虽大，针灸不过数穴；疆土虽广，力争不过数处。

书信：咸丰十一年四月二十八日

复胡林翼

战事如鸡之伏卵，如妇之产子，气机惟己独知之，非他人所能遥度也。

书信：咸丰十年十二月十八日

致左宗棠

长虑却顾，因谨慎而拙滞，此正待用兵之短处。

书信：咸丰十年十月二十二日

复胡林翼

军事不可无悍鸷之气，而骄气即与之相连；不可无安详之气，而惰气即与之相连。有二气之利而无其害，有道君子尚难养得恰好，况弁勇乎。

书信：咸丰九年三月十五日

复胡林翼

军事之骄气、惰气，皆败气也。孔子之临事而惧，则绝骄之源：“好谋而成”，则绝惰之源。平日无时不谋，无事不谋，自无惰时矣。

书信：咸丰九年十二月二十三日

致李榕

……带兵之道。“勤、恕、廉、明”四字缺一不可。

日记：咸丰九年十一月初一日

……军中骄气则有浮淫之色，惰气则有晦滞之色，须时时察看而补救之。

日记：咸丰九年十一月二十五日

思州县之道，以四者力量要：一曰整躬以治署内，一曰明刑以清狱讼，一曰课农以尽地力，一曰崇俭以兴廉让。将领之道，以四者为最要：一曰戒骚扰以安民。一曰禁烟赌以儆惰，一曰勤训练以御寇，一曰尚廉俭以率下。

日记：咸丰十一年八月十七日

余因古人治兵之道，作诗之法，皆与音乐相通，而懵然不知，深以为耻。

日记：咸丰十一年十一月廿七日

练兵加八股家之揣摩，只要有百篇烂熟之文，则布局立意，常有熟径可寻，而腔调亦左右逢源。凡读文太多，而实无心得者，必不能文者也。用兵宜有简练之营，有纯熟之将领阵法，不可贪多而无实。

家书：同治元年十月十七日

致沅弟

《二十三史》除班、马外，皆文人以意为之，不知甲仗为何物，战阵为何物，浮词伪语，随意编造，断不可信。仆于《通鉴》中之不可信者，皆用笔识出矣。退庵若以编辑《二十三史》成书，为治军之蓝本，则门径已差，难与图功，阁下与之至交，须动之尽弃故纸，专从事于点名、看操、查墙之诸事也。

书信：咸丰十年七月十九日

复李元度

弟不虑阁下之不善抚士，不善用奇，为谋，为勇，俱非所虑，但虑方寸稍存轻敌之见，则恐为士卒所窥，亦足长其骄气。

书信：咸丰三年四月二十一日与张荣组

日中则昃，月盈则亏。自仆行军以来，每介疑胜败之际，战兢恐惧、上下休惕者，其后常得大胜；或当志得意满之时，各路云集，狃于屡胜，将卒矜慢，其后常有意外之失。

书信：咸丰六年九月初二日

与罗萱

夜与李申坎论营务处之道，一在树人，一在立法。有心人不以不能战胜攻取为耻，而以不能树人立法为耻。树人之道有二：一曰知人善任，一曰陶熔选就。

日记：咸丰九年九月初六日

仆于用兵，深以“主客”为重。扑营同以营盘为主，扑者为客；野战则以先至战地者为主，后至战地者为客；临阵则以先呐喊放枪者为主，后呐喊放枪者为客。

书信：咸丰六年八月初八日

与彭鹏罗萱

凡出队有宜速者，有宜迟者。宜速者，我去寻贼先发制人者也；宜迟者，贼来寻我，以主待客者也。主气常静，客气常动。客气先盛而后衰，主气先微而后壮。故善用兵者，最喜为主，不喜作客。

书信：咸丰十年五月初九日

复刘建德、
姚体备

又思战阵之事，须半动半静，动者如水，静者如山。又思兵不得已而用之，常存不敢为先之心，须大打第一下我打第二下也。

日记：咸丰九年二月廿八日

用兵之道与读书同，不日进则日退，须“日知其所亡，月

无忘其所能”为妙。

书信：咸丰八年十月二十六日

加强运兰片

打仗不慌不忙，先求稳当，次求变化；办事无声无臭，既要精到，又要简捷。

家书：咸丰八年正月初四夜

致沅弟

是夜读《史记·律书》，古人以用兵之道通于声律，故听音乐而知兵之胜败、国之存亡。

日记：咸丰十年十月廿四日

军事非权不成，非势不行。弟处无权、无势之位，常冒争权、争势之嫌，年年依人，顽钝寡效。惟冀一、二有道君子，赐之针砭，兼亮苦衷，即深夜冥行，庶有见明之日。

书信：咸丰九年二月十八日

加邹懿德

湘军之所以无敌者，全赖彼此相顾，彼此相救。虽平日积怨深仇，临阵仍彼此照顾，虽上午口角参商，下午仍彼此教授。

《曾胡治兵语录·和辑》

弟在军中，望常以爱民诚恳之意，理学迂阔之语，时时与弁兵说及，庶胜则可以立功，败亦不致造孽。当此大乱之世，吾辈立身行间，最易造孽，亦最易积德。吾自三年招勇时，即以爱民为第一义，历年以来，纵未必行得到，而寸心决不敢忘爱民两个字，尤悔颇寡。

咸丰十年四月二十二日

与沅弟书

吾家兄弟带兵，以杀人为业，择术已自不慎，慎于禁止扰民、解散胁从、保全乡官三端痛下工夫，庶几于杀人之中，寓

止暴之意。

咸丰十一年正月十四日

与四弟书

剿抚兼施之法，须在军威大振之后。目下各路俱获大捷，贼心极涣，本可广为招抚。第抚以收其头目，散其党众为上。收其头目，准其略带党众数百人为次；收其头目，准其带所部二三千如丰军者，为又次，若准其仍带全部，并盘踞一方，则为下矣，今之李兆寿踞滁、全者是也。弟可于此四等中酌度办理。

同治元年二月初二日

与沅弟书

李世忠辈暴戾险诈，最难驯驭。投诚六年，官至一品，而其党众尚不脱盗贼行径。吾辈待之之法，有应宽者二，有应严者二。应宽者：一则银钱慷慨大方，绝不计较，当充裕时则数十百万掷如粪土，当穷窘时则解囊分润，自甘困苦；一则不与争功，遇有胜仗，以全功归之，遇有保案，以优奖笼之。应严者：一则礼文疏淡，往还宜稀，书牋宜简，话不可多，情不可密；一则剖明是非，凡渠部弁勇有与百姓争讼而适在吾辈辖境及来诉告者，必当剖决曲直，毫不假借，请其严加德治。应宽者，利也，名也。应严者，礼也，义也。四者兼全，而手下又有强兵，则无不可相处之悍将矣。

同治元年四月十一日与沅弟书择将为先

窃尝以为无兵不足深忧，无饷不足痛哭，独举目斯世，求一攘利不先，赴义恐后，忠愤耿耿者，不可亟得；或仅得之；而又屈居卑下，往往抑郁不伸，以挫以去以死；而贪饕退缩者，果骧首而上腾，而富贵，而名誉，而老健不死，此其可为浩叹者也。

书信：咸丰三年正月

复彭申甫

大抵欲言兵事者，默揣本军之人才，能坚守者几人？能陷阵者几人？……

咸丰十年九月初十四

与沅弟书

带勇之法，以体察人才为第一，整顿营规，讲求战守次之。

咸丰七年十二月十四日

与沅甫九弟

抑又有请者，不难于勇，而难于带勇之人。带勇之人，第一要才堪治民，第二要不怕死，第三要不急名利，第四要耐受辛苦。治民之才，不外公、明、勤三字。不公不明，则诸勇必不悦服；不勤，则营务细巨，皆废他不治，故第一要务在此。不怕死，则临阵当先，士卒乃可效命，故次之。为名利而出者，保举稍迟则怨，稍不如意则怨，与同辈争薪水，与士卒争毫厘，故又次之。身体羸弱者，过劳则病，精神乏短者，久用则散，故又次之。四者似过于求备，而苟阙其一，则万不可以带勇。故弟尝谓带勇须智浑勇沉之士，文经武纬之才。

咸丰三年九月十七百

与彭洋中·曾毓芳

观人之法，以有操守而无官气，多条理而少大言为主。……尤以习劳苦为办事之本，引用一班能耐劳苦之正人，日久自有大效。……

咸丰十年七月初八日与沅、季二弟书

拣选将材，必求智略深之人。又须号令严明，能耐劳苦，三者兼全，乃为上选。

《曾胡治兵语录·将材》

大约选将以打仗坚忍为第一义，而说话宜有条理，利心不可太浓，两者亦第二义也。

书信：同治元年六月二十三日与沅弟书
其带勇之人，概求吾党血性男子，有忠义之气，而兼嫻韬铃之秘者，与之共谋。”

书信：咸丰三年十一月初一日

复林源恩

军旅之才，以朴讷安定为主，自是至论。

书信：咸丰十年九月初九日

复廓篙焘、郭昆焘

军中须得好统领营官。统领营官，须得好真心实肠，是第一义。算路程之远近，粮饷之缺乏，算彼己之强弱，是第二义。二者微有把握，此外良法虽多，调度虽艰善，有效有不效，尽人事以听天而已。

《曾胡治兵语录·将材》

弟之职分，以战守为第一义，爱民次之，联络上下官绅及各营弁勇又次之。已屡言之矣，务望持之以恒，始终如一为要。

书信：咸丰八年四月二十三日

与沅甫九弟书

军营宜多用朴实少心窍之人，则风气易于纯正。今大难之起，无一兵足供一割之用，实以官气太重，心窍太多，漓朴散醇，真意荡然。湘军之兴，凡官气重心窍多者，在所必斥。历岁稍久，亦未免沾染习气，应切戒之。

《曾胡治兵语录·诚实》

治军之道，总以能战为第一义。……故探骊之法，以善战为得珠，能爱民为第二义，能协和上下官绅为第三义。

书信：咸丰八年四月初九日

与沅甫九弟

至于行军之道，择将为先。得一将则全军振兴，失一将则士气消沮。

奏稿：咸丰元年正月初九日

选奉谕旨缕陈各路军情

念天下之稍有才智者，必思有所表现以自旌异于人。同当兵勇，则思于兵勇中翹然出其类；同当长夫，则思于长夫中翹然出其类；同当将官，则思于将官中翹然出其类；同为主帅，则思于众帅中翹然出其类。虽才智有大小、深浅之不同，其不知足、不安分，则一也。能打破此一副庸俗共有之识见，而后可与言道。

日记：咸丰十年闰三月十一日

带勇之人，诚如来示“不苟求乎全材，宜团量以器使”，然血性为主，廉明为用，三者缺一，若失輶輳，终不能行一步也。

书信：咸丰三年九月二十六日

与彭洋中

楚军水陆师之好处，全在无官气而有血性。若官气增一分，血性必减一分。

《曾胡治兵话录·诚实》

古来名将得士卒之心，盖有在于钱财之外者；后世将弁、专恃粮重赏优，为牢笼兵心之具，其本为已浅矣。是以金多则奋勇蚁附，利尽则冷落兽散。

书信：咸丰三年十月初八日

与王鑫

将领之浮滑者，一遇危险之际，其神情之飞动，足以摇惑军心；其言语之圆滑，足以淆乱是非，故楚军历不喜用善说话

之将。

书信：同治元年二月初三

百加姚体备片云岩打仗，能出则向前，入则殿后，此一端已有可为统领之质。又有血性而不忘本，有诚意而不扰民，若加意培养磨练，将来或可成大器也。

书信：咸丰十年四月初八日

复李续宜

省三用兵，亦能横厉捷出：不主故常。二十从戎，三十而拥疆寄，声施烂然，为时名将。惟所向有功，未遭挫折，蔑视此虏之意多，临事而惧之念少。若加以悚惕戒镇，豪侠而其敛退气象，尤可贵耳。

文：《大潜山房诗题话》

目今武弁中陋劣极多，苟有一长可取，即未宜轻摈之也。

书信：咸丰三年五月二十四复夏廷樾

窥疑古人论将，神明变幻，不可方物，几于百长并集，一短难容。恐变史册追崇之词，初非预定之品，要以衡材不拘一格，论事不求苛细，无因寸朽而弃连抱，无施数罟以失巨鳞。斯先哲之恒言，虽愚蒙而可勉。

《曾胡治兵语录·用人》

人材以陶冶而成，不可眼孔太高，动谓无人可用。

《曾胡治兵话录·用人》

余所见将才杰出者极少，但有志气即可予以美名而奖成之。

家书：同治五年九月初九日

谕纪泽、纪鸿治军以严

九弟临别，深言御下宜严，治事宜速。余亦深知驭军驭吏，皆莫先于严。

太史公所谓循吏者，法立令行，能识大体而已。后世专尚

慈惠，或以煦煦为仁者当之，失循吏之义矣。因思为将帅之道，亦以法立令行，整齐严肃为先，不责煦妪也。

日记：咸丰九年三月廿四日

吾湖南近日风气，蒸蒸日上。凡在行间，人人讲求将略，讲求品行，并讲求学术。弟与沅弟既在行间，望以讲求将略为第一义。点名看操等粗浅之事必躬亲之，练胆料敌等精微之事必苦思之。品学二者，亦宜以余力自励。

书信：咸丰十年六月二十七日

与季弟书

古人用兵，先明功罪赏罚。《曾胡治兵语录·严明》

医者之治瘵痼，甚者必剜其腐肉，而生其新肉。今日之劣弁嬴兵，盖亦当为简汰，以剜其腐者，痛加训练，以生其新者。不循此二道，则武备之弛，殆不知所底止。

《曾胡治兵语录·严明》

游勇抢奇者，假号牌入休城者，务乞立正军法，愈严愈好。若不与以猛剂，则此后葛藤愈多，整顿愈难。

书信：咸丰十一年三月二十五日

复张远兰

治军之道，以勤字为先。身勤则强，佚则病；家勤则兴，懒则衰；国勤则治，怠则乱；军勤则胜，惰则败。惰者，暮气也。

书信：咸丰十年十一月十六日致宋梦兰

治军以勤字为先，实阅历而知其不可易。未有平日不早起，而临敌忽能早起者；未有平日不习劳，而临敌忽能习劳者；未有平日不能忍饥耐寒，而临敌能忍饥耐寒者。

书信：咸丰十年十一月十九日

复宋梦兰

大约军事之败，非傲即惰，二者必居其一。

书信：咸丰十年九月二十四日

与沅、季二弟书

凡正话实说，多说几句，久之人自能共亮其心。即直话亦不妨多说，但不可以讦为直，尤不可背后攻人之短。驭将之道，最贵推诚，不贵权术。

《曾胡治兵语录·诚实》

楚军之所以耐久者，亦由于办事结实，敦朴之气，未尽浇散。若奏报浮伪，不特畏遐途之指摘，亦恐怀桑梓之风气。

《曾胡治兵语录·诚实》

湘勇住处有二：一则性质尚驯，可以理喻情感；一则齐心相顾，不肯轻弃伴侣。其不住处亦有二：一则乡思极切，无长征久战之志，一则体质薄脆，不耐劳苦，动多疾病。

书信：咸丰三年十一月初一日

复刘蓉

就现在之额兵练之，而化为有用，诚为善策，然习气太盛，安能更铸其面目荡涤其肠胃？恐岳王复生，半年可以教成其武艺，孔子复生，三年不能变革其恶习。

书信：咸丰三年二月

与魁联

然鄙意以为壮勇贵精而不贵多，……要须简择精严，临阵不至兽骇鸟散，则虽少亦决其有济。

书信：咸丰三年十月

与刘蓉

贪贼中资财，最易误事，吾见前此诸军因贪抢贼赃，转胜为败者，指不胜数。每谓骚扰为人鬼关，贪财为生死关，盖言爱民则人，扰民则鬼，力战遗财则生，贪财忘战则死也。

书信：同治二年五月初十百

复李榕

军行战胜，尤须坚明约束，无令骚扰地方。闻有并非楚勇、并非湘勇随之以去者，奸淫掳掠，无所不至，尤须认真访查，斩数人以惩其馀，是为至要。

书信：咸丰三年二月
与刘长佑

军士所过，有取民间一草一木不给钱者，即行正法。望两君日以斯言训儆之。

书信：咸丰三年二月二十六日

与刘长佑·王鑫

凡兵勇与百姓交涉者，总宜伸民气而抑兵勇，所以感召天和者在此，即所以要获名誉者在此，望阁下实心行之，幸勿视为老生常谈也。

书信：咸丰九年十二月初八加英坤修片
论作文宜通小学、训诂，又论军务须从日用眠食上下手。

日记：咸丰十年二月廿九日

近时所调之兵，天涯一百，海角五十，卒与卒不习，将与将不甘，此营既败，彼营掉臂而不顾，哆口而微笑，各营习见。夫危急之际，无人救应。谁肯向前独履危地，出万死之城，以搏他人之一微笑？鄙意欲练勇万人，呼吸相顾，痛善相关，赴火同行，蹈汤同往。胜则举杯酒以让功，败则出死力以相救。

书信：咸丰三年九月初二日与文希范

带勇之法，用恩莫如仁，用威莫如礼。仁者，即所谓欲立立人，欲达达人也。待弁勇如待子弟，常有望其成立，望其发达之心，则人知思矣。礼者，即所谓无众寡，无小大，无欺慢，泰而不骄也。正其衣冠，尊其瞻视，俨然人望而畏之，威而不猛也，持之以敬，临之以庄，无形无声之际，常有凜然难犯之象，则人知威矣。

日记：咸丰六年六月初四

周金城之教艺，尽是花法，不中实用，其徒八十人，多油滑浮动，难可深恃。弟前分三十人至贡院教湘勇，后见手足非是，仍尔谢遣。鄙意未可浮慕戚氏教阵之虚名，反忘场上目击之实效。

书信：咸丰三年三月初七

复张亮基

此次募勇，成军以出，要须卧薪尝胆，勤操苦练，养成艰难百战之卒，预为东征不归之计。若草率从事，驱不教之士，执虫脆之器，行三千里之远，以当虎狼百万之贼，未与交锋而军士之气固已馁矣，虽有一二主者忠义奋发，亦无心作其众而贞于久也。

书信：咸丰三年十月初三日复夏迁樾

吾辈带兵，如父兄之带子弟一般。无银钱无保举，尚是小事，切不可使之困扰民而坏品行，因嫖赌洋烟而坏身体。个个学好，人人成材，则兵勇感恩，兵勇之父母亦感恩矣。

《曾胡治兵语录·仁爱》

爱民为治兵第一要义，须日日三令五申，视为性命根本之事，毋视为要结粉饰之文。

《曾胡治兵语录·仁爱》

我待将官如兄弟，我待兵勇如子侄，你们随我也久长，人人晓得我心肠。愿尔将官莫懈怠，愿尔兵勇莫学坏。未曾算去先算回，未曾算胜先算败，各人努力各谨镇，自然万事都平顺。

诗：《水师得胜歌》

次青之于平江勇，则的爱而无憎，有奖而无激。柳子厚所谓“虽曰爱之，其实害之”。

书信：同治二年三月初一日《复李鸿章》

苟善治军，必见其有战则胜，有攻则取。若不以目所共见者为效，而但凭心所悬揣者为高，则将以虚薄为辨而贱名检，以望空为贤而笑勤恪。

文：《笔记二十七则·克勤小物》

营中无事，以勤操为第一要义。操队伍则临阵不至散乱，操枪炮则临阵不至早放。

书信：同治元年二月初三日

复江长贵

军营虽以人多为贵，而有时亦以人多为累，凡军气宜聚不宜散，宜优危不宜悦豫；人多则悦豫，而气渐散矣。营虽多而可恃者惟在一二营，人虽多而可恃者惟在一二人。如木然，根好株好而后枝叶有所託；如屋然，柱好梁好而后椽瓦有所丽。……遇小敌时，则枝叶之茂椽瓦之美尽可了事；遇大敌时，全靠根株培得稳，柱梁立得固，断不可徒靠人数之多，气势之盛。倘使根株不稳，柱梁不固，则一枝折而众叶随之，一瓦落而众椽随之，败如山崩，溃如河决，人多而反以为累矣。

书信：咸丰七年十月二十七日

与沅甫九弟书战阵之法

审机审势，犹在其后，第一先贵审力。审力者，知己知彼之切实工夫。……古人云兵骄必败，老子云两军相对哀者胜矣，不审力，则所谓骄也；审力而不自足，即老子之所谓哀也。

书信：同治元年九月二十四日

与沅弟书

军事如枪法，门户宜紧；如拳法，有伸有缩。若公入之太深，则有伸无缩矣。

书信：咸丰九年十月初八日复胡林翼

夫战，勇气也。再而衰，三而竭。国藩于此数语常常体验，

大约用兵无他谬[妙]巧，常存有馀不尽之气而已。孙仲谋之攻合肥，受创于张辽，诸葛武侯之攻陈仓，受创于郝昭，皆初气过锐，渐就衰竭之故。惟苟苴之拔逼阳，气已竭而忽振；陆抗之拔西陵，预料城之不能遽下而蓄养锐气，先备外援，以待内之自敝，此善于用气者也。足下忠勇内蕴，迈往无前，惟猛进有馀，好谋不中。吾愿足下学陆抗，气未用而预筹之，不愿学苟苴，气已竭而复振之。愿算毕而后战，不宜且战而徐算。

书信：咸丰六年五月初二

与李元度

罗罗山于五年八月至南康湖口一看，知其不足以图功，即决然舍我而去，另剿湖北。其时有识者，皆佩服罗山用兵能识时务，能取远势；余虽私怨罗山之弃余而他往，而亦未尝不服其行军有伸有缩，有开有合也。

书信：同治元年十月十三日

与沅弟书

凡打仗，一鼓再鼓，而人不动者，则气必衰减；凡攻垒，一扑再扑，而大不动者，则气必衰减。

书信：咸丰十年十一月二十日

复左宗棠

古人用兵，最重“变化不测”四字。弟行军太少变化。

书信：同治元年十月十三日与沅弟书

攻城最忌蛮攻。兵法曰：“将不胜其忿而蚁附之，杀士卒三分之一而城不拔者，此攻之罪也。”故仆屡次寄书，以蛮攻为戒。

书信：咸丰六年五月二十四日

与罗萱

用兵之道，全军为上，保城池次之。

书信：同治元年十月十五日

与沅弟书

但浪战浪追，为我军向来大弊。此次必须谋走后战，切不可蛮攻蛮打，徒伤士卒。

书信：咸丰六年五月十四

与彭鹏、罗萱

贼初来之日，不必出队与战，但在营内静看，看其强弱虚实，看得千准万准，可打则出营打仗，不可打则始终坚守营盘，或有几分把握。

书信：咸丰十年十月初五日 与沅弟书

守城煞非易事，银米、子药、油盐有一不备，不可言守备矣。又须得一谋勇兼优者，为一城之主。凡备多则力分，心专则虑周。

书信：咸丰十年十一月二十日

复左宗棠

至军务之要，亦有二语。曰“坚守已得之地，多筹游击之师”而已。

书信：同治二年三月二十九日

与沅弟书

兵多则拓地远鹜，兵少则敛抑退回。

书信：咸丰十年五月初十百复胡林翼

择地有两法：有自固者，有扼贼者。自固者择高山、择要隘，扼贼者择平坦必经之路，择浅水津渡之处。嗣后每立一军，则修碉二十座以为老营。环老营之四面方三百里，皆可往来梭剿，庶几可战可守，可奇可正，得四军可靠者，则变化无穷。

书信：咸丰十年十二月初八百复左宗棠

弟在军已久，阅事颇多，以后宜多用活兵，少用呆兵；多

用轻兵，少用重兵。进退开合，变化不测，活兵也；屯宿一处，师老人顽，呆兵也；多用大炮辎重，文员太众，车船难齐，重兵也；器械轻灵，马驮辎重，不用车船轿夫，飙驰电击，轻兵也。弟军积习已深，今欲全改为活兵、轻兵，势必不能，姑且改为半活半呆，年轻半重，亦有更战互休之时。望弟力变大计，以金陵、金柱为呆兵、重兵，而以进剿东堤、二漂为活兵、轻兵，庶有济乎？

书信：同治元年十月二十日

与沅弟书

渠言外之意，觉弟兵不可野战。吾则因金陵士卒用命，乐为之死，觉弟兵尽可野战。不知弟自度己力，野战果有几分把握否？要之能得众心，未有不可酣战之理。望弟决从余计，分作两枝。一枝呆兵，屯扎金陵；一枝活兵，凡金柱、东坝、小丹阳、二漂、句容等处，听弟择地而驻，相机而进。有急则两枝互相救应，去金陵总在二百里内外也，何如？

书信：同治元年十月廿三日

与沅弟书

久顿坚城之下，士气日损，宜思所以抽掣之法，善退之道。军事以气为主，瀹去旧气，乃能重生新气。若不改头换面，长守此坚壁，以日夜严防而不得少息，则积而为陈腐之气，如败血之不足以养身也。望两君子精心维持，于十里之外求一善地，相机而退扎一步，养息此气。今日之善退，正以为他日善进之地。

书信：咸丰六年七月十五日

与林源恩、李元度

惟不筹出一支结实可靠之活兵，在外纵横驰击，而专以合围攻坚为念，似非善计。咸丰三、四、五年，向帅在金陵，兵

不满三万，饷亦奇绌，向军与金陵悍贼相持，而又分兵援庐州，援宁国、打镇口、打芜湖，中外皆称向兵为天下劲旅，而余不甚以为然者，以其不能从大处落墨、空处着笔也。弟用兵之规模远胜于和，而与向相等，空处全不着笔，专靠他军，可尽恃乎？

书信：同治二年五月初四日

与沅弟书

师行所至之处，必须多问多思。思之于己，问之于人，皆好谋之实迹也。昔王璞山带兵，有名将风。每与敌遇，将接仗之前一夕，传各营官齐集，与之畅论敌情地势。袖中出地图十余张，每人分给一张，令诸将各抒所见，如何进兵，如何分支，某营埋伏，某营并不接仗，待事毕后专派追剿。诸将一一说毕，璞山乃将自己主意说出，每人发一传单，即议定之主意也。次日战罢有与初议不符者，虽有功亦必加罚。其平日无事，每三日必传各营官论战守之法。

《曾胡治兵语录·战守》

初五日城贼猛扑，凭壕对击，坚忍不出，最为合法。凡扑人之墙，扑人之壕，扑者客也，应者主也。我若越壕而应之，则是反主为客，所谓致于人者也。我不越壕，则我常为主，所谓致人而不致于人也。稳守稳打，彼自意兴索然。峙衡好越壕击贼，吾常不以为然。凡此等处悉心推求，皆有一定之理。迪安善战，其得诀在不轻进不轻退六字，弟以类求之可也。

书信，咸丰八年四月十七日

与沅甫九弟

军无后继，是古来一大忌。

大旆不可深入，各营不宜散扎。

书信：咸丰年九月十二月初七日

复胡林翼

带勇总以能打仗为第一义。现在久顿坚城之下，无仗可打，亦是闷事。如可移扎水东，当有一二大仗开。第弟营之勇，锐气有余，沉毅不足，气浮而不敛，兵家之所忌也，当祈细察。偶作一对联箴弟云：打仗不慌不忙，先求稳当，次求变化；办事无声无息，既要精到，又要简捷。

书信：咸丰八年正月初四与沅甫九弟

危急之际，尤以全军保全士气为主。孤军无助，粮饷不继，奔走疲备，皆散乱必败之道。

《曾胡治兵语录·兵机》

凡用兵最重气势二字。此次弟以二万人驻于该处，太不得势。兵勇之力，须常留其有余，乃能养其锐气，缩地约守，亦所以蓄气也。

书信：同治元年九月初九日

与沅弟书

敌援军多能战之士，如逼开仗，我省兵六营者不可出队太早，冲锋太快，须待楚军先打，而省兵后进，无以怯弱为耻。队伍切要整齐，无使前者冲锋，后者不继，待为敌援军所笑。

书信：咸丰六年七月十八日

致彭鹏、罗萱

约期打仗，最易误事，余所见甚多。

书信：咸丰十一年四月十二日

与沅弟书

攻城攻垒，总以敌人出来接仗，击败之后，乃可乘势攻之。若敌人静守不出，无隙可乘，则攻坚徒损精锐。

书信：咸丰十一年四月十二日

与沅弟书

用兵人人料必胜者，中即伏败机；人人料必挫者，中即伏生机。

书信：咸丰十一年四月十二日

与沅弟书

凡行军最忌有赫赫之名，为天下所指目，为贼匪所必长争。莫若从贼所不经意之处下手，既得之后，贼乃知其为要隘，起而争之，则我占先着矣。

书信：同治元年十月初三日

与沅弟书

用兵之道，最忌势穷力弱四字。力则指将士之精力言之。势则指大局大计及粮饷之接续，人才之继否言之。能战虽失亦算胜，不能战虽胜亦算败。

《曾胡治兵语录·兵机》

凡军行太速，气太锐，其中必有不整不齐之处，惟有一静字可以胜之。不出队，不呐喊，枪炮不能命中者不许敌放一声，稳住一二日，则大局已定。

书信：咸丰十一年二月二十二日

与沅、季弟书

三叠枪阵法、撒星阵法，皆本之李穆堂侍郎。自为破贼妙法，特操演不熟，则临事仍旧散乱。古法可用者多，总在平日习惯，临阵不尽弃忘，斯为有补也。

书信：咸丰三年十一月初一日《复林源恩》

合围之道，总以断水中接济为第一义。百余里之城，数十百万贼，断非肩挑陆运所能养活。

书信：同治二年五月二十一日

与沅弟书

其孝陵卫以北，不妨空缺，不必合围。盖大致米粮难入，则城中强者可得，弱者难求，必有内变争夺之事。若合围太紧，水息不通，无分强弱，一律颗粒难通，则反足以固其心，而无争夺内变，投诚私逃之事矣。不知弟亲历其境，以余此说为然否？

书信：同治二年十月二十二日

与沅弟书